積微獨語文集之十七



楊樹達文集之十七

積積微微

上海古籍出版社

《楊樹達文集》編輯委員會

主編:楊伯峻副主編:周秉鈞

編 委: (按姓氏筆劃排列)

王 顯 包敬第 何澤翰周秉鈞 易祖洛 林增平高 揚 郭晉希 孫德宣崔文耀 楊伯峻 廖海廷管燮初



楊樹達文集之十七 積 微 翁 回 憶 録 積 微 居 詩 文 鈔 楊樹達 撰

上海古籍出版社出版

** * * * 上海發行所發行 上海新華印刷廠印刷

開本 850×1156 1/32 印張 16.875 字數 374,000 插頁 (精) 7 (平) 3

1986年11月第1版 1986年11月第1次印刷印數: (精)0,001-1,200 (平)0,001-2,800

統一書號: 17186·69 定價: (平) 3.45 元



人夫的他和生先達樹楊 (學大山中州廣·年八四九一)



生先祚承商和生先達樹楊 (前宅楊山麓岳沙長年五五九一)



信封兩的生先達樹楊覆志同東澤毛

函學論生先達樹楊致生先炎太章

完成百分及素 大孝官在申查科山因熟以前沒并先及分別的產如本情有不在公司的不不知公司不不知為不知者不得不知我我们的名子也也是我们是我们不住我们也我就要仍是你们有我就要的人,你是我们是我就看到、两耳我们是本根其我就分付你不知了、局方以在嚴納者沒沒不会有到三百般之後我

華大東先生本和 出生进打女子

較 著 如積微翁回憶錄等,對研究楊先生生平、思想、學術成就及治學方法等等,也有很大價值。 論叢等等,都具有很高的學術價值,幷在學術界產生過巨大影響;此外,他還有一些未發 漢書等古籍的 家 (漢文文言修辭學)、詞詮、古書句讀釋例、漢書窺管、積微居金文說、積微居甲文說、積微居 系統 作, 和 史學家。 楊樹達先生字遇夫(一八八五 雖然很多都已發表過了, 而 完整地介紹楊先生的著作, 研究, 早年留學日本,歸國後執教于高等學府, 勤于著述, 但他去世至今已二十八年 造詣 —一九五六年), 爲了更好地學習、研 極 高。 楊先生生平的著作很豐富, 湖南長沙人, 致力于古漢語語法、修辭, 究和 尚未編有總集。 繼承楊先生的這份豐富的 中國近 其已出版 爲了向讀者 現代著名的 者如 金甲文字, 一中國 語言文字 和 學 表的著作, 小學金石 楊先生的 研 術遺產 修辭 究者比 以及

上海古籍出版社

我們特請楊樹達文集編輯委員會編輯了這部總集,

分册

出

版。

一九八三年五月



微 箱 憶 绿

自立

册也 此兩種今大都散佚,僅存辛丑讀書日記一冊,丁未、戊申當用日記二冊而已。一九二〇年(民國 再遊北京,八月廿九日始續書日記。 輟。 庚子年,余入求實書院, 余生平無他嗜好 此錄除無記追憶者外,大抵皆出自此五十冊日記中也。(一九三一年一月日記云,見有庚子、 旅日時見書坊每于歲末備明年當用日記。 惟喜讀書。 有讀書日記。 心有所會, 自此以來,除偶因病缺記外, 續爲之者四、五年,得六、七册;至一九〇五年(乙巳)遊 則筆之于書, 年購一冊, 以爲至樂。 取以記每日作業;計當有六、七冊。 日日有記。 憶公元一千九百年, 今方寫日記第四十八 郎前清 九年)

壬寅、癸卯讀書日記三冊,今又皆失之矣。)

記中偶遺未記者,則據文題下之月日載入錄中。 **佘撰文字,必于文題下記年、月、日。** 積微居文錄及小學金石論叢皆 可見也。 故有所撰文字, 日

加以 人旣在勵余,余便姑取以自勵;故卷中存者頗多。 獎藉。 **余撰文字**, 亦有貢獻己意, 往往印成講義。 加以商権, 亦偶布于諸雜 而余遂據以芟薙或改正 誌, 必以其餘份寄呈友人求教。 阿好之辭,自多溢美,非語 者;以此余得益甚 語 諸友意在勵 信爲 宏。 献然 至獎 也 余,時時 藉之語,

余性不喜談政治。 積微翁回憶錄自序 中年涉世,見純潔士人一涉宦途,便腐壞墮落,不可挽救;遂畏政治如蛇蝎。

憶錄

白今日觀之,人在社會,决不能與政治絕緣。余往時所見,實爲錯誤。至仕途腐爛,亦國民黨及軍閥

上犯大錯誤之人如陳獨秀者,與余雖未謀一面,然以討論文字學之故,亦曾有書札往還。此等皆屬 之政權時如此,非所語于今日人民政府之時代也。昔年在京,往復論學之人有喜談政治者, 學問上之因緣,與政治絕無關涉也。 慮或誤解,聊復言之。 而政治

積微翁回憶錄目次

 	一八九六年・・・・・・・・・・・・・・・・・・・・・・・・・・・・・・・・・・・・
一八八六年	
	:
一八八八年	
一八八九年 二	一九〇二年
一八九〇年 二	一九〇三年
一八九一年 二	一九〇五年
一八九二年 三	一九〇六年
一八九三年 =	一九〇七年
一八九四年 三	一九〇八年
一八九五年	一九〇九年

口 九 八 八 七 七 六 六 六 五 四

積微翁回憶錄目次

九二五年 一 一九	九二四年110 一九	九二三年 一九	九二二年	九二一年 一九	九二〇年 一 一九	九一九年	九一八年 一	九一七年	九一六年三 一九	九一五年三 一九	九一四年 一 一九	九一三年 一九	九一二年一一九	九一一年10 一	ガー〇年************************************
九四一年	九四〇年	九三九年 1四	九三八年 三元	九三七年	九三六年 104	九三五年	九三四年	九三三年	九三二年	九三一年	九三〇年	九二九年四	九二八年	九二七年	九二六年

一九五〇年	一九四九年	一九四八年 二 三	一九四七年 三	一九四六年 [三	一九四五年 三九	一九四四年••••• 10个	一九四三年 元	一九四二年 1六
	一九五六年	一九五五年	一九五四年	一九五三年七月	補編 三六九	一 一九五三年一至六月 三	一九五二年 三	一 九五一年 三
		九	主	三六九	元	三五七	릋	= 0

積微翁回憶錄 一九五〇年九月廿九日

公元一八八五年(清光緒十一年乙酉),年一歲。

讀書甚力。翰仙公性篤厚,少時以力學致病咯血。喜讀史記、資治通鑑、唐宋八家古文;於科舉帖 稱。祖父炳南公體魁梧,聲如洪鐘;性伉直,人有過,面斥不少假。自以貧故早輟學,督吾父翰仙公 把差,家中落。至曾祖春台公時益困;遂移居會垣,治菜圃。 局事,人欲賄先君,先君婉拒之。吾母孔太夫人性慈愛而有斷。以禮法督敎子女。善治家,初處約, **薦不售。戊戌歲試補增生,後入貲爲候選訓導,加中書科中書銜。性廉介,在乾州廳幕及任湖南礦** 括程式不甚措意。清光緒壬辰,年三十四,始受知於錢塘張子處學使,預補長沙府學附生。 **晚境稍豐,勤勞樸素終始如一焉。 太夫人生男女十人,天者四人。 余有兄一,弟一,女兄二人,女弟** 是年四月十九日,生於長沙北門正街宗伯司臣坊側之賃居。余先世力農,以貲雄於一鄉。 春台公雖居貧,爲人尚義俠, 以正 鄉試屢 以火

八八六(光緒十二年丙戌),年二歲。

積

一八八七(光緒十三年丁亥),年三歲。

一八八八(光緒十四年戊子),年四歲。

一八八九(光緒十五年已丑),年五歲。

是年先君爲人授徒,館於外;大父炳南公教余識字。

一八九○(光緒十六年庚寅),年六歲。

父孔曉殿公築新居於小東茅巷成,頗有餘屋。母舅蔣村公須聘業師,孔太夫人因請於外祖, 令舅氏從先君受業, 是年始從先君受讀。先君頫年館於外,爲人課子弟,不能家居教余兄弟,每以爲憂。 不致館穀, 而以其餘屋令吾家寓居以爲酬。 於是先君始得安居於家, 是年,外祖 外祖逐 訓吾兄

八九一(光緒十七年辛卯),年七歲。

弟焉。

懷,不敢宣諸口也。 既從先君受書, 及少長,讀爾雅,乃知世間早有此書矣。 略識 訓詁文義。 一日偶思:取訓義相同之字聚集爲一編, 豈不大佳乎? 私蓄於

八九二(光緒十八年壬辰),年八歲。

是年先君翰仙公補長沙府學附生。

八九四(光緒二十年甲午),年十歲。 八九三(光緒十九年癸巳),年九歲。

觀。 清廷戰敗於日本,國人憤慨。 余後跋吳公所著字說,繫以七律一首,有「求雨曾窺董相姿」之句,記此事也。 是年湖南大旱,巡撫吳縣吳公大澂,盛衣冠,步行通衢,於雨於諸神廟。 大父炳南公攜余兄弟往

八九五(光緒二十一年乙未),年十一歲。

是年先君始課余作文。先君不喜應試之八股文,故督余兄弟作論說。 時余方讀春秋左氏傳,恆

以左傳事實命題焉。

八九六(光緒二十二年丙申),年十二歲。

自甲午中日戰後,國人憤慨,力圖自強之策,士論皆謂宜求實學。 先君命先伯兄亦能(樹穀)從 公元一八八七——一八九六年 Ξ

習算學。 先兄有所知,又以授余。 於是余於諮經、古文之外無習數學焉。

一八九七(光緒二十三年丁酉),年十三歲,

乎? 歸 得數,示易君。易君首肯,復率余向學使復命。學使遂於余閱書證上批云:「准該生免費入會。」余等 學使案前署名,有一人指余私語其友曰:「此少年頗解算學。」蓋余與兄語時,此君從旁聞之也。 任俠,愛國之心至篤。 學使致謝後,言兒輩向來共學,仍求爲先兄兒費。 令召易君至,謂曰:"聞此生頗知算學,可命題試之。」 易君因領余至其居室,以開方題 名訖,學使問余曰:「爾曾入會否?」對曰:「未也。」問:「何不入會?」曰:「家寒,不能備學費耳。」學使 習算學, 亦較進。 算學、地理、英文者各一人爲教習。入會講習者,人繳費制錢拾千文,畢業後退還。 余兄弟甚願 (永年), 丈新受知於學使, 得拔 家, 」校經堂頗有藏書,江先生特開放,令堂外人來堂閱覽。 四月。 家人問 而費無 戊戌政變,江先生以新黨落職。 湖南提學使元和江建霞先生(標)設實學會於北門外湘水校經堂(今為廣益中學), 知,皆以爲喜。 所出。 庚子起義之役,丈與焉。事敗, 憤而爲僧, 開學之日,余等往觀,見算學敬習易君講授開方術。 然余獨入會而伯兄不能偕, 貢者 也。 明日,畢丈偕先君 先生之風流儒雅, 愛才如命, 至今湘士有遺愛焉。 學使允之。 率余至學使署致謝,先兄亦偕 則仍恨事也。先君 各發閱書證一紙,令署已名氏。 於是余兄弟寓堂習算學 後沒於南洋。 余笑謂兄曰:「此不甚易 因走 章太炎先生嘗爲其 商好友畢松甫丈 命 者 余布算。 往。 數 月, 畢丈性 余方立 先君 入會 延通 所學 余 向

力創辦 袁不得已,取消帝制,遂憤鬱以死。 以庚子起義 李嶧琴先生(維格)。 序。 時務學堂。 殉國。 湖南巡撫義寧陳公寶箴一按察使嘉應黃公遵憲與湘紳鳳凰熊公希齡、瀏陽譚公嗣同等合 第二名爲邵陽蔡君艮寅,後改名鍔。 考取 梁先生用孟子及公羊春秋爲教本,主張民權革命之說;學者思想爲之一變。 第一 班學生四十人,伯兄及余皆與焉。 堂中中文總教習爲新會梁任公先生(啓超), 袁世凱稱帝, 第一名爲慈利李君炳寰,字號生, 蔡君起義於雲南, 西文總教智爲吳縣 攻克四川 後

八九八(光緒二十四年戊戌),年十四歲。

主 發 亦入選,次場被擯 一張維 病,遂輟學。 時務學堂授課, 新救國,與梁先生爲同志。 七月間, 每日上午英文四時,下午中文二時。 童生院試, 肄業時務諸生未入學者,是年,大抵獲雋。 伯兄補長沙 縣學附生。 余年較稚,每日正座六時,體力不勝。 學使爲宛平徐研甫先生(仁鑄)。 院試例試兩場,余首場 徐先生 春間

憲、 矣! 徐公仁鑄、 八月,政變, 熊公希齡皆貶黜。 湖南新政如警察、學會、報館、電燈,一 譚公嗣同戮於京師。 切皆廢。 於是西太后及舊派之勢大張, 時務學堂解散。 陳公寶箴、黃公遵 新機催 製殆

盡

八九九(光緒二十五年已亥),年十五歲。

九〇〇(光緒二十六年庚子),年十六歲。

秋間,余入水實書院肄業。時務學堂解散後,湘大吏改設此院。 經史外, **棄備算學、英文二科,**

不習者聽之。余無習算學。同學湘潭周大椿,字季良,頗好學,與余相得。季良有兄名大寬,字靜軒, 博學多聞。余時時從之問疑,頗有所得。

是年始,讀書頗動,始寫讀書日記。

九〇一(光緒二十七年辛丑),年十七歲。

肄業求實。

九〇二(光緒二十八年壬寅),年十八歲。

懼自具餐爨之苦,又頗淡於科名,辭不應。 肆業求實。八月鄉試,先君及伯兄皆入場。 先君亦不強也。 榜發,伯兄中式副貢。初,先君頗欲余入場應試。余

從人假得阮氏詩書古訓,讀而好之。時方治周易,遂依其體例輯周易古義。

九〇三(光緒二十九年癸卯),年十九歲

後取出觀風卷,亦名列第一。批語盛獎有加。 使隨即批閱,於文末說孝經源流處,濃圈密點。 選。復試題爲漢明帝令期門羽林之士習孝經論。文思飈發,信筆疾書,頃刻而就,第一人繳卷。學 意甚般,督余撰文應課。余爲文八篇付去。五月院試經、古。余報經學,繼考正場四書義。案發,入 (元儀),先生以經學名也。新學使錢塘吳子修先生(慶坻)涖湘, 」旋呼余至前,以卷付余,命錄前兩場首鑿文首各三百字。余如命錄交。 是年求實改爲大學堂,余去院家居。年來治經之志甚切,遂偕伯兄同往問業於湘潭胡子威先生 旋調余入校經堂肄業。堂規:肄業生月給銀四兩, 批語云:「鎔經鑄史, 發佈觀風課題。 卓爾不羣,少年得此, 晚間案發,余列名第一。 先君望余之學之 尤為可

九〇五(光緒三十一年乙巳),年二十一歲。

課獎在外。

學使意在激勵余誦讀,

至厚 也

應

危亡在即,力勸 .遊,余遂亦往應試,皆得錄取。 大父炳南公望余兄弟得科名之心素切, 且言明年當返國應鄉試,遂不強阻。 壬寅以來,士子往日本留學者至夥。 往 遊 余初不以爲意,久而不免心動。 先是先君爲余聘吳惺源先生之第三女爲室。至是吳府聞余 去年周季良亦往遊,時時以書抵余,陳說世界大勢。謂中國 適湖南巡撫端 公方擬派學生赴日本。 意不欲余等行。 余兄弟力 伯兄 决

公元一八九九——一九〇五年

屋,余即與季良同寓。飲食爲中國蔬肴,至安適。余獨居一小樓,尤僻靜。 上海,登日輪到神戶,換火車抵東京。 日,將謁兩湖總督張公之洞。 將遊日本,力促成婚,遂於五月結婚。 六月,偕伯兄成行。 同行官紳凡四、五十人。 過武昌,留居數 張公以官事不暇接見,命梁公鼎芬代見;且命屬吏宴余等爲餞。 周季良得余電來迎, 偕至季良小石 川區三軒町賃居。 伯兄學校遠隔,別居麴町 因 有餘 旋赴

區也。九月,入宏文學院大塚分校普通第二班,以日本語文爲主課。 清廷下詔廢科舉。

一九〇六(光緒三十二年丙午),年二十二歲。

寓日本東京小石川區,肄業弘文學院分校。

及矣!余兄弟得耗後,念吾父母突遭大故,體必不安。伯兄遂於暑假歸國省視。家居少時,仍返東京。 回了,開門去罷!」由此知吾祖父平日念我之切爲何如耶! 余遠命強行,不能養志,悔恨萬分, 三月,大父炳南公去世。大父於余兄弟尤鍾愛余,期望余之心最切。 臨危時,喚家人云:「二少爺 竟無

余因與同學二人別求教於若月岩吉君,每週數時,如此者二年餘。

九〇七(光緒三十三年丁未),年二十三歲。

弘文學校教授英文極緩。

寓東京小石川區, 肄業大塚弘文分院。十月移入牛込區

二月,繼祖母張太夫人去世。

十二日抵家。 三月,大人渝告母病,命余兄弟速歸國。 母病較前發信時大癒,爲之大慰。拜祖父母靈。離家不二年,歸來竟不得見,愴痛無 遂偕兄乘車至横濱登海輪,上海、漢口換乘輪船。 四月

已。二十九日下鄉謁大父炳南公墓。

七月,以母病漸癒,別家返東京。伯兄因已畢業速成法政科,不復行。

十月,從楊懷中(昌濟)借得王國維靜安文集讀之,談教育甚有識解。

秋間別家時,佘本約冬間中學畢業後返國。到東後,以慈親健康已復,

而余學業尙淺,

意欲續

學,因稟請之。十一月,得兄書,告母許众緩歸,甚以爲喜。十一月。 十二月,入順天堂醫院治脫腸症,行手術後二十日出院。 宏文學院普通中學畢業。

一九〇八(光緒三十四年戊申),年二十四歲。

一月,寫東京神田區仲猿東町,入學於正則英語學校。

四月,入學第一高等學校,居學校寄宿舍。 三月,東京第一 高等學校爲國人特設豫科招考。 余赴試,凡試旧語、數學、英文三科,得取錄·

三弟來東京,入學巢鴨宏文學院。

☆元一九○六――一九○八年暑假,受英語於正則。

九月,高等學校開學,入居宿舍。學校團體旅行,遊日光。

十月。得兄書,知庶祖母羅八月在蜀姑母寓無疾而逝。

九〇九(宣統元年己酉),年二十五歲。

三月,第一高等學校豫科畢業。余被派入京都第三高等學校,因開學尚早,歸國省親。

何熙曾、何崧齡,廣東何良藻。 八月,別家赴日本京都,入學第三高等學校。 賃民房與常德蔡劭弢(湘)同寓,蔡,時務同學, 同班派入此校者凡五人。余外,爲浙江宋任,福建 去年即入京都高等工

業學校也。

九一〇(宣統二年庚戌),年二十六歲。

六月,暑假,歸國省親。

八月,別家再赴京都,寓旅店。 同寓有湘陰范旭東(銳)。 范為京都大學生,習化學。

九一一(宣統三年辛亥),年二十七歲。

六月,暑期,歸國省親。

八月,別家三赴京都,內子吳偕行。獨賃屋居。 受課月餘,武昌革命軍起義,官費無着,別日本

返國。過上海,從友人貸款充旅費,返長沙。 適湖南新政府成立,水實同學陳夙荒(潤霖)長教育司。

佘入司任職,旋充圖書科科長。

一九一二(民國元年壬子),年二十八歲。

四月,去教育司,改任湖南圖書編譯局編譯事,兼任楚怡工業學校英文教員。

八月,子德洪生。

冬,任湖南高等師範學校教務長。

九一三(民國二年癸丑),年二十九歲。

三月。去高等師範學校職。

九月,任湖南第四師範學校國文法教員,始治國文法。〇子德文生,三歲殤 夏,湖南宣布獨立,反對袁世凱。旋取消獨立,袁令湯鄰銘督湘,肆行殺戮。

九一四(民國三年甲寅),年三十歲。

春間,第四師範學校合併入第一師範學校,余去職。

一九一五(民國四年乙卯),年三十一歲。

任省立第一師範學校國文教員。一學期後,主者易人,去職。

日本以二十一條脅袁世凱。

一九一六(民國五年丙辰)年三十二歲。

國人聲討,旋自取消,憤恚而死。 二月。任省立第一女子師範國文敎員。 計任此職凡四年,至八年冬北遊始去職。

袁世凱稱帝,

一九一七(民國六年丁巳),年三十三歲。

六月。子德驤生。

九一八(民國七年戊午),年三十四歲。

是年南北交鬨。

三月。南帥譚浩明夜遁,市民震動, 學枚輟講。 余念老子「天地不仁,以萬物爲獨狗」及「兵者,

繼爲韓詩外傳疏證,未成。

不祥之器」諸語,廿七日,始輯老子古義,凡五十日而竟。 年來治學颇勤,有述作之志。 初欲撰論衡校注,成三卷,棄去。

治鹽鐵論。 北遊後,繼續治之。 草稿粗具,國難後失去。

九一九(民國八年已未),年三十五歲。

三月,子德鑫生,後改名文玄。

章宗祥等,是爲五四運動。同時,北京大學教授提倡思想解放,文字主張白話, 長沙教育界陳夙荒(潤霖)、朱劍凡等發起健學會,響應新潮,余與焉。 五月四日,北京學生以巴黎和會處置中國事不公,羣衆遊行,反對代表簽字,歐擊漢奸曹汝霖、 新潮福於全國。

秋冬間,始撰馬氏文通刊誤,撰中國語法綱要。

代表。 湘省督軍張敬堯行爲不法,蔑視教育。學界人人憤慨,發起驅張運動,推舉余及羅教鐸爲入京 〇十一月,余偕羅君入京,到國務院請願,當局不顧也。

九二〇(民國九年庚申),年三十六歲。

图居原寫,以舊譯日本人著兒童個性之研究稿託人介紹出版,得稿酬百元,借以自活。

五月、張敬曉由湘出走,余返里。

時間 至多,而於己絕無進益。 歷年在湘任敎國文,以改作文卷爲苦役。 居京數月, 見諸任敎大學者每週授課不過八、九時, 敷衍了事,則恐誤人子弟,於心不安;細心評改,耗費 自修時間綽有餘

公元一九一五——一九二〇年

<u>___</u>

裕,每心羡之。 近來政局一變,范靜生(源濂)任敎育部長,思入京謀一敎職。

八月,遂再北遊,廿九日抵京。

九月。

教員。 國語會擬編辭典,囑余撰「編輯大例」及「採集方法大要」。 あ、わて、 り 十一日, 幺三音及以、万、兀、厂語音之字。是後工作皆以採輯詞頭爲主。 到教育部國語統一籌備會任職, 兼任北京師範學校國語法, 辭典同人分任,先後拈圖。 北京法政專門學校日文 余任ち

十月。

至確 其當而報漢」,謂「彼」一讀,「觀其意」一讀,「彼」爲「且欲得」云云之主詞, 日,閱法政學報一卷八號高元新標點之用法一文,說明太史公報任少卿書「彼觀其意,且欲得 解馬氏文通之疑,

罪,女何無罪歟?」因會子發怒語急,故語不完全,而記者亦如實記之也。此文由學藝雜誌刊佈後, 錢玄同見之,一日,告余云:「蕃疑檀弓之文多年,得君文始解也。」〇任女子高等師範學校附屬女子 二日,撰論文字之省略。 禮記檀弓篇:「而曰,女何無罪歟」爲語急之省略。文本當云:「而曰汝無

補習學校國文教員。

廿日,由旅店移居前英子胡同校舍。

婦吳病逝於長沙。

十一月。

日,於宴席遇王宏實(兆榮),告余云:「陳君見余文字之省略一文,至佩服。」 表傾服。廈門大學聘陳君任教授,陳辭不能任, 廿三日,福建鄭芝園(萃英)見訪,告余云:陳愼侯(承澤)讀余報端刊佈之馬氏文通刊誤, 舉余自代。鄭今任校長, 極望余去任教云。〇是

十二月

也;今第五卷,本古本外傳首卷,故第一章論關雖,二也。 三十日,撰韓詩內傳未亡說,謂今本外傳十卷,實合古內傳四卷、外傳六卷二書爲之,卷數相合,

一九二 (民國十年辛酉), 年三十七歲

二月,以錢玄同之介任北京高等師範學校國文法敎員。 一月,以河南教育廳長李步青之約,赴開封國語講習所講授國語文法。 編撰講義高等國文法實始於此。 留一月,返京。

三月,始撰古書疑義舉例續補。

六月四日,行婚禮於聚賢堂。 五月,友人程叔文爲余媒同縣張家祓女士爲機室。 伯兄先期來原主婚。 洪見偕至。 余賃屋於城隍廟街

七月,陳愼侯到京來訪。

八月,兄別歸。

本或互見他書者記之。 月,始輯說苑新序疏證。 至是始加輯錄。二書稿今皆失去。 劉氏說苑、新序皆採掇故書爲之。 余先爲二書目錄, 每條皆按其原

九二二(民國十一年壬戌),年三十八歲。

二月,丹徒尹石公(炎武)見人爲余所作韓詩外傳疏證及說苑、新序疏證序文,來訪,介余與欽縣

「子石歎息」及「子貢非臧文仲」二事質之邵君。 朱少濱(師轍)、 淳安邵次公(瑞彭)相見。邵君曾疏證說苑, 君言爲彼箋證所未及云。 箋鹽鐵論, 朱君爲允倩先生 與余所業同。 余舉桓寬書 (駿聲)之

○從邵次公借得蘄水陳士珂韓詩外傳疏證,取與余外傳疏證

日錄

對勘,

所未及者數事,補錄之。余所有而陳氏未及者則頗多也。)始識霸縣高聞仙(步瀛)。〇十五日,讀商君書,讀「要靡」爲「幺麽」。

孫,著有商君書解詁。

月,始寫詞詮。〇奉天、直隸兩家軍閥交戰。廿九日,聞醱聲。

五月,思誤社(後改「思辨」)假歙縣館為第一次會集。晤歙縣吳檢齋(承仕)、程篤原(炎震)、

詞。 澤丞(汝闓)、鹽城孫蜀丞(人和)。 吳爲太炎先生弟子, 孫爲次公弟子, 北大法科學生。 四 君外爲邵次公、朱少濱、尹石公及余, 著有經籍舊音。 程著世說新語注。 凡八人。 以後兩週 洪能 塡

後來陸續入社 者有陳援庵(垣)、高閬仙(步臟)、陳匪石(世宜)、席魯思(啓駉)、邵伯絅(章)、 徐

森玉(鴻寶)諸君

六月末,以湖南省教育會辦暑期講習會,請众授國語法,趁車南行。

t

五日,抵家。

二十三日,謁大父及亡妻墓。

八月。

五日,別家登輸北上。

九日,抵京寫。廿二日,撰名詞代名詞之詞性。

月。女德嫻生。

楊說, 遙」、「于焉嘉客」、(白駒)、「于何從祿」、(正月)、「于何不臧」、(十月之交)、「于何其臻」、(菀柳)、「伊于胡 以余說爲是,轉示適之。適之與玄同書,提出兩點:一謂國文法中疑問詞作司詞,必在介詞之前,如 爲「奈何」。「台」从「以」聲,故「以」可通作「台」而訓爲何。三「于」字同訓「在」,文義較適。」玄同得信, 义「以」字無着。上下兩句「于」字異詁,皆覺未安。 余意「以」假爲「台」,書經「如台」屢見。 史記皆釋 近說詩經「于以采蘩,于沼于沚」二句爲一問一答。「子」字義爲何處。余意「子」訓何處, 因胡君以文法通則相駁詰,根據頗堅,余立義時不曾想到也。立檢詩經一通,發現小雅「于焉逍 十五日。撰胡樸安俗語與序。○與錢玄同、胡適之論詩經于以書。二日前, 則與此通則不合;二謂上下文相同之字不必解釋一律。」玄同以適之書寄余,余讀之爲喫一 玄同見告:胡適之 古訓無據,

公元一九二二年

底」(小是)介詞于字竟皆在疑問詞「焉」、「何」、「胡」諸詞之前,不惟可以答胡君之難,竟于無意中發

現一文法通則之例外,喜出望外,不覺手舞足蹈。至第二難,以秦風「終南何有、有紀有堂」二句例

之,此之三「于」字不能作兩解,猶秦風三「有」字不能作兩解也。

云:"此次討論,甚有結果。至今兩札,猶保存篋中云。 胡君聞義則服之美,世所罕見。 益,於此大可見矣。 蓋辯論中時有所發現也。 二十三日。以此徑覆適之。 適之得余書, 逐棄其前說而從余議。 十八年,胡君由滬來原,告余

而辯論之有

十一月。

行,不知何故,自序竟未印入。 二十日。撰漢字聲統序例。 〇始撰長沙方言考。 〇撰老子古義自序。 此書二卷, 中華書局印

任教育部聘編審員。 仍在國語會任職,擔任審查書籍、編輯詞典事。

九二三(民國十二年癸亥),年三十九歲。

三月。

梁任公師寄贈先秦政治思想史。 校鹽鐵論「以狗賭馬胺」一條。○任北京高等農業專門學校教職, 〇胡適之來書討論老子古義。 章行嚴任校長見約也。〇

ス

四月。

背面書之。 治今文春秋,當用公羊傳,不用左氏也。 校鹽鐵論。 ○加任高等師範學校作文課,章厥生託錢玄同來請者。 得二事:「三輔迫近於山河」,文不可通。 ○訪吳檢濟,見其新整理焦理堂疏孟子時日記,乃利用手稿 山當作三。「望子高」當作「望高子」。

桓寬

五月。

讀漢書夏侯始昌傳,知董生不卒於太初年間,蘇厚安師說誤也。

六月。

字叶韻。後檢齋告余,汪繼培潛夫論箋引此已改作「賊也」。 十一日。 國文法講義初稿編訖。 ○校鹽鐵論國病篇。「賤也」當爲「賊也」之誤, 如此始與上驅

七月。

蔣友文前由長沙來京,請於暑假返湘講演。

二十一日。抵家。次日卽講授。 十八日。登車南行。

西指秦,南指楚,日指當今之君,月指後王。

○郭耘桂先生見訪,

述其治楚辭所得。

謂東皆指從國,

北指

所著聲學五書稿本,說喻母古讀定匣二母。至精審。 ○李肖冊寓遇羅庶丹(焌),告余,呂氏春秋有釋老子事,爲余書所遺。 〇晤曾星笠(運乾),見示

公元一九二三年

八月。

十七日。 登車北行。

二十日。 抵京寓。

得覆,並惠先生所校吳祁甫地學書及世兄洞齊(士鑑)所著書共數種。

前汪一庵(怡)返杭州、余以曹呈吳子修先生(慶坻)候起居、託一庵轉致、

二十六日。訪梁任公師。見告云,清華、南開兩大學皆欲得佳國文教師,

惟此時恐過晚耳。

帥

並呈所著書。

返京後

告渠下期當講學於清華。

「貊炙」;論誹篇「阿色」當爲「阿邑」。

讀潛夫論。知鹽鐵論散不足篇之「當路」爲神名。

又校得同篇「自鮑」當爲「臭鮑」,「和炙」當爲

教育部改余爲名譽審定員。

十二月。

遇熊秉老,告余時務學堂礼記業已重印,爲任公五十生日壽。 中有余箚記數條云。 因到東老寓

取二冊歸,以其一寄伯兄。

九二四(民國十三年甲子),年四十歲。

月。

E

十九日。

撰讀劉叔雅淮南鴻烈集解。

學界公開戴東原生日二百年紀念自於安徽會館。

梁任公師、胡適之、錢玄同、

所辨解, 沈棄士、

朱逖先皆有演說。 蓋見余評劉文字也。 余初坐東廂聽講,適之見余,邀往演台,並於彼之作序費劉叔雅淮南書有

三十日。 撰鹽鐵論校注自序。

校鹽鐵論「盤庚苯居」,萃為革之誤字。 二月。

性囑余推薦一人。 范靜生新任師範大學被長, 三月。 余薦單不庵。 國文系主任章版生(氨)辭職。 范不謂然,乃請余代理。

十四日。 撰漢書補注補正自序。

允余請焉。

三十日。

周魯迅在師大任課,以誤會忽爾辭職。

今日訪周於其宮門口西三

條寫宅,請其復職;

至此,余不便再却,允之。

静生希望余繼任,余以力不勝辭。

靜

五月。

廿五日。 公元一九二四年 余前以鹽鐵論校注序呈任公師求致。 適師在清華講清代學術三百年史, **諸子章及鹽**

鐵論,舉及余書,並謬贊爲此書空前之著。 穑 微 翁 回 憶 錄 日來錢玄同、王啓湘先後告余,余始知之,令人慚惡。

廿六日。 與書任公師,商權師著羣書概要四事。

六月。

三日。 撰漢代老學者考。

十二日。

訪同縣某。觀其近在上海所收購繆小山藏書,

有南昌尚鎔三國志辨微五卷、

尚書序錄、關文起大戴禮記考三種鈔本。

七月。

二日。 目。 抵南京,寓東南大學。 以出席中華教育改進社年會南行。 留一週,登輪西上返湘。

十二日。 抵家。

八月。

七日。 撰經學通論跋。

九日。 見李笠著國學用書撰要,舉及余老子古義。

十六日。 返京寓。 十二日。

率願兒登輪北行。

九月。

Ξ

當作以解。 『子』作『以』義用例一則,尤與鄙見不謀而合。 私謂吾儕席 以古書疑義舉例續補八條貽馬夷初。得覆云『尊著古書疑義舉例補八則,一一循誦, 古人餘業,用一、二十年之勤,徧覈古書,不徒古人眞 得大著旁推博引,益證所見不誤矣。 倫嘗舉酒語。人無於水監,當於民監。,謂二『於』字皆 正俞先生『薊丘之植植於汝篡』一條, 面無所閱藏, 抑且可以搜得修辭學 鄙見亦如是。 毋任院佩丁

上許多材料。

情同志不多得。而此事視之似易**,爲之**殊非鹵莽滅裂者可濟也。

尊見以爲何如?

孫 楷第來問學, 告以讀書法。 又言北齊劉畫新論皆原本故書, 可試爲之注。 以余向所搜材料

付之。

吳檢齋 孫蜀丞來,以新著抱朴子校補見贈。 來,貽所著唐寫本書舜典釋文箋。

取荷子「積微」二字名其居。

其材料全取自余國文法講義。余一日往訪,偶然週之,心訝之,不能言也。念非急成此書不可。故 繼續排比之,一面以當速成此書告知此友。 排比詞詮。 此書久未續撰,然朋輩皆知余有此書也。近有一治文法之友人,爲一相類似之書, 此友覆書云並非作此。 其實彼數月前即曾示意於余,余

是月,馮玉祥主和停戰,班師回京,捕去當局某佞幸。

由今觀之,此書之有無何足深論,但此君欲因人成事,頗可笑耳

未警覺耳。

公元一九二四年

遇劉叔雅,出示許巽行(清咸豐時人)文選筆記,云書少見。

十一月。

百七十餘卷、楊晟三國會要,皆希見之書也。 爲副業,收入頗豐。後在南京,以經售僞古物爲士林所譭云。 在師大遇朱逖先。 手持王懋竑讀書記疑十六卷, 王氏書孫蜀丞藏之,余曾借讀。 云書不易得。 又告余渠藏萬斯同明史原稿本 逖先於教授外,以賣書

一九二五(民國十四年乙丑),年四十一歲。

F

「縝」,視前說爲妥矣。 討論三事, 吳檢齋以新著淮南舊注校理見貽。讀之,服其精實。錄同社諸君之說,以邵次公爲最多。 亦翠蒙採錄。 〇聚任公師前貽余以済代學術三百年史講稿,命余爲勘誤。 就中「崐山之玉瑱」一條立說未審。 余二十五年著淮南子證閒, 因以讀: 時籤記可 余與

謁范君,請其復職。 與師大同人謁段祺瑞執政, **范**君堅持不允。 請挽留范靜生校長, 時任公師在津,余便往謁 時范以經費無著早鮮職也。 談 後隨同人赴天津

商之處錄呈於師

房書籍,見手摺多本,乃記注康熙十七年到二十年四月間臣工進講者。 廢帝溥儀出淸宮,馮軍主持一切, 聯絡學界同人點查宮中文物, 余與其役。 每日記講人講題及處所。 十二日, 點查南書 進

講者爲張英、高士奇。 三、四年間,絕少間斷。 康熙帝之好學, 可以見也。

廿二日。 點懋勤殿,見郝蘭泉進呈爾雅義疏、 山海經箋疏、春秋說略諸書, 凡三函, 皆宣紙朱絲

二月。

欄書寫,錦函盛之

0

欲探究竟, 偶遇汪一庵。 不遇, 歸寓。 見告,敎育部編審處改組,余任編審員。余大諾,以余毫不知其事也。 部中果送公文來。 事後探詢,乃悉馬夷初謂余頗勤學,而列名名譽審定員 訪黎劭西,

頗爲余抱屈,故有此事,時馬任敬育部次長也。

月

二月。 北京女子師範大學校長楊蔭楡請余任國文系主任,婉辭之。

十二日。 撰劉武仲先生助字辨略 跋。 三弟重 刻此書,不日刻成也。

十四日。漢書補注補正六卷由商務館出版。

十六日。 點查清宮毓慶宮, 見有宋本法言、 春秋經傳集解、 杜工部詩各一冊。 法言為天祿琳

哪物。

五月。

十三日。讀孫仲容古籍拾遺,心頗嗜之,當時于金文未

寓目也。

廿五日。日本狩野直喜博士寄贈景印元雜劇三十種。

公元一九二五年

六月。

爾雅 疑義 證。 毓崧 馬幼 者。 乃是鳥身。直 毋。字義,謂爲下句省文,足規高郵之過。 先生求教。 名曰古書疑義舉例叢刊,凡十一卷。 古書疑義舉例續補二卷刻成。初,三弟欲刻書,問余以何種爲先。 任 職 此 舉例 釋天於此闕焉。鶉首、鶉火、鶉尾三次皆像鳥形。 七星稱星,本是簡略之詞。 通藝堂集長跋」增入之。 漁 如書稱『大溜洗有醉』,馬本『泆』作『屑』, 以檢 似 敎 日。 孔 授。 齋 至是,二 避已有錯簡。 十九日,先生覆檢齊書云:「又接楊君古書疑義舉例續補一 訪吳檢齋, 稱曰鳥,恐古代正名如此,未必本稱七星而避重言鳥也。 列章門稍 馬云:「專門在家著書之人,何必請之!」馬 書同時刻成。 約其下年度到師大任教。 後,每非議之;實則以檢齋學在已上娼嫉之故。 昔嘗舉以問先生,先生頗以爲允。 俞氏 太史天宮書稱『七星頸』,則七星亦是簡稱。 書則附 劉書據楊氏海源阁本。 〇余既以古書疑義舉例續補貽諸友,後以一 以劉 唯避複變文例中引催氏 又稱『大淫圖天之命屑 申叔 檢齋爲章門高第弟子,學問精實。 補 左氏稱 卷, 余既爲之跋, 君固列章門下, 余續補二卷及馬夷 而書已久成,不及追補。 說『日中 余爲言劉氏助字辨略 有 又俞先生書中舉證 册, 辭 又以國泰刻本「泰序」及「劉 星鳥。, 日, 用心亦審。 十年不 則圖圖 而 古代何名,今 余以 初讀俞書 册託 變星 天之命』必 作 其同門多在 請 檢齊寄呈太炎 吳 一文者也 若 言鳥, 所論管子。唯 亦當 及俞氏古書 任 斯之類, 首,而 札記 数 無 是倒 此忠誤 告同 有 u 鶉火 不 北 卷, 知 錯 備 恐

可更僕數也。」

發。」三十五年十一月二日于思泊(省吾)來書云「頃讀大著古書疑義舉例續補, 邵次公來書云:「手示誦曉。 大著尤佳,允爲抽書之機鈴,寧止俞康之後勁?繙覽再四, 精湛透闢, 俞書所 神意

不逑。」又十五日書云:「尊著通豁謹嚴,勝於偷背。」蓋偷書仍有巧說臆解廁雜其間也。

人 雖近於麻木,然以柔克剛,實以老子之道制勝。」此言殊有理。 十五日。 日本人橋川時雄來訪,談及國事。 彼云:「日本無固有之文明與學問,故其民輕。 出自日人,尤爲難得。

中國

八月。

三日。 廿三日。 教育部編審處同事冠息亭來(湖北籍),云著有胡石莊年譜,較舊譜爲詳。 到方家胡同看京師圖書館藏書,有唐人寫經八十余卷,可謂富矣! 囑余爲序之。

九月。

商務館告漢書補注補正賣去三萬四千餘冊。

十月。

於十一年十一月,以事中輟,至是始 玄在真部,規在支部,晷在幽部也。 十五日。撰釋名新略例。 顧千里釋名略例不說聲音,與釋名主旨不合,故別撰此文。 續成。 當改 Œ 文以縣、玄爲同音, 規、晷爲同音, 皆誤。 古音縣在寒部, 此文初撰

廿二日。序瑞安李笠(雁晴)所著史記訂補

十二月

公元一九二五年

둣

十一日。瑞安林公鐸(損)贈詩,贊漢書補注補正。

十八日。女德純生。

九二六(民國十五年丙寅),年四十二歲。

F

汲黯傳云:「黯善灌夫、鄭當時」,樓護傅則云:「與中書令石顯相善。」 以待有志者爲之。 爲之。後陸續採集得若干例,以他務中止未就。又擬搜集意同而組織異之例爲 搜集國文中二字、三字成語例。如久之、未幾、居無何之類,爲複詞例釋一書,擬於詞詮纂成後 兩句義同而文異,今幷記於此 一書以便初學。 如漢書

同, 有梁印章,知余往日所推測爲不誤也。 蓋一人之著述。 十六日。訪鄭石君(奠),見案上有鈔本史記疏證一部, 漢書疏證夾板上雕有書名。 余以字跡斷爲梁節庵(鼎芬)藏書。今史記疏記果 體例與昔年朱逖先見示之漢書疏證相

一月

二日。從朱逖先買得鈔本漢書疏證。閱之,殊無精彩。

校,各得數十條。 二十日。 遊廠肆,買得汪喜孫、許瀚手校趙懷玉刻韓詩外傳殘本一 至四卷。汪、許皆用羣書治要

廿七日。

閱邵二雲南江札記,漢書諸條多與何義門讀書記同,蓋邵記何語,其子不知,誤以爲邵

三月。

十九日。閱光緒順天府志,知朱蓉生(一新)京師坊巷志卽此志中之一部分也。 二十九日。 讀漢書外戚傳成許后傳「劉向、谷永」、「劉向」爲「杜欽」之誤。

四月。 內訌激烈,時時聞大爆聲。 戚屬多離家避難。 余家婦子亦不敢在家安居。

九日。 日本岡井慎吾寄所著五經文字箋證來。

伯兄以任鹽務署職來原。

知兩老平安,爲之快慰。

五月。

卅日。 應淸華大學之聘。 六月。 廿六日。

八月。

十八日。

出席師大會議,推薦吳檢齋爲敬授,通過。

檢齋旋繼余任系主任職

廿七日。 兒島高田來。

九月。 公元一九二六年

二九

七日。赴清華大學就職、始識朱佩弦(自清)。

十一月。

十六日。在清華訪王靜安(國維)。

廿五日。跋王葵園先生後漢書集解。

廿八日。

在清華,研究院學生醴陵朱芳圃來談。

二日。撰孟子學說多本子思考。

三日。撰晚周諸子中所見之宋人。

廿二日。

高聞仙貽古文辭類要注一冊。

止論辨類。

廿四日。 從清史館借甘肅人楊于果所著史記箋論十卷來,鈔之。

廿七日。 如李雁晴、宋慈抱、李翹、周予同等皆是。最杰出者爲薛鍾斗,惜早死,遺著有孫仲容年譜。 在清華,研究院學生永嘉戴家祥來談。告命:溫州有洪幼泉者, 有弟子十許人, 皆好

學。

九二七(民國十六年丁卯),年四十三歲。

月。

四日。 與黃季剛書。 昨日季剛言吳摯甫代陳伯之答邱希范書,有「元歸狄人」一語,文理不通。

吳文與漢書同。今日書告季剛。 新國語家張目也。 物與古有同異,至動、靜、代、助諮詢,未有不與古同者。 **佘謂此文歸下省自字。** 女爲迓女,此眞三古遺言。 此後如有新知,務求賜示。」按御女字亦余日前與季剛談及者,故後書及之。 漢書高帝紀「陳平亡楚來降」,韓信傅「信亡楚歸漢」,「亡楚」,皆亡自楚之省。 若吾鄉則謂之姣(見母皓韻),卽『棄位而姣』之姣。 大抵方土之言, 得覆云三摯父文若如尊釋, 吾儕若搜求考覈以證明今言卽古言,亦足爲 **洵爲可通。容侃細思之。長沙語謂御** 而姣 除名

都」爲「鮑子都」之誤。閉行嚴近日寓津正校論衡,故舉以相告也。 十二日。 與章行嚴書,告以論衡誤文二事一,講瑞篇「張湯」爲「張蒼」之誤;二, 命祿篇「趙子

F

字長沙亦言之也

異者,史記一篇是也 十三日。 関邵二雲南江文鈔。 四庫提要正史類提要皆出邵手,今取之合勘,頗有增删; 亦有全

廿二日。在清華,研究院學生廣西王力來談。

三月。

祖繩(字直哉)沒。 八日。 在清華,到任公師寓小坐,聞師今晚赴燕京大學講「中國之偽書」, 王著書糾四庫提要,夢知當死,輓之云:「居近太平橋,載筆恰同胡玉縉; 余因隨 往 聽 講。 神臻聖

通境,感亡今見鄭康成。」胡,蘇州人,有駁提要著作,居太平橋。

而文

四月。

十七日。 到畿輔先哲祠,祭康南海先生。 見其奏廢帝謝七十賜壽摺手稿, 頗有誇大語句,

字 則甚精。 五月。

日黃招渠飲,渠故不往,並作俳體三首示之,有「腐心遭赤舌,啞口吃黃連」等語。檢濟爲人近篤實,以 七日。 檢齋招余至芳湖春飯莊午飯。告余黃季剛對渠種種誤會,使之難堪,日前竟大决裂。今

齊無可再忍,遂致如此。 季剛有學問,事之甚謹;種種委曲,見者或以爲太過。 以此知交友處世之未易也。 而季剛則愈益横肆, 視檢齋若無物。

致令檢

六月。

三日。 **清華同僚王靜安君沉于頤和園昆明湖;** 驚悼之至

八月。

五日。 女德華生,三歲殤。

九月。

別居。 目。 〇時務學堂教習韓樹國先生來原,五日與同門數人公宴先生於中央公園。 大嫂率諸侄來京,問知兩親康 泰,爲之快慰。 先是伯兄下楊余寓,至是屋不能容,遂賃屋

十五日。 在清華,趙斐雲(萬里)來談,雲南新刻沈欽韓王荆公文集注,上海可得。

十月。

購書 之不忍釋手。 因言:「先生如此過獎,蓋出自激勵後進之意云爾。」 先生曰:「此殊不然。」因言平生最喜讀漢書, 年先生來京, 余以事忙未及往謁。 確有真知灼見,非其他日本人所能望也。 問及余。 於長沙。 卅一日。 今日往見,先生譽余書不已。余昔留學京都,時先生任京都大學教授,每日過先生之門。余 余爲購寄,附呈漢書補注補正一冊於先生求教。 向嘗治英、法文學,文章之工,未有若漢書者。 訪日本狩野直喜、 服部字之吉兩博士於北京飯店。 先生囑張少涵致意於余。 〇檢近年來郎園先生書札,得十通,附以吳子修先生一通 此次先生來原,馬幼漁見先生, 蓋超出各國小說之上云。以此知先生 先生覆書致謝,於余書獎飾 松崎柔甫(鶴雄)託余爲狩野先生 備 先生 至 叉 前

月。

付裝池。

八日。 讀漢書。 武五子傳,「 **墾**菑 顏注讀當爲災, 與墾字義不相屬。 說文訓督爲「不耕田

漢書 正用此義也。

十一日。 始撰漢書釋例

十八日。

閱王先慎韓非子集解,卷首列韓非佚文,有實非佚文者。

三十日。 今日爲舊 曆十一 月初七日,爲吾母七十初度之辰,天涯遊子,困於衣食, 時局不靖,道

路梗阻,不能 公元一九二七年 歸里稱觴,思之悽惻

三四四

十二月。

爲第一。豫某之語文法,則殊難索解云。余與劉君曾相遇,以其人頗傲,未敢接談。 八日。得孫楷第書,言近受劉牛農(復)課。談及文法學,劉言,近來研究中國文法者,當以楊某 然其言如此,公

言乎?阿好乎?

廿二日。與高閩仙書,爲補離騷注二事。次日覆,以余說爲是。

心敎育,數十年如一日。 廿五日。赴天津,弔范靜生之喪,且唁旭東。旭東悲傷哽咽,余亦悽然淚下。 數周前,余尚與晤談;忽而有此,尤可痛悼!便訪任公師, 静生爲人公正,盡 師面色蒼白,合

人憂慮。

近轉;四,雙聲轉。 三十一日。遇錢玄同。語余云:「欲定轉音爲四種:一,對轉;二,調轉(乃平、上之轉);三,音 如此可掃除章先生旁轉、次旁轉等紛歧之說。」其說甚通。

九二八(民國十七年戊辰),年四十四歲。

F

日。 錄黃季剛二十八部聲類表。古韻分部,皆採前人成說, 季剛無所創見。 然爲之最後,得

其前人之成,故尤便於學者。其以十九紐隸各字,則季剛之獨見也 十五日。分古書校讀法講義爲三目;一,明句讀;二,校訛奪;三,辨眞僞。

十八日。偕錢玄同訪橋川時雄。橋川君新購襲橙理董許書稿本, 日前會以示 余。 余告玄同,

膽大可驚,實無足取也 玄同欲一閱,故往訪之。 至則書已寄去大連矣。然襲書皆馮隱爲之,實是新造文字,非眞理董許書。

廿九日。 廿八部聲類表塡訖。 近日來治音韻,塡表終日,不覺其勞,以極處興味也

三十日。 取說文重文聲類異韻部者爲表,以觀各韻出入之情狀。

二月。

二十日。 今日爲農曆正月晦日,大人七十初度。 伯兄及余皆天涯遠隔, 不能稱傷, 博老人歡

笑, 思之悵惘無已

余所授舊制同學彭光欽告余:「國文當以此班成績爲最好。」余問其故。 且自習;他班則仍舊習不改也。」聞之甚喜 **氽在清華,兼任舊制及新制課程。** 舊制乃畢業後卽往美國留學者,於國文一 彭言:「此班同學皆用心 科不甚注意。 近日

聽

八日。 日本鹽谷節山溫博士率彼邦高等學校教授多人來京,宴國學界同人於中央公園水榭。博

距今十七年,非復當時慘綠少年矣。

十日。 余與國人公宴博士及偕來諸君於東興樓。 今日相逢同一哭,玄亭無處問奇文。」博士貽余郎園師追悼錄多冊,內有郎園 博士有詩, 余依韻和之, 云·「十七年前幾見

公元一九二八年

君,故園別後感離羣。

士于清末留學長沙

一年,曾屢遇之。

不可 記。 先生 名。 遭難後,同門松崎柔甫會以此文油印分佈,署余名。 知矣。 學 蓋文中多刺 而文中 却有某以所著老子古義呈閱之語,則猶之未削也。 乃 師 畿湘 門子 中 弟所撰。 前 **猪語句,家大人謂極不宜也。** 昔年擬以余兄弟名印行, 而家大人不允, 婉辭葉氏子弟 余見之,即遺書柔甫, 今博士所 博士 印, 故留此隙歟? 已削 請其 去 余 勿流 名, 抑 題 布 偶 日 長沙 者 疏 並 未檢 也。 請 削 某某 敷? 去 師 余

九 淵 如 ; 二,考匏瓠,凡五紙,尤精。 十二日。 錢 可廬、 王菉友、陳 在教育部, 碩 孫師鄭(雄)見示乾嘉以來諸老手札,有盧抱經、邵二雲、盛柚堂、程魚門、孫 甫 諸 家。 陳碩平(懋治)見之,欲師鄭相讓, 碩甫 札與王伯申 論學 二事 一、證 師鄭不允。 段 茂堂 頌平, 碩甫 曾 孫 寸.

遺 書 時 廿三日。 蓋 以 未見,漏 在清華,陳寅恪來。 未刻入。 藏者爲叔續之孫,意欲付與寅恪,寅恪以無副本,不敢攜來。寅恪又云, 言在上 |海時,見鄒叔績讀經礼記手稿,厚尺許,說 左 傳 者 頭多。

礼記

中

頗

有

與

俞蔭

甫

書閣

合者

示

陳蘭甫

學思

錄

手

稿

本,即東塾讀書記之底子。

陶淵

明、

陸清獻

各佔

卷,皆未

成

先

快 中 野上, 廿 四 校改一快 日 到 北 爲 海 決; 圖 書館看新 李廣傳, 到 讀「彌 李越縵手校各書。 節」爲弭節; 皆 後漢書集說頗多,漢書次之。 與余說同。 所讀乃汲古閣 本。 高 Ŧi. 袁守和 又出

11 六 日。 認 柯鳳 孫先 先生曾 任 湖南學 使,伯兄嘗受知於先生,故余 亦 執 弟 子 禮。

生於余前此所呈之漢書礼記及諸文字頗有獎藉之語。 談牛時出。 〇漢書釋例 撰 成

四月。

兄則 三日。 謁柯先生。先生見告"大父宦於閩,故太翁從陳左海學。今清史稿附左海傅,而 先生之

影宋曲禮疏卷子報余。 通三傳而不背家法。 在循吏傳。 又言山東有周悅讓與俞曲園齊名,著有經子史三通,甚精博。先生言治穀梁傳 〇日本狩野博士(直喜)來京。廿二日余往訪之,贈以漢書礼記六卷。 蓋博士六十壽時,門下諸君印行爲紀念者。 余於漢書,嗜讀之而已,博士贊 博士以 須打

余爲班氏功臣。 廿 Ŧi. 日 清華同 日前柯鳳蓀先生稱众爲集漢書之大成。皆前輩獎掖後進之辭,非众所克當也 事某君 見示日本景印北宋本重廣會史。 前田侯爵家所印, 中引各正史, 下及

廿七日。撰詩上入執公功說。讀「上」爲尚,乃命令之辭。引漢書食貨誌證「入」字之義。

新唐書。

余擬借之校漢書。

三十日。

與高閬仙書。 閱仙昨日以李善注羽獵賦引「杜鄴上書,三乘晏業」之語相問,遍檢諸杜

上書,不得。 今日復檢,乃知其出谷永傳,蓋以永、鄴同傳,故善誤題也。 急告知遺仙

五月。

十日。

余宴狩野直喜博士於宣南春飯莊。

他客除日本人橋川時雄,小平總治外,

爲陳寅恪、

陳

援庵、林礪儒諸君。 寅恪以晚不能返清華,宿于余寓

十四日。

韓非子屡稱左氏,爲左氏不出漢儒之堅證。余錄之,得二十餘事,中有全本左傳數條。 公元一九二八年

十七日。

十九日。訪朱少濱,見清史館書目,有杜仲丹(貴墀)鄭君經學考十八種及徐時棟呂氏春秋礼記, 在清華,趙斐雲(萬里)貽余王靜安墓誌楊本一份。

皆鈔本。 廿日。

撰詞詮敍例。

雅,肉羹也。」 廿二日。看漢書鮑宣傳。

「漿酒霍肉」,顏釋「霍」爲蜜葉,於文例不合。

余定爲脏之假字。 說文:

七月。

七日。 六日。 得陳錦堂(裕光)書,聘余爲金陵大學國文系主任。 陳援庵來,以所著史諱舉例見示,囑爲校閱。 閱數日,書與授庵,以余所見告之。

得周鯁生武昌電,招余赴武漢大學。

八月。

十八日。

日。 書覆陳錦堂, 告以不能就金陵大學之聘。 又覆周鯁生、 劉楚靑(樹杞), 云武大事容當

考慮。

二日。 五日。 渡江登車。 乘車南歸省親。 四日抵漢口,晤季良及三妹、三弟,問知兩親康健,甚以爲慰。

六日。 抵家。

三八

十四日。閱楊韞山見示譚戒甫所著墨子書,有可取處。

十五日。 訪郭耘桂先生,以漢書札記四卷求教。 先生過譽余,有青出于藍之目。 余惶悚不敢當

也。 見示新著楚辭。 謂楚辟實班孟堅所編。 又告余自輓之詞云:「以楚辭名家, 班、賈、洪、朱齊退

訪柳林生(從辰)談後漢書集解事,意頗不以黃麓生(山)爲然。旋訪黃麓生翁, 聽; 王理安(啓原)、劉笏雲(鉅)及某君(翁忘其名)約分治四史。 後明史列傳,逸民黨錮兩何居?」先生秉承養知先生家學,議論透闢, 拈鬮,劉得史記, 得未曾有, 葵園得漢書 麓翁言 信可佩也 葵園初與 某君得

廿一日。偕私桂先生訪吳蔭雲(士萱)徐紹問(楨立)。 吳舊識,徐則初見。工書畫, 能詩文, 清

才也。先生宴余等於涼園。

後漢,理安得三國。

某君先死,故奏闡於漢書成後,復治後漢。

理安於三國志已具稿云。

二十四日。別家登輪北行。

廿六日。抵漢口。

東下。 # 七日。 劉楚青校長邀到武大, 余以所介紹致師名單履歷付之。 以京漢車被水衝斷,

晚登輪

三十日。抵上海,旋到商務館晤王雲五,催速印詞詮。

訪周鯁生,談武大事。 三十一日。 到中華書局編輯部催書。 **鯁生力勸余就武大之聘。** 據云,周易古義校樣已寄原, 增補老子古義不久可付印。

積 微 翁 回 燱 鳈

九月。 日。

登輪北上,船中閱程伯翰集。

過滬時同門劉庵生(肇隅)所贈也。

程識解極卓,

惜早死,

學未大成。

四月。 抵塘沽,車赴天津。

五. 日。 抵京寓。

十一

日。

讀的園師讀書志。

源源本本,足開心胸,擴聞見。

吾師板本之學信絕倫超羣也。

十四 日。 伯兄率眷南歸。

十八日。

羅志希(家倫)到清華就校長職。

二十日。 以武大函電交馳,登車南行。

廿二日抵漢口。

廿四日。 移寓武大,於楚青、皓白商定延聘周鐵珊、譚戒甫, 由余緘致二君。

十月。

四日。 遇稻田女師同學皮蒸女士、見告鹿門先生有日記數十冊職於家。

原寓。 詞詮十卷由商務印書館出版,距交稿時已二年矣。 五. 日。 戒甫自長沙來。 〇余以爲武大佈置粗說, **清華電促返**评,八日, 登車北行。 十日,

返

区の

十一月。

十事。今四版付印,特增入改版印行。初版下卷增入尤多,遂析爲二卷,共爲三卷。,且序一首,初版 增補老子古義三卷由中華書局出版,自十一年九月初版二卷印行後,隨時增補,六年間計得九

宋及印入,今補入,並附舊著漢代老學者考一篇於卷末焉。 廿八日。陳授庵送史諱舉例印本來,引余說一處,余與商榷者已多照改矣。

十二月。

十二日。子德豫生。

三十日。古書之句讀一卷,由北平文化書社印行出版。廿五日。撰周易古義自序。

九二九(民國十八年己巳),年四十五歲。

月。

十三日。會星笠由奉天來,談古韻,云擬分三十部。

十日大險,赴廣惠寺參加。 十九日。 撰李愛伯漢書札記序。今日任公師病逝於協和醫院, 中國學人凋零盡矣;痛哉!二

二月。

公元一九二九年

說,恰相契合云。此文後載入新月雜誌,名入聲考。 二日。 **週胡適之。** 新從上海來,告余云:新撰一文字,明陰聲平晉古皆是入, ○訪檢齋,談尚書及古禮制極精, 高本漢近亦有此 余愧不及也。

方,以獨宿告。

失,今已不全矣。

○晚,高閱仙宴樊樊山老人,令余作陪。老人年八十五矣,精神尚健。

先生告余:後漢書及文獻通考,昔皆曾爲之注,遭亂散

余問養生之

○謁柯鳳老。

大病後始相見,頗以更生爲幸。

十五日。 撰時務學堂弟子公祭任公師文。

十七日。 廣惠寺公祭,同學與者六人。

三月。

廿九日。 由大鋪坑移寓舊刑部街。

五月。

五日。 得商務館書,告詞詮賣出六百部,版稅二百六十餘元。

二十三日。 撰梁啓雄荀子約注序。

二十六日。 孫中山先生出殯,送之。

讀者來信之第四人矣。

二十四日。

得詞詮讀者王侃書,

問高等國文法何處出版;因詞詮敍例會及此書也。

此為詞詮

四二

余曾於甲寅雜誌見其文字,知其長於考證,因以老子古義一部交讓之贈季豫。 廿八日。 伯峻姪北大同學常德余讓之(遜)來, 問知爲余季豫(嘉錫)之子。 季豫爲伯兄壬寅同

三日。 余季豫來訪,久談,留之飯。 余知季豫之名已久,今日始相見也。 余來京後, 交友求益之

意頗般,而湘人居京者,無一真讀書人。 得季豫可彌此缺憾矣。

日。 唔周印昆先生(大烈),見告, 湘潭孫蔚林(文景)著有諸經論著及宋書考論。

考論校勘

宋書,業已成書;諸經說則記於書眉云。

答訪余季豫,以所著四庫提要辨證稿本見示。

日本倉石武四郎來訪。

此君

頭腦明晰,又極好學,可畏也。

日。 得廣州中山大學來電,請余任敎授。 復電辭之。

二十一日。 関余季豫所編目錄學講義。 透闢 精審,其專門之業也。

一十五日。 同余季豫到北海静心齋訪董彦堂(作寶),觀中央研究院所得安陽甲

十四日。

飲席遇楊丙辰,談北大學生近

日開會,以朱希祖、馬裕藻兩主任把持學

校,

不

圖 進

請當局 予以警告云 云。 向聞 師長警戒弟子,不聞弟子警告師長; 此可謂 奇聞 矣。 然聞其事者,不責

北大學生,却都稱快不已,朱馬二人之物望可知矣。 公元一九二九年 丙辰言兩君尚在抵抗中,尤令人駭絕。

積

九月。

八日。 任公師出葬西山。 余待殯於宣內大街,參與執縛,送至西直門始歸。

十月。

十六日。詞詮讀者萬雅斐來書,覆之。

十一月。 近日寫漢史探,十六日得三事:一,高祖之恩怨分明;二,漢世相術盛行;三,漢人之

十八日。撰高等國文法序例。

因果觀念。

十二月。

九日。削改九年一月所撰所字之詞性。

十日。撰馬氏文通刊誤序。

九三〇(民國十九年庚午),年四十六歲。

F

爲付刻,且序之,是月刻成。

年十六、七始着手輯此編,今三十年矣。 八日。 撰國文中之倒裝賓語。 ○周易古義七卷由中華書局出版印行。 ○皮鹿門先生師伏堂筆記三卷止有鉛印本, 十六日, 書寄到京。 流播不廣。 余

二月。

廿七日。

撰讀漢書儒林傳

追悼會。 颁, 原書在日本。 三十日。 十二日。 不庵學問淵邃,爲人耿介。 到地質調查所看周口店新發現之北京猿人頭骨。 偕余季豫訪傅沅叔(增湘)、觀其新得宋蝴蝶裝本文苑英華及商務新景印宋本論語疏。 余昔任師大主任時, 請其任 〇到北大第三院, 效, 堅决只肯受 小時之聘。 參加單不庵 余方 教授

皆醉,靈均獨醒」,指此事也。

疑怪,久而始知其實授課二時。

皮皓白云:「欲北大辦好,非盡去浙人不可。」不庵固浙籍,蓋憤朱馬輩之把持也。

蓋懲於其鄉人朱希祖、馬裕藻等人之貪,

欲以此矯之也。

不庵嘗告

故余輓之云,「衆人

四 月。

五日。 清明,偕胡石青(汝麟)、鄭舜徽(晟禮)、方欣安(壯猷)同到西山臥佛寺拜任公師墓。

十二日。女德華殤

二十三日。 日本狩野博士來書,盛稱周易古義之美,蓋 前輩獎藉之意也。

廿六日。 劉牛農來書,以所著中國文法通論見貽 述陳季皐訂余<u>古曹疑義舉例續補誤以宣帝爲史皇孫</u>。

廿七日。

漢陽徐行可(恕)來書,

公元一九三〇年

四五

不知當

四六

時何以致誤 當 亟 改之。

五 月。

八 日。 閱歐陽公新五代史死節王彥章裴約劉仁瞻傳,序云得死節三人, 殿本目錄乃以裴、

劉爲

附見,

非也。

畢業後,余介之往廈門大學任教,編撰講義數種 十一日。 緘商務館,介紹朱芸圃(桂耀)遺著莊子證補出版。 皆可觀 旋以病殁於開封。 朱君畢業於師範大學, 班子證補為其講義之 學力甚優。

種。

六月。

日本人用庚子賠款招學界同人往其國旅行。

廿三日。 余偕張少涵(貽惠)、陳仲驤(映璜)、曾仲魯、柯某共五人,登車 出 京

陽,參觀東北大學。 晤會星笠、戴子玉諸 君。 遊盛京故宫, 見清歷 代帝 后象。 晚,

登 南滿路車。

廿

四日。

抵瀋

廿 Ŧi. 日。 午後,過安東縣,爲與朝鮮交界地。 晚,抵朝鮮京城。

庫藏 授告余云:「視宋本爲勝。」晚, 有 # 余著 六日。 詞詮, 參觀朝鮮總督府附屬博物館、朝鮮故皇室宮殿、科學館、京城帝國大學諸 辛島驍助教 授囑余題字於其上。 大學宴余等。 席間 藤塚君出示所藏錢梅溪所刻石徂徠辨道、 又藏朝鮮某佛寺舊藏遼本龍龜手鏡 處。 藤 大 塚 辨名, 學 鄰教 書

翁覃溪與朝鮮金沅堂手札(金欽服阮芸台,故以爲字)及沅堂所畫歲寒圖, 圖有馮桂芬、 張穆、 張曜孫

諸家跋。曜孫爲泉文之猶子。

廿七日。晨九時,登車別京城,午後抵釜山,旋登輸

廿八日晨,船抵下關,換駁船抵門司。 早餐後,火車抵 八幡,參觀製鐵所。 原料來自吾國開、平、

大治,令人憤歎!三時,登車離八幡,六時半,抵別府。

廿九日。 觀別府溫泉。 溫泉日本名地獄,海地獄色青如海,血池地獄色赤於血; 奇视也。

三十日。登輪別別府,赴大阪。

七月。

濱甲子園,皆運動場也。 日。 船抵大阪,參觀大阪朝日新聞社、 上甲子容七萬人。 遊寶塚動 都島工業學校。 物園 乘大阪至神戶電車參觀上甲子園及

二日。 九時,抵奈良。 入奈良公園, 觀春日神社。 社中 神 鹿 甚多。 至東大寺觀大佛, 參觀女子

高等師範學校。 五時半,抵京都。 與余前此留學時面目全改矣。

訪狩野君山博士。 久待不出, 方怪之。

既出,則易中國服馬褂長衫接待中國賓以為敬

三日。

宋本韓柳文集及元龜 也 一見,博士極稱余周易古義之美。旋導遊京都大學 殘本。 博士云::元龜爲我國所無,宮內省圖書寮亦有 圖書館,見所藏唐人寫玉篇殘葉及白氏文集 一部分云。 又有日人海保

元備 著尚書漢注考稿本,皆珍籍也。 旋赴花山天文台參觀。 晚赴博士宴,十時別歸旅舍。

公元一九三〇年

四 日。 參觀京都府立第一中學及同志社大學。 乘比叡山繩車到山頂,望見琵琶湖, 復乘空中繩

車下山。 晚,赴吉田卯三郎之招,少涵 同學 也

Ŧī. 日。 參觀御所紫宸殿。 紙門屛畫中國先賢三十二人像。 余目力及見 者爲

工場。

虞世南、

房玄齡、

杜如晦、

馬周、

李勣、

魏徵諸

人,

餘不及見也。

問

知爲安政

時代作品

到今不

班固、

張華、杜預

過百餘年,

不知其何所本也。

旋赴二條離宮,

又到市外桂離宮,

規模小而有園亭之勝。

參觀島津

六日。 別京都,抵名古屋。友人八木幸太郎君及其 女一 柳智成君父子來迎。 到犬山,遊木曾

Щ 水清秀,風景絕佳。晚爲八木、一柳二君作字爲紀念。

所自出。 卷(映一卷);桑書治要二種:一,元和活字版本,一,尾張刻本;寫本周易單疏。 記 云云,字較正文爲劣。 七日。 又有唐寫翰林學士文集殘卷,爲唐太宗與許敬宗 八木君導遊眞福寺(一名寶山院)。觀其藏書,有唐寫漢書食貨志及獨玉集,爲古逸叢書 此種爲古逸叢書所未收。 繼至德川公邸,觀其藏書。 等唱 和 詩集。 背面 有字,題大歷 有卷子本齊民要術 旋麥觀第八高等學 某 年某月 九

校,八木君任教處也。 八 日。 抵東京,寓 神四 晚登車別名古屋。 區 街市 面 貌全變,非復昔年留學時情景。 舊遊之地,不復可 尋,

地 震神田區最烈也 九 日。 訪長澤規矩也君,同赴東洋文庫。 與石田韓之助君和見,

具述早已相知, 接待頗殷。 觀

以昔年

理指等圖、託名東坡,乃僞撰也。 庫 九行,行十八字。除本六臣注文選,末有虛欽跋云「紹興二十八年趙公來鎮修補」云云。 藏 有論 語寫本二種:一,永祿寫本,一,永正 还山寫經選, 佛經估大牛, 儒書只春秋傳注、史、漢、玉篇四種。 寫本。 平安朝寫本史記夏、秦二本紀。 宋本魏書, 宋本歷代地

至文求堂

書店,專賣中國背者。

有書目,盡載余所著各書。

適上海中華書局各書到店,

內有余老子

南宋本後漢書(有大德九年補刊)、宋本世說新語, 文館詞林第六百六十八卷,爲古逸叢書所本。卷子本左傳集解,凡三卷,二大一小。寫本聲書治要, 後長澤君 故 居 則形 來會, 勢完全 赴大塚文理科大學參觀,尋舊居三軒町屋, 兩君冒雨導众到宮內省圖書祭, 如故。 **余徘徊其間,不勝今昔之感。** 觀所藏書。 殷字缺筆,此與近日本景印行世者爲同一本而不 已併爲大宅,不復可見。訪窪町四十一番地 訪同門鹽谷節山君(溫),君 有宋刻大藏經五千五百卷, 心邀余出 二冊唐寫 午餐。

十一日。到東京帝國大學參觀圖書館。

及彼

本之佳。

宋刻殘本論衡二十卷,此本極

精,宮內省擬印行

云。

授老子,即以余古義為敬本云。 出善本多種 十二日。東京文理科大學教授諸僑博士(轍次)來訪、相見極稱問易、老子二古義之美、並云、彼 相示。 一爲宋本姓解, 據云在北京曾相見,余不復憶及矣。 爲古逸叢書祖 本。 一爲宋本重 一修廣韻, 長澤君來,同至上野圖書館,館 版心有刻工宋琚等 姓

公元一九三(

爲宋本山家義苑,題「雲門沙門可觀述,

山陰法孫智增證」,卷末有「宋嘉熙戊戌比丘良阜

分類 爲 於白蓮」一 禪林備用 東坡 詩 行十三字。 劉辰翁 十卷。 一爲巾箱本禮記古傳注。一爲元版周易會通,爲周季即 評點,止廿五卷,似非全帙。 一爲殘宋本古尊宿語錄,缺第三卷。一爲元本列子,牛葉十一行,行 爲任淵注山谷詩大全二十卷。 舊 藏。一 一爲明本大字禮記 爲元版王狀元集注 廿一字。

印有陸 版 此 無 疏, 洪, 以 iii 字大悦 有 存 藏 音, 翁 書 家 六 紙 目, 十五歲 所 極 未有 厚。 黎純 也。 小像印記,(伯蛟蓋案:陸心源二八三四 又到静 齋、楊惺吾皆有跋,爲古逸本所 陸氏藏書盡售於庫,故有 嘉 堂文庫,庫藏宋元本 此 自出 ——一八九四〕年僅六十一,未至六十五 爲足利時代論語寫本, 百種,不能盡覽,僅閱 爲蜀大字本周禮 鄭 二十餘種。一爲莊子 注 疑小像印 黄 堯 圃 記有 舊 職

末

有

查士

標

詩、黄

史記, 幾面 舊 藏, 跋。 爲 汪 閬 四 源 部叢刊之祖 為宋版 舊 藏 元 即 爲蜀大字殘本漢書, 本, 爾雅單 亦入續古逸叢書。 疏,與續古逸叢 僅存 書祖本同。 爲 四 曹極高 本, 與 京 刻水 间门 爲說文解字, 集亂 圖 書館 段茂 本同 堂 爲王蘭泉 本 手校 而 頗 紙 汽汪 詳 較 劣。 贤 源、阮芸台 爲 爲 耿秉 湖 110 本

舊藏。 元 庾司 至正 槧本 甲 爲元 午刻 漢書, 汲冢 大德十年 字 極 周書 美觀 刻 爲 吳越春秋。 E 爲三國 蘭 泉 舊 吳志 滅 爲嚴 單 爲 刻 九能手寫娛親 八戰國策, 本, 有 黄 為四部 鷞 回 雅言 叢刊 顧南 中 雅 加 有一 本。 陳 卷作 仲 又有 魚 娛親 |國策 徐 雲 小言)。 路 種 諸 家 爲 跋 爲金蠹 朱竹垞 爲

紀 (釋適之撰),爲季滄葦、 金色 收齊、徐健養舊藏。 爲明 人寫本北堂書鈔、藍格 哲 爲明

紙

鈔、為張

金

舊藏

乃 未經陳禹謨刪改之本。 爲 孔氏六帖。 爲残本太平御覽 字體極精, 爲汪閩 源舊藏。

華氏蘭雪堂銅活字本葵中郎集,文題用大字,文用小字,云較叢刊本爲佳。 葉九行,行大字十五字,小字二十字。 此外尚有數種,不復憶及,不記。 ○彭甥淑端、選煌姊妹來,同 一爲文選,大字元

十三日。買得箋釋本和名類聚鈔一冊。

外出進飯

十四日。 長澤君來,同赴內閣文庫,觀其藏書。 一爲宋本千字文詳註,每牛頁五行(小字十行),

之梓, 殘本, 每行大字十二字,小字二十字。一爲宋本中說,半葉十二行,行廿六字。一爲寫本南華眞經義海纂微 存廿六卷,題「武林道士褚伯秀學」,首有伯秀友人劉震孫、文及二人咸淳元年序文,文序云刻 似有刻本矣。 所錄纂註姓名爲郭象、呂惠卿、林疑獨、陳祥道、陳景元、王雱、吳儔、趙以夫、林

李道純 下缺。 爲宋刻白玉蟾指玄篇,爲動有堂刻本, (元素)撰,蔡志頤編,有「大德丙午中元翠峯舟行刊行」牌子。 一爲宋本事林廣記,前後續三集各十三卷(續集缺五、六、七、八、九凡五卷),別集十一卷。 首有淳祐三年武夷醉翁序。 一爲元本淸庵先生中和集三卷, 一爲明本龍門子凝道記。

希逸(口義)、李士表(莊子十論)、王旦(莊子發題)、無隱范先生(名元應)等人,至外篇駢拇篇止,

宋本廣韻,版心有宋琚等刻工姓名(按上野圖書館亦有此種)。一為元版世說新語, 一爲又一本廣韻 字體極 精, 有「己丑建寧府黃三八郎書鋪印行」牌子,書皮題「皇祐 首有劉應登序。 元年刻本」。

東坡集,目錄四十卷,餘卷頗多,半葉十行,行二十字,字大悅目。 爲元版漢書, 版不一致。 一爲又一種廣韻, 有「至正丙午菊節南山書院刊行」牌子。 一爲汪篇二種。一爲元本禮 一爲北宋殘本

五二

脱。 ○晚,文化事業部長坪上貞二君招飲於帝國敎育會館,同座有鹽谷、長澤二君及國枝元治。

十五 日。 訪古城貞吉,出示所藏元槧文選三種。

十六日。 斯文會同人招飲於學士會館,主人爲服部字之吉、諸橋轍次、鹽谷溫、字野哲人、中山

久四郎、小柳司氣太諸博士。學習院教授阪島忠夫(精天文學,曾讀其書)、二松學舍校長山田準慶

中學教諭寺田范三,女高師教授細田謙藏、第一高等學校教授佐久節、竹田復及該會書記山本邦彦 慶應大學教授前川三郎、古城貞吉、東大助教授高田眞治、陸軍學校教授平野彥次郎、東京府立第一

皆治中國文哲學者也。 字野博士起而引申余說, 席間鹽谷君致鮮, 服部博士以景印宋本禮記正義二本見貽, 少涵致答。 余亦略言中日兩國學者應共同努力發**揚東**方 鹽谷君以所著學生必吟

山本邦彦翁來, 請署名於其七十祝賀紀念冊。 淑端甥來, 回到市午飯。 晚,

二十三日。 登車別東京,十九日晨到三元宮,下車,登海輪 抵天津,旋登車。 午夜,返京寓

招飲。

十八日。

見贈。 學術。

七日。

卅一日。 廿八日。 王有三(重民)來,贈日本訪書誌補 高等國文法由商務印書館出版印行。 册。 寄到十册,分贈諸友人。

八月。

十三日。 得伯兄漢口電云, 老幼均吉,房屋未損,爲之大慰。 因長沙近有戰事,屢去電不得復,

極不安也。

二十日。

十五日。 與曾星笠書,論今字音多與古不同。

年曆本及明人檔案鈔本,寫本更學指南。 二十二日。訪長澤規矩也君,見其所持辭嘉堂書目內有沈欽韓史記疏證六十卷寫本。 指南, 元人所著公文用語字典也(祺祥後改同治)。

惜余遊

祺祥元

傳元叔招飲, 赴之, 出示所藏乾隆三年及六十三年(宮中用本不作嘉慶三年)、

時不及知,未及一觀也。

廿七日。南京飛機來原投炸彈,彈落東城及北海一

十日。子德慶生。

十七日。 林幸平(志鈞)來,以任公師近世三百年學術史稿,屬余檢校

二十日。 遇宰平,極稱余高等國文法之佳,並云,其家子弟三人,已各購一部讀之矣。

彼讀余書,得益不少。 再三言之。 二日。日本原富男來訪,告余云:得友人書告,東京文理科大學已用高等國文法爲敎本。

叉云:

公元一九三〇年 謁陳弢庵先生。此老當清同治朝與張幼樵(佩綸)、張文襄(之洞)號爲清流,今二帳早逝,

巍然獨存。 於先生,有所稱述也。 日前聞先生來原,特往修謁。年八十四矣,精神甚健。問及余漢書著述。蓋林宰平曾介余 又問及葵園先生及黃敬興先生(自元)後人; 黃乃先生同治戊辰進士同年也。

餘本,以所記用格式,太簡略。 十二日。字平來,以其會祖鑑擴先生(春溥)閒居雜錄一冊見貽。 又有筆記,多道家常語,故皆不欲付印云。 且云:家藏尚有先生日記二十 余連日檢校任公師三百年

學術史稿適畢,繳還率平。

十六日。答訪鄭石君(奠)。 石君言欲取宋至清諸家談文法文字合爲一編。 余以近日所見項氏

*說、脚氣集二事告之。

下,刘印猾傅不予名。 廿九日。偶談漢書,疑韓信論項羽印刓敞不忍予之說爲非其實,作一絕詠之云:「一紙封書徧天 却笑漢王稱大度,固陵不會許韓彭。」

三十日。傅沅叔招飲,赴之。 借其所藏沈果堂(形)校漢書歸,錄之。

し日。台を主頁モミリ

八日。始校註顏氏家訓。

阮文達一通,爲阮文集所無。 六日。 有人機「名家手札」來閱,中有王懷祖與劉端臨書二通,爲近出王石臞遺文所有。 又有汪容甫、段茂堂數通,幷錄之。

外有

一九三一(民國廿年辛未),年四十七歲。

月

十一日。撰郭耘桂先生讀騷大例散。

十三日。撰李愛伯讀史札記序。

二十七日。

二十一日。 遇錢玄同,見告單不應之子於去夏天死,單宗遂絕。不應賢者,乃竟無後,爲之於邑。

校顏氏家訓集註第二卷,細讀始悟周公名子曰禽一節之意義。蓋名犬子、狗子,人

將以爲犬之子、狗之子,故不宜也。適晤吳檢齋,告之。檢齋云…以不解,遂忽略讀過也。○翻閱

三十一日。 檢舊篋,見十七歲以後所撰庚子、壬寅、癸卯讀書記三本。翻閱之,似亦頗有可採者。

四日。 從倫哲如(明)借得陳蘭甫先生手校韓非子,錄其評語。

二月。

二十日。 商務館來緘,告馬氏文通刊誤出版,初印五千部,廿七日寄到二十本。

三月

一日。編次長沙方言考。

古書疑義舉例續補、周易古義凡四種呈之先生。 細視,乃知爲君著也。」前出書時, 七日。 飲席週熊乘三先生。 先生告余云「在東安市場見有高等國文法, 余未及贈先生, 聞之深以爲愧。 次日,檢國文法及馬氏文通刊製 以書頗佳,

公元一九三一年

積

二十二日。撰讀顏氏家訓書後。

廿七日。梭國策集解淸寫本訖。 已費時二年,尚未整理就緒如豫期也。

四月。

八日。遊南口,謁明陵。

十二日。 在清華授課時,忽覺左眼生花,後以問眼科醫士,云是飛蚊症。

文法、漢書補註補正三書,皆入錄中。 文法成功之大,以舉例多故。 廿九日。 從孫子書借得日本長澤規矩也所著支那學入門書解題,閱之。 此外熊秉三先生、林宰平、趙元任、王靜如皆面譽余文法書之美。 並云:高等國文法在日本有佳評。 日前某君謂余云:君於文言 余著老子古義、高等國

小書,國內外友朋過相稱賞,令人慚愧。

五月。

Ħ.

日。

撰駁胡適之吾我篇。 〇有人告余,四川 劉咸炘著校讎述林, 屢引余] 說, 因覓取觀之。 凡

一引,皆漢書補註補正枚藝文志所說也。

四

三十日。遇王書衡(式通), 見詢蘇厚庵師著述。 王君方編清儒學案中葵園學案, 將以 蘇師及

端之理學,郭華野之直諫,皆不免露底」云。 陳治重(毅)附見也。 王君告余云:「傅沅叔 近刻李文貞榕村語錄, 記當時朝事頗悉。 據李說, 則能文

六月。

九日。 伯峻姪來,言北大國文系學生開會,請當局聘余任效。北大教授不足爲余輕重,但馬裕藻

等之把持又多一次考驗耳。

著書呈先生,故下語云然也。 廿七日。 陳弢庵先生送爲余書楹帖來。 句云:"能言奇字世已少, **屢獲新篇喜可涯。」余曾以所**

三十日。 始草漢俗考。

八月。

日得來礼云:「凡所篡皆甄析入徵,漢書礼記尤精審。」據札曾見余老子古義。 十七日。 張孟劬(爾田)由上海來京,遇之於飲席。 旋以古書疑義舉例續補及漢書札記貽之。今

止有馮友關之哲學,陳垣之史學,楊某之訓詁學,足以抗衡日本云。 十八日。讀大公報文學副刊,有張季同評日本人先秦經籍考一文,謂日本多學人,今中國學人, 張君不知何人,讀之令人增愧。

士 日。 撰讀日本原田淑人樂浪書後。

九月。

十九日。 到北平圖書館閱展覽會,見有漢元帝時木簡。 ○聞日本強佔瀋陽消息。

十月。

十四日。 撰漢西鄉侯兄張君殘碑及魏曹眞殘碑二跋。 余近日因考漢俗,涉獵漢碑, 時有新獲,

治金石之學實始於此。 公元一九三一年 張碑跋云「張敬之封,范史無明文。」此語實誤。 敬封見劉瑜傳, 五七 但不記封地

積

耳; 又敬名見來歷傳。 曹碑,楊偓吾誤解「將龢同生」一語,後讀朱緒曾開有益齋金石記及許瀚

小樓雜著, 幷有此碑跋,皆誤解此 語。 並補記於此。

廿六 日。 伯峻姪介李子魁來。 李云:曾讀詞詮等書,解惑不少。

余書。 余因檢書數種答陳君。 幾十,弢庵先生之子也。

陳幾士見贈澂秋館吉金圖,

林宰平代致。

宰平云:陳君見余所著書,

因以

心此贈;

並

索

撰

三十日。

日。

漢劉伯平鎮墓券跋 柯鳳蓀先生招飲,赴之。 世兄燕舲,純卿兄弟皆出作陪。 純卿治甲骨金文, 有著述。

八日。 撰漢相府小史夏堪碑跋。

十九日。 撰端方陶齋藏磚記跋

二十日。

陳寅恪來,以近著西鄉侯兄、

曹真

碑及藏磚記三

一跋示之。

寅恪費爲精確。

孫子書

從日本歸,來謁,贈韻鏡一本,絨書夾一枚。

廿二日。 廿六日。 以漢俗喪禮考講義本贈陳寅恪,得復。 橋川時雄來。 **氽痛責日本人侵略之無理**, 彼亦不敢深辯也。

廿九日。 與余季豫合宴柯先生於蘇園,用熊掌,無佳 味也。

二日。在清華,蜀生王谷來談。 余前月跋劉伯平鎮墓券,引後漢書烏桓傳證死屬太山之說。 E

生今日告命:"文選劉公幹詩「常恐游俗宗,不復見故人」二語, 善註引援神契「太山主召人魂」。 起於哀、平,因知此種傳說實始於西漢,遂取以補入前文。

十日。日前贈某君漢俗史講義,某君今日來書,於鮑永等之行三年喪,史無明文爲疑。 余復書

等去官,故知必行三年喪也。

云:短喪者不去官,爲翟方進、薛宣、孔彪等是也。

去官者必三年,如薛修、桓郁、鄭彪等是也。

鮑永

讖緯

十二日。撰後漢王堂世系考。 ○積微居文錄三卷,由商務館出版,寄到二十部。

許,勸余棄在歷史系授課以避國文系糾紛。 廿二日。 在清華,遇陳寅恪。 謂余近撰漢俗史及漢碑考證, **余亦甚然其說** 見者如吳其昌、浦江清等皆極加稱

廿六日。撰漢朝侯小子碑跋。 廿四日。孫蜀丞贈趙一淸東潛文稿。

九三二(民國廿一年壬申),年四十八歲。

F

十五日。 得顧頡剛書,贈所著尚書研究講義一冊。 讀之,精湛處不減閻百詩也。

十六日。 公元一九三二年 訪揚州閔保之(爾昌)。 閔君再續碑傳集,告余,書即將刻成云。

六〇

十七日。 周勺泉(漢藩)來。 勺泉近發現鵝耳櫪種,定名曰「鵝耳櫪周胡」(胡先驌)。

十九日。 錄黃式三韓非子校語,徐行可所藏見假者。

字。 懷安縣 若是五鹿充宗,不應印只作充。 廿 去年發現一漢墓,內有銘旌金竈(有「日利」二字)。 日。 馬叔平(衡)來。 叔平見余近撰金石跋,深表傾服,謂此後當互相切磋。 余謂充宗本代郡人,見釋文敍錄。 死者繡衣, 有龜紐印, 古人二名往往省稱一字, 文爲「五 又告余祭 立鹿充印

哈

爾

24

似

不必以爲疑也。 不知叔平究如何論定也

現 一、二誤處。 # 六日。 閱陳景雲兩漢書訂誤。 今日依次錄入後漢書集解。 徐行 可鈔本,余已借鈔。 葵園未見此種,故兩漢書多未採入。 陳書精審簡練。 全書數百條, 余只 發

二十七日。 與顧頡剛書。 **商剛謂堯典** 「肇十有二州」緣於漢之十三州。 也 此臆說,無堅證, 余意堯典蓋成於禹貢 然似 可備 解。

三十日。 山東圖書館(館)長王獻唐君 寄惠棟後漢書補註 稿 來, 乃惠 小門生朱邦衡所編, 以 頗 有

所舉 書出處,取粤雅堂本補註 添註之。

誤。 叔平囑余作文考證之,因 借繼君文字歸。 叔平以漢鐘拓字見贈。 叔平通 金石學, 人亦寫實, 祖

出示漢賈武仲夫人墓門石記拓片及羅

叔言跋。

余略閱.

之,

疑 維跋

有

乃兄幼漁之滿腔私意者不啻天壤之別矣。

三十一日。

答訪馬叔平。

月月

日。 撰漢賈武仲夫人馬姜墓門石記跋。 〇余季豫來, 云沈兼士託渠致意, 邀余往輔仁大學

任教。

督附

有誌傳,可供採擇也。

几 月。 與閔保之書,示以安化二陶遺稿及黃木父(逢元)著述。 因聞其將三續碑傳集, 陶、 黄曹

十九日。 王有三來,贈所輯孫淵如外集。

廿八日。 錄漢書札記中糾駁高郵校語者凡約卅餘條, 應北平圖書館刊索稿之請也。 〇倭人強

佔東北。 ○曾星笠返湘,余爲介於中山大學。 廿九日得星笠書,云中大聘書已到,不日赴廖。

三月。

二日。 晚,報告上海我軍總退却,令人憤恨之至一

九日。 徐行可寄贈廖刻華陽國志

十五日。 撰說制篇。 按余說文字,凡說制字之義者爲「釋」,說用義者爲「說」。

十八日。 撰莊子意怠鷾鴯一鳥說。

廿八日。

後,先生尚憶及余古書疑義舉例續補一 **余遜謝**。 書,般殷以觀古堂藏書爲問。 季剛相見,問別後復 有何著述。

滬寧不靖,章太炎先生及黃季剛皆已來京。今日吳檢齋宴先生,邀余作陪。

檢齋介余

季剛云:「詞詮已得見,不失爲雅言。」余云:「此爲初學說法耳。 」季剛索贈此書, 並索漢書

札記。

生講論語魯、古異讀。 三十一日。 偕余季豫、吳檢齋謁章太炎先生。 ○方言、廣雅「桓」訓憂,王、錢疏皆不得其說。余疑桓與患古音近,古書容當有 余以意念鷾鴯一鳥說及馬姜墓門記諸文爲**贄**。先

假桓爲患者,故子雲有此訓,特今日不可得見耳。

四月。

多麤觕,遇夫獨精審, 三日。吳檢齋以電話招余至鴻春樓。 智殆過其師矣。 」先生獎藉後生, 告余, 方從章先生寓來。 令人愧悚。 〇前以積微居文錄贈沈 先生謂渠云:「湖南前輩於小學

棄士;

今日得其書云:「讀大集,獲益不鮮。」問釋名聲證已成否。

六日。 與陳援庵、尹石公、倫哲如、余季豫公宴章先生於譚篆卿家,用粤菜也。

漢書所據史料考。 七日。 原文遺漏,當補。 吳宇僧(宓)主辦大公報文學副刊, 按班書有採自褚少孫者,如衛青傳記青尚不陽公主事,武五子傳所記三王策書皆 以班固二千年紀念, 囑作文字紀念。 因應其 詩, 撰

是。

友朋過獎,萬不能當。 八日。 前以漢碑諸跋寄示陳寅恪;今日來書云:「漢事嗣家,公爲第一,可稱漢理」云云。 然固足取以自勵耳。

極

知

搜轉,以一冊補送之。 十六日。 前以季剛索書, 贈以詞詮及漢書礼記五至八卷一冊。 近日又屢索礼記前 四卷。 設法

五月。

伯 峻姪欲從黃季剛受學。 訪季剛, 請之。季剛告余二古書之句讀『克息 舟 城 而 居之。一

士。連讀不誤,『見』當讀爲現,王止誤釋耳。」余後增補古書之句讀爲古書句讀釋例,現 說,孔疏已先言之。 漢籍汲照傳:"其不合者,不能忍見,士亦以此不附之。」 王葵園 由商務出版 以『見

前 條補入孔疏說,後條仍持余前說,以「不能忍」文義不完,「士」字上不必有見字也

五日。過電先生於水樹。問漢書「壁釭」爲何物,亦無確解。

十一日。書與系主任劉叔雅,告以下年不願受清華之聘。

不應因諸先生無知之言而對余不滿。」芝生唯唯而去。 言:「聞學梭有人與余爲難,故有彼信,覓使學梭爲難。 廿二日。 文學院長馮芝生(友蘭)來,言見余與叔雅書, 〇張効份(母)招飲, 余學問佳否,姑可不論, 有辭 職之說, 務請打消 赴之。 即憑余之努力, 出示所職古玉 此意云云。 學校 余答 穀

璧二,蒲璧二,瓏一,瑗一,牖一,及鍾 鼎、兵器 拓片若干枚,明清書畫數幅

聘三年,希望假滿後仍回校任敎云 二十三日。 在清華, 劉叔 雅 來信 云。 ·學校局面已定,不許余辭職,休假不成 問題。 此次當敬 授皆

門生誰最佳。 讀之功,文章不及葵園,而學問過之。 自吳檢齋、錢玄同外,余(季豫)、楊二君皆不愧 二十六日。 黃答:「楊伯峻第一,因渠有家學,故自不同也。」記日前陳寅恪謂余云:「湖 遇駱紹賓(鴻凱),告黃季剛 漢書 補註若成於遇夫之手, 昨日南歸。 爲敎授。 渠向余道 其他 則 意, 必當突過葵園 不 敢 知 駱述黃語云:「北京治國學諸 也 遇夫 也 於漢書 上紹賓 南前 問責 有 發 新 疑 收

六四

業漢書,而君所得獨多,過於諸前輩矣。」余於漢書治之頗勤,亦稍有自信。 兩君當代學人,其言如出

口;足見真實之業自有真賞音,益喜吾道之不孤矣。

二十九日。伯峻姪來,告季剛爲姪書楹帖云:「鉛槧編書驚子駿, 葫蘆藏史問游秦。」以楊子雲、

顏游秦况余,子駿渠自况也。

六月。

三日。 前以近作漢碑跋及莊子意怠鸛鴯一鳥說等四首寄林藥園(義光)求教;今日得復書云:

二十日。 始寫長沙方言續考。

「證據精確,傾服無已。

他日如有述作,希望續寄。」

二十三日。讀說文,「起」从斤聲,訓行難。

七月。

圻, 艮、斤古同晉; 艮訓很, 說文,頗能通貫,大率類此。而重文一字一珠,又可知矣。 很訓不聽從,一訓行難;艱訓土難治;知逝聲類之斤爲借艮也。 初疑得義於困,繼思垠重文為 近讀

斤爲斫木斧,無難義。

二十五日。 讀說文,悟慈字當受義於子,茲、子古音同也。 慈當訓愛子,탉但訓愛,廣泛不切矣。

段註亦無所發明。

八月。

七日。 清華書告余休假半年。

十五 日。 在某處見嚴可均說文解字與稿本十五卷,依說文次第,缺首卷, 書取金石 文字與許合

錄之。審定題「姚文田」名,書出自姚氏。 ○高遺仙 侧 所著文選李注義疏第四

删。

羅莘田(常培)來,贈所著音韻學論文。

九月。

三十日。

三日。 吉川幸灰郎由日本來。來訪,云見余讀樂浪響後文字,以余說「棺中残帛是衾非衣」之說

爲是。余示以近作數篇。 見問顔氏家訓數事。

戈乎? 九日。 七日。 此類乍看似可通,細勘之則殊不合也。 閱章先生文始,以柯爲戈之孳乳字,殊牽強無理。 戈、斧同爲器名,斧柄之柯何由受義於 也

王有三來,言錢大昭廣雅疏義在日本靜嘉堂文庫。情余前遊時未及借閱

錄竟。 (或作懿)、狣、桃、駣皆言小。 王云「言肇」,則不能該桃、駣。 黃云「言少」,又不能該舠、軺、莙。 十日。 釋獸 張愼徽(樹敷)來,見示徐行可過錄黃季剛批校廣雅疏證,因借取錄之。所校不多,一日 疏證謂「挑之言聲」,季剛糾之,謂「言少」。 佘著聲訓, 定刀、召、兆爲言 小, 蓋舠、 朝、瞽 惟

小,則全該括也。余讀書記憶力至弱,而悟能似頗有一日之長者,此其一事也。

<u>大雅公劉篇「京師之野,于時處處,于時應旅,于時言言,于時語語」,處處、言言、語語皆一字重</u> 旅獨變文者,以廬爲平晉,與野處語不叶故也。以此知古實有上晉。 十八日。悟「燕」晉字有白義,「盧旅」晉字有野義,「余」晉字有邪義, **黄季剛謂無上音者非也。近** 皆王氏 所未及也。 叉悟 日

積

因得休假,不事講授,一意閉戶讀書,時有新知,頗自喜也。

益謂命。「君之所爲,殆欲與章君並矣。」余云。「不必有此事,却不可無此心。」 二十日。縣紹賓來,談小學,舉呂、旅訓衆義相告。余乃出余所貫串呂字一條示之,伊乃折服。

十月。

迴訓遠也。 五日。 讀說文,治聲訓。 聚訓側出泉,蓋假聲爲頃,頃爲頭頃側也。 馨訓香之遠,殼蓋假爲迥,

二十四日。子德嘉生。

十一月。

二十一日。登車南歸省親。

文廷式所著伊尹事考及純常子枝譚(四十餘冊),周廣業著四硯齋羣書過眼錄,就中以孫書爲最好。 二十四日。 在漢口,訪徐行可。出示其所藏顧千里校輿地廣記,孫淵如編春秋長篇(五十餘冊),

二十五日。抵家。

不成寐,得一絕云:「不廢江河吸萬流,一燈孤照費冥搜。 二十七日。 肖明告念·「暑中王葵園先生九十冥誕, 諸君會合, 各有詩詞, 凉塘弱後成千古,我亦星星白上頭。」 君不可無記。」今日夜

二十九日。葉定侯以說文籍文考證一冊見贈。

十二月。

兩親誕辰,余不能在家稱觴者十三、四年矣。今年,清華休假歸來慶祝,誠大幸事也。 四日。今日農曆十一月初七日,爲慈親大人七十五初度之辰。自一九一九年(民國八年)出 是日諸親友皆

十一日。李肖耼寓參與皮鹿門先生八十五歲冥誕祭。

來祝,男女凡十席。

十七日。 訪梁鼎甫(煥彝),見示嚴衍宋元畫鑑補寫本,補薛應旂書也。

二十日。 到湖南大學演講「形聲字聲類有假借」,講話,登嶽麓絕頂。

二十四日。日本人將發行漢文函授講義。長澤規矩也託橋川時雄來書請余編漢文法大意,辭之。

之「卜爾百福,如幾如式」;「順,退也」,不知本女曰鷄鳴之「知子之順之」,與「知子之來之」爲對文。 字,如,「蓋,覆也」;「曙,明也」;不知即說文之「益」「睹」。不能通詩訓,如:「幾,法也」,不知本楚茨 山東耳,不入京也。 生出處,蔚林以此諷之也。 季畲之兄蔚林先生與相見。 確當。 愼徽年少,循此不懈,可望有成也。〇孫季畬(文昱)言,袁世凱請湘綺翁入京,翁過湘潭縣城 不通聲訓,「碩、賦、舖、敷,布也」;「勿、蔑、微、曼、沒、末,無也」;不知其爲一罄之轉,是也。 二十五日。席魯思見示張愼徽來書,論小爾雅,不慊於宋、葛、胡、王四家之疏。 時坐中止某某等數人,楊鈞所記誣也 翁聞言, 燃鬚言「齊河道中」者再。 適是日大雪, 蔚林云:「今日之雪, 蓋不減齊河道中。」 翁於齊河道中定一 有頃,入飲席,翁言,此次北行,送女到 謂其不能求本 所論頗

六八

老去安是悲,所傷未聞道。平生千載志,常恐遂潦倒。高山立我前,不進那能到?詩書有至味,相期 二十七日。成登嶽麓和同登諸君詩云:"別來二十年,山色依然好。惟有看山人,少壯欲爲老。

九三三(民國二十二年癸酉),四十九歲。

j

十四日。撰中國修辭學序。 四日。 袁述菴甥來,告昨日午後檢關失陷。 甥在電局服務,故先知之。 如此,平、津必大震矣。

「祖廷玉樹早成叢,又茁孫枝繼乃翁。 今多佚)。文章三世承中壘,名德如今見小同。 喜有緇衣傳素業, 料得清門流澤遠,克家代代有仙童(湘綺翁稱會重伯 不須酒誥恨俄空(藝文志子思子二十三篇

二十二日。和徐紹周詩一首。紹周講業麓山,本繩祖武。近感院中桂樹有詩,依韻和之,云:

爲仙童,重伯以入翰林繼祖武)。」

(啓駉)贈黃木父(逢元)補晉書藝文志及文集。 二十四日。紹周集東坡、子由詩句見贈云: 「著書多暇真良策, 對酒清歡似昔時。」〇席魯思

二十五日。 是日農曆除日,侍兩親進團年飯。 出遊以來,不在家度除夕者十三年矣。

二十七日。曾星笠從廣州歸,來訪。余告以「慈當訓愛子」,「始爲女子天癸初至」二義;星笠許

爲妙達神怡。 又示以候、屋、東部文綜訓會之奏、湊、輳、聚、諏、最、堅、丵、族、業、總、登、叢、 機、機、

騣、豵、稷、墨、騣、葼、鏃、嫩一條;謂較文始所貫串爲自然。

二十八日。 同門王娅安見贈北遊序駢文一首,情文幷美,殊可感也。

月。

二十九日。

以休假將滿,別家登車北行。

一日。抵凉寓,家人安,市面如故。

事。 十七日。 周叔迦來, 贈其家景印魏季詞詩文集。 詩頗工, 文集中記戴子高不悅當時人辦洋務

季詞爲默深先生之曾孫。

十日。 讀荷子非相篇,釋「蒙供」爲戴類頭,楊倞說誤也。

字;先生校書,則務求不改字而說通,非他人所可及云云。 二十四日。 王生谷辭歸蜀。 自言北來年餘,喜與余接,頗得讀書門徑。 此自是余校勘方法,習久已不自覺。王 又言,他人校書,動喜改

生道破,遂覺恍然。

四月。

權要,高節素所欽仰。 三日。 方欣安歸里,余以老、易二古義及漢書礼記託其呈趙藏生先生(啓霖)。 欣安,先生弟子也。 先生於清末彈劾

大九

多材,君今又繼二王而起矣。」余遜謝不敢任。談及北平教育界情形,援庵深以浙派盤據把持不重視 ○訪陳援庵。語余云:「北平圖書館刊讀王氏讀書雜志獻疑一文,精覈之至。嘗與友人談,湘士 六日。 訪某君,見告瑞典高本漢近著詩經研究,論及老子,稱余老子古義之美, 容當假與余讀

學術爲恨。於此知天下自有眞是非,有小之徒不能

掩盡天下人耳目也。

上聲也。烽火中能作此論,兄於治學可謂精專。冀他日爲魯兩生爾。」按釋陳乃于先生文始之說獻 子孳乳爲字。 **辨音有上聲說。此去年九月十八日悟得,今日始寫成之。糾黃季剛誤說也。** 疑,先生不以爲侮。 南、北曲 平上有無 老則日老老,敬長則曰長長。 似未歸,恐實得之兩耳。 先生求教。 生胸中祇有眞理,絕無人我之見存。 七日。 而 區別,此固難以質言。 謂今無上、去也。詩三百篇之諧韻,蓋與今之南、北曲同。以平、上錯雜相諧,不得謂古無 改撰釋慈篇。去年七月二十五日悟得此義後曾爲一文,今改訂之。 五月十四得先生七日書云:「醥之聲義僕以爲得之鹵者,誠爲麤物;竟謂得之於羹者,亦 小徐本說文『字,乳也,愛也』,繫傳引『大不字小』爲說。 古有上聲說乃糾黃季剛,季剛固先生尊弟子也。先生頗以余說爲是。 慈訓愛子,推其聲義於子,說甚塙。 樂記『則易直子諒之心油然生矣』,中庸『子庶民也』,此皆今之慈字。由 今詩詞平、上、去、入分用,南、北曲則以平、上、去錯雜爲韻。不得見 又以諸文示諸友。 鄙意古祇有子字耳。 慈之爲文,又在字後矣。 **余旅以此三文寄呈章** 又撰釋廓篇, 愛子即日子, 猶 於此知先 敬

十三日。

得錢玄同書,謂上聲之說甚諦。

贈彼所撰文字二篇。

別入微,豁然塙斯。」北大劉復自謂解文法,近作一小書,自造一例,嵌入所字,文不可通,便 字有誤。 小孔 **余作書告之。** 日。 得會星笠來書云、「釋慈、釋鯨,求義於聲,至爲透闢, 謂爾自誤嵌,余說不誤。 劉蓋慙發怒,大肆攻擊。 足發許君微旨。 孔子云:「不可與言而與之 詩音上聲 謂余說所 一說,分

十六日。 偶閱史記楚世家索隱引世本云"陸終娶鬼方氏妹日女嬇」。 余悟慣爲說文「楚人謂女

言,失言。」余自咎失言,故置之不答。

地 弟曰娟」娟字之或體,女嬇爲鬼方氏妹,與女弟義訓相合也。 域相合也。 九日。 說文口部「喟,或作哦」。是形音相合也。○得上海世界書局書,告中國修辭學已出版。 陳援庵 來, 談劉半農對余答辯文字。 知社會自有公論,余之不答,正是不欲多以此等 陸終為楚之先世,世本記楚國故事,是

二十七日。 徐孟 博來,告行可與渠書,稱釋慈篇精 確 爲

對手耳。

--

百四十七字,據古義所引莊、列、尹文、呂覽、國策、韓非、韓詩外傳、淮南子、史記、鹽鐵論稱引老子之 八八千七百六十七字云。將全書一一細數,可謂勤矣。某君旋以此冊贈余。○撰說文瞯戴目釋文。 二十九日。 訪某君,見示瑞典 高 本漢老子之韻語論文,中引及老子古義, 謂老子王齊本 h.

五月。

生? 那 十一日。 加五季 紛 赴 清 紛日,却憶開天是太平。」「曾見宮門與苑墻,七年一瞬又滄桑(余初到清華 華,途中成題湘綺 翁手篆圓明園詞卷子二絕云『亂後園地 徧 棘荆, 當年 一時尚 興 感 見園 幾

門與照墻, 今皆 即矣)。 詞人莫更懷憑眺, 裸國朝朝迫禹皇。」嗣卷藏徐紹周處, 詞有序; 紹周尊人

所撰也。

士 日。 昨日倭飛機來散傳單。 今日聞高射 **余**運 書入箱歸洲。

应 日。 出門,見和平門西單牌樓皆積沙袋,云防漢奸。

興余相得甚歡。 十五日。 余季豫來電話,云不日南歸;往談。 在輔仁大學,意不自得。 北京大學爲某等把持,止 季豫性情忳擎,聞見廣博,而能 余念此後聚散不可知,**爲之**悵惘無 一以數 小 時敷衍, 識微。 决不聘爲教 相 交五 年,

與人相

形見拙。

比

以病

後,又時局

日緊,故决計南歸。

Ę

十七日。

季豫行,往送之。

十九日。 黎錦熙送其所著文法書來,略一翻閱,引史記項羽記「項伯則夜馳之沛公軍」仍將「

字删去。 昔年師範大學入學考試, 渠以此爲題, 曾弄出 一笑柄,至今不改,真不可思議也 到 清華

出 席教授會。 二十二日。 明日,學生紛紛離校。 到師範大學。 知倭軍已近通州。 軍事當局通令各學校從速結束。午後

三十一 日。 以時局日緊,率眷登車南歸,惟嘉兒以乳未斷,暫隨乳媼寓脹宅。

六月。 四日。 抵家。

十五日。 得商務館緘,告馬氏文通刊誤再版本出版;初排以倭人寇滬被燬也。 兩親及家人皆無恙,爲之大慰。 毅君與余婚已十三年,至是始謁 3 姑

二十五日。 到平江歐陽重衡(之鈞)家觀重衡遺著稿本,有清儒學案、 清經義考、箴言錄諸 種。搜

採頗當,似皆未成定稿,重衡卒尚未及一月也。

二日。 命梓人削改古書疑義舉例續補誤說二處:一,韻文不避複韻條,誤以三我字爲韻;

母名子條,誤以史皇孫爲宣帝;皆存第一卷中。

三日。 余笥衡(壽湘)見贈古碑僞刻考二部,余爲作序者也。

七日。

遇周克瀛。

周名能望氣前知。云民國此後不過八、九年,

此八、九年頗難度過。

謂余有

紅紫光、無黑氣;情頗散漫、恐是用心太過之故;壽可至七十云。

十一日。余季豫來。以輔仁大學電促返,明日北行,余餞之於福園。

十二日。 十三日。訪黃字遠(兆枚)。黃云,前此曾相見。 至車站,送季豫行。 余不省也。 黄工詩,古文亦有功力。

湘中前輩

能文者、趙藏老外、當推此君也。

乘汽車至湘潭,訪朱師晦。 出示所藏碑帖,頗有佳者,爲題

生出示葵園唐書合注稿本,以新唐爲主,舊書附之。並有集注,紀、傳已全,表、志缺二十餘卷。奏翁 二十一日。農曆七月朔,王葵園先生冥誕,公祭於韭菜園孤兒院。 記數種。 與祭者七十許人。

公元一九三三年

曹耔穀先

積

曾告曹:此書排比之勞,視兩漢書尤過之。視稿本,知其言信也。

三十一日。 商務館李伯嘉書告:高等國文法已編入大學叢書,囑校訂後即付排。

九月。

二日。別家登車北行。

六日。抵京,暫寓張宅。

能則罷免,罷免乃引申義。 戌者,悉也。 **突**爲 搜求本字同。 十三日。定居回回營鄭叔靖家西院。 許明言之。 兩字同从火,非从求者。 由此推之,罷从网能, 許言「言有賢能而入网卽貰遺之」,殊爲繳繞。 〇晤吳檢齋,見告窦字从穴,从又,从火,乃探之本字。 又言形聲字中聲類固有假借,即會意亦然。 网卽無字;無能,與國語言「罷士、罷女」義正合。 按檢齋所言皆有理, 咸字 从戌; 而突 與 無

余高等國文法編纂,稱引佘說及襲用處頗多。此種講義日本人希望佘爲編次,經佘謝絕者 十五 日。 閱日本人松川朴平送到漢文學講座第三卷文典講義, 爲林下隆之編著。 敍例言: 也 依 據

十八日。高閱仙送來邵次公所著太誓决疑,次公託高轉交者。

檢齋索取者。 二十二日。 吳檢齋來,贈所著經典釋文敍錄疏證一冊,又交余三禮名物 删。 余爲王嘯蘇 代向

二十七日。 王生谷從獨寄贈趙刻荀子,楷字依篆體書之,附考證二十一卷,內有劉師培

十月。

四日。 趙藏老獅園集寄到,蓋答分贈書也。詩文皆佳,湘中老輩此爲第一人矣。

荷子云:「偶視而先俯,非恐懼也」。「偶視先俯」,卽孟子所謂「目逃」也。

今也衡縫。」縮與衡對言,

可證孟子義。

此兩條焦理

孟子:

「自反而縮

縮訓直,

禮記云:「古者冠縮縫,

六日。

讀孟子。

堂正義皆未及。

七日。柯夢園先生去世,往作弔,參與門人公祭。

二十五日。 讀孟子正義。 焦氏說「成瞯」即成荆,又即成慶。 家大人眉批云:「荆卿

名慶卿,與

此正 同。」謹錄於此。

二十八日。 撰之部古韻證成。

十 月。

二日。 回由 回營遷居頭髮胡同。

五日。 黄季剛贈所著日知錄校記一本, 陸宗達送來者。原書有「素夷狄行乎夷狄」及「胡服」二

條,今本皆因淸人忌諱删去。〇得徐行可(恕)書云:葵園唐書,商務館不能承印。

八日。 高本漢寄贈論文二篇:一為詩經古韻,即前某君見示者;一爲紀念蔡元培作者。

+ 日。 校孟子, 悟「蓋自是臺無餽也」,「臺」當讀爲始,文義始合。 趙註興臺之訓非也; 焦疏

亦未能正之。 公元一九三三年

七五

十四四 月。 漢代婚喪禮 俗考,由商務館出版,寄到十冊。

九日。 王有三來, 見示所編清四百家文集目錄索引中易、書兩類文字, 云史、 漢兩種當請余

校閱。

定其 名為池陽令張君碑文。 二十五 日。 余季豫來,見示所撰漢西鄉侯兄殘碑跋。 凡三千餘言,考證精審,於是此碑無復腦義矣。 渠因 **余跋此碑**, 遂更詳考而爲此文, 並 改

二十八日。 撰釋始篇。

十二月。

二日。孫蜀丞(人和)來,贈所校刻花外集, 且 告余, 近購得郝蘭皐授職後家書一 通及希 見書數

種,內一種爲陳寶泉孟子時事考證。 三月。 吳檢齋來, 贈所撰六書條例二卷。 渠在中國大學所講授也。 鄒伯川寄來所借得王

峻

Ŧi. 日。 撰孟子臺 無魄解及爾雅大瑟謂之灑說

王爲錢竹汀書院受業師,書首有錢

序,此書爲葵園先生所未見。

漢書正誤。

十二日。 孫子書約觀韓世昌莊子武妻崐曲,吳檢齋介子書與韓相見,子書邀同晚飯。 韓崐曲 頗

自言十二歲學戲,十八始登臺奏技,今年三十六歲 云。

日。 高生松兆來。 余近授清華諸生以史記, 就史實參考奉書, 加 以 斷案。 例 如 共 和 有

說 則爲參稽左傳昭公二十六年、莊子讓王篇、呂氏春秋開春論、 魯連子, 斷共伯和之說為確, 史記周

召共和之說為非。 又如書文侯之命,史記屬之晉文公重耳,與書序不合;經文云「侵我」, 明指

見侵於犬戎而言,又文公、文侯不同,曹云文侯,不云文公;知當從書序,不當從史記。 史記屬之王官之役以後,今按公羊傳、荀子幷稱穆公善變,卽指秦誓言之,自當在殽之役失敗以後 又害秦誓

生述真,楊生文魯,亦表示願相助。因以考證史記諸書囑諸君編番號記入史記

生言,近受史記課,極處興味,並願助余任集解史記之役。

後又有董生同龢、曠生壁城、王生文婉、劉

閻百詩說即如此

高

若王官之役,秦人勝利,何必有悔而變也?知亦當從書序,不當從史記。

十七日。撰論語古義自序。文云:「民國六載,南北交紅」。六字當改作七字。 〇陳寅 格之尊人

先言於先生矣。 散原先生(三立)就養北來,今日進謁。 先生告余,時務學堂考試校閱試卷者即先生云。 寅恪不在寓, 而先生已知余, 謂余留意著述云云。 蓋寅恪已

說精鑿不可易。 二十日。陳寅恪送所撰四聲三問來。文言周顯、沈約所以發明四聲,由於當時僧徒之轉讀。 以此足證外來文化之輸入必有助於本國之文化,而吾先民不肯故步自封、擇善而從 立.

吳檢齊來談說文。渠亦思修正章先生文始, 舉數例甚精核,沈兼士古文字不能

之精神,值得特記爲後人師法者也。

及也。

龍龕手鑑一冊,讓之世兄將來。 十四日。 始剪 經籍纂詁,將以同一 聲類之字聚爲一處,依古韻編改之。 〇余季豫贈北大景印

七八

獲」即失得,「充絀」即絀伸。 三十一日。 吳檢齊來,見告辭、辞諸字義;新而確(記似說辭、聲一字, 說亦確。 形相近)。 又說儒行「種

一九三四(民國二十三年甲戌),年五十歲。

F

相, 首有畢沅序。 實,非苛論也。 備 日。 極醜惡。 答訪孫蜀丞, ○過四單商場小書攤,見社聞週報中一文題爲名流黎錦熙傅。 其要點爲己身毫無實力, 出示近購南江文鈔十二卷本及湘潭張九鐔字蓉湖所著笙雅堂全集。 專結錢玄同以自重云云。 此點爲京教育界盡人皆知之事 翻閱之,則 刻畫 窮 形 張書 盡

五日。 編纂點蒸登部字。此部字多上出之義,如登、烝、角、

魚虞模古讀如麻,余著之部古讀如咍。 篇,爲錢大昕古無輕唇、古無舌上, 六日。 古聲韻討論集十部送到。 章太炎娘日歸泥, 此書由北平好望書店於去年十二月出版。 會星笠喻母分歸匣定; 論韻二篇, 收文六篇: 爲汪榮寶 論聲四

八日。工程系學生脹生來,願加入史記集註工作。

十三日。 十一日。 會星笠寄贈所著通史敍例。 邵次公贈尚書决疑,高閩仙 代交來者。 ○遇劉盼遂,談文字。 余偶舉海、溟、晦、冥四字, 盼遂

經、絡、徑、路。歸後,余又思得徑、略二字。 贈字同,曾有加義也。 晚更思得賞从尚聲,賀从加聲, ○閱簽試唐部字。兄有茲益義,貺从兄聲,爲貺,悟其與 尚、加皆有加義。 如此贈、貺、賞、賀四字實

十五 日。 蔡廷幹託人贈其所著老解老來 買。

是爲余發現字義同,由於語源同之始。

如此說文字, 殆發三千年來未經人道之秘矣。

二十二日。 十八日。 悟疽得義於阻,薙得義於壅,二字語源同。 吳檢齋來,余舉近日用義類貫串新知告之,檢齋亦謂爲前人所未道

也

爲可惜。 二十六日。 此又一公論,不當以人廢言者也。 答訪 北大浙人某,談及師範大學之腐敗,極不以黎錦熙爲然; 而以錢玄同與之比周

爲益。 禮記檀弓謂諡爲易名,然則諡 二十七日。 詩疏引說文養訓益髮,而然則屬亦益髮也。 前以贈、貺、賞、賀四字告徐生,徐舉賜字爲問,余不能答。今日悟賜从易聲,易蓋假 从益聲,又假爲易。 不能待旦,披衣檢書。 鬄从易聲,亦假易爲益, 白虎通訓諡爲引 與賜字正同。 釋名訓證 夜 中又悟

云 :「譬之如疾,余恐易焉。」 易正謂傳染。 二十八日。 悟疫字受聲義於易, 易有延易, 染易之義也。 延易見爾雅釋詁郭註。 國語魯語上

爲曳,皆支離不切之說矣。

二十九日。 撰形聲字聲中有義略證成。

四月,刊入清華學報九卷二期。 公元一九三四年 陳寅恪十日來書云:「頃讀大作,精確之至,極佩極佩!公去年

論五倫文字。 休假半年, 太炎本以參合新舊起家,檢齋所爲,正傳衣缽,何足怪也? 交口訾之。 乃能讀書。 一日,一友爲余言之。余云:「君與余看新書,人以爲怪,猶可說也;若檢齊 根據禮經,剖析精微,令人心折。 弟則一事未作,愧羨愧羨!」時寅恪亦休假,故謙言如此。 檢齊近日照泛覽譯本社會經濟學書,聞者羣以爲怪 」友人語塞,無以難 也 ○訪吳檢齋,見示 乃太炎弟子,

之女,余爲媒妁。 本爲傅沅叔藏書。 三十一日。訪余季豫,山示新得鈔本野獲篇及乾隆十三年縉紳、上海新景印宋本白氏六帖, 又見元願仲瑛雪蓬圖,有高青邱題詠 讓之世兄新夫人徐氏奩中物也 徐爲行可 原

月。

二日。撰釋贈篇。

Ŧī. 日 吳檢齊來,以所錄新說文韻譜東部見示。 廣韻分四聲, 又載四十一母, 視 前人諸表爲繁

複矣。

皆與期同義 十一日。 孟子言: 「招虞人以旌」。 悟从部旗、旗、旞、掩、旋字皆同語源,旗所以期士卒,許君已言之;兆與召同;要、會 古人旌旗之用如 11

二十二日。沈兼士贈所著古文說,余季豫代致之。

二十八日。撰釋旋篇。二十八日。日本京都東方文化學院各東方學報第四冊來。

三月。

十日。悟霧从齊聲,訓雨止,乃假齊爲另,另訓止也;齊、另徼部音近字。

十三日。 習說文。 寮訓穿,僚訓慧,此娅之爲情謂、囱之爲聰、櫺之爲靈也。

四日。 十日前與沈兼士書,評其古文說,以釋贈、釋旋二篇胎之。 今日得覆書, 云評渠文所見

極是, 二十四日。撰釋嫁篇。 贈、旅二首皆精審,釋旅尤佳。 ○今日悟廳訓館,語源與館局。

四月。 三十日。 商務館來書,告古書句讀釋例已出版。 此即古書之句讀增訂本,改名由商務印行。 皆訓危高, 轍訓載高,曾亦有高義也。

日。 日本服部学之吉博士寄身延本禮記疏校勘記來。

八日。 高聞仙贈所著唐宋詩舉要來

季豫昨云 十三日。 印林遺稿今爲中央研究院所得,有欲印行之說。 随印林 (瀚)拳古小樓雜著。 孫蜀丞新購得,稀見之本也。 余讀雜著,知其爲王伯申弟子,宜 墨板甚多,似未刻成者。 其言古

韻有條理也。 十四四 日。 有與王基友論異部重文一書,足補基友說文釋例所未備 論語古義二十卷,前月由上海 商務館出版,今日寄到十冊。

二十日。 陳衛玄(鐘凡)寄爾雅釋例來, 書極有條理。 落者陳玉樹, 對玄之世父也

五月。

公元一九三四年

十日。 徐行可贈宋版書籍信箋,精美可喜。

諸子系年極精湛。 十六日。 出席清華歷史系研究生姚薇元口試會。 時代全據紀年訂史記之誤, 心得極多,至可佩服。 散後, 偕陳寅恪至其家。 ○閱聞一多論詩經茶首,與黃 寅恪言錢寶四(穆)

季剛說芣莒爲胚胎者關合。

請其重印。 十八日。 今館中不告,遽付印也。 商務館寄積微居文錄十部來,國難後重版也。 余初意此書當嚴汰,故商務館遭難後未

二十三月。 閱朝鮮人柳得恭燕臺再游錄,頗 可考見當時士大夫風氣。

一十五日。 出席本系研究生霍世休口試 會。

四十簡。 二十六日。 此外並有安徽壽縣(楚都壽春)新出土楚王熊悍鼎彝。 到團城參觀西北文物展覽會。陳列品有漢居延筆及西北燧上物品報告簿本簡凡三、 又有方簠二事。 〇得劉宏度(永濟)

書云:「屢得大著,祇有傾歎精詣。 近作論解書必載語源,持論尤契合。」

一十七日。 余季豫寓觀其近購高郵王氏手稿, 有與朱武曹書二通。

志稿,價四十八元。 三十一日。 徐行可贈養志居僅存稿。 孫蜀丞、倫哲如皆有購入;

然皆非精品

聞陳援庵得王撰段茂堂墓

六月。

三日。 閱賽站幽部字。 字聲字多訓皮,與包同音故也。

四 日。 在清華,董同 龢、高松兆 來談。 云此兩年中,以 此 學期 所得爲最多。 盏 余發 問 題 頗 多, 兩

生亦 極勤學之故。 ○讀餐計幽部字,知抱、量皆包圍義,爲 同 源 ; 郭皆在外 義,為 源

故名 鶏。 鳴 聲相 屬,俗 名告天鳥; 會讀如吁,呼 也,天吁卽告天矣。

八日。

七

日。

橋

111

時

雄

送服部字之吉所著供存書目來。

〇撰爾雅鷄天龠釋名。

多訓

高

飛,此鳥

飛高,

之。 又云「兩脚號開」,即讀陰聲,亦此字也。○周勺泉(漢藩)來,贈所著河北習見魚 悟步、业二字位置一殊有理;兩足一前一 類 圖說 今長沙

後爲步,左右分張爲业也。

刺业,

尚言

十五 日。 撰釋放篇。 ○遊、芬同訓 香,同受義於分,爲同 源 ; 必訓 分極 也

即走陳。 十六日。 賜書已達,一俟欲血稍愈, 余前以釋慈、 釋贈諸篇寄示黃季 謹當熏沐覆書, 剛。今日李生振 勿貴遲 答」云云。 邦 示季剛與陸宗達 惟後此並無來 書云:「楊先生 、書,而 對客 則 處 1/1

余之美云

示縣鴻凱 十九日。 與余二人書云。「遇公寄示聲訓文字,精義入神,殆駕高郵 撰 深晚篇。 字从発聲, 與俛、冕、 **浼同受義於低俯,與莫、昏字** 而上之。 構造同。 鴻凱駑駘,十駕不及,然 〇余季隊 來,見

已啓發不少矣。」

二十四日。 二十三日。 高闄 閱 羅 幸 仙 田 送 所著文選李註義疏 (常培)古晉學講義。 第 極 卷再版· 明 晰。 本來。 惜於劉逢 〇王有三送所 禄 姚 文 田 著倉頡篇 兩家 無 所言耳。 輯 本述 評

錄|湘 中前輩 公元一九三四 胡伯 薊 先生 (錫燕)及鄒叔績兩家之說,則近人言古音者所 略也

二十八日。孫子書來,示所著唱喏考。

低。昏从氐省,與晚構造同。 字、嫁字皆無說。云晚字得義於玄,昏與晚爲一字。余謂晚與玄音與義皆不相涉;字从日免,謂日 故姑設詞延宕而終無答覆也。」徐所言如此,姑記之以待證實。 不漏,將彼奉爲金科玉條之文始牽強附會之方法摧陷無餘。 季剛則繳繞迂迴,此其別也。 三十日。徐孟博來,談及季剛云:「渠素以小學第一人自命。今先生示以文字,條理精密, 昏、晚音殊,不必爲一字。 孟博以余說爲是。 彼欲贊則心有不甘,欲詰則 孟博有季剛說文校本, 大抵余說字直截了當,而 為事有不 於余所言始 盛水

七月。

言之,自經之義多有,而經緯字罕見;似當以自經爲字之本義也。 日。 撰釋經篇。 謂堅聲字多含直義,又謂自經之字爲以繩繫頭,其說皆是矣。 此節原文未及,似當補 但以經傳用字

四日。撰釋旃篇。

韻也。 十一日。讀洪筠軒孔子三朝記處戴德篇。「而名不蹇」,「蹇」疑塞形近之誤,塞與上文德、力爲

十二日。 撰釋喝篇。 文云:「左氏傳所謂夏日之日可畏者也」,語統傳及註言之,當改正。〇陸宗

達來,問以黃季剛治說文之法。 答云:「不出文始範圍。」此宜乎其多意必之說矣。

十三日。撰釋深篇。此義爲二十一年多讀說文時所得,久未及寫,今日始明之。○孫鼎宜寄示

尊人蔚林先生遺著, 序跋一冊,墓誌一紙。 據序跋,遺著有宋書考論、國策校義、禹貢錐指訂誤、水

經註札各種 十四日。 撰釋簸篇。 文中誤混急就篇爲倉頡篇,故有史游著書遠在景帝以前一語,當改訂。

背事有二事應補:一,莊子則陽篇云,「扶其背,折其脊」,一,漢書賈誼傳云,「伏中行說而答其背」。 ○檢說交,得一絕云:「晚涼天氣雨如絲,把卷沉吟有所思。 十五篇書在天壤,幾人讀破有眞知?

十六日。 徐生孟博來,示以釋喝諸文。 徐云:「先生小學文字,雖小學無素養者一見即知其佳。

並 云會以余治說文之法作書告其師劉伯平云。

十七日。 讀朱芳圃甲骨學文字編。此爲余治甲文之始

此 知季剛於說效並無異知灼見,而乃自負爲天下第一人,殊可詫也。 十八日。徐孟博來,言日前聞余說暍、滓、簸諸義,後歸檢黃梭說文,皆仍交始之說,

二十日。甲骨學文字編粗閱一通,訖。 其書條理頗佳,惟未成熟之說太多,

未能嚴汰,

是其

略無新意。

二十三日。撰釋晉篇。據字形謂卽箭之初文。○伯兄書來,告峻姪舉一子。 兩老初得曾孫,必

當喜悅,爲之一樂。

病。

然此學初萌芽,此種現象,固所難免

二十九日。 撰讀商承祚君殷契佚存。 今按此文惟燕字義可存,他數字皆誤說 也。 今訂正於此

公元一九三四年

後,分示諸友。九月二十七日遇愈平伯,告余云:近授論語,「謹而信」即用余說。 為而死?』晏子對曰:『此餒而死。』」此條當補入第四證左氏昭三年傳註之上。禮記緇衣篇云:「君子 民勤於食則百事廢矣。」動亦缺少之義,當補。又晏子春秋外篇云:「景公出而見強,謂晏子曰:『此何 例,穀梁傳僖公二十九年云:「古之君人者必時視民之所勤,民勤於力則功築罕,民勤於財則貢賦少, 三日。撰釋譴篇,以廑、僅、隱、殣、莅五字證謹字本義當爲少言。許訓愼,失之庸泛。 嗣後余又得勤字一 此文付印

寡言而信以成其行。」此又佘說「謹而信」之確證也。

之至,故余輓翁云:「清節在當年,曾為兩間留正氣;垂青承少日,悔遲一謁負深知。」 則力反之,深以爲憂。今去世,天壤間少一正人矣。翁居醫院數日,余以忙於研究未一往問疾,負疚 張作霖入關,不賄選者紛紛自名以求利;此老亦不屑爲。居恆常謂國民政府以廉潔爲號召,而行事 十二日。周甥鳴珂來,言周印昆翁(大烈)昨日去世。 此老持名節。 曹錕崩選,不肯受汙。及

十六日。撰湘潭王理安先生(啓原)校錢大昭後漢書補表跋。

順訓張目,目張則目匡大也。

定,得百文後當出一集,請余序之。 二十一日。 唐立庵(蘭)來, 赠所撰葬京新考、古樂器小記。 並云渠新定甲骨文字甚多,正在寫

二十二日。撰臣牽解(論叢題二十日撰,誤)。

凹日。 王了一(力)來書,盛贊余近著文字。 余以了一通語言學, 以文字請其是正, 故有此

覆緘也。

二十五日。 訪孫伯恆(壯),以壽縣新出楚器拓片一紙及唐元和普照寺畫像印本一冊見貽。

二十六日。日本京都東方文化學院寄東方學報第五號來。

九月。

二日。 顧預剛之母以七夕日逝,來計。余輓之云:「仙蹤歸趁星河會,子舍名成景范才。」預剛近

治地理,故云。

著。 今中國人均稱舊日史書不敍述社會狀况,欲撰新史,盡反昔日之所爲,不知中國人早有此種著 七日。 劉子植(節)招飲。遇美國人顧立雅,能操中語。 與余談及史記, 謂余云:「西洋無此佳

述,惜彼等不知耳。」此語如令專捧外國諸君聞之,不知當作如何感想也。

符形、省形、複形五種。 十日。 **清華大學囑余任此學期文字學教科,故近日編寫此科講義。** 今日分象形爲純形、雜形、 也。

編文字學講義。 〇甘肅張晴麓(曦)託人致楊於果史漢箋論及文集來,余前託張購求者 余初以吳檢齋六書條例爲底本, 而分類與彼不同。於彼所謂合體象

形者,思最苦,蓋排列四次而後得之。

十六日。

十月。

四日。 公元一九三四年 撰釋神祇、 釋禱二篇。 經濟篇有事例應補者,墨子明鬼篇引古云:「吉日丁卯, 八七 用代祀社

相類。 (篇) 記秦昭王有病,百姓里買牛而家爲王禱;又記秦襄王病,百姓爲之禱。 **禱,其爲求壽甚明,皆用禱字本義也。** 方歲於祖若考以延年壽。」晏子雜下篇記柏常騫爲景公請壽, 昭公二十五年左傳云,十月辛酉,叔孫昭子使祝宗所死,戊辰卒。此與范文子事同。 墨子明鬼篇記神錫穆公壽十九年,此與武王 此求延年壽之事也。韓非外儲 病愈,殺牛塞 夢帝 與 一禧。 藝文類 我 此因病 設治下 九 齡 事

卷十引隨巢子云:「司命益年,而民不天。」此亦神益年之說。

六日。 撰釋祀篇。 〇清華學報九卷出版。 載佘釋旐、嫁、放、晚、經、旃、喝、滓、 籔、 晉、 **芯諸文**,

有單印本。

十日。撰改訂本高等國文法序例後記。所謂某君,謂劉復也

語猶 如此。 十一日。 余謂如此知芰、技、妓諸字之音讀仍由雙聲得聲。 一習日本事者告余:萬葉集以支字代ギ。知六朝時支讀牙晉,支吾二字乃雙聲。 廣韻只「章移切」一音,失此音矣。 今粤

此口、方二文爲一字之稿證也。 十四日。 撰釋旁篇。 按甲文韋字从口,而衞字所从之韋,从方,不从口。 金文衞字或从口,或从

方。

此 義,沉思有頃,答之云:「云、雲同字。 十七日。 授文字學, 講日、月、雲、 雲爲上升之物, 氣諸 学。 生問 三 與日 言語亦氣上升。 同 川之云字如何 日字从口, 取義? 象氣上出形,可 上余向 未留意

證也。」

十八日。 清華同事許駿齊(維通)撰呂氏春秋集釋,請學校出版。 學校囑陳寅恪及余審查,寅恪

又專委之余。余略爲校閱,今日草報告書。大意謂大體尚好,惟仍須有修正處耳。

八蛋也!」余聞言,乃知其爲近出學報文字而發, 端,則云:「吾輩老朋友,君何爲客氣如此!」渠乃云:「近讀學報大著,實屬欽佩之至。 不佩服者, 二十三日。 由清華入城, 車中遇劉叔雅。謂余云: 「我對於遇夫先生欽佩之至!」 余以其語 而其出語出人意外,錯遌不知所答。 在彼或出 至 王 無

誠,而其態度之神妙,又不能不令人大吃一驚矣。

見其著一說字誼之書,頗便初學。文學革命時,陳、胡幷稱,然陳之小學知識在胡適等人之上也 印本二冊,一,形聲字聲中有義證,一,釋族以下十一篇,交叔存,請其轉致。 日 正以陳緘囑,入城購余所輯古聲韻討論集云。 二十四日。 從清華入城,車中遇鄧叔存(以蟄)。 余因邀叔存來余寓,以清華學報所載余說字之文單 告余云,陳獨秀在獄中,專治文字音韻之學。今 余與陳君不相識, 惟

卽 及余存吾(廷燦)兩人耳。 ○高閬仙招飲。 遇鄭友漁,云,近刻劉申叔遺書,古書疑義舉例補

陶山之學不主一家,然吾湘乾嘉間前輩能了解漢學者僅陶山

以吾家所刻爲底本。

二十七日。

讀唐仲冕陶山文錄。

二十八日。讀明艾穆終太山人集。穆,平江人,其集四庫未收。 卷四恩禮記一首記其疏劾張江

陵被廷杖事。讀之令人下淚,眞大文也。 明史穆本傳卽全本此文。 三十日。 閱亡友陳慎侯(承澤)國文法草創。 理論多而例證少, 故不免晦 澀之病。

深,則不可掩也。 〇日本人武田熙、瀧澤俊亮來,請於星期日講授說文,允之。

公元一九三四年

然其功力之

者不過英、美、法、德、意數國耳。 小國及中美、南美諸國,其種族皆白種, 二日。在清華,山東孔雲卿教授(繁霱)來,談及時人主張國語改用羅馬字事, 國家強弱之源,別有所在,不在文字也。」○醫生驗余血 文字學橫行也。 其國家之紛亂不可理與中 國 雲卿云"中歐各 無 爲A 殊。 型。 其 稱 強

者。 文皆泛語,無可考證。

九日。余季豫寓遇周季木(進)。見贈西鄉侯兄別一殘石拓片。

此季木近日所得,

在前

石之外

告諸生,極稱其美。 十二日。李振邦來,言日前在北大旁聽某君中國文學史課,某君說及詩經「于以」問題, 並云以此渠削去己說。 此等處新人較爲坦白,舊式文人所不肯爲也 舉众說

二十二日。 高閬仙贈所著唐宋文舉要乙編,駢體文也。

二十三日。 瑞典高本漢寄所著中國語語族論文來。

二十四日。

余前

以

近作寄示會星笠,今得書云:「釋晉,

六通四關,

吾無間然。

」渠頗

以專从聲

粒

水義不能貫通為 二十七日。 撰說云篇。 虚 〇撰左傳軍實解。 按周禮天官獸人疏云:「斬首折馘,生執囚俘,亦爲軍

實。 」引左傳僖公三十三年文爲證,正 一同余説。

二十九日。

二十八日。

撰說繪篇

撰詩匪風發兮匪車偈兮解。

十二月。

日。 撰釋官篇, 申鄉先輩何子貞「官謂地、非謂人」之義。 按偷蔭甫兒答錄、徐子遠說文段註

、一般所說幷與何同,皆在何後也。 又按獨子富國、儒效二篇皆以官與朝爲對文,應補

開森。 福收藏我國古物,亦治金文, 有著作,一九三九(民國二十八)年出版歷代落錄吉金目 尤 便

同座除馮芝生、許地山、吳宇僧諸君外,

有美國

人

福

日。 撰)說 馬篇。 ○高本漢屢贈其著作,以古聲韻討論集及形聲字聲中有義略證、釋旐以下十

篇寄贈答之。

檢查

日。

燕京大學研究生美國人卜德招飲。

四日。 撰説少篇。 ○撰書黃箋樂府孤兒行後。

日氣勢。 八日。 皆可補證。 撰釋餼篇。 〇陳援庵送景印王懷祖撰段茂堂墓誌手稿來。 按韓非子內儲說上記越王式怒電,以其有氣。 按原稿未署著者姓名, 淮南子兵略篇說兵有三勢: 今景印

乃不加題署;向非夙知此事者,竟當不識出於何人之手。此援庵之疏也。 二十一日。閱錢玄同二十八部音讀之假定,論咍部讀音引及余之部古韻證一文。

渠主讀如噫,

頗

即飽息聲,與余說異。 據錢說,之讀哈,黃以周曾先章先生言之。

有 所獲云。 十八日。 劉爲盼遂之弟,曾在中國大學受余課。 劉銘恕由日本東京來書云,近覽大同江上漢代器物,以余漢代婚喪禮 俗考 對勘,

九二

三十日。授日本人說文,今訖業。 受業者共十四人,合攝一紀念影,並宴余以誌謝。

九三五(民國二十四年乙亥),年五十一歲。

六日。 劉盼遂從開封歸,來訪。謂讀余所寄說字之文十餘篇,首首皆精湛,極致佩仰之意。

七日。 張生清帶贈燕京出版毛詩引得一冊。

十二日。

美國

人上德寄所著左傳與國語論文來,申證高本漢左傳非偽書之說,頗有心思。

十四日。 余因省親,登車南行。

二十日。 十七日。 席魯思寓遇劉仲邁,蔚廬先生(人熙)之子也。談胡薊門先生事云,湖南修通志,李次青 抵家。大人腿無力,精神尙好。 慈親因感寒停滯,小有不適。

未往也。」季父頗貴其自亢,故先生憤而自沉云。

方伯爲總纂,

招薊門先生爲助。

先生季父問先生:「曾去謁李方伯否?」先生答云:「方伯尚未來拜,

二十一日。 慈親昨夜不安。〇葉尚農來,言郭筠仙先生有日記數十冊在郭綏之處,皆用家常賬

簿背面書之。

낫灩一篇,極審諦。又云:「爽與矧往往連用,知與尚字同。 賁與卜往往通用,知賁即爾雅三足龜之 二十三日。曾星笠由廣州歸,來訪。告余云:「近授尚書,誦本文,審辭氣,大都通解。」爲余說

賁。 皆極精確。星笠囑余作序,諾之。

二十五日。 撰羅庶丹(俊)諸子學述序。

二十六日。 徐紹周招飲,出示荔灣餞別圖卷子,爲郭筠仙先生去粵撫任時作。陳璞繪圖,陳東塾

爲記。 有王少鶴(拯)、吳子登(嘉善)、李次青(元度)、鄧彌之(輔綸)、保之(釋)題 記

(曾亮)、張石舟(穆)、何子貞(紹基)諸人題記。

二十八日。徐紹周來,出示龍樹餞別圖卷子。

圖為韓小亭(泰華) 餞陳頌南(慶鏞)作。有梅伯言

訪郭涵齋(振鏞),見贈洲軍志平議及所撰諫佛骨表糾謬。 余近爲孤兒行箋書後一文, 〇閱京寓寄到報 紙, 未寄與 知遺

晦聞(節)逝世,爲之悵惘不已。 三十一日。 晦聞高節,詩與字皆超脫不凡。

渠,遂成千古,尤爲恨事。

某省。 賦詩,有『三品豆芻空一飽,江南草綠不如歸』之句。 主人見之,曰:『芋仙其欲仕乎? 與湘綺翁同修桂陽州志。有膂力,且有狂名。以修志曾辱湘綺」云。又談,「李芋仙居曾幕府 日。 李近視,謁中丞不去眼鏡(向來以去鏡爲禮)。 王佩初(禮培)來,以某送郭筠老家信札示之,中有左樞札。 中丞訝之, 曰:『老兄近視乎? 佩翁云:「左,湘鄉人,長於地 』遂以縣令需次 』李曰:『然;戴

着眼鏡瞧著大人是糊糊塗塗地』。」清才不解人事如此。 二日。 訪王佩初。 出示所藏書,有秀水陶越著燕台後知錄十卷稿本,乃補日下舊聞考之遺者。

公元一九三五年

明刻唐甫里先生集,字體秀美。

三日。 大人足軟,忽仆於地, 扶腋始起。 慈親一 年來遠衰於昔。 余意欲於暑假辭館南歸奉親。

婉稟慈親,親大不謂然。

母羊裘細視,稱其佳。云:「我到十月尚無恙,當制成之。」午後,余侍談甚久。 四日。 爲農曆元旦, 余謁祖後叩賀兩親。 親友來賀者絡繹至。 慈親款接如常。 叉取余新購奉

五日。 晨五時,慈親感不適。起大溲二次。命進高麗參湯。 八時前後,余三趨 侯,謂母

嗚 呼 痛哉! 急電原寓告喪。 午後得復電,毅君請奔爽,余請之大人,大人不許。 呼。

九時許,家人請母進餐,呼之不應。

延醫生,則云已無脈搏。

而余兄弟遂爲天地間無母之人矣。

睡熟,不敢

六日。 書告清華及師範大學告喪。午,母大殮。 李肖聃、 席魯思應余約來商酌哀啓文字。適

曹孟其來,亦相參酌。

十一日。行成服禮。

三月。

暑期本擬南行,忽得兄書,云長沙熱極,不必南歸,遂止;而於寒假南行。 念。 余不能當 苟非 三日。 吾母功德圓滿,天神憑相, 然天相吾母,使其於辭世以前,得見其遠隔千里之遊子, 何申甫 (澤翰)送慈親誄辭來, 何能有此?蓋余往年歸省必於暑假,從無寒假言歸之事。 有云 「及於歸 省, 乃與老辭; 教訓之將二十日, 雖 日孝 母臨危前並無劇病,家人 感, 神 臨沒 實相之。」孝威 略無 去歲 所 係

不必召余歸。 若余聞喪奔赴, 余之負咎益深矣。 由今思之, 此皆非余兄及余之所能爲也。

酧,得其實矣。

五日。始,連三日受弔。八日出殡,暫厝東鄉西藪沖田莊。

十二日。 先是余請李肖聃誌慈親墓。 今日肖聃來,見示所撰墓誌稿,文極肅括。 ○何申甫以贄

來,請受業。

十五日。別家登車北行。

十七日。抵京。

十八日。

閱諸友來札。

日本人倉石武四郎札云「得大著,

雒誦百遍,

佩服之至!

」蓋余南歸曾

以釋旅諸篇寄往也。 似苗也。 二十一日。 琨訓石之美者,昆訓同,謂石之美同於玉也。 撰獸字段註駁及說嬇二文。○讀說文玉部。 **璓訓石次玉**, 此謂石之次玉,如莠之

盛。 馬氏始用西法,然多生澁牽強,未能壓人意。 館覽之,一月三十一日有自署名日彌者論裴學海古書處字集釋云『文法之學始於劉淇,以王氏爲最 要不能出前修範圍」云。 法,折衷其間,最爲傑出。 二十五日。余季豫昨見告,余南歸後天津大公報圖書館副刊一再論及余著述。今日往本 三月七日,裴氏有辯論,彌復作答,其詞甚長,不復記。 自有此書而詞類始明晰,餘蓋不足論。 自楊氏高等國文法出,取劉、王、偷之舊跡,循馬氏 蹇書取材多出自高等國文法, **余問之劉子樵,知署** 街 圖書

法部 名彌 最重要之書,足補偷、劉 分者云:「叢書內收劉氏助字辨略,此書太早,當易以高等國文法。 者 乃賀昌羣 君 此一 所不及,當收入叢書」云。 事 也 二月二十八日有袁大韶商務館國學基本叢書商権 此二事也 古書疑義舉例 文, 續補 為國學 其 涉 及文

四月。

日。撰說一篇。

讖之句。 恩 兩 後事得白。 名,則爲 被楚楠」之句,及揭 朝考,而譜 所激賞,世恩因以已會試中式名次之八十六名錄之(此法似名傳衣餘)。 君, 匹 詩 日。 私 孫 而譜 通關 未及。 先德 譜 へ劉詩 中 云 也。 節、爲 詳 潘 如因 應, 孫 述 年 被劾情 隱指 觸 (文興) 取 故未赴,似當說明。 譜 犯刑章之事矣。 有數 中第八十六人者名楚楨字寶楠。 府君。」如其說, 形,而 書。 事 गि 商者, 詩孫 於事白一節不詳, 昨日郵寄其家刻端臨先生遺書及其所撰劉楚楨先生年譜 三事,楚楨於道光二十四年以杜 以書告之。 似潘先知 二事,楚楨先生以道光二十年成進士,試卷爲正 其人之名而指 應補。 事,楚楨 此本偶然闇 四事,朱士端封龍 先生以 之。 不知 嘉慶 合,故 常案被 聞中記事詩有「第一 考 己卯舉優貢,次年應 副總裁王璋慶 Ш 試 劾 糊 碑考,見朱著彊識 去直 名, 如 隸文安縣 總 總裁 裁 和 詩 先 春風 入京 潘 知 有 1 111:

卷四。譜云不見他書,應訂正。

八日。 七 耳。 阻 撰莊子谢 邵 子 鳳 施說 Mr 撰 1)凭 配售商 引淮南子齊俗篇文。 行。 調古 無淺 喉音, 按齊俗文云:「夫乘奇技, 皆讀 牙音見、 溪; 8 从異文及際 偽邪施者自足乎一世之 独 則

開,守正循理、不苟得者不免乎飢寒之患。」按「僞」與爲同,「爲邪施 近與「正 从者之字皆有聚義。 循理」爲對文,義尤明 鄙與

比音同,此條字義同緣於語源同例證失載 讀說文。 悟郡、 鄧、 都、鄙皆受義於尋聚。 君者羣也, 从費、

十二日。撰釋聽篇。〇劉子植(節)贈所落楚器圖釋來。

十三日。吳檢齊來談說文,謂瑞爲祥瑞,乃吉凶之見耑,耑字有義。 麗字亦然, 易謂「幾者動之

微,吉凶之先見者也;是其義。 余按瑞字从玉,自謂瑞玉,祥瑞乃引巾義,造字時似無此 余近日示諸生以讀書求本字法,<u>董生</u>遂能穎悟至此,殊可喜也。 十九日。在清華,董同龢來談。 謂荷子哀公篇「無取計」、「計」為文之假借。說文、「敵,誕也。 〇馮芝生(友蘭)送所著原儒墨單印 義耳

二十一日。撰釋國篇。

本來。

○顧頡剛贈古史辨第五

册來。

,皆頗碻。 二十六日。 又欲與李君續隸釋,云欲請余序之。 柯燕舲((昌泗)來,鳳蓀先生之長子也。 恐其謙辭,未敢諾也。 云近著後漢書索隱, 已成若干卷,爲余說數

男贈林下隆之中國文法; 徵求文字, 二十八日。橋川時雄來,贈印度樹葉書一枚。〇日本服部宇之吉博士明歲七十生日,其知好爲 為還曆紀念論文集。 皆因橋川君來華之便託致者也。 宇野哲人博士來書徵文。 ○諸橋轍次博士贈所著經史八篇;原富

五月。

公元一九三五年

積

四日。 日本鈴木吉武寄盛伯熙撰闕特勤碑釋文重印本來。

八日。日本倉石武四郎寄贈京都大學圖書館經部目錄一冊。

十一日。孫子書來,見示小說書提要二首。內容翔實,而行文條理未佳。

面告之,渠亦首肯。

前曾晤吳檢齋,檢齋謂余學報上文字,有貢獻。〇曾星笠寄所著尚書正讀盤庚以下諸篇來。 十七日。由清華入城,車中遇吳景超。吳爲學報索文字,余問外間對學報有何批評。 吳云:日

十八日。錄說文會意字。寡,从一从頒,貧从貝从分,或作穷;从一从分,二字義近而構造同。

二十一日。撰釋外篇。

爲一人帶劍手持版形,中節不詳何物。當檢汪氏遺書考之。 二十四日。余季廢來,致徐行可所贈江都汪氏漢石拓本。 石分三節:上節爲立鳥張翼形, 下節

二十五日。 撰釋観篇。 按公羊春秋襄公十七年「邾婁子關卒」。闖,左氏經作輕,

亦一證也。

二十六日。 撰讀容庚君古石刻零拾。

二十七日。 悟弋、機當爲一字,弋古音當入定母也。

二十八日。 悟獄字从言,言假爲文,言从辛聲,辛謂皋人。

二十九日。 悟圉與獄構造略同:至與产皆皋人,一口之,一二犬守之也。

六月。 三十日。 出席清華研究生崔殿魁口試委員會。

一日。撰釋獄篇。○撰詩夏侯多藏解。

七 日。 得王有三巴黎書,云正整理敦煌卷子,新得書二千餘種。 又補羅叔言所言者十餘種。

有

漢語刑法志一種,似是蔡謨集註

十二日。

撰釋販篇

其採撥成書,略無創見;關尹子序定其確是僞作;皆頗具真識,迥不猶人。在湖南先輩文集中, 十三日。 偶閱茶陵彭維新墨香閣集。 集中文字讀呂氏春秋,謂爲中國類書之始;讀淮南子

存吾、唐陶山對之尚有遜色,他益無論矣。

十六日。日本京都東方研究所寄東方學報第五期來。

生用力至勤,心得亦夥,信爲可傳之作。 十八日。梭孫蔚林先生宋書考論。 余恐先生稿散失不傳,而北平圖書館須要稿件,故余介付館 原編從手稿逐錄,編次失倫。余爲依宋書原文次第錄之。先

中,原編不合,故余爲重理之耳。

一十三日。 改訂本高等國文法出版(卽大學叢書本),商務館寄到十冊。

大正七年,日本某地人民以無食暴動, 衆困甚,不発挺而走險。 二十七日。答訪日本人瀧澤俊亮, 余因言:「日本軍人横恋過甚, 婦女亦起而持槍。 談及日人侵逼華北事。 遭世界之嫉視,決非日本之福。」〇夜聞大職 今農村 瀧澤頗不直其國軍人所爲。 破產, 軍費佔全國支出大牛。 並 恐民

公元一九三五年

聲六、七響,光耀閃鑠。

積

微

二十八日。 出至大街,商店多局門,電車亦未見。旋民衆言,昨礮聲乃便衣隊所爲也。 〇吳子馨

(其昌)寄所著般虚書契解詁來。

多解。 覓報讀之。知章文見二十五日報,乃駁北京大學某君者。 始能全通解。 好,故吾輩必讀經。 人讀之。必如楊某之說詩經『于以』,令經文皆文从字順,然後人人可讀。 三十日。 如某君所舉楊某卽見其端云。按某君謂諸經全通 余季豫來,談近日大公報載章太炎先生論經事會舉及余名。 然則兩君 前人讀經,解十之五。 止是先後次第之爭,非讀與不讀、針鋒相對之論爭也 高郵王氏以後則能十之七。 解後然後始能讀 蓋某君謂諸經尙未整理完好,故當不能 吾人應繼 太炎先生則謂惟其 ; 季豫去後,往 章先生謂必先讀 王氏之業, 街 鄰 未整理 求 圖 能 書 然後 更 館

月。

三日。

陳援庵贈刻本史諱舉例來。

中引余說一事,其引漢書陳遵傳「可以償博進矣」、「進」當作

之雙 聲也。 月。 檢齋 訪吳檢齋。 近日頗讀 檢齋謂詩「抱布貿絲」,貿爲以物相易。 經濟學書,故悟及此 及有貨幣,然後有買、賣二字,仍

遂 說,不肯從余說削去。不知「償博遂」文理不通,乃間悅漢紀之妄改。 援施從之,疏矣。

四日。 峻姪寄曹孟其撰先母家傳來,文甚佳,余兄弟請 孟其撰者也

信民族主義,因欲保持自己民族,故感覺外忠最敏,吸收外來文化最力,且在全國爲最先。 十日。 赴東方文化會,應日本人之招,講湖南文化史略。 余力言自王 船山先生以後, 如魏默深 湖南人篤

之志海國,郭筠仙、曾劼剛之贊歐化,光緒丁酉、戊戌之辦新政,皆其例也。 會余微意,有所警覺耳。○吳檢齋來。告余章先生來書,謂華北近日多事, 所言固是事實,亦欲 問伊如何處分。 且談及 聽

余,謂聞

遇夫已南行云云。蓋余寒假中南歸事,先生已聞及之耳。

十三日。 閱鄒叔績製藝齋文存。 鄒君深通音韻、地理。 集中謂籀訓讀書,籀文與史籀無關

立

說先於王靜安。古音娘日歸泥說爲太炎先生之所本,皆其小學特識所在也。

十六日。得咸興七絕一首云:「幾篇祭酒復蘭臺,把卷如逢故友來。即此已逾南面樂,不妨門外

長蒿萊。」說文、漢書爲余平生最嗜讀之書,故有云也。

十七日。詠蒼蠅拍云:「少有匡時志,無端老我儒。平生疾惡意,賴汝一爲舒。」

到校授課。上半年缺課半年,每請假止請一週,次週再續。以請假滿一月,須請人代授或扣薪故也 十九日。飲席遇孫子書。告余師範大學文學院近日腐敗不可言。 錢玄同終日奔走通衢,獨不

歷史系主任某毫無學識,乃黎錦熙引進者。又言黎此次入京,大受教育部長王世杰之斥責。

王問國

會已用去十萬元,何以毫無成績。 黎瞠目不答云。

二十八日。厚之姪由長沙來,知大人康健,家人無恙。爲之喜慰。

三十日。 撰字義同緣於語源同例證成,遂以應日本服部博士七十紀念論文集之徵。

四日。 公元一九三五年 成候 連詩云…「廢輪限時發,安敢誤程期?遲遲後分秒,一去不可追。嚴冬噓寒颼,長夏

暴炎曦。佇立車到眼,急足前攀躋。形役何時休,吾生良有涯。」

木。紅顏遠黃土,負負不可贖。」讀陳遊世家云:「魚腹丹文篝火呼,陳王張楚術何愚?隴頭鴻鵠眞成 學校開,男女競趨塾。飛書天外來,見說顏如玉。 五日。 成車上吟云:「回輪駛如電,詩思與之深。 昔人道三上,我於車上吟。」又成往事云:「自從 繾綣頗再三,胡爲意不屬? 豈懷柳下貞,差比絳侯

帝,冰合蛇分一例書。」〇伯峻姪自山東來平。

思求見,無緣而止。 十一日。日本林盛遠來訪。 今得相見,至爲快慰云。 林君求作字,爲錄近作一首,並贈以單印本論文。 云十年來,讀余所著書,如高等國文法、詞詮等,喜其明暢易解, 卽

何酷也 大病,兄割臂療母,母病得痊。 懷?念之心如轆轤,不能自已。 十二日。得家電告伯兄以喀血去世。峻、厚兩姪匆促登車南行。七十有八老父,值此何以爲 兄深秘其事;余年來始聞知之。 今年旣遭母喪,又逢此變;彼蒼者天,何其酷也!二十餘年前,慈親 兩姪乍出,突有此變;天之於兄,又

二十九日。 橋川子雅招飲。 遇江叔海(瀚)先生,稱余壽服部語源之論文為發前人所未發

九月。

欲逐孤雲共往還。

碧,楊柳千條自在閒。 日。 周鳴珂甥招遊三貝子花園。得詩云:「擾擾塵緣興已闌,名園小憩暫開顏。 脚力易勞驚我老,舊遊如昨吊形單(十年前偕先兄遊此)。傷心家國無窮事, **芙**薬 十頃無心

二日。 徐孟博來,言黃季剛近致書陸宗達云:「故都小學家有何新著,可搜來一讀。」蓋欲求余文

字也。

八日。 訪余季豫。 季言北史隋煬帝紀已亡,今本煬紀**釣**自隋書。 世傳馬總通歷沿用南、北史,

煬帝紀與今本稱謂不同,乃北史原文也。 季豫校勘之精審如此。

人以身體定尺度,以尺度量深淺,非以人身量深淺也。說殊有理。 九日。 閱湘潭曹光韶補石山房文集。 駁程瑶田以人手測深、手屈不伸、故切止七尺之說。

謂古

日萬人翹首看,童男童女一雙歸。」 十一日。 劉子植結婚於日本東京。 歸來,賦詩賀之云:「自從採藥神山去,徐福千年渺不回。

十四日。 五兒由長沙北來,知大人雖不樂,身體尚健,爲之少慰。

十六日。 撰釋詩篇。 詩从寺或从出,與志爲同音字。 在心爲志,發言爲詩, 从寺从出,

志也。

一十日。得曹孟其書,見示補長沙方言考十餘事,頗有審諦者,足補余考之所未及也。

知 多讀余著高等國文法,其學哲學者近皆讀馮友蘭所著書,不復及胡適矣。 ;蓋見余著作有言耳。 二十一日。在師範大學遇齊思和。齊言在美國留學時, 齊君舉及余近著名稱多種,知爲留心學問之士。 因梅光迪知余。又言美國人學漢文者 梅君,余不曾有見,亦不相

二十三日。 余讓之世兄來, 贈景印始誦經室文鈔一冊。此胡子威師文字,王葵園先生鈔藏,

微 翁 回 憶 錄

積

季豫得之書肆,以付景印者。

二十五日。 撰釋義篇

一十六日。 撰說現、說測二 篇。

一十八日。 撰爾雅窕閒說

二十九日。 讀經義述聞。 爾雅「當途,梧丘;途出其前,戴丘;途出其後,昌丘。」王氏謂梧、戴、

十月。

昌曾訓當。

知前人於余所言「義近則語源近」一節固有知之者,特未提示通則耳。

日。 撰說髮篇。

三日。 撰爾雅木自弊神說。 撰釋載篇。

四日。 飲席遇徐森玉,告余安陽發掘團 掘得般王墓,得寶物甚多。 又云汲縣出大批竹簡。

Ŧ. 日。 撰說皤篇

六日。 撰說散骭篇。

八日。 高閱仙贈唐宋文舉要甲編八卷。

註釋詳明,

偉著也。

九 日。 撰說 比篇。

推論之孳乳先後多出於懸揣,不足據信。 十日。 改訂十八年所撰梁啓雄荀子約註序。 大抵此君讀書多而識解不足,強於記憶而弱於通悟。 〇閱報知黃季剛病逝。 季剛於說文爛熟,

然其所 余鄉

人某著一連縣詞典,手稿 無 III 取也。 某會以其書求序於章先生,先生以其太劣,拒之。此吳檢齋親聞之先生以告余者。 百數十冊。 季剛見之,驚其夥頤,費許不容口。 而竟不知其書之蕪穢 凌雜, 先

生之識力,季剛愧之遠矣。

轉疏證。 十三日。 前曾爲此文,稿失未見,今重寫之。 錄荀子校語爲荀子小箋, 梁啓雄丈索稿入其所著書也。 〇撰古音哈德二部與痕部對

學報論文單行本及字義同緣於構造同例證印本寄贈之。清華同事蔣廷黻, 形體云:「頰,夾也。 阿理克教授告蔣,謂讀余所著書,極爲佩仰,希望余以著述贈之,故有此寄。 十九日。與蘇聯阿理克教授書,以古書疑義舉例續補、古書句讀釋例、老子古義、積微居文錄近日 兩旁稱也。」其說是也。 又云:「脅,挾也。在兩旁,臂所挾也。」余謂脅,夾也,夾 新從歐洲 〇撰釋頰篇。 返國 道過 按釋名釋 蘇聯

心腹也。宮室,「夾室」與房義亦相近,謂夾堂也。

後月餘 求故都小學家文字,陸宗達以余駁渠之詩音有上聲說示之。 書,季書告陸宗達謂,當薰沐覆書,竟杳然。 二十二日。 が並無 反響。 夜中不寐, 蓋余證太堅,渠雖欲駁無可駁也。 戲擬輓黃季剛 云:「殺釁未終鴻雁杳;虎鬚可捋狻麑雄。」余 余嘗戲語徐孟博云:「當是季剛薰沐未畢耳。」兩 季高亢,其同門馬裕藻輩畏之如虎, 孟博云:「如渠有反駁,必書告。」陸文去 去年 故云爾。 月前,季 與季剛

二十七日。 閱閔保之王氏父子年譜。 譜述汪容甫語云「祖神悟, 兩漢儒者所無。」余年來於文 始撰聲訓

舉例

公元一九三五年

字訓詁之學頗有神悟,但未知視懷祖之於諸經何如耳。

二十八日。 得劉弘度(永濟)來書云:「近屢讀尊論,輒歎神悟。辱寄大著字義同緣於構造同例證

卷,怡然理順。 發前人所未發。 非深於洨長之書不能也。」

十一月。

二十九日。

撰磨篇。○始撰長沙方言續考。

此 季剛 之。 治左氏春秋必守杜征南,治小學必守許氏。於高郵之經學,不論今古文家法惟是之從者,則力詬之, 子爲江聲、余蕭客輩, 俗所謂開倒 院派有解放精神,故能發展;吳派主墨守,則反之。戴弟子有王、段、孔三家,各有創見。惠弟 據哀啓似悸亦自知之矣。按淸儒學問本分兩派:皖派江、戴,主實事求是;吳派惠氏,言信而 哀啓云:「季將沒,自傷垂老無成。」近日學界人談及季死,均謂季生時聲望雖高, 受學太炎,應主實事求是;乃其治學力主保守,逆轉爲東吳惠氏之信而好古。 日_。 黄季 車。 剛 世人皆以季剛不壽未及著書爲惜,余謂季剛主旨旣差,雖享伏生之年,於學術恐 家人致訃來。 抱殘守缺而已。 按先母逝時余計告季剛, 俞蔭甫私淑高郵, 太炎師蔭甫, 季不答。 余致書, 實承院派之流而益光大之。 又不報。 讀詩必守毛、鄭, 百年後終歸 故余 祇 得 岑 置

何恨;艱辛期自得,人亡響寂世同悲。」哀啓云,「君之學以刻苦自得爲宗」,故有云也 三日。 譚戒甫寄所著莊子天下篇校釋來。○夜中不寐,擬輓季剛云:「平上義相違,朝聞夕死

無多增

益也

十二日。 讀史記仲尼弟子傳子貢篇「以徼其志」、「徼」當讀爲驕。

近年居南京,留心文藝,善爲哀輓之詞。因輓之云:「芹采記同舟,晚留佳句盈江國,哀詞驚隔世, 十三日。 聞姜詠洪(濟寰)中風逝世。 詠洪、 曹孟其與余同以甲辰受知於吳子修先生入泮。 詠 又

來奇級到賓朋。」詠輓伯兄有「當時賓簋朋賴都成隔世」之語,故云

十七日。 聞倫哲如撰辛亥以來藏書紀事詩載入正風雜誌(二十二期)。購取閱之,中曾及余漢書

之業云。 爲二。自謂頗 十八日。 核,諸生亦頗動容。 授諸生文字學,說明井爲髯之初文,力爲肋之初文,髯肋皆加義旁。 ○顧一樵 (毓琇)自南京歸,云政府已决心抵抗日本,已在準備。聞 象形字,許皆誤分

十九日。 撰讀譚戒市莊子天下篇校釋。 之爲之神旺

艾薙若干條,屬著者於他卷自加删汰。 二十二日。 清華出版部送新印許維通

呂氏春秋集釋來。 今觀之, 似並未芟也。 余初受學校之託審查此稿,爲閱數卷 察今篇云:「口怿之命不愉。」精諭篇

玉篇有曜字,云吻之古文,是也。 言校勘,必不免認妄如此。 云:「口喝不言,以精相識。」唱卽今吻字。 說文口部:「吻,或作曆。」 惽爲曆之假字,唱則其或體也 口吻古今通語。 或謂是周季恆言,陋矣。 大抵不通小學音韻而矜

公元一九三五年 呂覽註「濫」爲貪。 蓋讀爲惏。 說文"「河內之北謂貪曰惏。」濫、惏同覃部字也。

穳

微

今日得

二十四日。 梁啓雄委校所爲荀子正論、樂論二篇註。 於正論篇箋註數事歸之。

滿意。 東蓀札云:「承賜大著,咸甚咸甚!僕於國學雖爲門外漢,就如今之治國學者如適之、頡剛 二十七日。 以爲惟先生從文字入手,不妄事比附,堪爲正宗。 昨日吳恩裕持張東蓀札來。 云欲購求易、老二古義,余因取老子一種贈之。 實則治國學之難,難於治西學。 今人 流 往往 未能

不能從事於西學,乃退而從事國學。此國學之有如今日者也。 質諸高明,以爲如何?」

三十日。 **祝枕江大夫來查諸兒女血液。**

日本岡井慎吾博士寄贈所著柿堂存藁來,橋川

時雄君轉致者。

於玉篇版本有

所考核。

11

九日。

風氣。 余二人爲江浙人之學也。 七日。余季豫來,邀余偕出訪張孟劬、東蓀 魏默深不免蕪雜,王益吾未能盡除 余不足論也,季豫目錄 鄉氣。 昆仲。 學之精博,江浙士何嘗有之乎? 兩君造詣之美,不類湘學」云。 孟劬極稱余訓詁之學; 且云:「湘中學者自爲 孟劬,浙人。 意蓋

十二月。 各校學生以時局日急,相率罷課。

尤爲受益。 廿二日。 望余此後陸續寄著 得蘇聯 阿里克教授書,謝余寄贈 述。 並以渠所考唐司空圖二十四詩品兩大冊為報。 諸書, 並言於余研究法敬慕不已。 古書之句讀 來書用漢文,

暢適。 二十四日。 撰讀呂氏春秋書後。 文紀王伯厚云以月紀爲首, 故以春秋名書。 按鄭註禮記禮運

聖人作則必以天地爲本」一節云:「呂氏說月令,而謂之『春秋』,事類相近焉。」知伯厚說本之康成。

又文據馬總意林稱十二紀、八覽、六論,謂今本之次弟當定於唐以前。 書當首八覽之說, 則遠在漢末已易置矣。北京圖書館館刊九卷三號載孫志揖呂氏春秋梭記引周中孚語已有呂 是已先余言之。 檢周著鄉堂讀書記呂氏春秋 下未見此語;當見於他文也。 按高誘序已稱十二紀、八覽、

梁玉 繩初有此說,後又自訂爲妄說,謂仍當以紀爲書首。

呂氏春秋札記寫畢。

九三六(民國二十五年丙子),年五十二歲。

三十日。 廿八日。

聖遺詩集五卷寄到。

楊雪橋先生公子宗陳所寄也。

十日。 三日。 徐行 可贈王仁俊編白虎通引書表一冊,頗 便檢 查。

日時

札

不定,精神不安,未及勘校。 閱檢齋所記,知其本旁註引姚察訓纂頗多,殊足珍也。〇黏貼師友遺 吳檢齋來,見示所寄景印唐寫本漢書揚雄傳校記。 余前曾假得此景印本來,以近

若干通。○北平圖書館送淸代文集篇名分類索引來。 辨,應入書禹貢,而列之河渠水利。 **佘著積微居文錄** 亦採入焉。 湘中人文集採入者凡二十四家,編次體例間有不合者:如禹貢三江 余與人討論「于以」書札應入詩采繁, 此書爲王有三所編, 而入之詩經總義;如此者 所收文集凡 四 百二十八

〇九

公元一九三六年

家人曾以快緘速余歸。

頗多。 要不失爲便利學人之工具書也

十五日。 因省親登車南歸

十八日。 抵家。 大人前兩日患便血甚劇, 日來血止;精神頗疲憊。

已行,未得見也。

十九日。 到大椿橋拜兄殯。

廿二日。 邵子風贈所著甲骨書錄解題來。

內盛梳、箆各一。 棺平列,有木櫃,內有瓦製鐘、鼎、罍之屬。 廿九日。 遇徐紹周。 棺中男子無頭, 屍骨猶存。 言長沙東北郊曾掘一漢墓,內有漢泉、漢鏡。 鼎內有羊蹄、羊肋、豕首諸骨。 有銅矛入膝甚深。 鲖矛拔出後尚有光,無鏽。 漢墓下爲一戰國 外有木俑五, 鏡籨一。 時人墓。 漢墓棺 與

中已無骨。 戰國墓初掘時兩見烽火云。

春米。再進,右爲倉,有牖無門。 三十日。 遇錢吉甫(无咎)。 觀所藏古泉甚富。 左爲豕欄,一豕作取食於盆狀。又職一瓦竈,三口,上皆有釜。 又藏漢人殉葬土屋一,屋門後爲堂。 二人執杵

銀」五字。 錢衡之,與五銖之環正平。有漢尺一枚,兩端各有一寸無花紋;中八寸則皆有之。以貨布泉量之, 二日。 權作環形,銘文云「鐶」,蓋以此故。 蔡季襄招飲, 出示所藏故物。 有天平一,木桿、兩鉄盤、權六枚皆具。 最小者五銖,以次倍加。 最大爲百六十銖。 權有「學二之官 以漢五銖

有周劍,上 與漢書食貨志所記悉合。 作用」十 畫像同,最爲精巧。 一字隸書。 有錯金,字不可識。 又有漢明器土屋十餘具, 四字積畫作「川」同時出土有一小印,爲「戶 尺背有龜蛇龍虎諸形。 此外尚有瓦制鼎罍及木俑五事。 每屋有豕牢及吞臼。 漢鏡甚多,中一鏡刻畫有董永賣身諸形,與武梁祠 充國 一屋側署「建平四年五官掾戶氏 印」四字。 客述趙藏蓀先生自輓 蓋即 此 人之墓· 詞 也 云 故 叉

國竟如何,千秋自有公評在,浮生長已矣,萬事惟餘積愧多。」

七日。 六日。 抵漢口,到徐行可家。 辭家登車北行。 行可出 示所殿書畫。 見贈王大隆 乙亥叢編 1111 車中以

九日。抵平寓。

八日。

阻

周星治窳櫎日記鈔。

閱及渠得兄喪電,與余去年情事略同,不覺潸然

淚下。

此

消

日。

學,藉此可溫尋故事,其事不關政治, 十一日。 跋成蓉鏡史漢駢枝。 日本所設東方文化 諾之;故作此文。 會請余撰兩漢書著作提要。 以其爲余專門之

十四日。跋李慈銘讀漢書札記。十三日。跋杭世駿兩漢書蒙拾及徐松漢書西域傳補註。

十六日。跋石韞玉漢書刊訛

二十日。 十九 日。 瑞典 跋何若瑤漢書註考證 高 本漢寄所著論文四冊來。 中有古銅器所見之般周 首,景印鼎彝甚多。

積

廿一日。 跋何若瑤後漢書註考證。

廿二日。 蔡季襄來書謝余贈書。 贈溪州鲖注銘及近日出土宋人二墓誌拓片。墓誌一爲何應通,

爲折景班。 折爲彦質曾孫女。

子。 廿六日。 何以相襲從同,不可知矣。 跋王峻漢書正誤。

王西莊校漢書,說多與正誤同。

考峻爲紫陽書院山長,西莊爲其弟

廿八日。 跋劉咸炘漢書知意。

廿九日。

跋臧鏞堂輯蕭該漢書音義。

宋景文筆記錄該音義頗多,臧氏未見,可謂疏矣。

二日。 飲席遇胡綏之老人(玉縉)。年七十八矣,色豐面腴,精神甚好。 云見余漢書著述。 覺其

精力彌滿。 三日。 撰釋力為。 按淮南子齊俗篇云:「強脊者使之負土。」許註云:「脊強者任負重。」按「脊強」

即膂力方剛之「旅剛」也。〇日本人眞武直來,極佩服余語源學文字;且言此來以得見余爲幸事云。

四日 日本京都東方文化研究所寄贈東方學報第六冊來。

五日。 跋錢大昭漢書辨疑及劉台拱漢學拾遺。

訪胡綏之,請其題師友遺札。

十日。

十三日。 武漢大學出版部寄余撰十文說義單印本來。 釋販、釋詩以下十篇也。

17 日。 讀爾雅。 王氏訓林、烝訓羣,殊不然。 林、烝訓君, 明見毛傳, 爾雅乃取自傳文。

朋、儕、輩訓羣之字多矣,何以不取而獨取林、烝耶?

卅一日。 禮記樂記,「遺」訓「忘」訓「棄」。 按王說未當。 余謂「遺」假爲「貴」,謂貴於音、

貴於味

四月。

也。

呂氏恭秋適音篇二遺字皆作「進」、「貴」與「進」意同。

二日。

厚之姪自日本來。

已考入京都大學哲學部。

受試

時,

試者小島

站

馬

問姪

家 族。

姪舉伯

日。 清華學報十一卷二期出版。 載余著呂氏春秋拾遺,寄單印本來。

兄名對。 余書,觀此,信而有徵矣。 小島以名字相似, 因 問及余。 舉架上高等國文法相 示。 近日日友皆言彼邦於漢文法皆讀

制 日,已派密使赴蘇云。 四日。 撰曾星笠尚書正讀序。 撰朱保之詩詞鈔序。 ○伯峻姪自南京來書, 告政府擬結蘇聯以

葉。」「此」「取」一聲字訓小之又一證。 九日。 撰釋雌雄篇。 按爾雅釋詁云:「疵,病也。」邢疏云:「瑕、釁,小病也。」爾雅釋草云:「菆,小 爾雅釋畜云:「牝日駱。」又云:「雞大者蜀,蜀子維。」釋爲註云:

后,外寵二政,嬖子配適,大都耦國,亂之本也。」「二」誤作「武」,「嬖」誤作「枝」,「都耦國」誤作「臣 「鵌似鷄而小。」鎌、鵌皆小物,知騇亦从小得義也。 說文云:「余,从舍省聲。」 釋獸又云:「麕,牡麑。 說文訓大, 知麌亦从大得義也。 ○撰論語子奚不爲政解。 文引閔公二年左傳云:「內寵

主」、「本」誤作「道」,應改正。

十七日。 沈兼士送所撰釋鬼文字來。申其師說也。

十八日。 三妹自長沙來,問知大人健康,甚以爲慰。

文時未悟連爲変合,故云屬訓連,義泛不切,當改正。 營,其繁也。字作燭。」又按許訓屬爲連者,連謂交合。呂氏春秋明理篇云:「犬彘乃連。」註云:「連, 合。」是其證也。章先生文始亦說「交尾爲連。」蓋屬本訓陰竅,古人名動相因,引申之則訓連。 廿三日。撰釋屬篇。按淮南子精神篇云:「燭營指天。」高註云:「燭,陰華也。 沈兼士序余小學論叢知連字之義矣。 (華,疑莖之誤。) 然謂涿

以體言,屬以用言,亦未合。以涿乃假字,非本字也。 撰讀周禮司刑註引尚書大傳書後。按賈疏卽於「宮」字斷句,二孫、王、皮皆沿其誤耳。

五月。

廿四日。

證。 余謂止戈之義至精,不可易也;以步伐爲武,淺矣。 閱太炎先生講演集。說小學者甚佳。 謂「武」不从止戈,乃从步省、伐省, 引尚書收誓為

不辨白黑也。不得已,託北京大學某君言之,今日得某君書,云商務允許 **余集近年文字爲積微居小學金石論叢一書,以稿付商務館。** 出版。 乃託辭不肯印行。 商人全

七日。 覆鄭錦心問國文教本疑義。 一事:蘇文「孰與夫一旦之危哉」。 余譯爲「怎抵那一旦之危

」初疑「孰與」爲一成語,不可分析,今乃知不然。」左傳云:「一與一,誰能懼我?」「與」字亦可譯

「抵」 二事:"陶詩「方宅十餘畝」、「方」字有二解,一地形正方,二今話所謂見方。 蓋地形雖不正方,

而測量計算不能不削長補短作方形計算也。

十日。三妹南歸

十一日。胡綏之老人來,見還師友遺札。

題記文頗長。初,胡以草稿見示,涉及同鄉妄人某。余

謂某不足稱道,遂爲余說削去。○章氏國學講習會寄演講錄六冊來,經學、小學、諸子各二冊。

十四日。撰詩丁以采蘩解。此十四年前之說,以討論書札,未能簡要,且未引正義;故更撰之

按金文恆假「台」爲「以」。叔夷鐘云:「女台卹余股身。」齊大宰歸父盤云:「台爤眉壽,需命難老。

陳医因務鑽云:「台灣台嘗。」皆是。「台」可假爲「以」,知「以」可假爲「台」矣。 十五日。撰讀春秋名字解詁書後。因草此文,遂考俞曲園、胡子瑞丈補駁王氏之書。胡丈以小

非从邑也。分屬人、己,亦無據。又不通古韻部分,尤多誤說。大抵吾鄉前辈,自鄒叔績外,皆疏於 學名,頗多臆說。如謂「恤」「䘏」同訓「憂」,「恤」从心,屬己言,「䘏」从邑,屬他人言。不知「䘏」从卩,

小學香韻也。

十七日。撰書微子「草竊姦宄」及多方「叨懫」二解。

廿六日。方欣安(壯猷)自法國歸,來談。云道過奉天,烟館林立,招待者皆少女,兼售食品。

費不過一、二元,飲食男女立可解决。 倭奴欲腐化吾國民,狠毒至此,令人痛恨

前以近撰文字寄于思泊。 今日得覆云:「草竊讀爲鈔竊;陳書字子占,讀占爲答;皆 一五

精確不磨。 」齊公子于字且,讀「且」爲「徂」,思泊亦有此說。 「叨憤」讀「饕餮」, 王靜安先有此義, 見

廿九日。 因此,余遂削去叨懫解一文。 日本服部博士七十紀念論文集及余文字義同緣於構造同例證單印本寄到。

劉盼遂記。

三十日。 高聞仙見贈文選李註義疏第七冊

六月。

日。

撰釋賢篇。

耳。」〇日本人上原定清來,請題字。

三日。覆楚良書云:「李廣傳記李蔡人在下中,是漢人確曾分九等。 表中不錄,蓋以忌諱故删之

爲書數語云:「國與國交,

能以忠恕為主, 乃可免戰

禍

否 1則必

生民涂炭。」

「穀熟」,此與僖公二年「不可以五稔」義同。 四日。五月起,時習左傳,記所得。 今日得二事:昭公元年云:「趙孟不復年矣」。「年」, 杜云「不復見明年」, 非也。 又三年云:「敢煩里旅。」「里 說文訓

路來。 旅」乃職司之名,與周官「里宰」「閭師」相類。 傳頗略。 所記未刊書目中有史記補註一種。 杜訓「旅」爲「衆」, 非也。 〇皮名舉寄所撰應門先生傳

五日。 撰讀經方法講 演 稿。

七日。 撰書盤庚罔知天之斷命解。

十二日。

到淸華圖書館看

雜誌

余前以論語子奚不為政解投章氏國學講習會制言雜

十八期。

十三日。 撰左傳戴氏考。 ○劉詩孫(文興)來,見示高郵王氏初刻本周秦名字解詁,

先生於余多所獎借,有知己之感。年

閱晚報,載章太炎先生今晨逝世,爲之驚悼不已。

+

四日。

精專承認費,惟將黽勉答深知。」 來屢思赴蘇州進謁, 奉手受教,因循未果。今竟已矣!撰挽詞云:「許鄭是經師,恨我沉吟稽奉手;

十五日。

廿二日。 始寫漢書窺管。 徐行可寄贈山陽丁顯叢書。

夜,仲姊夢母告云:「此田不可買。」旋訪知此田多糾紛,主人無奈始出售也。 廿五日。 余因售去房產,欲置田業。今日得三妹書告云:「已相一田**,** 甚好。 先人在天之靈庇護其子 定次日成交。」是

孫如此。

示。 先生爲端臨先生之姪會孫。 廿六日。 到清華出席歷史學系研究生姚薇元論文口試。 王力初刻書皆刻成,胎端臨先生者也。 ○劉詩孫書來, 以王力初刻太歲考見

序漢書窺管。 廿八日。 諾之。 偕余季豫訪張孟劬。 孟劬說王静安事甚悉。見贈新改訂蒙古源流箋證一 冊。余請孟劬

廿九日。

公元一九三六年 林景伊(尹)來,公鐸之猶子也。前余與談,黃季剛謂「舊」之本字爲「肍」, 不確,

「人」字來。 今日來談,謂余此說至確。景伊能自用其耳目心思,非其他低能兒一 味捧黄者所能及也。

七月。

日。 撰張生彥超馬氏文通刊誤補序。

七日。 五日。 致書張孟劬,謝其撰序,贈以古書疑義舉例叢刊,並以近著書罔知天之斷命解"左傳戴 張孟劬來書,致漢書窺管序。

人而已。先生治學,實事求是;碻而不支,質而不俚,不墜前人家法。 考諸文求敬。 今日得覆示云:「得大著,祇領循誦,敬佩敬佩! 先朝儒者固多,語其精者, 此當於石雕、茂堂諸老求之。 不過二、三

氣漸浮,心漸粗,自知不及先生之邃密。今又衰病,益不能更進於是,惟冀斯道不絕。 非弟之私言也。 弟幼時於音韻、訓詁、三禮、三傳皆嘗少役心力。 老矣,退而爲三百年文獻之探討。 有先生爲之,

其策勵而已。 賢於自爲遠矣。 此又區區服義之心,所欲白之左右者也。」良友肫繁之意,既感且慚,

惟有黽勉以答

云云。其爲朱文無疑,今以之收入王集中,似嫌及濫矣。 九日。 閱劉盼遂輯王石臞文補編說文解字序。 章實齋明言石臞授意於朱竹君, 朱文以此為第

絡 十日。 廿三年八月,撰釋謹篇 ;謂「謹」當訓寡言; 論語「謹 而信 」當訓「寡言而信」。今偶 讀禮記

衣篇云:「君子寡言而信,以成其行。」足以證成余說,爲之喜耀。 (永孝)所

十一日。 朱少濱歸自成都,來訪,贈其尊人仲我先生半隱廬雜著一冊。 又代致徐仁圃

著毛詩重言補論。 十二日。閱余季豫荆楚歲時記、呂氏春秋提要辨證二首,至精。 余說「亶侯多職」「應侯順德」,徐書徵引及之。 季豫目錄考證之學不惟吾鄉前

輩所無,亦中國 十三日。 書店送書來,有題名我之歷史者六冊。閱之,乃宋鈍初(数仁)光緒甲辰以後三年間留 向來所未有 也

堂筆記。〇讀尚書大誥,「紹天明」讀「紹」爲「孙」。 賊,一不壽,真至可痛悼之事也。○于思泊(省吾)來訪,索汆近著,以單印本六冊贈之,並貽以師伏 最有學問之人。 學日本時日記也。兩日讀訖。 中道被戕,不止鈍初一人之不幸也。湘中近代人物,當以宋及蔡松坡爲最大。一見 知其讀書甚動,於文學、歷史、地理、哲學皆有興趣,爲民國 偉人中一

十五日。吳檢齋來。周官秋官司寇註引尚書大傳,當以「男女不以義交者,其刑宮觸」爲句。 前

近 人皆以觸字與下文「易君命」連讀,實誤。 一年來始從事考訂云。○葉公超言告云:「讀長沙方言續考,中有與學語同者數事。」 十七日。答訪于思泊。 以所著春秋名字解點商館見示。 **氽前面告檢齋,檢不**謂然。 自言遼寧僻陋,居中學尚不知有說文, 今日來,謂氽說 有 理

儒林傳有王顥,皆不知其爲何人,後乃知爲刻畿輔叢書者,蓋徐世昌特囑立傳也。冒濫甚矣! 本有杭大宗傳,旋以杭曾建言得罪,當別爲傳。 二十日。訪張孟劬、謝其爲余漢書窺管作序。東蓀亦出作陪。孟劬談淸史館事多可笑者。文苑 定與洪稚存合傳,逐抽去。 後竟未別撰,致杭 藝文志 無傳。

題頗多。 初由章式之(鈺)任撰,章見其事不易爲,舉朱少濱自代,竟至罅漏百出。 蓋館事初由

照顧也。 繆筱 人以爲不雅,去之也。 珊 總其成,繆肯負責,故頗整節。 樂志由孟劬任撰, 余謂沈欽韓、皮錫瑞皆無傳,亦爲疏失。 以有算學關係, 穆逝後,柯鳳老繼之。 故費時頗久, 三年乃成。 柯年老,頗放任, 朱少濱不知賴襄爲日本人,錄其日本 初稿有昇平署事一節, 遂至人自為謀, 不相 後 有

外史,則笑柄之最著者也。 〇跋郝敬漢書瑣瑣

廿四日。答訪朱少濱, 以允倩先生尚書便讀、

著 新學商兒來。 其書謂老子宗旨可以一言括之,曰「正言若反」,此說殊有理

仲我先生江南曾祠百詠見贈。

〇張孟劬送其所

唐太宗

八日。 權生國慶介其兄國義來; 贈碑拓數事:一 西夏文碑,一唐慕容忠徹遷葬誌,

三十日。

公主墓誌

卅一日。 跋郝敬後漢書 到清華,出席研究生何格思口試會。 **琐琐** ○高等國文法再版印行。

八月。

是豕,乃歇、 四 日 椓之本字。 到凊華閱卷。 聞說甚 聞一多見余釋屬篇, 確 今日告余云,甲文有豕下加一點字,唐立庵釋豭,渠疑

九 日。 昨日晤 陳寅恪。 告余云,近 日張孟劬 剜 板 改訂蒙古 源流筆證, 多 用渠說而不言 所

於此。 渠說 係 如許維 用梵藏文字勘校得之,非孟 通集釋呂覽,於卷二十行論篇「官實」,用余撰左傳軍實解之說,而不言出自余,其 劬 所能, 或不致引起水經註 趙、戴之爭 耳。 按近日少年多不留意 自 事

也。 孟劬老輩,不應有此,殊可詫也。

十三日。

源 舊藏,今歸日本靜嘉堂書庫,橋川君乃從書庫傳鈔者也。 答訪橋川時雄,見示錢大昭廣雅疏義、吳卓信釋親廣義二書寫本。 錢書今聞已印行矣。

二書原稿本爲陸心

匹 日。 跋劉攽東漢刊誤。

十七日。 跋錢大昭後漢書辨疑。

十九日。 跋劉咸炘後漢書知意。

二十日。 跋沈銘彝後漢書註又補。

日。 得淸華同學梁興義書,寄贈武梁祠石碑全份。

九月。

廿六日。

撰釋吏、釋偽二篇。

為徐行可題确山劉武仲送白子美赴館陶尹任詩卷

樣寄長沙。 三日。 李肖耼撰伯兄墓誌及私諡孝敏先生議文稿, 日前寄到。 請武陵周子佩書之。

今日以寫

七日。 余季豫爲伯兄墓誌篆蓋,今日寄家。

十二日。 九日。 洪、鑫兩兒由長沙北來,云大人時有不清醒之症,聞之焦慮。 胡綏之老人來, 請題雪夜校書圖。 次日余爲題二絕云:「萬卷琳瑯插架盈,

冷無聲。

珞華照耀虛

生白,老眼無花一樣明。」「辨章學術劉中壘,

公元一九三六年

思索誤書邢子才。

吳中子弟真多

袁安庭院

幸,菿漢初亡安定來。」

十三日。撰王氏讀墨子雜誌書後。

廿一日。沈其震託人送周善培周易雜卦例證來

廿九日。撰章太炎先生廿二年五月來札後記,

記先生與余關涉諸事。

因積微居小學金石論叢

付排已訖,將以先生來書置之卷首也。

十月。

日。

左傳桓公五年傳註訓「拒」爲方陳,按「拒」之言「集」,故訓方。

二日。 出席研究生張恆壽口試會。

撰釋牖篇

四日。 三日。 日本野是之送其師石田羊一郎所著老子說來。

五日。 馬叔平(衡)來書,贈所著新莽嘉量銘校釋。)清華學報十一卷四期出版,載余說字釋經

之文十二篇。

〇撰新莽嘉量銘跋。 十日。撰釋會篇。 按書文侯之命云:「惟時上帝, 文謂「熏」字當从炎从四从少。 集厥命於文王。」毛公鼎云:「唯天將集厥命。 按國語魯語云,「焚煙徹於上」,足瞪成余說。

假「雜」爲「帀」。雜字从集聲,此又集帀字通之證也。 淮南子詮言篇云:「以數雜之壽憂天下之亂。」許註:「雜, 市也。從子至亥爲一市。」按此許謂淮南子

曹今言兩造」,當改爲「兩曹,經傳言兩造」。 + 日。 撰釋介篇。 〇撰釋遇篇。 按左傳云:「齊大, 書呂刑云,「兩造具備」,周禮 非吾耦也。」偶字亦匹 云,「大司寇以兩造禁民訟」 敵之義。 文云「兩

是也。

一四四 日。 得馬叔平書云:「大著字義同緣於構造同之說,發前人所未發。」

十. 日。 出席研究生許世蹟口試會。 〇余季豫送積微居小學金石論叢序文來。

廿三日。 撰釋說篇

十七日。 壮五. 日。 撰釋號篇。 撰釋言語論議篇。 按「鯱」訓角傾者,鯱之爲言迆。「迆」,說文訓邪行。 ○自序積微居小學金石論叢。

聲字大多通作。 說文概、褫皆讀若池。淮南子時則篇註:「篪,讀若池。」余說字之文至釋言語論議止,皆見於 說文"「弛」,或作「號」。左傳昭公八年「虒祁之宮」,韓非子十過篇作「施夷之台」。

傾,邪義同。

虒聲、也

釋號以下尚未印行,故每首皆撮述其略於此。

積微居小學金石論叢。 三十一日。 徐行可寄王大隆編丙子叢書三部來,蓋余曾有依助也。

十一月。

二日。

六日。 撰釋斷篇。 桐城 黃暉來。 斷訓齒本肉。 黄方校註論衡,欲採章行嚴之說,請余介於行嚴。 艮、斤古同音。 說文垠作圻;赶、很皆訓難,音義並 同,當爲

作札付之。

从斤猶从艮也。 倉韻篇訓齒根,則明著其語源於訓詁中矣。○陳授庵來,出示渠頃間在小市所

得丁若士(履恆)詩幅一 紙,字 極秀麗。 丁爲王石臞之友,王有書與討論古韻, 著有形聲類編,

大學新印行。

爾雅 病瘧,轉易至數十人。」言易,言轉易,皆即今言傳染也。 七日。 釋詁郭注。 撰釋疫篇。 國語魯語上云:「譬之如疾,余恐易焉。」後漢書鄧訓傳註引東觀漢記云:「吏士嘗大 疫訓民皆疾,从役省聲。 役與易古音近,易有延易之義,見詩大雅皇矣箋及 據此知造字者深知疫病源於傳染。 吾先民

之科學精神,殊可驚也。

删。 爲余撰序。又謂象形字本無定音,說亦有理。○倫哲如來, 趙椿年爲其後人,亦未曾見」云。〇訪沈兼士,盛贊余小學金石論叢之美。謂是關一新途徑。允即 、原名達)、鄧湘阜(與黃虎痴者)諸人手札多通。 渠意欲購取。 十二日。 十九日。 答訪陳援庵, 撰司徒司馬司空釋名。 書店索價八元,嫌其貴,不果取。余著作之價昂貴如此,而余乃患貧,亦 出示法梧門、阮伯元、洪稚存、唐陶山、趙甌北、吳穀人、顧元熙、 按司馬,周禮鄭註訓馬爲武,是也。 法、 洪、 唐、 談及松筠閣書店有余講義漢書礼記 顧字皆佳。 司徒,假徒爲土。 援庵云:「甌北札頗難得 趣事也。 司空,假 徐山

廿四日。撰鍾泰荀註訂補詳訖。

權。 「伐棘棗而爲矜」, 廿六日。 讀淮南 兵略篇,「士卒殷軫」,「軫」當讀爲脹。 說文:「賑,富也。」「摔招杼船」、「招」當讀

過秦論云、「鉏耰棘矜」、知棘字不誤也。

三十日。日本九州大學助教授目加田來,問治說效法。 余答以可先讀桂氏義證,較段注爲易瞭

六日。 撰鄒衍九州考。 近悟淮南子地形篇之九州即鄒衍說之大九州也。

沈兼士送北大歌謠紀念刊一冊,中有渠論方言文字。

左 右兩視「僕」之本字;嗚乃惡之或體,口咼不正也;此等校勘,皆根據小學,似非爲據類書作校勘 十四日。校淮南修務篇。 **啳、睽、哆、噅,皆狀貌醜。 略假爲簽,謂缺齒;睽當作睽,疑是說文訓**

十七日。 遇羅莘田(常培)。 謂余釋贈篇極佳。「義同構造同」一文雖尚未細讀,於余所言之定

則,則以爲甚合云。

者所能及也。

音定義, 說頗當。 沈兼士來書,寄小學金石論叢序文來,題文曰「跋」,蓋謙遜也。 廿二日。 家人寄慈親墓誌來。 徐紹周篆蓋至佳。 誌文字不工;余擇人未善,刻工叉劣,悔之已

於余說有糾正處,又謂一

字無定

無 及矣。 廿四日。 到文華殿, 觀所陳列美國人福開森藏品。 玉有圭、 **璋、琮、瓏;金有鼓、幤、刀、劔、匕**

首、戈、矛、戚;明器有北魏瓦屋,視余在長沙所見漢屋爲整衡。 公元一九三六年 知此俗六朝時猶然。 參觀時,

福君

一二六

正偕其友來,與余攀談,交換名刺。 福指示同為羌鐘出土之朱漆盒,謂周代已有漆器云。

狎昵,精神並不相合。 **免於妄;繼知其决非偽物,則又護持前錯,不肯自改,又不免於懦矣。 景伊又言,錢玄同雖與黎錦熙** 甲骨,惟我則不能變,變則人將詆譏我也。」景伊姊之孫女壻(伯峻案:景伊為林損(公鐸)師之姓,林與季剛師爲婚 黎,殊得其實。 此云:景伊姊之孫女壻」,疑有誤学),故季剛示以肺腑之言如此。 廿七日。 林景伊來,告余云:黃季剛於沒前大買龜甲書讀之。嘗告渠云:「汝等少年人盡可研究 錢嘗告景伊云:「黎不唱高調,便只能作低能工作,决不在中道上走。」此言狀 余謂,季剛始則不究情實,痛詆龜甲,不

廿八日。高松兆見示校韓非數條,頗見用心。

廿九日。撰權國慶說文二十八部聲系序。

言一科,曾容考余所爲長沙方言考也。 三十日。 許駿齋來談, 云渠鄉榮成縣方言如燒、舀、澉諸字與長沙方言同。 又渠近爲學校購到郝蘭阜爾雅疏手稿, 渠近任榮成縣志方 有王念孫、馬瑞辰、

金鸚諸人簽條,大抵皆糾其說聲韻之失者。

九三七(民國二十六年丁丑),年五十三歲。

月。

三日。梁啓雄丈來,贈所著荀子柬釋,余爲校勘數篇幷撰序者也。於余礼記說未全採錄,標題

諸條則暗用之。〇王靈來書言,沈兼士在北大授課時稱余著述之美。

十三日。訪孫子書。 子書告余,日前與沈兼士同飲席,席間無士盛稱余所著書。 古人所謂樂道

人之善者, 兼士有之矣。

十五日。撰釋己篇。

十六日。撰釋甲篇。

痕寒二部古多通作也。 十七日。 讀淮南子原道篇。 「短総不綺以便涉游」,「總」當讀爲「惲」,此猶禮記假「卷」爲「袞」,

十九日。新化蘇維岳寄所著詩學贅言來。

廿一日。撰釋晶篇,證晶爲星之初文。

四日。 校淮南子本經篇。「掉羽舞象」,讀「掉」爲「翟」,文遂砉然通釋。

廿

如歐陽公初點劉幾,後幾改名暉,爲公所賞拔。 廿六日。 閱李愛伯越縵日記補訖。 越縵於宋人說部瀏覽殆遍,可謂勤矣。 說部有云公欲點幾而不得者,謂此也。 然考訂亦頗有差失。 而越縵云此

製說,蓋偶忘夢溪筆談記幾改名事耳。

廿七日。撰釋比篇。定比爲妣之初文。

九日。 校淮南子齊俗篇。「槽柔無擊」,高註釋槽柔爲木矛。 余謂槽柔即詩經之 含矛, 含、曹

古通也。

公元一九三七年

三十日。撰釋匕篇。

三十一日。權國慶寄其姊夫李鼎超所著隴右方言考來。

二月

鄢陵」書作「陰陵」是也。 日。校淮南子詮言篇。 「厭文搔法」,余讃爲「按文操法」。 淮南書於寒部字多書作閉 口香,如

思而不得者,今日一見卽明之。 爲說。今日讀之,瓊當讀爲禮記聘義說玉一節「縝密以栗」之績,惟縝密, 二日。校潍南子詮言篇。「昆山之玉瑱,廛垢不能入」,當年吳檢齋校潍南,與余討論,余以瑱耳 學力深淺有賴於時間,於此得一切證矣。 故塵垢不能入也。 當日苦

三日。撰偏旁多初文考。

九日。 校淮南子泰族篇。 「莖柯豪芒,鋒殺顏澤」,「鋒」當讀爲豐。 「磨而不玩」,「玩」當讀爲到。

自謂皆頗審諦。

十日。孫蜀丞來,以北大景印彼所藏程縣莊青溪文集見貽。

十一日。 寫淮南子證聞。 近日校此書已訖二通,頗多新得,故寫之。 ○商務館來書, 告積微居

小學金石論叢已出版,寄來十五部。

十七日。 十四日。 閱呂氏春秋。 在清華圖書館偶翻閱書評索引一書, 謂「府腫」即浮腫。 檢朱起鳳辭通,則已言之。 載有上海華年雜誌署名「無爲」者批評高等國文

法文字。 之發明。 爲人所注意。此書詳 因至雜誌室借閱之。文篇幅不長,於余書稱頌備至。大致謂馬建忠以後無佳著,故文法不 卷中舉例豐 富, 馬所不詳,發馬所未發,不愧爲馬氏之後繼者。 不落空談, 是其特長。 **真足爲讀古書之助也。** 著者深通音韻訓詁, 此文載該雜誌二卷三十六 故多特殊

十八日。與某君書論詩經言字。

期,乃民國二十二年出版,到今已四年,不知「無爲」爲何人也。

「弟自移居西郊,衰 二十日。 前以小學金石論叢貽張孟劬、東蓀昆仲。今日得孟劬書, 疾日增。 舊臘方點校永憲錄,竟爲風邪所襲,一病幾革。今始下床,忽奉大著論叢 以孫德謙駢文見貽。 書云:

之頒。 然能知公學之精博,自謂差不後人。天未喪文,延樸學之一線,其必在茲乎?」良友過許,且慚且感! 先因後創,余雖不克任,然治學次第當如此,則篤論也。 余恆謂溫故而不能知新者,其人必庸;不溫 不返,則其能讀尊書也亦無幾人耳。 知稗販而不知深研,知捷獲而不知錯綜。 塙,而又能自開戶牖,具創通之美,不待言也。 而弟所尤佩者,則不**墜**乾嘉大儒家法也。 急讀一過,沈疴頓起。 敬謝、敬謝!凡學之立也,必先循軌道,而後方可以言岐創。 弟少年亦嘗究心聲韻訓詁。 以此求異前輩,而不知適爲前輩所唾棄。 涉世爲口,從業乙部,斯道不談矣。 **巵言日出,往而** 今之綴學, 公之學精

三月

故

而欲知新者,其人必妄。

亦孟劬此書之意也

三日。 遇鄧叔存,云陳獨秀得余文字,曾有緘致渠,於余文有所批節,亦頗表贊意。 適其時日人

鬧自治甚劇,其家人畏禍,取陳緘毀棄之矣。聞之甚以爲惜。

不表傾服,然則余之爲大言,固不當耶?」季聞余言,亦爲囅然也。 大言之時而一爲大言。 不必耳。 六日。 ' 余笑謂序云:「人曰余爲大言者妄,百年之間不爲一大言者愚。 余伺其閒,遇有兩三分可爲 訪余季豫。季告余,孫蜀丞盡數日之力讀余小學論叢,極爲傾服。 乃所謂時然後大言者,不亦可乎。且獨丞肯盡數日之力以讀余書,讀訖不能 〇商務王雲五來書請編中國儀 但謂自序作大言爲可 禮

十一日。 余讓之(遜)世兄見告, 勞貞一(幹)與渠書, 謂讀余論叢金石跋文, 極佩服。 勞君為

文毅後人,湘士中後起之秀也

史,辭之。

十三日。 劉詩孫來書,贈其大父岳雲著食舊德齋雜著。

十四日。

正明來,云曾讀余高等國文法。 工艮庭題語。 又出段硯相示。 **硯爲玉制,木蓋鐫「經韻樓」三字。** ○江西秦翼云來書云:「讀小學論叢,愛極不寐,一夜三復。 **兼士得此以名其齋也。○日本安田 平時若**

訪沈兼士。告余曰、聿、通諸字義頗精。出所藏費玉衡窺園圖,囑爲題記。前有王西莊

有所獲未能道出者,論叢則已從容申述之。」並質疑數事。

來, 燕京學報單印本也。 Ŧ. 日。 劉宏度寄所撰文學通變論來,武大季刊單印本也。〇馮芝生寄所撰莊子內外篇之分別

廿四日。 撰釋呬篇。

廿八 日。 日本東方會小竹武夫偕京城大學助教授本多龍成來。 本多贈朝鮮苔紙信箋, 爲余縣

影而去

廿九 日。 周休 士 送印昆先生夕紅樓詩續集來,為余題師友遺札七絕一 首在第 一卷中。

三十日。撰釋桎杒梏篇。

三十一日。 余請學校傳鈔錢大昭廣雅疏義,借來讀之,不逮王氏疏遠甚。

四月。

二日。清華學報十二卷二號出版,載余著讀左傳小箋。

南京來書云:「丁鼎丞(惟汾)見余講義、極表傾服。 匹』」云。○飲席遇孫蜀丞,謂余書成績偉大,任到何地,不易摧 四日。 看制言雜誌三十七、八期。 內有呂氏春秋開春論集解,採及余拾遺之說。 謂『由其見地之深,可知其用力之勤,今世殆罕其 破。 又謂高閬仙亦贊許之云。 〇權生國慶 由

六日。爲沈無士題其所藏費玉衡(仲璣)窺園圖記卷子。

文, 大學者。告余云, 文法輔之。 謂日本人血液 七日。 〇日本真武直 淮南子證開撰訖。 帝大藤岡 種類與湖南人相類。 新從南方旅 勝二博士授中國文法,以馬氏文通為教 凡費五十餘日。 行 北來, 此文會譯成中文, ○飲席遇日本人永島一郎,爲去年畢業於東京帝國 曾至長沙。 逼布中國各日本領事館。 見告云: 本, 日本某醫學博士近日曾撰 而以余文通刊誤及高等國 果至長沙 時會

見之。

十日。 昨日得三妹書,云大人病益甚。今日發電問之,得復電云「稍好」。

十一日。 遇趙斐雲(萬里)。見告:「日前從朱佩弦處假得小學金石論叢,在歸途汽車中讀之,竟

邊,觀國西來領衆賢。 告。」 〇日本高田 眞治教授招飲北海留別, 遺失錢袋於車中而不自覺。 嘉惠已承分典冊(君以所著孔子學說見贈),高談况喜接華筵。 幸爲車役拾得, 索余贈詩。因步倫哲如奉贈原韻有作云:「便便君是漢家 乃発損失。 君書引人入勝,吸力之大如此, 羣經本自尊喬 故特以

·九日。 讀陳昌齊淮南子正誤。 余前校槽柔讀會矛,陳已先言之矣。

且共泛舟拚一醉,清風明月不須錢

岳,大海從來納百川。

廿一日。 前致書丁鼎丞(惟汾),今日得覆云:「字義同緣於語源同」之說得先民創作之精意。

於余釋屬一文有所補充,謂「襁雅釋山『獨者蜀』,方言『蜀,一也』, 蓋謂其挺然獨起。」以陽一陰二之

説核之, 説亦有理。○撰釋**ლ篇**。

羲於囧,囧有明音也。此義兩年前卽爲諸生言之,今日始寫出 廿三日。 撰釋諝篇。 醑訓智,得義於觚窗之極。 聰得義於窗。 也 僚訓慧,得義於寮。 訓穿之朙得

廿四四 廿三日。 日。 撰釋用篇。 撰釋效篇。 謂即今桶字。 謂即「窗牖麗廔闓明」麗之本字。 往治龜甲,即得此義,今日始寫之。

戲 鄧叔存所藏最精;館藏有太平天国門牌一紙,珍品也 廿五日。 晨游頤和園, 午返清華。 到圖書館,參觀同人藏品展覽會。 馮芝生藏古兵器甚多; 書

廿六日。 撰釋〉八篇。 謂」爲坎之初文,開口義當屬二,故呿、袪、胠皆有開義。

廿八日。 関東方雜誌中實庵字說。 獄、辱二字說與余同;謂臥、監、臨從目,不從臣,甚精確。情

五月。

其他多臆說耳。

二日。撰釋雕尻屍篇。〇撰釋願肫朏篇。

才也。 三日。 書云,「讀余小學論叢諸書,有深研之功,有獨見之慮,佩服無已」云。晚訪余季豫,示以魯君文 得寧鄉魯實先書,寄示所撰史記會註考證駁議,凡二萬餘言。 聞見甚博,且通曆法,未易

字,季豫亦稱賞之。讓之世兄謂魯曾在北大史學系旁聽。

几 H 撰釋姚篇。姊蓋得義於衣。娣爲女弟,姊娣即次弟也。 〇老父病,望余歸甚切, 定即日

南行。連日料理雜事,向清華請假,遂於七日晚登車南行。

之,已得稿本二十冊云。高旋介藍孟博(文徵)相見。 余謂耶卽門楣之楣象形初文;說至確。渠現著文字通典, 八日。 同室高晉生(亨),舊清華研究院畢業,將赴開封 藍君爲高君淸華同學,亦在河大,任敎歷 取古書中異文通借之字, 河南大學。 高在河大亦任文字學課。 依古韻部編次 史。

鶴林玉露諸種。 出示新得宋刊林之奇拙齊集 ○晚登粤漢車南行。 冊 (共 四曲, 其二別在徐行可處)。繁本麻沙左傳杜註殘 本及

九日。

到漢口

訪

徐行可。

渡江到武漢大學,

訪譚戒甫、劉弘度、任贛忱、方欣安、吳子馨。

明敞

積

十日。 抵家。 大人衰憊殊甚。 余凄然淚下,大人亦老淚縱橫,不能已。

十四日。 慈親大禪祭,升主於祖龕。

十五日。 高晉生寄所著莊子今箋來。

十九日。

莇耔穀丈(典球)。

謂余云:湘省當局及黃劍平(士衡)皆希望余留長沙修湖南通志。余

未置可否,聞修志事意見紛歧也。

廿一日。 往東鄉拜大父及慈親墓。

廿三日。 高生松光寄所撰泰興方言疏證來,生畢業論文也。 擇其允當者錄之。

廿七日。 廿五日。 龍孟繩(祖同)贈研仙先生所著小學蒐佚十三冊。 皮皓白來,請余任湖大教授。余以父病爲神志不清,乃慢性病,秋冬决無法北行,諾之。 〇商務印書館版稅單來, 小學論叢

月底出書,至三月底整兩月,售出三百十部。

訪徐紹周。

曹縫有「祿隱園」字,不知撰者爲何人也。○題長沙汪氏四世手澤卷子。 三十日。 出示鈔本天荒外史,題「野雲道人述」。 葵園先生之子延祺屬題。

記明代大政及災異,

訖明亡而止。

三十一日。 撰釋此篇,謂是瞽之指事初文。

六月。

冊矣。

日。 李肖冊寓遇劉湘生(永湘),弘度之弟也。極稱詞詮之美。 云前購一册已破,又重購

四日。 得張昕書,云以木工爲生,欲治國學,讀余文法而好之,欲師事余。 質疑數事,頗 有 理解。

抄重讀千字文等。

iE.

日。

沈羹梅

(兆奎)來湘,欲觀葉定侯藏書,偕至葉宅。

有宋本說文、古史、宣和書譜、汲古閣

呂洲 罰鍰爲證, 八 日。 拜伯兄墓。 説極精 確, 歸看淸華諸生寄來文字學報告。 極爲可喜。 〇周懷霜來,詢之爲周薈生先生(變胎)之孫。 河南張生卜麻謂罰字从刀, 據云研仙 謂象刀, 先生 以書

小學蒐供為渠所編次。

十日。 偶檢書,得鄭業本無傾實集。 閱之,知易效爲鄭所著。 余前得其稿本於漢口,不著撰人,

不知爲 商君書校釋匡認爲贄。 誰著也。 荆門胡宗瑗來書, 謂私淑已久, 推揭備至,有「段、王無此精粹」之語。 並以所著

四日。 撰釋許篇。 謂午爲杵之象形初文。 從言即曲禮鄭註所謂送杵聲。 淮南子云,「舉大木

者前 呼邪 許」,乃用許字本義也

鎌 手札多通。 廿七日。 十八 日 答訪 字精 平萬轉到張孟劬及陳仲甫書。 美,論學問事亦不惡,湖湘前輩中之佼佼者也,卒時年纔二十八,惜哉! 周懷霜。 出示其大父養生先生所職欽印譜十冊(名共學齋印譜)及與其姻家陶麗 張書見示校訂清史后妃傳稿數事。陳書排斥六書之說。

七月。

三日。 公元一九三七年 到雅里中學,觀美國人柯強所藏古物、古鏡甚夥,車轉一 雙甚精,明器有陶鞋,前爲單梁,

微

與今制無異。

五日。 沈兼士寄渠與丁梧梓(聲樹)論文字書來,即前與余談及曰、聿、鴥諸文皆有回旋之義者,

文頗精。

七日。 張菊生(元濟)七十生日紀念論文集,中有謝剛主(國旗)清代書院制度變遷考一文,論及

時務學堂,涉及余名字,謂著籍者若蔡鍔、范源濂、楊某於事業學術皆有所建樹云云,令人慚恧。

電云平安。

九日。

十二日。 閱日報號外,報豐台日兵與廿九軍激戰,北平外城皆閉,深爲駭異。電平寓問安否。 電內兄張迪人, 請其設法令眷屬南歸。 夜得復電云:「平市安,

尊眷明日往津。」爲之

復

少慰。

十三日。 迪人電告,「車停未往津」,令人焦急。

十五日。 迪人電告:「平滬有車通。」

十四日。

婦毅君電云:「平静,少緩行。」

十七日。 得毅君南京電,知已於十五日到南京,家幸脫危城,爲之大快。

廿二日。 侍大人由老屋移居三妹新居德莊。

廿七日。 得五兒廿三日天津來書,云平寓一切已處分完畢。

得內弟張覺人南京電,云家口於廿五夜乘江大輪南行。

廿八日。

三六

三十一日。 江大輪到、眷屬大小無恙;歸來實爲幸事,惟五兒留津未歸耳。

八月。

日。 電平、滬、寧,告眷屬安抵湘。

二日。 湖大送聘來。

六日。 到王宅,參加葵園先生九十六歲公祭。

十三日。函馮芝生、朱佩弦,向清華請假一年。

廿三日。撰葵園先生管子集解序。

曾持山東教育廳所發學生逃難證乘免費車而歸。

廿六日。午夜,五兒德驤歸。前月二十九日在天津,從炸彈下倉皇逃出,不死者一間耳。

沿途

訪梅月涵,告以擬睛假一年事;因余寄平書恐渠未見耳。

四日。

九月。

六日。 訪左坤臣(復),觀所藏古物及陶器。

二十日。商務印書館版稅單來:小學金石論叢自四月至七月末日,共售出五百五十五部,連前

共售八百六十五部。

廿五日。張舜徽來,致徐行可贈陳漢章撰列女傳斠註一本。 二十八日。 聞朱德第八路軍大勝倭寇,可喜一

公元一九三七年

三七

十月。

八日。在岳麓山有敵飛機警報,閉擲彈聲。後聞知爲炸株州、醴陵,死傷多人。

十八日。 以避轟炸,大人移居東鄉西藪沖莊屋。 余亦由德莊移居河西十佳沖襲家大**屋**

廿五日。 馬芝生書告,余請假一年,清華會議正式通過。

得張卜庥書,云到湘四日,屢訪不遇。

聞余移席湖大,

尤爲悵惘。

蓋張生於文學極有

興趣,故有此言也。

廿七日。

三十日。得張淸常書,知已寄書四十五包來湘。

釋圖篇。 後讀殷虛書契考釋,知羅振玉先有此說,惟余說較詳耳。

八日。時局擾攘,心志不寧,自八月廿二日序葵園先生管子集解後,不執筆爲文者兩月餘矣。撰

十二日。 王雲五來湘,招飲於曲園,遇梅月涵、趙元任、袁守和、徐森玉等。

十四日。 撰說耿介篇,謂耿本當作日,日介猶今言界限。

十三日。

在岳麓山遇梁思成夫婦。

思成欲得余漢婚喪禮俗考,約贈之。

十八日。 得朱佩弦書,云聞聞一多轉述命「許」字新說,極佩其 精湛。

廿四 廿六日。 日。 夜悟淮南子原道行老子之說,而俶真則行莊生之義,實以道術爲之旨也 敵機投彈東車站,開死傷甚夥。近日戰事極惡,政府遷都重慶。 思之令人欲絕。

十二月。

日。始增補淮南子證聞。

七日。 四日。 由襲家老屋移居鄰近方復初家,與方叔章同屋。○得余季豫書,憂憤滿紙。自署曰「鍾 新化蘇維岳來,以其毛詩著述求序。

儀」,以楚四自況也。 書言吳檢齋已離平。 高閩仙恐見汗,閉門不出。 張孟劬已遷入城居。

廿五. 日。 以决計令家口赴寧鄉避難,到向家塅謀賃屋,宿沈子成丈寓。 次日賃就向宅屋

卅日。 廿七日。 毅君率家小離十家沖入城,明日乘小輪到新康,轉乘屑興赴向家塅, 返省。 寓向淑予舊屋。余

則移楊湖大焉。

九三八(民國二十七年戊寅),年五十四歲。

日。 赴東鄉,大人病况如故,大小溲皆不自知,晨起溷滿牀褥,令人焦慮之至。

與邦對言,疑義與邦近」。 廿三日。 陳公培前見訪。語余云:「對字从孝,从寸,有關草萊之意。」詩云:『帝作邦作對』,以對 說殊有理。今日撰釋對篇,謂對从士者實从土。許君所謂从口者實从口。

公元一九三八年

一三九

補充陳說。

月。

日。

舉例羅列,事頗尋常,而名爲「發覆」,似不免於張皇矣。 陳援庵寄所著薛氏五代史輯本發覆來。

其書取

四庫館臣輯佚時諱改諸文爲廣、夷等字。

<u>-</u> 日。 大人病劇,五時見背,余遂爲無父之人矣。 痛哉!

次也。

七日。

晨有警報,

敵機在新河機場投彈多枚。是日彈聲及高射炮聲皆清晰可聞,

在余爲初

十八日。 在老屋行祭奠禮。 以時局不安,僅通知至戚、密友若干人,受弔。

十九日。 三月。 晤聞一多,告余近讀楚辭新得。 「固亂流其鮮終」,「鮮」當訓不以善終之鮮,其殼頗確。

皆審諦。 五日。 曾星笠見示所著班子說。 謂反衍卽畔援、 件與;大蹇當爲於騫之誤;謝施即跃弛。

說

君共宦金台,仲子同浮碧海;朋游若兄弟,卅年生死見交親。」詞意懇樂。 十一日。 李肖冊輓大人云:「勵節志符伯起,憂時心契靈均;身世際鄰危,再閱滄桑傷 勵節、憂時二語,尤足概大 此 老。 長

人一生志事。

十四日。 得余季豫書告,張孟劬近得胃疾,與渠書問余近狀。 高閬仙足疾已癒。 孫蜀丞近益收

斂。 際茲危局,伏處故鄉。 故友關懷,只增感喟。

十五. 日。 平江彭葛懷(澤陶)來,贈所著書,又別一種求教。

廿一日。 撰釋量篇。 許讀如朝者,古人字音不定,旦、朝同義,讀旦亦如朝也。

在趙壽人(曾儒)室見柳翼謀(治徵)與渠書,謂江南圖書館中精本寄存故宮京庫者,於

南京陷落前已運出京,未爲寇得,爲之一慰。

廿四日。

部,此與黃永鎭,錢玄同相同者也。

其他一部,

則取微部分爲二:一爲齊部,

開口之字如衣、伊等屬

卅一日。曾星笠來談,謂擬定古韻爲三十部。於黃季剛二十八部外,取其豪、蕭部分出入聲

之,以與屑、眞爲一組;其餘合口之字則仍爲微部。 詩經中齊、微二部雖偶有交錯,大致劃分云。

四月。

閉日前津浦線我軍大捷,爲之振奮。

十日。 敵機炸 岳麓 山,湖大圖書館被燬,國文系學生黎圭遭難,此外死者尚有學生一人,工友一

是日,余以大人營葬事清晨入城,免於當場驚悸,爲萬幸矣。

十三日。 十二日。 到西敷沖莊屋, 族祠主事者設席祭大人。 起柩,午後抵橫沖陳長林家。

十四日。 大人殯下窓。

十五日。 閱說文。 **则即與之初文,

田即败之初文,

即即謹之初文,

此皆象形,

會意變爲形聲,

所**

謂形聲爲尾閭也。

十七日。 拜大父墓後入城。

廿一日。 與曾星笠談。 星笠於廣韻確有心得,非時流所能及也。

復來案季,殺士居然效晏桃」二語(湖大死三人)。趙壽人稱不置,信阿好也。 廿七日。 岳麓山被炸。 劉腴深(善澤)有級後告存詩,索余和作。 余勉成步韻二律,

有「焚書竟

五月。

廿二日。 徐州昨日失守,南京之門戶撤矣。

廿三日。復陳仲甫書。

復之。〇李肖冊來,云近作詩甚多,有贈余一首,有「碧海迢迢識姓名」之句,渠頗自賞云

前以不知其所在,未能作復。伯峻姪新由武漢歸,道曾與陳君相見,

因

廊房及南苑投彈,北方人心大奮。聞台兒莊之捷,尤為鼓舞。 廿七日。瞿菊農見告,張東蓀日前過長沙,渠會到車站相見, 知孟劬尚寓燕京大學。

國機曾飛

六月。

三日。撰詩謂山蓋卑解。 談蓋爲盃,何不也。

九日。 與周子若(德偉)談,見告其曾祖母爲李元朝(文炤)先生之妹,元朝又周出也。 述元朗佚

事,大抵皆術數之學。〇王啓湘(時潤)贈所著周秦名家三子校錄來。 十九日。晤彭德尊,言馬氏繹史今本乃改版,與原書多不同。德尊曾游山東,故知之。

二十日。 閱陳杏驄(繼訓)詩文集,用力頗勤,惜多不檢處,如陶氏婦墓誌,乍看似是其妻,讀之,

則子婦也。詩爲「岳麓曾都晦庵詩,元史胸羅使節閒」,文理皆不合。

七月。

廿五日。

校評結束,返向家塅寓。

鄉居讀漢書,撰札記。

十七日朱佩弦來書,邀余返清華任教。

卅一日。 聞九江失守。

八月。

二日。 聞倭奴在中俄邊境尋釁挑戰。

十五日。

聞俄、倭停戰,我國又當吃緊矣,爲之恨恨。

二十日。 在古沖何申甫家撰釋開閉篇

如君製詆何人?」良友過譽,固所深慙。 然非知余深者不能道也。

劉腴深進有詩題余所著書云:「學從西漢湖周秦,派接乾嘉

更出新。

當恕吾家劉季緒

廿三日。 洪兒告余,六兒已往陝西。 盡

廿二日。

月。 商務印書館取大學叢書中六十種爲自修課本,設函授學校, 高等國文法居其一,為擬試

題及答案五十則付之。

積

四日。 清華同人寄旅費來。

十七日。

復淸華同人,告不能行。

二十日。 近日讀史及曹魏事,成詩云:「坐對溪沱閱古今,秋來寒雨氣蕭森。

揖讓辭官笑華歆。着代無憂還抱頸,應機揮涕却誠心。 絕憐少女懷先識,恍見當年漆室吟。

高閩仙閉門養疾,並授課事亦不肯任。僻處荒鄉,聞故友近狀,爲之一慰。

廿一日。得余季豫書,云:張孟劬養病,足不下樓。不相見者已年餘。

沈兼士於外事一切不問。

壽張致死悲劉曄,

書云:「酒泉以西戈壁生白草,俗名駱駝剌。」知王朝川塞上作所謂「白草連天野火燒」者卽此物也。 廿六日。 閱長江著中國之西北角一書,冊首有臨潭之牦牛市照片, 即說文所謂西南夷氂牛也。

十月。

廿七日。因廣州失守,武漢危急,湘垣附近已不可居,率家人離向家塅到省,擬隨湖大避往湘西。

卅一日。 乘湖大校車別長沙,晚抵桃源,寓省立第四中學。

十一月。

碎,空餘涕淚多。 五日。 暫過桃源,遇昔年同學多人,成詩一首示之。 **曼天寧樂禍,狂寇未提戈。** 好樹百年計,終期覆醜倭。 云:「一堂曾幾日, 忽忽歲年過。 坐看 山河

里,無處着身安。 六日。 為陳倚石題畫云:「年衰萬虛除, 獨有杯中物,能敎天地寬。」畫爲一老人,前置滔壺一。 世亂百憂積。 安得住壶中, 十年如一日?」「九州十萬

十日。久待校車不至,敵機日來桃源。 不得已,僱民船西行。 在船中十日,閱鄉韜奮萍踪寄語

、二、三集。所記蘇俄事,多可取法者。 此焦土政策之賜也。

廿三日。 二十日。抵沅陵,始知長沙十二日夜大火,全城皆盡。 抵辰谿,賃居劉家巷。

廿九日。 得何申甫書,知清香留老屋幸存,爲之大慰。

三日。長沙大火,恐其時洪兒尙在省,念之不置。今得書,云十二日離長沙,未驚火却,爲之大慰。

十四日。去年四月撰釋誕篇明證、誹、詆三字之語源。 十一日。向復庵(紹軒)招飲,赴之,出示所藏古器。 後悟得謗字从旁,旁之言薄。今日又悟

得職、謂二字:幾謂微,肖假爲小也。

二十日。閱說文。戇莆,蹇訓扇暑而涼,於蹇訓扇同源。

器不能用。今年暑假中整理之漢書礼記, 器傷其牛, 尤可惜· 廿二日。何申甫來書言麻園嶺余新築無恙, 馬王街仲姊屋則全燬。○書籍篋運到。書數種被鼠

印記。 廿七日。撰釋口篇。卩爲都之象形初文,厀乃後起加聲旁字。印从爪从卩,乃初民以手脚摸爲 廿八日。 在任籟忱(凱南)處見郭耘桂先生所著楚辭,厚冊凡十餘冊。功力之深可以想見。

公元一九三八年

D

係孤本,未敢借讀也。

廿九日。撰釋裕篇○撰釋遯篇,謂豚喜逃遁,以孟子「如追放豚」爲證。 〇八月間撰釋開閉篇,

稿旋失去,今日重寫,加闢字古文說於其中,改題曰釋開闢閉。

例叢刊版片與焉。

三十一日。撰釋伯篇。

〇得妹丈周季良書,云清香留老屋雖未被火,但搶扨一

空。

古書疑義學

九三九(民國二十八年已卯),年五十五歲。

二日。撰釋旱篇。

三日。

悟卬字从口从巾,訓望欲有庶及。

口爲反人,卩爲都,

與企字从人从止

構造同,

義亦相

近。 危从口,乃跪之初文;跪爲危加形旁字。 因補入釋卩篇。 適會星笠從益陽來, 語以諸字之義,

星笠擊節嘆賞,謂形、音、義三者無一不合。 義雖新創,精確不磨。

五日。撰釋吳篇。 謂矢从大變,即假矢爲大,故訓大言也。 此義早悟及,未暇記出。 昨與星笠

談及此,故表出之。

十一日。得朱佩弦書,云渠與聞一多皆極盼余赴渡共事,下年度仍當設法相邀。 十四日。撰釋久篇。謂久卽灸之指事初文。○悟肥字从卩肉,以厀上之股、厀下腓腸皆肉最多 語極懇切。

處也。補入釋**卩**篇。

名;後翁齮齕李,李即挾此以脅翁,故爲恨李刺骨。 殺翁,此釁始也。 十七日。 趙壽人談翁同龢與李鴻章構除事云,曾國藩劾翁同龢書,摺出李手;其詞極厲, 太平天国時,李攻取蘇州,得蘇人所建忠王李秀成德政碑。 光緒乙未年,翁謀殺李,恭親王力救始免云。 翁、潘(祖蔭)先人皆署 殆欲 又

逃己亥、庚子|李出督兩廣事甚悉。|壽人爲文忠內姪,故知其詳也。

月。

結 沅二水間。 取,高樓吟處是名山。」 煙蘿。 十一日。 斑鬢欣猶健,新詩定不磨。 苜蓿生涯餘落寞,轆轤心事愧安閒。 次劉天隱(腴深自號)見懷詩韻五律云:「自與故人別,天涯涕淚多。 昨宵圓好夢,湘上著漁義。」七律云:「我來千里幾閒關,一 人如秋鶴衝霄去,詩並衡雲失徑攀。 無緣共樽酒,浪 事輸君須記 無 辰

朱顏人已白生鬚。 十二日。 題李肖冊東游百詠後二首云:「一書不報經三月,百首傳來 雲開 秀句驚 江海(君留學時有「海中得句萬雲開」句), 、敵萬夫。 鶴上青雲戢翼回 我亦當年 蓬島客 官祿自

別,新歲此荒城。 結友求三益,持身在一誠。見年行及壯,端不用叮嚀。」

見德洪自沅陵來省余,留五日去。以詩示之云:「昨送阿嫻去,今朝爾復行。

老懷禁幾

公元一九三九年

貧文自富,天公終竟是憐才。

廿七日。

一映遠

三月。

日。 成調會星笠詩云:「一日千回看眼青,幾生修到與居停。 豐神朗玉迎初日,顏色明霞

打 曾假 新 詩動扣戶,若成好夢祝無醒。 閉門謝客吾方事,莫共抽思入杳冥。」

蔬魚教,種釣閒來好著書。」此書頗道出同人人人所患苦。 辨留行柰囁嚅。 三日。 送曾威謀 墮溷人人愁范縝,誦家夜夜夢於菟。(校中溷軒危欲墜,又患無水可飲。)君 (昭權)歸湘鄉詩云:「困臥荒城猶見汝,未驚勝母忽回車。 星笠告余,見者皆賞爲親切云。 誠知別後增懷 家售 想,欲

冰,萬錢安用效何曾?今符一室融融話,往歲千街步步燈(涅盤經載:元夜天人散花奏樂, 繞城 六日。 四 日。 近 昨日農曆正月十五日爲元夜, 日晝陰夜輒雨,成詩云:「白日沉沉陰,入夜浪浪雨。 星笠招諸同好茗果, 有詩。 世變何太急,天公效鼷 依韻和之云:「青茗甘同 鼠。」 步步 夏日

燃燈十二里)。 顧我銜杯偕婦子,多君擘果餉賓朋。 傳柑猶得沾餘歷,勝似山中後粥僧(余今日得橋

木,却疑衙鼓報升堂。 十一日。 星笠入夜切齒甚急,賦詩調之云:「蜂房比屋似連床,睡熟詩人切齒忙。 乍覺床柯 隔窗雷息遙相和,守夜霜更不獨長。 料得小蠻假白傅,難禁聒耳起徬徨 楼 啄

朝旭 推霜 十六 日。 嗟許鄭,晴雲開霧見倉斯。 撰讀吳愙齋中丞字說書後。 請纓未繫胡兒頸,求雨質窺董相姿。 文成後繫之以詩云:「新書一 卷不盈握,勝 狂寇又深吾欲老, 義紛披 足解頤。 短文裁

罷淚如絲

廿六日。 撰說篇、 釋膊、釋紳三篇。 諸義皆昔年所得,以義簡未寫,今始寫之。

廿七日。 撰說罐、釋步业、釋希三篇。

廿八日。 撰釋甚、說卦、說孙三篇。

三十日。 撰釋識篇。

廿九日。

撰說駿、釋麝二篇。

〇聞南昌失守,令人喪氣。

四月。

Ŧi. 四日。 月。 撰釋甬篇。 撰說驃篇。

七日。

八日。 十日。 九日。 撰說弦篇。 撰說監篇。 撰釋爏燍篇。 撰釋坻篇。

廿一日。 廿四 月。 撰釋夙篇。 到沅陵治耳閉。

廿七日。 廿九日。 返辰谿。 醫治耳無效。 撰釋腒篇,謂得義於直。 忽憶昔年耳閉,適暑假歸省,慈親令日進糯米粥,

公元一九三九年

慾復聰。

返辰谿後試

服二日,耳遂大通。乃知病仍由中氣虛弱也。

炸。 不過十丈許。 八 九兩兒病臥 然院中落 三十日。 敵機炸辰谿城。 脫 一長方形大石, 床上,婦看護兩 稍 偏,妻子四人成齏粉矣。 余寓近車站,鄰室投一彈,死老婦一人。是日余率七兒到後 前簷屋瓦皆墜;主人視龕神主皆在地 見,不能出。 校中同事 純女以母不行,亦不出。 同學紛來慰問,皆勸余他遷。 上; 機去後,冒火焰急歸 室中歷土 滿 地。 視,幸 鄰彈 山暫避。 相 未 被

五月。

一日。去劉家巷寓,移寓對岸湖大校舍左近。

一九日。撰釋名拾遺。

做人 皆已 與黎 車入城,車中玄同謂余云:「君治學語必有證,不如湖南前辈之所爲。 而做人則完全湖南 友人無不非之,而玄同不顧者,以利耳。記十餘年前,玄同任敬清華,一日與余及張怡孫 韻之學有心得。 鐵錚爲余購得世界書局出版古書字義用法叢刊來,此翻印余輯刻之古書疑義聚例叢刊,而益 親 脫 附 11 逆。 日。 盡 但 湖 其胸 南氣,而爲文字喜作大言,全是湖南 玄同獨不受汚,志節皎然,尤爲可敬。然玄同一生大病在於好 得師 中 蘆溝橋事 何嘗不明白。」余謂此可見玄同爲人之矛盾, 範大學通告,錢玄同於一月十七日在北平逝去。 變後,以養病居北平,倭人求之,終不出。 派 頭 也。」怡孫後相見,語及此事,云:「此 亦可見玄同爲人之天具 周作人爲其友, 玄同天資明敏, 利,其與黎錦熙 讀書努力,於音 錢稻 風度也。劭 也。 公與 (煦)三人同 狎昵,彼之 孫爲其姓, 以經傳 君 周 疏 而

釋詞 經三二 索同 臥復抽絲。 人賦詩。 及吳昌瑩之經詞衍釋,亦便學者。 王疏庵有作,因次其韻云:「佳人去後俗成詩,寂寞辰陽曆一時。 差欣虎尾餘生在(疏庵上易,得履六三「履虎尾」云云,既而辰谿被炸), 余 叢刊版片已燬,有此足以代之矣。○曾星笠自益陽返辰谿, 月到上弦初弄影,蠶 難遺龍頭矮

廿八日。撰釋次、釋藝、釋嬰稷三篇。

屋悲(梭含所在地名龍頭腦,近日苦熱)。

白社風流定堪繼,吟壇况有遠公持(星笠自號牛僧)。」

六月

五日。撰說證篇。

十日。習淮南子,悟原道篇之霄霏即逍遙。前撰拾遺時未及也。

一日。得余季豫書,知北平諸友近狀。

「無端狂寇掠 十八日。 三邊,殺贼終軍 和劉弘度觀演苗可秀事有威作。 IE 少年。 縱有貔貅師百萬,漢家終見服柔然。」「柔情壯志兩粉歧, 苗,東北大學學生,以抗日 殉國,弘度弟子也。 詩云: 萬咸

易水歌聲催上馬,只餘殘月照羅帷。」「猶有門人作鬼雄,幼安無負客遼東。

浮螺蔽日

須臾事,夕照從來分外紅。」

凄凉别婦時。

七月。

五日。撰莊子拾遺訖。

公元一九三九年

積

六日。 周生從長沙來,告余云,劉天隱於淮南子曾有所造述。 讀余淮南拾遺,評爲「追蹤高興,

俯視德清」。此與余自許者正合,天隱眞解人也。

十二日。撰溫故知新說,溫故不能知新者謂黃侃;不溫故而求知新者,謂胡適也。

十九日。以擬入學試題翻閱商務館出版傅東華編復興高中数本。書中文法部分多用余說,例言

中及之,有「得力甚大」語。

廿四日。 廿三日。近日憤於國難,治公羊春秋,欲撰述條例,春秋大義述始此。 悟广从人在厂上,爲危險危之初字。 以危爲广,乃復制跪字。 此與气、氣、餼之孳乳正

詹字从广者,以广爲屋危之危。 余前謂戶爲檐,當訂正。

同。

廿五日。鄰居張姓有弟被征服兵役,兄代之行。贈儀程一元獎之。

適何申甫在余寓,

亦贈以

元。

三十一月。 聞陳慎登(朝爵)之計。 慎登能詩,老遇時戴,流離困頓以死,殊 可憫也。

八月。

六日。 閱蘇聯哈耶瑪所寄日本論,敍述頗詳。 結論謂倭經濟力弱,必當崩潰

莊者。 + 廿三日。 四日。 敵機炸辰谿兵工廠。 在某處見王湘綺先生手迹冊頁, 論詩文語多精到, 字迹亦美,係先生與其四子婦楊

九月。

床,皆成灰燼。

同事有書籍衣物全燬,一身外無長物者。

余避之防空洞中,幸未受驚。

廿一日。敵機來辰谿,湖大校舍被炸, 燬教室數間及教員宿舍四棟。 余室存書五、六種, 被

廿三日。 敵機又來,炸附近松溪口兵工廠。

十月。

廿九日。 遷居馬溪楊宅,距校舍較遠,可避轟炸也。

六日。國軍收復湘陰,倭寇北竄,長沙可暫安,爲之喜躍

又言天隱極贊余溫故知新說,謂並非謾罵。

某生來書,並劉天隱語,謂余小學有實過乾嘉諸儒處,

治小學當以余爲宗云云。

聞之令

人增愧。

二日。

十一日。 悟慕从莫聲有義,蓋莫、無晉近義亦近,因無生慕, 猶欲之从欠也。 轉欠爲形而莫爲

聲耳。

嘆不已。 十四日。 余處 此窮鄉,日在敵機威脅之下,惟以讀書自娛。獨居無友,孑焉寡儒,得知友一言, 曾星笠從益陽來,余以近著春秋大義述稿示之。 星笠謂裒舉大義,遠勝劉逢祿書, 勝於

封侯百里矣。

二十日。 悟公羊傳隱公元年「且如桓立」,且當爲藉之假字。

廿一日。 到湖大辦事處,見學校新購湘報數冊,中有時務學堂月課榜示, 余兄弟名皆在焉。

忽

積

忽四 十餘年,兄已去世,而余亦垂 垂老矣,爲之悵惘

廿 四日。 撰易牙非齊人考。 據墨子節葬、魯問二篇,列子湯問篇,漢書元后傳, 後漢書南蠻傳,

知 殺 長子爲戎狄之俗,而牙行之。易、狄古通,牙蓋狄人。

其考證. 得君說 廿六日。 而余文增重矣。近人喜云爲學問而學問,與星笠所言不合。 無益於世道人心,不爲也。此人與顧氏宗旨相合,故爲佳文」云。 曾星笠來談,以易牙文示之。 和何特循(獨)見贈原韻云…「一月何曾笑口開,瓊瑤忽自故人來。 星笠云:「顧氏日知錄雖事考證,必先有一主旨在 然其言自有此見,不可厚非 余笑謂 余爲文時初無此意, 壯心已爲烽烟盡, 胸。 也 若 短

餐 等禁日馭催?世上難逢古稀叟,庭前早見不羈材。 漢家舊是神明胄,未信昆池續級灰。」

#

七

日

馬已奔湘水靜,德山乍聚酉山尊。 三十日。 喜李肖聃、曾星笠先後來辰,次王疏安韻作云:「故人稅駕見源源, 劫後相看喜並 匠人不顧樗爲社,賀客寧知弔在門? 未信蝦夷能制夏 好將經訓 一存。胡

說中 謂 說苑諸書 所載皆口說,不悟劉向即本之董生 也。

月。

養兒

孫

三十一日。

翻閱康有爲春秋董氏學,將董生書分類鈔錄,在康氏著述中尚是較爲平實者。

惟

口

人,為學早死,宜經傳釋詞 十四四 日。 閱 錢儀吉 **行石齋記** 續編書之不佳也 事 稿。 有李 貽德、 徐養原、陳壽祺諸人傳誌。 陳傳記孫經世為陳門

十六 日。 看陳立公羊義疏,搜採甚官,不及孔氏通義之精要。

十八 日。 偶 取孔氏通義與公羊疏對勘,知孔氏多針對徐疏立說,實較精彩。

聞之甚喜。

11

日。

金克木來談云

"贵州、雲南各書店,書到即售賣一空,羣苦無書可買。

知讀書者仍多,

廿五日。 久不得文玄兒消息,不知其存亡。今日得其河北唐縣合莊書,爲之大慰。

洞中, 四 疏安有詩,余依韻作云:「朔風初緊葉僻條,古幹龍鱗自不凋。 日。 劉弘度自樂山賦詩懷辰谿同人。 曾星笠謀將來馬溪, 示王疏安及余。 好句傳來如面 語, 時疏安 故人去後已天 E 避機

Щ

簻 雞聲引客親書洞,鳩首挾人渡石橋。 喜見珠璣生咳唾,不須醇酒百憂銷。」

七日。 撰釋叉ナ篇

十九日。

竹畔居、(酒店前多修竹)。大地犬羊隨處是,微軀牛馬任人呼。何當被甲持戈去,殺賊歸來一卷娛。 廿五日。 廿四日。 讀班子。 和王疏安謝招飲云:「四塞塵霾慘不舒,小招聊與素心俱。 悟「帛」字爲段字。 譚長說昌形之壞字。 段卽暇。 人生幾得田間飲,肉食還数 莊子用何暇二字至多也。

閱皮鹿門先生春秋通論,大體平實,而亟稱劉逢祿書,似爲偏見,劉書實無

可 取

也

積

九四〇(民國二十九年庚辰),年五十六歲。

月。

日。 題王湘綺先生手書詩冊。

十八日。 讀莊子,取校淮南王書。 精神篇「天地覆育」,語本莊子德充符,「育」當作「墜」。

云:「爲避横室陣,營巢翠障中。 錄近日讀莊子礼記,凡得二十餘事。連去夏所錄,共百十事。 臥床聞好鳥,啓戶見靑松。 地僻無人到,山深萬慮空。 幽居足佳趣,

○得寓馬溪,漫成一首

世網任重重。」

十九日。

廿三日。 兒德驤從衡陽來,留七日去。

二月。

四日。

名理更能文。饑腸無米愁方朔(近日物價奇貴,皆苦不給),奇字能言愧子雲。手把瓊瑤還一笑,著 答陳仲平助教見贈原韻云:「禮蘭沅芷信芳芬,歸後心空冀北羣。

客此蠻荒猶見汝,幾人

書辛苦待秦焚。」

大東茅巷,大雨傾盆。 九日。 追念生平,不禁嗚咽。夾日,成記夢詩云:「遊子逃生日, 是日農曆正月初二日, 余奔馳返家,入室,見先君子坐案側, 爲先慈逝世五周年日也。 慈親 慈親棄養時。 夜夢余從遠道歸 坐床上。 方向 遠來授舊宅 小東茅巷舊宅, 先君欲 有言而· 急雨作奔 余逐 行至

馳。 喜見情無限,那知夢裏癡。 覺來惟哽咽, 枕上淚成

E 撰森秋大義述自序。

三日。 看新劇本雷雨,警策處似紅樓夢,佳著也。

十一日。 得羅 雨亭(根澤)書,致伍叔儻(一比)之意,邀余赴中央大學任教。

廿三日。 撰造字時有通假證。

廿 Ŧi. 日。 聞大王步 有匪患,距馬溪十二里,急移居學校左近張宅。 本周叔廈 (枬)實屋, 余暫假

居之。

廿八日。

八口悵何之? 賴有周公瑾,巢林假一枝。」

成移居詩二首:「荒村聞刼質,去去不移時。

我愧橋公祖,懲奸肯棄兒。」「誰云四海廣

四月。

三日。 撰春秋再書狄人說

四日。 撰春秋宋世子痤有罪辨、公羊傳諾已解。

避,欲從王赧築台證。笑謂兩君何整暇,曷不持戈跨鞍馬?中原胡騎正紛紛,長吟短詠胡爲者?君家 開瓊筵。 Ŧi. 日。 顏配腹飽狂爛漫, 五溪詩社 第一次宴集。 叩門尋我索詩篇。 陳、吳二君主之。 我生樸拙不能詩, 索詩,戲答之云:「迦陵詞伯天下賢, 愁來開卷偶 吟之。 追逋 火急無 梅村攜 地 手

興事。 戲及之云。 勝廣人中龍,大澤 拔幟 開壘迎 此 詩成於枕上,機氣淡泊,項刻成章。 一呼咸陽空。 君來,老夫投筆從此始。」吳君 期君繩武舉義旆,驅逐蝦夷返海東。 詩有「詩壇莫讓楊曾霸,後起陳吳是正宗」之語, 曾星笠見之, 大加贊美, 不然定戀毛錐子, 謂神似東坡。 要辦 良友阿好 詩 擅中 故

中央大學羅志希校長(家倫)來書促行。

殊足愧

也

十二日。 防空 洞中作云:「牛年寓馬溪, 未識 穴 居苦。 朝聞 盗劫, 襆被倉皇去。 附 郭 移龍 頭,

犬 八吠夜無 十三日。 怖。 中央研 晴空 警笛哨,奔走不遑駐。 究院前睛各大學教授選舉評議 君 無恨宵人,亦 員, 同人皆有選舉權,而余與會星笠獨無之。 勿怨 強鄰。 人生有大患,七尺 區 品 身 氽

有選舉 例云。 胎 (書質問,今日得復,謂余著述精富,院中人皆知之。 此明 權,而專致形者 是院誤,乃以不肯坦白認罪, 則 無之。 而 余 敬固以義為主,星笠又專敬音韻 故爲 此瀾言。 特以限於規定,未能列爲選舉人;曾君 蓋彼 所謂規定者, 也。 謂教文字學義 訓 及音韻者 亦同 此

宗然。 四 有畢秋帆 日。 以何特循招 (沅)乾隆五 飲,到丹山寺。 十七年題區,爲「回頭是岸」四字。 寺在辰溪城對岸。 登寺樓眺望,衆山 又有王陽明先生題詩在懸岩上,未及 拱抱,源水 直來,

如朝

往 尋。 蓋 先生 謫 龍場 時曾 經過 此 地 也

十九日。 Ħ. 日。 移居校 五溪詩社第二集,主者余熙農、 舍西 張盛蒞宅,寫 此 凡五 譚鶴松 年餘,直至三 十四年勝利後也。

二十日。 送何特循游蜀詩云、「壯歲論交今皓首,故園無分共蠻方。 乍揩夢裏憂時淚, 叉斷樽

前

惜 别 腸。 三峽猿聲擢日月,五溪鴻爪有文章。 歸舟好句棄新釀,愛晚亭邊醉夕陽。」

北五. 日。 以近日說春秋諸文字示曾星笠,星謂再書狄人考及諾已解皆極佳。

明, 善其後?吾謀不用豈足傷, **邉,只今空復咎戎首。 從來並耳利人行,寧有良藥不苦口?古訓煌煌戒不爭,** 昔曾楚爭中原, 弭兵向戍空奔走。 可憐此咎終身受。丹心不白指天日,無復可言呼負負。 乃服余前 廿六日。 熊雨生 詩勿爭之戒。再步韻嘲三君云:「蠻鄉寂寂百無有, (正理)、曾威謀鬥險不止,幾於不可收拾。 第訝相知何不厚。 詩云無侮老成人,何意秦違黃髮叟。 曾君誘戰觀壁上, 頗似量生幸居守。 前車已覆後車來,從今尚忽吾言否?」 星笠獎戰, 忽看龍戰構六九。 於今頭焦額復爛, 亦成 何况諸君皆在醜。 狼狽。 未及佐關先得 救死扶傷各不 至於設誓自 寧有 良策 在

五月。

三日。 五溪詩社第三集,主者曾星笠、威謀、劉豢龍(異)。

十四日。 報載鄂 北豫南大捷,殲敵兩萬人,殊以爲喜。

十五日。

欲看巴渝爲山 水。 從來 Щ 水助文字,不信馬遷有前事。 歸裝何物壓輕舟?百數十篇新史記

贈畢業生熊嘉麟女士入川云:「熊君精進殊未已,學文乍畢復攻史。

負書今向蜀中行,

十七日。 五溪詩社第四 集

廿一日。 公元一九四〇年 吳景超來湖大,清華同事也。 問知檢齋以病卒,傳言倭寇斃之者,非也。

卅一日。 五溪詩社題為龍頭雜詠。 余命兒德豫賦之。 有「月明何事勞相憶, 千里隨· 人到五 溪

之句。兒年止十三,有文思。同事諸君皆加稱賞,亦可喜也。

六月。

秦皇。」得第一。「决戰喜聞淝水捷,懷沙重見屈原悲。」得第三。 日。 五溪詩社第五集,分詠詩鐘,嵌「决、懷」二字。 余詠三聯:「决獄書精傳董相」 懷淸臺峻築

九日。 撰曹孟其凌虛島小說序。

前羅雨亭來電問行期,以近日宜昌危急,不欲入川,今日作覆,

十五日。

十八日。 聞歐戰法與德媾和停戰,德勢 日盛,吾國受其影響不小矣。

廿五日。 閉倭奴迫法人停止旗越運輸。 唯一 海口,亦將斷絕,聞之焦慮。

三十日。五溪詩社第六集。

七月。

十日。余熙農送油印本五溪詩社詩集來。

十一日。羅雨亭來書言,伍叔儻以余辭聘,失望之至,仍堅請行。

十二日。 嫻女由沅陵歸,攜來汽水二瓶。 連日飲之,神爲之爽。 不飲此已兩年矣。

曆之學。 十五 日。 余皆懵無所知,殊足愧也。 寧鄉魯實先書來,寄所撰史記會註考證駁議印本來, 請作序。 書言其新得三事

皆律

十八日。 閱說文釋例。 謂持爲寡之古文,已先我言之,說六許多瑣屑不可耐。

佘高等國文法。 二十日。今日各大學統一招生考試。 葉,桐城人,北大畢業。○余季豫來書言,胡綏之年八十二矣,尚在。 到試場, 週葉孟龍 教部派來送題監試者。告余曾讀 羅叔言近日已

死。

在平諸友近况如故。

五律最下。 渠自言年十一、二卽學詩,今四十五矣。 五律最有把握,七律最無把握。 見示詩多首,多 句。 二十四日。 談詩頗多心得語。 周邦式(長憲)自沅陵來,見訪。 余以詩求教,謂古風最好,七律次之,七絕又次之,

一十五日。 曹孟其來書言,九嶺敵又增兵,長沙人心惶惶,如去年中秋時。

琰、空、對、鼂、開闢閉、冘、卩、遯、伯、旱、吳、久、膊、神十七篇。 三十日。前投積微居字說文三十首於東方雜誌,今日寄到三十七卷十一號,登載釋於、許、景、

八月。

之「怎樣」。以閬仙唐宋詩舉要不及此二義,故告之。 農从囪讀同匘之說。○曹與高閱仙,謂杜詩「劉向傳經心事違」者,傳經者謂傳經於子歌。 而歌助王氏,故曰心事違也。又「若爲看去亂鄕悲」,「若爲」與「敎妄若爲容」之「若爲」同,意如今語 四日。 書與沈棄士,告以最从旦,旦、朝同義,故讀如朝;需从而,而、須同義,故讀如須。足**證彼** 向反王氏

公元一九四〇年

九日閱孫海波甲骨文編,爲余再治甲文之始。

之公論,非弟阿私之言。幸爲神州文化自愛,不勝仰企之至。」云云。畏友奬藉之懷如此其至, 十二日。余前與陳寅恪曹,今日得其香港覆書云:「當今文字訓詁之學,公爲第一人,此學 上慚 術界

十三日。撰釋徹篇。

十四日。 撰魯實先史記會註考證駁議序。 魯年只二十六,而成就卓卓如此,殊可驚嘆。 故余贊

美之甚力。

未應。 十五日。 今復有此,可謂厚矣。 陳景唐(裕光)昔年師大同事也。 來書邀往成都金陵大學任教。 十年前陳君 曾見

招,

十八日。撰釋革篇。

訓地圖。 廿三日。 許不職量字,故誤說耳。因撰釋圖篇。 昨夜夢以文字授人,謂圖字計訓「畫計難」,不曉其形義。 又撰釋先篇。古文「之」「止」不分,先从人止,與見、 俄而覺,忽悟圖从口从啚,當

企、吠、鳴等字同例。 廿六日。東方雜誌三十七卷十二號寄到。 載余字說, 爲步、妙、希、甚、麛、祛、甬、坻、

妖、

腒、

廿七日。撰釋荆篇

廿八日。撰釋出篇。謂卽局之象形初文。○撰釋告篇。

廿九日。 羅志希(雨亭)來札,云今年不敢強,希望下年仍赴渝

九月

二日。 羅雨亭書告中央大學已寄聘書來,任何時去皆可。

三日。 撰釋屰篇。 甲文作子,作倒大之形。大象人,倒人即屰也。 〇撰釋丞篇。 甲文作一人陷

入阱中兩手舉之之形,乃拯之初文。

四日。 敵機炸辰谿城,湖大辦事處毁一室。

七日。 撰釋工篇。 謂工卽榘,據字形及巨、式、鹭、左四字立說。

八日。 九日。 撰釋正篇。 敵機炸辰谿兵工廠、水泥廠。 謂正爲征之初文。 韋爲違之初文。

十二日。撰釋僉篇。

十五日。閱大公報,知林公鐸(損)於八月二十六日以心臟衰弱症逝於瑞安,年五十。昔寓北平,

與公鐸過從頗動。 有文字之好。聞其不祿,爲之太息。

廿一日。 十六日。撰釋跋篇。跋从臣从戈,爲會意字,后加聲旁爿。此當以臧獲爲初義,訓善乃引申義。 撰釋口篇。 甲文丁字作口,乃城字象形初文。城从成聲,晉本同也。〇撰釋弗篇。

與彌同字。

廿三日。 撰釋滴篇。 謂卽漳字。

公元一九四〇年

一大三

橨

六四

廿四四 日。 李肖冊告命:劉茂華以密電致渠,謂聞余病死,詢確否。 此殊可怪。 然茂華之關念, 則

ル 日。 復陳景唐書,告以不能往成都任教。 可感

也。

三十日。 會星笠來,告以日字義,星笠許爲妙絕。

啓、 緊四字亦皆从段聲。 三日。 撰釋启啓篇。 甲文有风字,象以手啓戶形,訓開當作此字。 啓訓教當从口灰聲。

曾威謀贈重伯先生會試評卷。

四

Ħ

撰釋雌篇。

謂甲文此字卽鷸字。

近日說字如犀分水,

如鑰投牝。

讀書數十年,

近日之

衣 裳,

初雁

樂, 爲生平所未有。 以成、雌二字示曾星笠,許爲毫無疑義。

九日。 五谿詩社第七集,社題重九七律。 余亦命豫兒爲之。 首四句云:「西風吹皺客

磬 聲報早涼。 強整愁容對黃菊,莫辭樽酒負重陽」。 亦頗有致。惟少年人不當有愁容耳。

+ 日。 敵機炸湖南大學,毀屋多間,幸無死傷耳。 余寓瓦多飛去,木板多歪邪。

清風。 七日。 鄉邦述舊滋余愧,肝胆論交喜子同。欲待時平廬阜去,相攜疑睇大江東。」熊,賢人,故有末句。 依韻答熊雨生云:「散原逝後詩歌歇,今日荒陬着此公。 幾首新詞懸朗月,千年雙井剩

雨生詩得陰柔之美,而余近陽剛。

曾威謀謂熊詩清奇而余雄奇。

兩君阿好,

又意在激勵

余,故云云耳。 ○撰釋異篇。 謂異爲戴之初文。 據甲文作母,象人戴物兩手承之之形知之。

部爲平入音,戴爲加聲旁字。

粉」也。 十九日。 甲文牡字从士不从土。 閱甲骨文篇。 塵从鹿从土, 乃廢字。 爲羒字。 據爾雅云:「鹿吐鷹,羊吐

廿三日。讀熊雨生詩戲贈云:「爲傍詩人住隴頭,每吟佳什想冥搜。 江山同此君偏秀,風雨

連朝

我更愁。 縣解夢回廛外域,狼烟侵入海西州。細推物理知何用,贏得蒼生哭未休。」(兩生治物理學。)

十一月。

日。 余與會星笠、黃子通發議印行文哲叢刊雜誌,湖大允出千元爲之。

計余决不足以益 八日。 魯實先前來書,有欲執弟子禮之語。 彼,不敢任也。 ○胡春藻(庶華)到校任校長職。 余遜謝不敢任。今日來書復諄諄言之, 往與一談,少坐 Щ 詞意懇切。然

十六日。撰春秋大義述凡例。

超然,餘事爲詩亦 **駸**入杜、韓之室矣。」 十八日。 報載周邦式辰谿雜詩八絕。 可 傳。 第四首云:「孤城畫角帶霜吹, 方駕杜韓追屈宋,知君原不愛坡仙。」自註云:「過翁善古體詩,初學 其中三、四兩首爲余及豫兒作。 明月隨人到五谿。 誰信佳篇出童稚, 第三首云: 「胸羅雅故自 少陵才關

爾仙辭。」其辭皆過譽,令人惭愧

公元一九四〇年

廿五日。沈兼士寄所纂經籍舊音辨證發墨來。

韓也。 同。蓋晉惠公之入在前,文公之入在後,欲諱文公之入,故先諱惠公之入以豫爲之地,故云豫爲文公 也。」余按何以豫削踊,是也。而又以爲關西言渾,恐非是。 **岩關西言渾矣**。 三十日。公羊傳僖公十年云:「晉之不言出入者,踊爲文公諱也。」何註云:「踊, **踊訓豫蓋舊說,何襲用之而不知其所以然,故立訓雖合,而詳說則非耳。** 文公功足以幷掩前人之恶,故惠公入,懷公出,文公入, 余疑豫與他傳「火其未至而豫禦之」之豫 渾皆不書,悉爲文公諱故 豫也。 齊人語,

日聽兒啼。」「君家有子不羈才,捐却毛錐志壯哉。娶得塗山乘橇去,呱呱兒泣望爺來。」 二日。賀王疏安初得孫二首云:「參天松幹茁孫枝,老友拈鬚喜可知。 三十年來無此樂,牀頭今

痛。 動餘淚在,子長篇簡付誰傳?衰年故友情何限,東望湘濱一泫然。」 賦詩奉慰云:「海寇腥氛欲障天,不關俎豆已三遷。 六日。 撰周君壽椿家傳,子若之前人也。 ○劉天隱避地雲蓋,被盜劫。 山深劍祇驕羣盜,世亂生寧值一錢。 外孫丁生見批 班惠恩 有詩

閉尤咸與味。 越多少名山,涉多少河 九日。 展轉得文玄兒致洪兒書,知其在安徽泗縣青陽鎮。書云,此一 惜無書可供參考云云。 川,經過敵人多少防綫據點,親見僞治下之同胞。 一年以來音問斷絕,生死不卜。 余知其尚在人間, 兒工作為新聞與 年中東奔西走,北上南下, 可爲欣幸。 教育,於新

但望世局早平,相與聚首耳。

十三日。社集月夜詩云:「月挂中天夜色寒,五溪高處獨凭欄。 思縈胸臆微吟好,愁入肝脾朗照

難。 不信一生長渡落,喜從萬死得平安。(近得兒書)華顚何礙吾身首,躍馬橫戈意未闌

會讀 余近日所著書。 致功之勇,造詣之深,令人贊仰無極云云。吳今爲中山大學教授也。

十六日。得昔年北平師範大學同學吳辛旨(三立)連縣來書,告別後近狀。寄示所爲詩草,並云

廿四日。 撰文哲叢刊發刊詞。

廿九日。 閱郭沫若兩周金文辭大系洋裝本,覺可商之處頗多。

九四一(民國三十年辛巳),年五十七歲。

郑姓作嫌字,故悟及此。 日。 撰釋曹篇。 謂字本从棗聲二束誤認爲二東,義遂不可說。因古書言邾國曹姓,而金文記 甲文、金文曹字皆作二棗之形,實二束,非二東也。○撰釋乎篇。乎金文作

呼字用,知乎乃酹之初文,故象氣越揚。若爲語之餘,則形義不合矣。

雜務所纏,學問事早已久廢不講。 今得讀諸大作,真如空谷足音也。 來、刊之釋,郑、死之讀,均確當 過,欣快無似。自蘆溝橋事變發生,弟由日隻身逸出,所有研究資料,概被拋棄。 三日。 撰令鼎跋。○前以讀甲骨文編記一文寄示郭鼎堂(沫若),今日得復書云:「得大著,捧讀 歸國以來, 復爲

此外卓見甚多,雖亦間有已爲人道及者,然適足爲治當之互證。就整個言之,我兄於文字學 一六七

無易。

方法體會旣深,而涉歷復博,故所論列,均證據確鑿,左右逢源,不蔓不支,恰如其量。至佩! 積 至佩!」

經傳之嗟字,並以郭註爾雅釋話「瑳,河北人讀如宜」爲證。 置與數皆从且聲孳乳也。 几 日。 撰縣改設跋。據此器及泉養自、小臣懿設、全盂鼎(近人稱大盂鼎),數字皆置語首。謂卽

六日。閱寶蘊樓彝器圖釋。 鼎字从貞, 說文 「鼎从貞省聲」。

似全未讀說文者,疏漏甚矣! 古文有不省者耳。

十二日。 舉綸鎛:「舉叔有成裝于齊邦」,吳大澂以爲字下从衣。

余按說文勞古文作戀,

此省去

著者乃釋爲

十四日。 撰录伯菱殷跋。

釆耳。成勞猶言功勞。

十六日。 商錫永(承祚)寄所撰長沙古物聞見記來。

十八日。 二十日。 責善半月刊第十六期寄到,顧頡剛 李季谷君主持中國文化服務社,來書請撰稿。 所主辦也。

一十一日。 文哲叢刊出版,載余撰讀甲骨文編記。

廿八日。 二十四日。 陳景唐來書請任金陵大學教席。 會星笠見付爲余所撰春秋大義述序。

資善雜誌第十七期寄到。 有論漢官中書、尚書二條,可取

一六八

六日。 撰頌鼎跋。「成周貯」、「新造貯」, **余並讀貯爲紵。** ○閱鬲攸从鼎銘。 讀「且射」爲租 謝

七日。 撰白晨鼎跋。 虎騿包之文足證毛、鄭舊釋虎皮之說。 郭沫若謂畫一虎文者,

非也

據史記日者傳「厚求拜謝」、「利大謝少」證之。

八日。 撰呂鼎跋。 讀祉爲侍。

九日。 撰春秋「公及莒人盟於包來」解。隱公八年, 公與莒人盟於包來, 穀梁傳謂實與莒大夫

難。 係萬子, 盟,是也。 孔廣森、陳立皆未能訂蘆、何之誤, 春秋何嫌何疑而易稱爲人乎? 公羊傳謂稱人从不疑,亦以稱大夫則疑,故易稱人耳。而董生及何休乃謂與莒子盟 亦爲疏失。 何休亦知此說不通, 此傳文不誤而說之者誤也。 故又釋 从 爲隨 因爲文明之。 从之从, 說尤 此義 爲支 果

云··「大著詩有孟晉,樂樂大才,於小道誠爲易易。答陳吳索詩七古句法堅老。 十二日。以授諸生漢書,整理舊著札記,定名爲漢書窺管。 ○前以近詩寄示劉天隱,今日得覆 湖外少工古體者,得此

得於去歲十二月,今日始爲之。

老友阿好,抑或故存過獎,要可感也 可以張楚軍矣。」又謂贈渠詩「世亂生寧值一錢」語極沉痛。 次方叔章韻「劍外新篇一雁來」為警句。

篇大幅,滿紙讕言,令人喪氣 十三日。 閱吳雲兩聲軒彝器圖釋, 甚少可取處。 兩齊侯罍(按器乃壺非罍)錄陳慶鏞考證。 長

十六日。 閱王靜安般先王先公考。 讀書之密如此,可謂入化境矣。

公元一九四一年

十八日。 讀叔夷鐘銘。 就就成唐」, 余讀「鯱鯱」為赫赫, **謂與「赫赫師尹」、「赫赫姜嫄** 」、「赫赫

南仲」爲一例。

謝家。 十八日。 」「曾向溪滗暫結鄰,論文話舊意相親。 哀向女士二絕云:「命嗇才豐事可嗟,深閨今見賈長沙。 征帆莫指巴東道,從此猿哀倍惱人。」按向死於重慶。 篋中几卷殘存稿,留與人間 說

廿三日。 次邱有吾(毅)韻送會星笠歸里二首云:「皮孫不作流風杳, 樸學中興見此時。 考古 調

明於喻讀(君謂喻母三、四等分讀匣、定),說書妙解爽惟辭(爽讀爲尙)。

固哉文苑偏分傳,卓爾

先生

意,筆吐中郎幼婦辭。 重老吾生獨何幸,三年沅水日肩隨。」「吳下亭林係夢思, 低首叔通條漢禮,解頤匡鼎說齊詩。 桃花江 畔留桃葉, 音塵得接喜同時。 舸迎將好自隨。 胸蟠淡令濠梁

更聖詩。

廿六日。 撰釋壹篇。 以噎、憶、噎、壇申段注抑鬱之義。

廿八日。 撰釋之篇。

三月。

日。 讀陳昉殷。 「塞叔和」明是田和。 郭沫若以為陳乞,非也。

六 日。 閱傳斯年性命古訓辨證。 書頗博 通,條理亦密。 ○書立政:「式商受政。」式當讀爲代。○

脱文:「羯,羊羧羯也。」今安徽郎溪縣尙言羯。 七日。 彭為懷寄所撰平江方言證許來。 卷中如手起腫爲低字, ○邵陽、耒陽謂燃燈草灼人爲灸。此近日得之諸生者。 今讀爲賑。 慣快之伙, 今讀 如

世。 皆極精確。(祗、振古通作)○同學陳季雲(文祥)自貴陽來,談近事。 謂胡元倓以六十七歲老人

否。 死之年,自露底里。 求婚於少女、遭其拂袖、仆地致病而死。 獨於同學之皮宗石則謂其應歸家喫飯,不應終年在外奔走營求。 至於騰謗陪都,人人以爲笑柄,真可嗤也。 胡素無學,因緣時會,以辦學起家,選自矜許,目 又言李直卿(丞幹)艱苦自勵,口無 足知人之賢否,社會自有公 空 切。 臧

有志之士不可不自力也

八日。 讀尚書堯典「女于時」二句明是堯語,史記誤以爲記事之詞,則與下文「釐降二女于潙汭」

重複矣。

好貨」, 九日。 肩疑屑字之誤。 書皋陶謨「撻以記之」,記當讀爲點,誠也。 **燃**庚「世選爾勞」,選當讀為纂,繼也。「朕不肩

十二日。高閬仙,以去年十一月卒。今日得其訃告,爲之不怡。閬仙博洽,人品方正。 彼死後,

北方無學人矣。

五日。 聞余熙農逝於重慶,爲之悶悶。 熙農年壯有爲,人亦甚正。 中道殂逝,上有衰親,尤可

念也。

苦白,盩自皆是。洛誥有洛師。古文蓋亦本作洛白,漢儒讀自爲師耳。 遷後,洛邑亦稱京師。 十六日。撰京師解。 皆以私名擴大爲公名。 京本私名。 詩篤公劉,「於京斯依」,是也。古地名下往往加師字, 公、穀二傳訓京爲大、師爲衆、皆皮傅之論、非其實也 武王都鎬, 稱鎬京。 平王東

如金文

十八日。撰釋鏑篇。 謂商受義於束。

積 微 翁 回 憶 錄

十九日。 二十日。 翻閱春秋屬辭辨例篇。 撰釋多方。 謂多方卽多國。以金文鬼方、徐方,甲文百方、土方爲證。 知余前撰再書狄人考之說,前人已有及之者。

一十二日。 讀王靜安顧命禮徵,精湛絕倫,清代諸師所未有也。

二十七日。 報載中央研究院楊銓獎金授予者二人:勞幹、王振鐸。 名譽獎二人:爲李霖燦、魯實

二十八日。 撰書京師解後。 先。

四人中湘人佔其二(勞、魯),又皆余之所知,信可喜也。

四月。

二日。 敵機炸辰谿水泥廠。

三日。 沈兼士來書示小學新義。

四日。 書「舜生三十登庸」,登假爲徵,同音假字。

五日。 郭生晉稀說前字从止从舟,據許書履字下說謂舟象履形。 殊有見地。

不足以爲魯君師。 十四日。 魯實先來書稱師,自稱私淑生。 前已再三遜謝,今復有此,終當謝之耳。 以金乙未元曆實朔考一文爲贄。余於曆法毫無所解,

十六日。 訪周子若(德偉),見告云,章行嚴(士釗)得余寄春秋大義逃,亟稱其方法之佳。

二十三日。彭葛懷寄示所著讀論語孟子札記及說之字數則,亦有新意。似不及其平江方言之美。

二十四日。 詠社集題送春云:「吾生五十七,一歲一迎君。舊德相從久,清光忍便分?尚留枝上

綠,應帶別餘溫。高閣匆匆去,明年共小醺。」

一十六日。 陳景唐來書,又申前請,令人感動。

五月。

於平板無味事實羅列之中得其條理,故說來躁釋矜平,毫不着力。

日。

閱觀堂集林。

勝義紛披,令人驚倒。

前此曾讀之,不及今日感覺之深也。

静安長處在能

前儒高郵王氏有此氣象,他人無

有也。

二日。 撰秦漢坐次考。

牛」之說。 五日。 撰釋物篇。 據淮南道應篇「毛物牝牡不能知」一語「毛物」爲對文,申證王靜安「物爲雜色

七日。 撰讀書文侯之命。謂是文侯仇,非晉文公。

識。 又見告:易經之「中行」即晉之中行氏。足證易出之晚。○其說殊新穎,但恐難遽爲定論耳。 易。」余說「包」爲「幦複」,渠說正同。在大蒸悉釋中,洋裝本所未有。渠云:「洋裝本簡陋,不可據也。」 八日。 〇前以京師解、釋多方二文寄郭鼎堂。 今日得覆云:"京為地名,四國多方爲四域多邦, 馬叔平(衡)寄江北漢磚拓片一紙,題云:「延光四年七月。」造作牢堅。「誙」,末一 皆不可

字不

山

議及此也。 十日。 段氏能證史公之失,知「女于時」爲記言矣;而不知此爲麂之言,非四岳之言,仍爲 撰讀書堯典。「我其試哉」應依今文上有「帝曰」二字。堯可言試舜,以女女之;四岳不能

公元一九四一年

閒

未逹

綶 匆。 山鬱鬱有蒼松。」余此詩凡得和作三十餘首,今以曾、顏二君已作古人,故錄之以 筆院花翁。 「滾滾江流祇欲東,百城歲月未匆匆。 回笑靨紅。 默,和章出,莫不驚嘆。 憤世難消 十二日。成五十七初度書懷云:「天上雙丸西復東,我生五七只匆匆。 蒼龍會見干雲日, 手種庭前郁郁松。」顏生熙志和云:「馬蹄蹀躞任西東, 問 雙眼 世文章空好語,成行兒女仰衰翁。 白,著書長件一 畢業後任助教,不數年以病肺逝。 燈紅。 等身書不期頭白,揚海塵還繞脚紅。 老耽吟咏高常侍,飽歷 年年家國無窮事,賸倚危樓看碧松。」 美才不壽,知者莫不惜之。 興亡陸放翁 儘有玄亭攜酒客,尚能史 **鬢邊**早作 欲識 誌悼念。 修 秋霜白,鏡裏難 避地南還歲 齡都 會星笠 幾 顏生平居 許 和 南 月

十七日。 撰釋元篇。 以冠字从元,謂造字時元即爲元首之義。

林。 諸公各有文通筆,今日猶聞正始音。 十八日。 謝諸友和詩云:「西陬歲月坐侵尋,誰識憂天此意深?偶假微吟舒結轎,却 貯向錦襲勤護惜,年時看取故人心。」 添高 詠滿

驚狼燧,一士梁舟傍雀屏。 廿一日。 賀李季明女士于歸,用乃翁肖聃韻云:「李氏明珠字季明,壁經傳罷讀醫經。 五年隔 詩句可人憐道韞,禁方在篋喜緹縈。懸知三日調羹后,對案添 香譯左行。」 面

素王玄聖無他業, 魯實光者。 廿三日。 方叔章見寄章行嚴 感舊憐才,併爲此律。」詩云:「堆几何人意古書(句本坡調子由), 四世三公胜一儒。 (士釗)詩一 鼓篋背慚官學濫, 首,題云:「週夫兄見寄春秋大義述。 枕函今見論衡虚。憐才今日誰年少,魯國諸 誠 郭之奇來言,君盛 君 且 在獅 輪初

生儻所譽。」

拒,只得聽之。彼以余年長相敬,我以彼學優相推,各盡其道可矣。 二十九日。得魯實先寧鄉道林書。 前來書以師見稱,余力辭之。 今日得書,仍持前議。 未可再

六月。

四日。 王引之校左傳「馬三匹」、「三」作「四」。 今觀金文,大都賜馬四匹, 無云三匹者。 知真是

無往而不合也。

十三日。 撰釋煉篇。 蝀从東聲有義,虹見東方為東,見西方為齊,西齊音近也。

十四日。撰釋眷・釋幢二篇。

十九日。 撰釋虹篇,工聲之字皆有橫而長之義,杠、釭是也。 虹亦然。

廿三日。 高晉生(亨)來書,云東北大學希望余往任教。

廿九日。 廿六日。 廿四日。 「亙」訓竟,心能竟事爲恆,聲中有義也。 馮芝生新世訓閱訖。 報載德國與蘇聯宣戰,從此英可以喘息,於我或當有利也。 此書於先哲名言加以科學理論,令人知其所以然,信佳著也。

t

六日。撰釋謙篇。 一日。李眉壽(祖蔭)贈浯臺銘拓片,碑在祁陽,眉壽籍祁陽也。

公元一九四一年

十六日。沈兼士來書,云「銳」,古文剧,剧即剡字,剡亦銳也。「握」,古文臺,即釋名「臺、持也」 一七六

也。 段氏徑改作栖,意雖是,失古人同義通讀之理矣。

余覆書言:「及」,古文蓬,蘧即逮字,逮,及也。

之臺。

十八日。 盗字徐灏謂是檢字之初文,甚諦。

爲主;此一偶也。 # 廿八日。 九日。 古訓中有一現象,如牒牘與媒嬪,其厥與蓁蕨,徑路與經略,盡取而類集之,殊有意也。 撰論小學流別。 說文求義於形,釋名求義於聲,此又一偶也。 謂小學有四大宗:爾雅釋古今語,以時爲主;法言明異國語言, 以地

日。 始撰文字引申義述。

八月。

三日。 敵機炸辰谿花壙坪車站。

著述稿亦不発。 四日,得余季豫書,言吳檢齋因疑畏抱病死,非爲日寇所戕。 檢齋一生治學,結果如此,可爲痛哭。

並云其不肖子斥賣其遺產殆盡,雖

Ŧi. 日 撰釋裁篇。 「裁」,重文作类,
党訓傷,
兴訓 害,聲中皆

七日。 撰 **深土篇。** 「士」訓事,事爲以物插地,義與男从力田同。 有義。

述明之。

八日。 撰詩君子有酒旨且有解,據邶風谷風毛傳「有」訓富,知「旨且有」與「旨且多」同。鄭踐以

此吳檢齋遺說,余恐其不傳,故

「栝」,从舌聲而讀他念切,舌、丙同義,丙爲聲

爲有無之有,非也。

十日。 遇胡吞藻。 告余云: 教部問渠湘中國學名宿, 渠舉余對。 且云湖大擬辦國學研究所,已

向省政府請款 云。

十七日。 覆馬叔平書。 論江北漢磚銘「牢堅」二字當屬制作言,不如馬「牢堅」爲人名說。

<u>小</u>是之「集」讀就,文王之「躬」讀身,雨無正之「答」讀對,是也。二日形聲字,如「農」从囟聲,囟讀爲 二十日。 與沈棄士書。 論同義通讀可以三事證明:一日詩文, 韻不協, 讀以同義字則協; 如

說文重文,如「銳」或作則、「握」或作臺;「諏」或作訟(三字沈說),「及」或作籧,「會」或作徭;是也 匘(此)沈說);「需」从而聲而讀爲須;「量」从旦聲,旦讀爲朝;「栝」从舌聲,舌讀爲丙;是也。 三日

爲補充口卽笃,所以收繩;从受,實从爪从又;謂一手持笠,一手網絲;故訓治也! 廿五日。以爲郵局閱卷,乘車到楡樹灣,宿焉。旅舍中撰釋資篇。

郭生晉稀謂从系不从幺。余

中。 慚王子陽,猶堪驕漢武,身在白雲鄉。」日前郭生晉稀賦詩見贈云:「長沙夫子積微翁, 金,陶鎔幸遇干將手。 至絕頂,俯瞰來徑,如蛇曲,如帶索。雲氣滃然皆在足下。午后達桃花坪。 說字眞能匡洨長,萬流鑽仰競朝宗。」結云:「吾家本是景純後,先輩差能識 廿六日。 車過安江,稻田同學易貞玉女士及其子來謁。 含情脈 脈告同門,效顰莫訝東家醜。」余答一絕云:「識奇我愧漢楊雲 登枳木界; 山勢陡 得詩云:「坂已逾千折,心 科斗。 峻, 公路蜿 頑鉄終慙百 一生終老百城 蜒 妙解 而

真嗣景純

絕國方言勞作注,兩家術業本無分。」

九月。

兢兢。 十二日。自爲像贊云:「身居環堵之室,而心會乎先民制作之精。 智乎愚乎?將以竢夫天下後世之公評。」 疏食布衣,而時爲明日之無有

季鸞即以能文稱。

張不知,

乃譯爲

十五日。報載張季鸞逝於重慶,爲之太息。 昔年同學於東京第一高等學校,

歸國後主持大公報,蜚聲薄海。今年止五十四也。

十九日。 閱說文月刊載張世祿譯瑞典高本漢老子韻考。 原文引余老子古義,

「老子解詁」。

廿一日。今日,日全蝕。 距明嘉靖日全蝕三百餘年矣。 能見全蝕者爲甘、陝、鄂、閩各省, 辰谿

止可略見,以天雨竟不得見。 學校得電云:「倭寇進犯長沙,東北二路幷進。」寇氛日熾,平定何時?令人憤惋! 十時許,天忽沉黑,不能辨字;有頃,復故。午後日出,圓如故也。

廿二日。

神旨。 一日。吳辛旨寄詩來,多佳句。 黄季剛、錢玄同所未有也。」 來書言:「近讀先生說字之文及讀甲骨文編記, 詮詁允愜,

妙達

二月。 聞長沙戰勝倭寇,爲之喜慰。

七日。 九日。 得責善雜誌一卷廿三期。載余說幽皇文一文。又二卷八期載李濟生論魯學一文。 撰釋姑篇。 「姑」當以父之娣妹爲初義,引申始及夫母。許訓未得其源。

概評

學,皆非確論。 清代以來山東學人, 同時人盛譽傅斯年,于姜忠奎、許維遹、楊振聲、柯昌泗、丁惟汾父子皆致 大致公允。 惟於孔廣森不滿其公羊通義, 謂不如劉逢祿;盛推 郝 不 蘭皋之聲韻 滿 非魯

人而亦致譏彈者,劉文典、唐蘭、容庚、商承祚、馮友蘭。 於前輩獨推柯先生,固其宜矣。

十八日。 以近作文字示會星笠。 星謂釋士當補說其形,良是。 士,甲文作上,下横畫象地,

象立苗也。

廿一日。 文字引申義述哈德登部訖。 始編模部。

三日。 十一月。 余往任敎於清華。 李眉壽在燕京, 相距咫尺, 未嘗相見。 去秋相識於辰谿,贈以詩

圃意俱閒。 年年海淀西頭路,夢裏重經淚眼濟。

著書已讓千毫禿,對鏡曾無一髮斑。

別有孤懷誰與共,翛然老

「廿載京華未識顏,喜聞淸論此荒山。

義分列,非也。 訓牖中网之网舜也。 Ŧi. 日。 撰釋姃篇。 〇撰釋誣篇。 與囱異者, **驱與極爲一字,爻、肉皆形,正其聲;肉象窗,爻象極窗中短木相交之形,** 从巫者,巫祝妄言禍福,以無爲有,故訓加言也(今本「加也」,此依一切 但無框檔耳。 極窗爲本義, 疏通爲引申義。 許誤以爲二文,遂以二 ė,

費德林來書,求余所著書。 4. Ė 撰釋級篇。 取與纔同義,緅與纔亦同義。 自言專研中國文學語言,會讀余書云 前撰說取篇, 此改彼爲之。

經音義)。

公元一九四一年

○蘇聯大使館秘

書

十九日。 獨立三十二旅旅長袁性德柬請參加陣亡將士公墓落成典禮,赴之。

二十日。 撰說憤篇

廿七日。 聞胡適有書與李眉壽, 云倭奴盡其國之寶器賂美, 永樂大典二十餘冊與焉。

可以想見。

日鶴, 此張伯松所以贊爲懸諸日月不刊之書也。 五日。爾雅本釋古今語,而釋爲云:「伊洛而南日暈,江淮以南日鶴,南方日傳, 西方日鶴。」乃以地域分疏, 獨爲變例。 子雲方言實本此而演爲專書。 雖挺 則爾雅 東方日 二鶅, 而貌同 北方

九日。 聞倭奴與美决裂,美已對倭宜戰,大快。

十一月。 我國 [向倭宣戰,南美各國亦紛紛宣戰;倭奴末日近矣。

瑶階擲去如投果,金線穿成似鬒珠。獨喜平生清冷慣,不曾熱處著微軀。 十三日。 詠霰和星笠云:「忽看六出遺先騙,玉屑紛紛散九衢。 人世避丸成苦惱,天公作

戲只

須

十四日。 廣播佈告:倭奴主力艦被擊沉四艘。 令人狂喜。

順,宋人改訓爲如,例可加入。余善其說,卽增入之。〇始撰文法學小史。 十六日。 近撰訓詁學小史成。 以示會星笠, 星笠頗以爲美。 謂書洪 範一時 雨若」, 若字漢· 人訓

二十日。詠落葉云:「荒林無徑少人行,片片辭條寂可聽。 運去難回春影綠,身枯猶戀故川青。

未妨貼地過雙展,猶憶因風送遠馨。 閉道人間薪似桂,好供收拾助晨烹。」

一九四二(民國三十一年壬午),年五十八歲。

月。

年記先生在杭州, 神即申」,申卽電,與余說相合。又云地示字从古文上,从气,气能上爲地;殊爲附會。 (啓原之兄)輯詩歲,自上古至六朝,單辭斷句無不搜採,謂可與嚴輯古文相匹。 癸丑記說文字謂「天 四日。閱王湘綺年譜。王先生長於文學,而論世事則迂疏可笑。而自許特甚,殊可哂也。庚子 梁卓如來訪。 梁先生戊戌政變後亡命海外, 何能在杭州訪人乎?甲辰記王心培 袁世凱稱帝,

湘綺確曾致電勸進。譜中飾詞,非其實也。

六日。閱廣播佈告。知進犯長沙寇已崩潰;爲之喜慰。

城。 文章寫我他無事,花鳥逢人別有情。分手去來休作惡,吟人長愛閩江清。」 十七日。送人入蜀云:「兩年詩境馳千里,萬種华愁脧此行。 好爲後生作元氣, 憑君吾道有干

廿日。范治學來書,自稱弟子。

九日。 余新築看屋人來書告室已燬, 僅留平房數間。 爲此屋負債受氣, 如此結局, 可謂數

奇矣。

二月。

#

公元一九四二年

四日。劉任萍由馮芝生介請受業,求閱定其文字。

八日。 成有觸云:「已死終當懸佩劍,此生何意伍屠刀。張弓手欲彈烏鵲,愛惜金丸未忍拋。」

十二日。 諸生約夏曆元旦會合,各具禮品一事,探籌取之。 余備筆一管, **滕之以詩云:「雲遊三**

十載,憑此作三軍。慚愧生花種,探懷付與君。」

十三日。周漢南(薩棠)自成都來,來訪。周,桐城人,習政治史,曾讀余所著書。據云,金陵大學

積美金數十萬元而苦於無可用。 陳景唐極希望余就聘,主持其研究院事云。 廿二日。 撰釋跟篇。 申釋名受義於根之說,無及肢受義於枝及幹訓脅、末訓首以爲旁證

廿三日。撰註爾雅臣舍人考。據古人稱臣某,某必爲其名,定舍人爲人名,糾錢竹汀「姓舍名

人」,孫頤谷「舍人官名」之說。○閱俞理初癸巳存稿。 理初博洽而行文殊不條暢。

篇。 曰泥丘,釋詁:「尼,止也。」故泥丘爲水所止。 甫方爲對轉,簠或作匿,而胡丘爲方丘。撰讀詩大雅文王篇書後。據孝經,定此詩爲宗祀文王 四日。 讀爾雅「山一成坯」。 「坯」即部婁之部。 方丘,胡丘,以簠字金之作匠,器形方爲證。 說文分爲部、坯二字,似未及其源。 〇撰釋簠 水潦所

於明堂以祀上帝之詩。

謂此。 廿七日。 二事、「出風頭」。 撰記俗語二事。 「風」當作鋒,以刀刃言之;平原君所謂「錐處囊中其末立見」者也 一事,「說風涼話」。「涼」當作綡;說文云,「綡,事有不善言綡也 E,

三月。

三日。撰潍南子證聞自序。

四日。撰小學金石論叢簡端記。

八日。 撰爾雅舒訓緒考。 謂「舒」乃序字之假。說文「敍」訓次第。 序爲序次, 經傳註屢見:

序即 周與閱予小子言「繼序思不忘」,魯與國官言「纘禹之緒」,中庸言「武王纘大王、王季、文王之緒」。 通假。Ѭ、翽、疏以展舒、舒緩爲說,故不得其義矣。 續絡;故毛釋周頌云,「序,絡也」。 序與敍、絡二字同義,經傳皆有明徵。 〇撰爾雅妃合會對也解。 舒、序同从予聲,故 會爲配偶之義,曩跋 得

傳言「擇對不嫁」,證對亦配偶之義。 漢相府小史夏堪碑已言之。(見小學金石論叢卷五)。

茲據儀禮士昏禮「婦醬」稱對醬;後漢書梁鴻

九日。撰春秋大義述附註。

乞久生。 十一日。 月有 和熊雨生處事韻云「偉矣達人齊物論,鴻毛未比泰山輕。 盈虧天好事, 世多饑溺帝忘情。 何須便問停驂處, 暫駐 溪頭聽水聲。」贈宗子威 好泛丘壑娛眞我,莫問文章

今廿年矣),四海盡衰聲。會見中原復,相隨謁舊京。」

云:「是翁眞矍鑠,應叩大鐘鳴(君講授聲如洪鐘)。

詩與人同健,心偕水共清。廿年曾幾日(與君識面

故傳云::「此其行使乎大夫何? 十二日。 撰公羊傳君不使乎大夫解。 佚獲也。」何註旣誤, 清儒 「使」謂見使。 亦未能正之。 逢丑 | 父使齊頃公取飲,是君見使乎大夫也。

廿二日。 撰讀春秋傳。 襄公七年鄭伯髠原欲從晉, 其大夫欲從楚而弒之。 二傳賢鄭伯。

位微新回憶錄

二十年,蔡公子燮欲從晉,蔡人殺之。 左傳 譏燮不與民同欲。二義正相反,知左氏不明攘夷大義也。

廿四日。在圖書室見三十年四月份之淸華學報,載余所投寄之易牙非齊人考。

時中有贈吳南屏、何子貞諸篇,又有薦柳興宗書,足資掌故。 廿六日。 閱戴子高謫麐堂集, 有費此度、陳碩甫、劉申受、劉楚楨、周鄭堂、徐有王、凌堃傳狀;

四月。

二日。三月下旬起,時息失眠, 近日益甚,手不能作小字。 自二日至十六日日記皆改用大字書

之。十七日以后,逐命豫兒代記。

五日。恐一旦下則,象至四日。撰釋蓄篇。

五日。恐一旦不測、豫爲遺命、書於日記冊末。

十八日。夢一人手持黑豆,謂余云:「汝應食此。」是後遂進此。

單:一等獎二人,為華羅庚、馮友蘭;二等十人,首金岳霖, 十九日。廣播言:|美機大炸||倭京,各處大火。聞之至快。 次爲余;三等十七人,有陳銓、黎錦熙 報載教育部學術審議會獎勵著作名

陸懋德、羅倬漢等。二十九人中屬之史科目者十一人。

廿四日。 夜不能寐,遂起坐。乍以身倚牀後木板,忽覺有物如冰針刺頭頂,有冷氣由頂門下降,

入睡遂安。

廿七日。 昨今兩夜寐皆佳,近數十日所未有也。

遂日漸消瘦,以未生病,不自覺也。 三十日。 因年來生活艱窘, 去冬起改用菜油治蔬肴。 菜油性燥,冬間伏熱,到春發出,失眠之症實由於此。 此與先世遺傳及數十年來習慣相反。 近日體驗

知體中需脂肪,故於今日起仍用豬油治菜蔬。

五月。

日間進肉食,則夜眠較適。

體各部,亦無病狀。蓋余本身原無病,乃飲食不合習慣所致。此由外緣,非內在也。 八日。 從浦市通訊兵團借得驗血壓器來。驗余爲百二十至百四十度,不爲高。 王大夫查驗身

十二日。始自書日記。

主焉爲「於是」。余於詞詮焉字第二條卽已明之,惟彼謂論語「旣庶矣,又何加焉?」左傳「民之服焉 余名。一**贊**高等國文法,一稱助字辨略跋,一述美國東方學會會報耶魯大學教授兼尼地論助字焉字, 法,不能謂余說爲誤也。 不亦宜乎?」糾余說,謂二焉字亦當訓「於是」。 十五日。閱北平圖書館圖書季刊新第二卷三、四兩期及第三卷一、二期合刊。 又趙元任君著一文,介紹美國人潘欣文字學說,謂有與余及太炎、無士之說 說固可通,惟焉字自有語末助詞表疑問及提挈二用 各冊中書評皆及

十八日。自小學金石論叢出版後,續得文字數百篇。 病前曾略事哀集,請友人序之。今日曾星

笠以序文見付,文甚佳。

十九日。閱楞嚴經。論理精闢,得未曾有。

二十日。撰釋潤篇。 「獸」爲狩之初文。字从嘼,說文「鏟也」, 卽牲畜之畜初字。 此狩獵對象

从犬,謂獵犬,此狩獵所用之工具也。

三十日。閱報,知陳仲甫逝於江津,年六十四。 二十六年余歸里後,陳有書投余

然。余廿七年曾覆書與之討論。去年余致書郭鼎堂,問其蹤跡。郭覆書言:「陳居江津, 亦未暇與通書也。 婦曾錄其書見寄,贊余文字之學,謂爲好學深思, 以君治小學,時有獨見。 如謂臥、 監、臨諸字从目不从臣,至爲審諦。 時無兩。 惜其信許君太過,又不以六書之別爲 生活甚困, 惜心不甚

細,多武斷處耳。」

失眠症 時作。 廿一日服鄭遇安醫士養陰方,頗有效。

七月。

八日。 學術獎金五千元寄到,距發表時八十日矣。

廿三日。 陳子展昨來電請任復旦大學教授,今日覆書辭不能往,介紹魯實先、張舜徽二君。

八月。

十日。 復旦大學校長吳南軒來電仍請任敬,電謝之。

十六日。 十五日。 撰釋反篇。字从又从厂,謂以手攀厓, 陳子展又來電 申前

請。

乃
作
之
或
體
。

攀厓必翻手,故引申義爲覆。

許

一八六 北平寓 居。

以引申義爲製字之初義,故形義不能密合。

有从又、又从手,複重之象也

形;而羹亦从羔,養及囂、祥皆以羊爲聲。 十七日。撰釋養篇。字从羊聲有義,蓋先民以羊爲主要食品,故羞、羨、羑、善諸字皆以羊爲 今西北高原多牧羊,於此知漢族來自西方之說,於文字上

有明證,固審確可信也。○今日始停服藥。凡服鄭遇安藥方四十五貼矣。

十八日。近日悟初字、初義爲後起加旁字所據一通則,如正、征;韋、違;困、梱;盗、榼;反、

扳;益、溢(加形旁);晶、星(加聲旁);皆是也。

廿一日。廿九年冬、三十年春頗習金文,旋以書不備,中輟。頃來大病新愈,復重理之。 師旅鼎

真定置守邑。」句例同。 云:「使厥友弘以告于白懋父在葬。」 此猶言告于在葬之白懋父也。 史記尉從傳云:「乃爲陀親冢在

以乃友事」,即「尚左右于乃寮與乃友事」也。○跋賢尊。文云:「君命余作册景安夷伯。」旣云余,又 廿二日。跋矢令彝。 釋爽爲爽,謂與康酷「爽惟」之爽同,讀爲尚,表希望之辭。「爽會右于乃寮

云作冊景,乃文法所謂同位辭,與左傳僖公九年之「小白余」同。

之馬賞懋父也 廿三日。跋懋父殷。「懋父賞御正衞馬匹自王」,「賞」爲見賞,「自王」猶言于王,謂王以御正衞 廿四日。 以楚圖南之請撰楚曉堂墓誌銘。 彭甥淑端之君舅也。○廖尊云:「巳夕」,按夕見謂

之夕。昭公十三年左傳云,「右尹子革夕」是也。

廿六日。跋格伯尟。「析」謂析券。「安」讀爲按, 謂按行。「零谷杜木,遷谷旅桑」,皆封樹也。

「立」讀爲涖。「鹽」讀爲矢,誓也。

氏小子**髅以限訟於井叔」,句例同。「攸衞收則誓」,「誓」即周官司盟有獄訟者則使之盟**詛。 廿七日。 跋融攸从鼎。「融从以依衞收告於王」,謂融从訟依衞收之罪於王也。 **台鼎云:「 台使**

毛公鼎。 華同事;周鯁生、楊瑞六、梁希皆一高同學也。曾星笠落選而黎錦熙得之,其爲不公昭昭然矣。 伯」,尚書大傳作「胥賦」,「執」、「梟」音同。「胥賦」、「楚賦」又卽詩大雅縣之「疏附」,「小大楚賦」猶 之虔夙夕,克鼎言「敬夙夜」也。「枫小大楚賦」,即書多方之「越惟有胥伯小大多政尔罔不克臬」。「胥 後世言大小臣工矣。○敎育部聘敎授名單發表,余與焉。此前陳寅恪、吳宓、吳有訓、莊前鼎, 九日。閱王靜安毛公鼎考釋。說因爲古席字,甚核。甚他說字處頗失之穿鑿,未能稱也。 翻字兩見,結當是務之或字。說文之務,論語作務。 然則翻當讀爲愙,「豳夙夕」猶上文

名也。 她官司徒所謂「以野之所宜木名其野」者也。 左傳莊公四年:「王遂行,卒於橫木之下」,樠木亦以木 楮木」亦封樹, 三十一日。跋矢人盤。「卽散用田」,謂予散以田。、爲鼎「迺或卽爲用田二」,句例同。「邊柳殺城 ○復旦大學以余介紹,來電請魯實先任教授,書告實先。 與格伯殷「零谷杜木、遷谷於桑」同。封樹見周禮地官封人。又「根木道左」, 此周禮

九月。

日。 跋兮甲盤。「淮夷舊我員晦人」,「崀」與帛同,「晦」讀爲貿;「真晦人」謂以帛相交易之

讀此銘,周政治之窳敗,軍紀之廢壞可見一班。 人。禹貢:「海岱及潍惟徐州,厥篚玄纖縞。」帛卽玄纖縞之類。「貴其積,進人其貯」,「其」並與之同。 〇桃源女子中學校長蘇劍秋(清卓)來訪。蘇,

哲學系畢業,有志治佛教史。告余:天台開宗之智顗乃華容人。

非是。詩經卷阿、召長「舊」字皆與哈部字協。銘文乃以舊與上文忌、祀、子爲韻也。(臼聲在幽,而 三日。 跋郑公華鐘。王靜安以「元器其舊哉」爲句,郭沫若糾之,是也。而謂「舊」爲幽部韻,

則

四日。 悟「各」爲俗、假訓至者之初文。甲文作义,象足有所至也。 舊自在哈。)

淚傾。 青山來好夢,可憐白髮換浮名。 驚心骨肉稀人在(男女兄弟六人, 今僅存女兄弟二人), 放眼山河有 六日。 喜道孫通逃虎口,劍來玄鬢幾星星(畏友陳寅恪名在錄中,近聞其香港脫險)。」 報載教育部聘發授名錄,余與其列。 感賦云:「平生萬事不關情,身似蟬魚老伴經。 只有

之,哈部平聲。德本哈之入。此銘四節,以同一部之入上、入平相次協韻,用韻特精。 十一日。 跋王孫遺諸鐘。 趨即趨字。瓊、德、似,德部。喜、友,哈部上聲。德、國,德部。趙、祺、 此鐘與沈兒鐘

寶韻。用韻亦特精。由此可知徐之文治殆欲跨越中原而上之。宜強楚忌而欲滅之以爲快也。 同。 彼爲徐器,知此亦同。而徐王莪楚端「用亯于皇天」四句,第一句天與三句身韻, 二句攷 傳言徐 與 四

偃王行仁義,由今觀之,實敷文治,文化卓犖之謂耳。漢淮南王招客著書,王辨博,善爲文辭,自謂行 公元一九四二年

積

カ C

文同。 仁義;田蚡亦以行仁義面譽之,正其比也。〇跋邾公輕鐘。左氏經襄公十七年作「邾子輕」, 而公、穀二經皆作「瞯」。金文有謝伯鼎,與左氏經合,而公羊則作「詩」,此皆古文經勝於今文 與此銘

十二日。 跋工師傍繪。疑「咸」謂「戌月」,「敢」謂「酉月」;謂夏正九月與八月也。

十六日。 跋秦公殷。「解」字从日,當讀爲迥。 近人皆以莫狄切之縣字讀之,大誤。「在帝之於」,

疑當讀爲覆。「쀓」字从古文業,「去」蓋聲旁,猶怯、劫之去也。 變當讀爲艾,爾雅:「艾,相也。」 跋歐侯庫彝。「庫」乃說文鑑字之或作。吳榮光誤釋載,近人从之,誤也。「轎祀」疑

丁線。 魯行郊祀,疑燕亦然。「永台馬母」,「台」,說文訓說,經傳皆作怡,此銘用義與說文同。〇跋韋父 十七日。 □外作四足形,上下二足趾左向,左右二足趾上向。余定爲韋字,字象足離城邑他去之形。韋 郊

文。「就號」讀赫赫,三十年二月十八日明之,今併入此文。 姊妹之出之初字;說文失載,應補。「皇母皇考」取與下「壽、老」爲韻,故先母後考。銘文多襲詩經 十九日。跋叔夷鐘。「泜灣」卽泜垂,謂泜水之濱。「師旟」,旟與興人之輿同,衆也。「妣」爲訓

本違離之違初字也。

二十日。魯實先書來,云不日赴渝就復旦之聘。寄示郭沫若青銅器銘文研究及葉玉森 甲文二種。

乃齊侯大子,非田氏子。「齊侯既遼洹子孟姜喪」,「遼」讀爲濟,止也。「洹子孟姜喪」謂洹子孟姜家 廿二日。跋洹子孟姜壺。「希喪其殷」,希乃語詞。此文乃記齊侯自爲陳文子服喪之事。

春秋時事多不合禮制,不得以此爲疑。莊公過寵陳桓子,爲田氏篡齊張本。「齊侯拜嘉命」,

齊侯請而天子許之,故爲嘉命。「璧二備,王一嗣」,「備」當讀職,「嗣」讀笥。

廿五日。 跋苗憂殷。「韓」,余定爲苗字。

我弗作先生羞」,「俗」字當讀爲裕。」方言云:「裕,道也。」謂誘道。 廿六日。再跋毛公鼎。「號許上下若否雩四方」,「四方」下亦當有「若否」字,承上文省去。

「俗

終,以金文毛伯彝、史懋壺咸字用法爲證 廿八日。撰詩克咸厥功解。「咸」訓終訖。僖公二十四年「昔周公弔二叔之不咸」,「咸」亦當訓

廿九日。撰肇爲語首詞證。

三十日。閱鄭業數獨笑齋金石文考。 說多精審,湘中先輩罕治金文,鄭君爲特出矣。

六日。 十月。 撰詩袞職有缺解。「職」,與左傳成公十六年「識見不穀而趨」之識字同,適也。「袞」爲衣,

故下云補。士季說詩,毛公作傳,袞職皆不連讀。鄭箋連讀者非也。 此事張公道,洽人心,早應爲之者也。又載英國大學盛獎研究我國語文之學,亦殊可嘉。 〇報載政府褒揚梁任公師命

寧」爲句,誤矣。 七日。跋盂爵。 銘云「王令盂寧登伯」,知書洛誥「乃命寧予以秬鬯一卣」當連讀。 偽孔以「乃命

十一日。跋不變般。 「戎大同逊追女,述乃事」,二「述」字並當讀爲用。書多方「尚永力败爾田」,

「永」亦當讀用。 十二日。再跋叔夷鐘。「興其先舊」,「籅」謂數典。「襄公之妣,鹹公之女」,「襄公」謂宋襄公,

逸周書祭公篇:「自三公上下辟於文武」;用義並同。○跋舀鼎。「賞慆禾十秭,遺十秭,爲二十秭」, 「餓公」乃杞成公。「是辟於齊侯之所」,「辟」謂事君。 師望鼎:「用辟於先王」,鹽盨:「用辟我一人」;

據詩北風毛傳及成公十二年左傳「加遺」連文,讀「遺」爲加。

云…「狂童之狂也且。」「且」亦與劇同。此猶節南山云「僭莫懲嗟」也。 證明之。「徂茲」卽嗟茲。 十三日。跋全盂鼎。 「劇」爲經傳之嗟。三十年一月跋縣改殷已明之。 偽傳訓祖爲往、茲爲此者非也。·詩巧言云:「悠悠昊天, 茲更以曹費誓之「徂茲」 日父母且。」褰裳

大司馬「大役屬其植」二植字之義。和寤篇「王乃出圖商,至於鮮原」, 次子晉篇「人生而重丈夫,謂之胄子」,可證書舜典「敎胄子」之義。 有則也。 ○撰讀逸周書大匡篇。「庶人不獨葬,伍有植。」足證左傳宣公二年「宋城華亢爲植」、周禮 可證詩皇矣之「鮮原」亦地名。

十四日。唐藝青告余:樹葉形式有四,研究十餘年始得之。 余謂,詩云:「有物有則」,言有物必

日」發端,記言;次節記王命克之事。 ,記事;二,記言。 十六日。跋師艅鼎。 記言又可分爲二:一,記君上之言;二,記作器者之言。 「王夜功,錫師艅金」,疑夜當讀爲度。○跋善夫克鼎。銘文可大別爲二: 此器分二節,首節「克

十九日。 書庫送新到四部叢刊續編王依聽堂集古錄來,地辟無書,得此令人神旺。

爲宛,从女與从卩同。○高直蓋云:「囚競在服」,「競」當讀爲疆,「亡疆在服」與書文侯之命「俊在厥 廿二日。跋伯克尊。文多誤字,臺當是壺字。 孟交壺壺字作ণ也。〇跋宛前。銘文「歿」,余釋

廿六日。 茶陵周生郵寄曹載奎懷米山房古金圖來,借予讀之也。

服」義同。

假爲年。 ○跋前人匜。「萬人用」,「人」

辨,甚爲感佩。」並言青銅器銘文研究及洋裝本周金文大系爲初入門時之試作,中多紕繆。 廿七日。 前以金跋數首寄郭鼎堂, 間有糾駁渠說處。今日得覆書云:「考釋一一拜讀, 蓋余文所 卓識明

廿八日。曾侯簠云:「叔姬邛孎。」余謂叔姬爲女君,邛帰爲媵女。

糾渠說皆據洋裝本大系也。

十一月。

Ŧi. 日。 跋豆閉般。 「用做乃祖考事」,讀「做」爲承。 承, 繼也。 釋名釋親屬以承釋胺,

今字。

尾音如兒;重讀之,晉轉如今音之李,而前晉遂失。 七日。 會星笠來,以所著國語詞尾音轉來母考見示,其說頗精。 爾雅:「接慮,李。」接本精母,慮本語尾, 例如"李字从子聲,本讀精母, 其明

體也。

八日。聞張蔭麟逝去,可惜之至!

公元一九四二年

+ 日。 跋師虎般。 「王在杜居。」蒸設云:「王在雕居。」以詩篤公劉「豳居」證之, 知杜、雕皆

地名。

器形方,叉其證也。孫仲容謂蓋爲獅字,王靜安題爲獨妻方鼎,皆誤。 **蓋**爲說文訓黍稷器之鹽之或體。季盤鼎云:「季盤作宮伯寶傳畫」,是蓋爲器名之證。 **暨**爲方鼎,此 十四日。 跋公貿鼎。 「叔氏使養安宴伯」,「餐」字从貝父聲,疑泉布之布本字。○跋陽蓋鼎

云:「娭,戲也。」許其切。今多作嬉字。辰谿人言戲如亥,娭之古音也。說交云:「獸足謂之番。」今 「糯,牛羊無子也。」今平江呼牛無子日犦。「行」古音如杭。今寧鄉送客曰「慢行」,言行如古音。說文 五事。說文:「亢,人頸也。」長沙呼頸爲「頸亢」,贖「亢」爲庚。 十七日。跋父癸彝。衉云「△作父癸宗尊弊」,宗謂宗廟。阮伯亢云祭器稱宗,睽矣。○記俗語 此猶呼阬儒之阬爲客庚切也。 (設文

長沙言「手板、脚板」,板當作番字。

远鼎皆云「錫乃祖旂」,可證。 廿七日。元年師免殷云:「易女乃祖巾」,巾當爲旂之借字,「旂」从斤聲,斤、申古晉同也。

廿九日。跋史頌殷。「帥羈盩於成周」,「羈」讀如偶,謂曹偶,「盩」讀爲朝。

友阿好過獎,令人愧汗。 五日。 昨以近著請會星笠評閱。星云:「金文跋發明甚多,十得八、九,成績出孫仲容之上。」至

黄伯 軒告命:倫哲如(明)國難後返東莞,前數年逝去,藏書爲諸妾瓜分散去。 聞之太息。

|如有研究計劃,可給資研究。 故以此應之。 撰研究金文計劃曹,分識字、通讀、考史、證經、組成科學五事說之。教育部告部聘教授,

其執詞謙退,尤令人惶悚之至。又言渠有隋唐制度論、唐代政治史二書,已付 後二覆書,云:「承示金文跋尾,讀之欽佩至極。論今日學術,公信爲赤縣神州文字、音韻、訓詁學第 一人也。囑爲大作撰序,爲此生之榮幸。他年賤名得附以傳,乃公之厚賜也。」良友獎藉,令人感愧。 前以近著金文跋若干篇寄陳寅恪求教, **幷請爲小學金石論叢續稿撰序。** 印云。 連日得其先

得芝生覆,云已寄去桂林。又言同人取余文輾轉傳觀,莫不欽服云。 十四日。 四月間,余未知寅恪何在,曾以廿六年以後文稿一冊寄馮芝生, 請其轉寄寅恪。 今日

爲繳字之初文。 十五日。撰釋劣篇。 勝利後讀郭沫若金文大系考釋(上柒伍葉),謂之繳字,與余說同 據三體石經定此字爲弔字,糾吳大澂、羅振玉叔字之釋。 又以字形與音疑

十六日。撰釋干篇。 以兵从収持厅,或作儀,从人从収持干。厅爲兵,知干亦兵也

首稱「女孌」,繼兩見皆只稱變,知一事再見卒名者,古文皆然,不惟春秋如此也 左傳莊公二十五年經有「陳女叔」,成公十三年傳有「秦女父」,襄公二十六年晉有「女齊」。 銘文 十八日。跋汝變齊。「汝變薑于王」,讀「薑」爲觀。「癸日之文」與小雅「吉日惟戊」同。「女」爲

廿日。跋弢叔殷蓋。文云「孫貝十朋」,假監字籀文爲錫,爲余廿三年撰釋贈篇益、易互假之

說添一證,爲之大快。

故有「辱知三世」之句。 回張。」君先德中丞公撫湘,丁酉年設時務學堂,錄取諸生,先兄及余皆與焉。 从日,以手挹取也;召聲。第二字从月,蓋照字也;从月,與明字同。○賦詩寄桂林陳寅恪謝其許序 (段氏為說文注,請王懷祖敍之,余愧學不逮段,而君則今之懷祖也)。 聞到蒼梧好山月,不知游蓋幾 余書云:「朋交獨長陳夫子,萬卷羅胸未肯忘。 廿二日。撰釋爨竇篇。 第一字蓋「酌」字之初文,酉象盛酒之器,闰所以薦之;从収,持之; 一別五年縈寤寐,辱知三世豈尋常?攻金敢 校閱文卷者散原女也。 望追荀蒙

可疑 彼者。 之辟,「辟」,偏 人名;「僕」當訓御,而以爲田僕;單豈直銘文左行,孫不知而誤讀;白展鼎虎包,孫从阮釋爲虎轅, 數。 余則讀官爲帶,皆是也。 也。 就中朝夕、甲胄、昧爽之釋,尤爲精確絕倫。 余近年跋文頗有與之相合者,亦有一、二事說勝於 廿三日。周生寄孫仲容古籒拾遺來。昔年曾讀一過,皆已忘之。今日重讀,勝義紛披,不可指 如叔夷鐘「籅其先舊」,孫訓「典」爲經,余釋爲數典;令鼎(卽大般),孫不知「眾」訓及,誤以爲 ○再跋離攸从鼎。「王在周康宮僻大室」,「僻」讀爲莊公二十一年左傳「鄭伯享王於闕西辟」 然其恰當人意處至多,迥非阮、吳諸家所可及。其爲金文開闢一新天地,無

三十日。再跋洹子孟姜壶。「用鑄爾羞銅,用御天子之吏」,「御」讀爲詩小雅六月「飲御諸友,魚

繁膾鯉」之御,御,享也(趙岐註孟子梁惠王「以御於家邦」云·「御,享也」)。 毛傳訓御爲進,非是。

該例同。〇跋曾伯露簠。「元武孔常」、「常,孫仲容釋滿是也。銘文全用韻,滿與下句夷字韻,阮釋 三十一日。跋邾大宰簠。「余誐襲子惠」,蒄「子」爲慈,此自贊之辟。 與邾公華鐘「余襄襲威忌」

業,則失其韻矣。

一九四三(民國三十二年癸未),年五十九歲。

三日。跋留君簠。 「留君屬乍饒匱」,第三字即他器之靈字,與他器言學者皆語首助詞。(金文說

未載)

證自毀其稿。頃錄覽銘,得許子覽有「孟姜秦嬴」語,與此銘同,因復據前義爲此文焉。 四日。跋曾侯簠。去年十月二十八日,曾跋此器,謂叔姬邛嬶爲女君絖妾媵之辭。 旋以單文孤

事樽前忍再論?病骨未柔人已老,炊烟欲斷道寧尊?坐看腥虜汚中土,慣聽哀號賦北門。梁木泰山 六日。王緃庵和余詩,語及梁任公師。 悵觸舊事,百感縈懷,依韻奉答云:「干戈徧地此身存,舊

同一哭,當年流涕寫招魂。」

七日。跋齊大宰歸父盤。「忌」讀爲已。 奇字从臼从水从頁从皿, 余定爲類字。 (金文說未錄)

〇再跋矢人盤。「以西至於唯莫眉」,「以西至於唯莫」爲一句,云眉者,結本節殷封眉田之事,與節首

公元一九四三年

積

「眉自温涉」以下云云相應也。 虞其混也。行文之精如此。 下節「井邑」因云云,節末不云井邑爲結者,下文不更記封田之事,不

九日。跋汗氏叔子盤。據左傳證陳、宋二國並有干氏。

而余乃謬得之。屋笠以詩賀余云:「雄文驚海內,束帛賁郊園。較優猶輸老,方韓不逐貧。 十二日。寒滯臥病,歷月餘始愈。湖南大學被推薦爲部聘教授者爲曾星笠、熊雨生及余三人, 名高緣實

意重帛書輕。至德寧諧俗,高賢本不名。飯牛今甯戚,卻幣古阿衡。 召,道大豈官尊。 余亦參斯選,廷臣陋叔孫。」雨生賀詩云:「俗子疑玄白,雲亭獨泊然。 帛書來戶外, 心事落尊前。欲却千金聘,如餘二頃田。我同爭席叟,深愧此公賢。」余答謝二君云:「佳章先後至, 曲學吾何敢?終慚魯兩生。」今

星笠已作古人,雨生言歸故里,言笑歌詠之樂,不可復尋,令人悵惘不已!

之林所傳誦,不假時會毫毛之助,自致於立言不朽之域,孰得孰失,必有能辨之者」云云。鄭友慰藉 言「百年來湖湘人士多以功名自見於世,而先生設敎三十年,寂寞勤苦,著書高數尺,爲海內外學術 窮愁,不惜過加獎藉,殊可感也 十八日。陳寅恪寄爲余撰小學金石論叢續稿序來。大意言「長於金石者必深研經史之人」。

率湘軍殺賊,蓋心有所恃也。 廿一日。 臥病中讀吳蹇齊尺牘,知吳於西洋槍炮陣法,頗嘗究心。然則中倭甲午之役, 吳自請

廿三日。跋晉公簋。銘云「余惟今小子」。晉定公名午,見左傳哀公二年及史記晉世家,吳榮光

以此爲西周器,大誤。

二月。

之。今爲疏證, 否不計也 五日。 今日爲農曆元旦日。 則盡錄詩經、諸子、史籍 始著論語疏證。 (以四史爲限) 之事與義可證明論語者, 往年余會撰輯論語古義, 取古書傳記引論語者錄 其文明引論語

十七日。劉天隱爲余購得石印本醉氏鐘鼎歘識來。

十九白。 孔子言多聞擇善而從,就論語言之,先進章言禮樂從先進, 麻冕章言純冕從衆, 拜從

下,郁郁乎文從周,皆是其例。顏淵問爲邦章雖不明言從,亦其例也。

小康,「道」即禮運「大道之行」之道也。又悟春秋畿世卿實踐世君;避君言卿,遜辭耳。 廿五日。論語「齊一變至于魯」,由霸變王也。「魯一變至于道」,由小康變大同也。 禮運以王爲

月

述。 此書前後費心血將二十年,乃以付不知誰何之諸年少審查,縱得佳醉,亦余之辱也 二日。 魯實先書來,告漢書窺管編譯館審查已訖,評語甚佳。 余以生活狂漲,不得已乞靈於著

南行也。 五 日。 又告柯昌泗六年不見, 已成爲國名流, 意氣發舒甚。 得余季豫 北平書,言生事日艱,家人皆食稷粱,獨季 此人向來熱中仕宦,宜其如此。 一人白粲耳。告沈兼士冥鴻他 然忝

辱乃翁亦太甚矣。

公元一九四三年

1100

者聲入心通也。 四十不惑爲盡智,智者不惑也。五十知天命爲盡仁,知命者不憂,仁者不憂也。六十耳順爲盡聖,聖 七日。 夜中悟論語「吾十有五」章全章次第,志學實是志道,夫子謙言耳。 七十從心所欲不踰矩,則由聖入神矣。 孟子言「大而化之之謂聖,聖而不可知之之 三十而立、謂立炫虧。

四月

神」,神進於聖也。

二日。教育部有及文致學校,以余及熊雨生任教皆滿二十年,給獎金千五百元。

之久也。〇沈兼士由重慶來書,告已微服入川,索余近年來文字。行裝甫卸,即通書求益,兼士好學 輩助之。 之篤,令人驚嘆。惟余文恐不足以厭其望,是足愧耳。 廿九日。 其採自古義者,則以剪貼代抄寫,故成功較速,只費八十餘日。然此後時時補證,則亙 論語疏證初稿撰乾。三月來摒棄一切,專爲此書。 瀏覽經籍,手自迻錄, 有時復令兒 敷年

五月。

漢書,寇來暫去武城居。

九日。 六日。 **莇王延庵。見方叔章寄渠詩,有歲暮懷人七絕十八首,中有懷余一首云:「久傍名黌註** 李雁晴(笠)昨來書言廈門大學校長薩本棟望余往長汀任教。緘謝之。薩君,清華同事也。

近聞有令收儒舊,倘許官錢走傳車。」十八首中佳句頗多,知叔章學益進矣。

廿七日。 十二月。 閱春秋大事表、別國疆城表。 會星笠以所撰詩文有字冠形况字當讀重文說見示,根據毛傳,言之成理。 顧氏書條理精密,殊可佩也。會星笠來,談近得詩經義

「不瑕有佐」,讀「佐」爲差,與「不瑕有害」、「不瑕有愆」句義同;可謂審核。 星問余差、佐通作有證

據否?余以左傳「國佐」金文工師蟾作「國差」告之。

矣,文王庚之」,謂大王創始,文王繼續也。走告星笠,極以爲是。討論之有益如此。 悟「康」當讀爲庚。詩大東毛傳云:「庚,續也。」「大王荒之」,「荒」即墾荒。 廿八日。曾星笠咋言:詩天作「文王康之」,「康」疑懇字之假。余以二字古音不同爲疑。今晨起, 朱傳訓治,近是。「彼作

廿九日。撰詩天作篇解。

三十日。至星笠處,見示所撰召旻詩說。 釋「不如時」、「不如茲」爲今不如時、昔不如茲之省略。

7

精審之至,令人擊節嘆賞。

一首。據哀公四年左傳及水經丹水篇引竹書紀年,證上洛春秋時屬晉,據此器知春秋以前地蓋閱 二日。二月,草論語疏證,四月初稿成,五月續爲補證。○久不爲金文跋矣,今日讀敔殷,撰跋

周。○跋邾大宰簠。邾有大宰,可補顧氏春秋大事表之缺。

當讀爲涉。 三日。撰造字時有通借證。此文曾刊入復旦大學復旦學報。○曾星笠告余:詩「允猶翕河」、「翕」 禮記「拾級聚足」,鄭註:「拾」讀爲涉,拾、翕同从合聲,可證。余告以安徽欽縣,欽讀如涉,

不讀翕也。

十一日。跋僰道。謂「集」即雀字,讀爲爵。「無競」讀亡疆;乃前時所說,合併入之。〇跋師獨 公元一九四三年

艘 謂「日天疾威」,爲「晏天疾威」之省形。

十二日。撰益陽桃江曾氏族譜序,應星笠之請也。

十六日。跋較狄鐘。讀「敬狄不慕」之狄爲逖,與詩文「狄彼東南,用遏蠻方」之「狄」、「遏」義同。

○跋眉鼎。「眉」即微子,眉、微古通。「爲周愙」即周頌有客篇所詠。

十八日。再跋善夫克鼎。謂「善夫」卽膳夫。詩十月之交以膳夫與卿、士、司徒、宰、內史、走馬

丼列,知膳夫之職甚尊,蓋不僅如周禮之說掌膳羞也。

十九日。周生來書,云「秋」是矛字,似可信。

爲林,古人獸必于林。國語云:「唐叔射兕於徒林。」竹書云:「夷王獵於桂林。」可證。「休善」謂稱職 二十日。跋臣鄉鼎。謂「違相」爲去相;「自東」疑謂遂東。○跋曏鼎。「王獸于昏歡」,「歡」讀

廿三日。跋小子野殷。讀「鄉事」爲卿士。以多父般「鄉事師尹」即洪范「卿士師尹」爲證。○跋

師英父殷。以詩「維師尚父」爲證。

左傳「好以大風」之好,有賜予之義。○跋叔多父盤。「其吏能多父眉裔考專」,「吏能」當讀「使乃」。 □,可證余昔年「方、古文作□」之說。○跋絺殷。謂豨卽豨字。○跋小臣殷。讀「休」爲昭公七年 廿四日。跋賢殷。謂「公叔」乃氏。單稱公叔,不稱名,與襄公元年稱「衞子叔」同。衞字从方不从

三十日。跋陝角。「屢休錫氒瀕事貝」,「休錫」即周禮之「好賜」。

日。 跋易鼎。「東于曾筠伯于成周」,「東」與使同。二「于」字幷與使字相系。「曾筠伯」為使往

見之人;「成周」,使往之地也。「休肶小臣余」,「毗」讀爲卑,「弗敢豔」即弗敢喪。

五日。 跋師望鼎。 識「小子」爲官屬之稱。○跋襄鼎。謂「硯」即鼎字。以楚王含志鼎「夷」字爲

證。○跋逐啓諆鼎。 謂「遂」即「齊人殲遂」之遂。〇跋魯內小臣鼎。周禮天官有「內小臣」,據此知魯

亦有內小臣。○跋王乍殷。「王乍又嬪彝」,言蓋令之誤。○跋器殷。謂「器乍氐」即器乍之。

「人」假爲年;先余言之。「邛嬭」即江芈;先郭沫若言之,其精博, 八日。學校購到方濬益綴遺齋彝器考釋,借讀之。考證多詳審,佳著也。無甫人應「萬人用」, 吳淸卿恐當愧之, 他無論矣。

九日。 跋魯伯俞父策。釋「争」爲王字。○善夫克鼎「顧遠能教」,「顧」蓋匘字。 ○跋衞子叔先父簠。余定爲衞公孫剽器。剽與「先」名、字相應也。

十日。 政奭尊。「攸貝」讀攸爲休,賜也。○太平洋海戰, 美海軍毁倭艦多艘。 倭寇日就沒落,

大可喜也。

年字實从人聲;許說从千聲,誤。

十二日。跋肃甗。疑是宠字。

○跋馭八卣。「貝一具」,「具」,疑假爲珏。

〇再跋甫人匜。

調古

十三日。 陳子展來電達復旦章友三(益)校長之意請任

教。

十四日。 跋陳侯因禽殷。 銘以「賞、邦、尙」爲韻,知東、唐通韻自戰國時已然。

十六日。 跋師楚殷。「在先王小學女」,「學」當讀爲敎。「更乃且考例小輔」,「更」讀爲庚,續也。

〇跋揚殷。釋「點」爲單字。

十七日。跋仲駒父殷。「兔旁仲駒父」,「旁」即方;方,國也。

十八日。 偕汪鉄士至馬溪視任贛忱藏書,借得于省吾雙劔該吉金圖錄歸。

二十日。跋盂卣。蓋銘云:「作旅亩。」于思泊釋甫,余謂是由字,假由爲卣也。○魯寶先來書致 十九日。跋宰峀殷。「王娄宰峀貝五朋」,釋「安」爲光字;从女與从古文人同也。 讀如貺

章友三、陳子展意,說明種種優待條件,並以文學院長相界。其意固厚,奈余憚遠行何?

載氏,桓氏矣。「好宗廟」,「好」當讀爲孝。○跋父癸尊。銘末記「單」字,乃氏族。○跋耳尊。釋「④」 廿二日。跋流伯殷。銘稱「朕皇考武於幾王」,父以於爲諡,而子稱於伯,蓋以諡爲族,

爲耳字。〇跋周篡壺。「作公日己尊壺」,「公」謂父。

廿三日。跋索祺角。據定公四年左傳「分魯殷民六族」有索氏爲證。「有」下一字當釋羔。

○叉道,「叉」疑次字。

其所見,佳書也。○跋舍武鐘。舍讀爲余。「予」,石經古文作「舍」,从舍聲也。「酃昏」當讀令聞。 廿六日。閱錢賓四(穆)近代三百年學術史。「注重實踐」、「嚴夷夏之防」,所見甚正。文亦足達

廿八日。 聞意大利莫索里尼下野,並有被捕之說。軸心之勢日衰,殊可喜也。

八月。

一日。沖鼎「執于寶季」、「規」當讀絜,刻也。

此混文法於文字學。不知象形中有假形表事一種,如「八」象分別相背,「A」象三合,「爱」象級聯是 十八日。校文字學講義。指事章記訂誤一則。王筠以「飛」、「齊」爲動字,認二字爲全體 指 事;

之事就形言,非就義言,如王說,混義於形,不可通矣。 也 () 此事謂動作,飛、齊,非指事之事。)二字仍是象形,但象形例應是名字,故爲假形表事也。

九月。

女子身有尾。 六日。高異羣言,人本有尾,今尾骨七節猶在體中。 李祜告余,昔在北平,聞人言,劉師培身有尾。 又言,昔在桃源女中,一女生言,其同學某 尾从尸,蓋造字時人尾尚未失也

十日。聞意大利投降,軸心鼎足已折一足矣。可喜!

殊可

惜也! 十九日。 廿八日。 閱吳其昌金文曆朔疏證。師旦鼎、東征鼎明是僞器,吳君勤於著述而不肯擇剔,

陳子展來曹致章友三之意,謂余無論何時入川,復旦皆表歡迎云。

十月。

千貫」。索隱「子謂利息」是也。 第一字卒或本。 服爲息」,叔不疑「息」或恩。按「國服爲息」語出風官泉府,自是息字,非恩字。「亦存子衍 六日。前馬叔平來書,見示河南魯山出土漢殘碑文字。 按是本非卒。 卒字義不可通。「濁穢革憚」,「憚」當讀爲殫,盡也。「咸用縝殷」, 文以本、子爲對文, 本謂本金, 子謂利息。 史記貨殖傳:「子貸金錢 叔平疑

叔平定為南陽都鄉正衞彈碑,是也。「國

積 微 翁 憶 錄

「緘」疑爲闐。說文:「闐,盛貌。」「閬殷」猶殷軫也。今日覆叔平,以余所見告之。

七日。楊生寧民從石門來,以閻季蓉(鎮桁)修光緒石門縣誌二冊見贈。文字簡當可喜。〇某

妄人自北平寄所著書跋尾來,盛自稱譽,令人作三日嘔。

八日。校文字學名字會意章,分出主名與官名一類;如見、臥(从目,不从臣)、企、卬、臭、昊、

吠、鳴、唬、般諸字是也。

十一日。 蕭仲珪(蹬)自浙江大學寄書來,以文字二首請是正。 蕭爲沈兼士弟子,曾任北平女子

文理院文字學課。

十七日。撰申悅廬六十霧序。申,石門人,民元留學倭京,習史地。與閻季蓉爲忘年交。著有 十六日。報載意大利對德宣戰,葡萄牙以亞速爾羣島供盟軍之用。戰事日利於盟軍,可喜

行健室文存,頗有先見。

三十日。報載倭奴國人中野正剛聞其政府中人報告戰事後自殺。 在獸中已有漸醒悟者矣。

三日。中央大學文史哲季刊一卷二期寄到。載余語源學論文十篇:爲釋徹、革、刑、圖、告、日、

井蓋象棺形。刑字从此,表死刑;从刀表肉刑。此當改正者。 工、僉十字者。 刑字,余謂左當从井,非从井,以形近誤耳。 惟謂 甲文茻爲囚字,乃誤認, 此實死字。

夜中不寐,思及黃季剛之爲人與治學態度,戲成一聯云「無周公之才,旣驕且吝;受

人,即以病逝。向聞其有此稿,未得見也。 十四日。 閱武漢大學文哲季刊, 內載程篤原(炎震) 遺著世說箋證。 箋證審核,非篤學者不能爲。 程爲檢齋同鄉同年,事隔二 程爲思辨社舊友,社成立未

十年,檢齋今亦物故矣。

類復細分之。精心辨析,庶幾文理密察。完此工作,有如克一名城,至爲愉悅。 十六日。 校補文字學。 會意字之多,僅次於形聲,條理最複雜。 余初分爲名、動、靜、狀四類,每

十九日。閱蔡松坡年譜,所記時務學堂事多不實。

十九日。 閱王煥鑣著曾南豐年譜,教育部寄請審查者。 搜採頗富,體例亦佳。

十二月。

三日。報載開羅中、英、美三國會議, 保證朝鮮獨立, 東北四省、台灣、琉球歸我國,聞之快慰。

〇教育部來文,外國文學准予備案。 十一日。 十八日。 章友三、陳子展電請赴渝; 論語疏證石印本成,校之。 此事余盡力不少,聞之至喜。 因余前有常、桃吃緊,可以西行之說也。

廿八日。 校文字學義編。 形義相關之說,分爲三類:一曰,義同構造相同;二曰,

義同構造相

類;三日,義相類構造相同。

九四四(民國三十三年甲申),年六十歲

月。

一日。撰文字形義學序例。

六日。 章行嚴寄所著邏輯指要。 卷中多採古書爲資料, 殊有意致。 文字力求雅潔, 亦見精

彩。

故訓大,此聲義也。 十五日。 形聲字可分形義與聲義二事:預、題皆訓大頭;从頁,故訓頭, 形義不見字不可知,可云目義;聲義聞聲即解,可云耳義。 此形義也; 从分从鬼, 許君於慈字止訓愛,

不訓愛子,止具形義,不具聲義,故爲不備也。

相貫。「鰝,大鰕」,與溔、頷、顧相貫,是也。 頗治聲訓,時有會心處,如「菆,小葉」,與余說「猱,得義於小」相符。 「鰹,大鯛」,與賢、堅、賢諸大義

十九日。讀王靜安爾雅艸木蟲魚釋例,穿穴全卷,左右逢源,千百黃侃不能到也。

近日讀爾雅,

知淮陰處此,又當如何?夜中不寐,成讀韓信傳一首云:「鴻門譙羽辭何厲 廿日。 史記:「韓信羞與樊噲伍。」 噲雖以外戚貴,仍有其可稱處在。 世間人下於噲者何限, 排闥非君事亦豪。 漢室 不

幾人能辦此,淮陰底事恥同朝?」

廿三日。 黄伯軒告余時務舊師番禺韓樹園先生近狀, 賦詩寄呈, **策念任公師云:「故都侍坐幾**

坡),命世 前之作)。」 經年,忽道黃巾拜鄭玄。 無文對 白頭。 **凄絕牙琴絃叉斷**, 炊甑生塵明德在 ,賃廡作計好歌傳。 一編詩就愧空前 (任師見余鹽鐵論校註序, 謬許為桓書空 少年不賤餘青簡(謂同門李撫生、蔡松

之人愛湖大尤切,老守湖大一步不離者遠不逮之。 而後愛國之心加切也。」語殊有理。 三十一日。 余潛修來,談及湖大楊卓新之把持阻遏進步,同深憤慨。 此猶老居本國之人不知祖國之可愛,必游歷 潛云:「學校中曾周歷 四方 他

-F

六日。商務館訊,春秋大義述一月廿三日已印成,不日可發行

爲證, 終日関然。」余少時癡憨之態如此,殊可笑也。 初建數年閒,身居鄉里,飽嘗此公政治之痛楚所致,非有他故也。 晚寓蘇州,多見古器銘拓,乃始識其非偽。 (延闓)跋語多記遺聞佚事,自爲可喜。惟字體媚弱,如其爲人,對之令人不歡。)湘中前輩大抵以橫 十三日。閱觀古堂詩文鈔,還吳集懷人詩先後二首及余。 實發前人所未發。 論弊字象雞形亦頗近似。○閱<u>依縣龍氏印行近代湘賢手</u>札一過。 文鈔中論乙子之子與巳通,以說文包字从巳爲子未成形 余每見其字,輒聯想其爲人,而生厭惡之心。 先生初不信弊銘文字,以湘中前輩治此者絕少之故 其中絕句一首註言:「遇夫息交絕游, 記有人撰渠一聯云:「招之即來,麾 蓋 緣民國 譚 組 安

之即去;愚不可及,妙不可言。」頗能道出此公形象。

=

來千首詩。 11. 四日。 一室佐春煩老婦,四方經國有佳兒。 壽宗子威七十生日云:"閱盡興亡到古稀,好懷猶自少年時。 門前桃李濃陰在,笑口應須爾百巵。」 春明文酒十年事 丁、遼海歸

之一讀, 廿七日。 當即 贈之。 飲席遇鳳皇田星六,年六十九矣,甚健, ○高等教育季刊三卷三期寄到, 能詩,有晚秋堂詩集。 皆得獎諸書提要。 余撰春秋大義述, 聞余有論 語疏 證,欲得 提要亦

F

四日。 編譯館盧振華來書,云以得見論語疏證爲幸。 爲余校出 訛脫二事,遂改正之。

友故加獎藉,令人興感。 十五日。 劉天隱書來云:「呈韓樹園先生詩結撰工緻,不能贊一辭。 餘事孟晉,令人驚嘆!

古大歩素 イノ単属

十六日。 閱黃芥滄(兆枚)詩,信有功力。 前此屢相見,不知也。

雲撲面,泛舟北海月爲燈。 失眠症幾殆)。 初鼓篋,海波萬頃遠居夷(甲辰入縣學,乙巳留學倭京)。故書到老還成癖,甘寢今知勝啜飴(前年患 十七日。 余今年六十初度,成六十自述五章云·「浮生六十速今茲,往事真如電火馳。 一事報君差足喜,恰逢周甲茁孫枝。」「投荒寂處冷如冰,舊夢春明忘未曾。 酒邊慣聽催詩鼓,門外時過問字朋。何意國門來越寇,參天兵氣 文史三冬 走馬 九州騰。 西 Щ

「恩勤敎誨記重聞,投老心傷未報暉。差幸壯男能自食(洪、驤兩兒已能自食),卻愁乳燕不成飛。平 生述作塵封字,晚歲河山淚濕衣。 辛苦營巢嗟一炬,欲謀歸去定何歸?」「西征避地五溪峯,剝啄

詫,壯心渾不稱龍鍾。」「平生貪誦劍兩稿,不道衰遲境與同。 成春秋大義述 便養慵。 坐對山光看飛鳥,偶隨天籟響秋蟲。 一書)。 百年積辱際前約(去年各國廢不平等條約),萬衆同心策反攻。 老來骨肉歧生死, 亂後妻孥視 却喜健兒能殺賊,故探聖典記攘戎(近 雇傭。 身見弧張看日 攬鏡沈 吟遠自

著述皆同,惟籍一浙一院爲異(椒堂浙人)。 十八日。 閱蕭一山淸代學者著述考,頗有錯誤。 百八十四葉載胡元玉於劉文祺、吳文鎔之間, 百六十三葉載朱爲酹、朱酹二人,別字、生卒、 爲胡提前

落,不須家祭告阿翁

一十年。 著作乃胡氏家集,非元玉一人之作。 叉不附索引 皆其失也。

輖川 莊。 廿日。 叩門羊仲偕裘仲,問禮元方與季方。 壽劉天隱六十云:「不逢聖世列侯王, 便欲 天遣斯人式一鄉。 路堂隔煙水,儻依靈麓舉秋觴。 亂後詩篇同谷叟, 山 中 禪

味

廿七日。田星六贈所著晚秋堂詩集來。

廿九日。孔學社書告積微居詩說載入孔學第二期。

四月。

日。 撰 釋徵篇。 初義當爲徵兆之徵,從微省,徵兆必微也。 ○閱葉玉森釋契,殊少透宗處・

腾風 詩 + 吐霸才。 四日。 田星六 文字有靈 自乾城 偏 災禍 貽詩奉答云:「久念蒹葭要湖 ,河山已缺忍登臺。 漁溪兩望情何極,冠蓋當年一老來。」 先君子曾 洞,存樽 相對笑顏 開。 壯 無 暖席憂家國,老

館乾城令署,故有末句。

積

其二云:「夙謝紛華獨飮冰,似君劬學見無曾。决疑常斷多年獄, 楊,筆墨都廢。 負,乾嘉諸老合爲朋。 一人來。」余說字雖不後於段,而說經之富還不逮王。顏生之言,殊有愧色。 十五 日。得曹耔穀丈(典球)書,云得余書及詩札,悅豫之情爲近年罕有,第一夕之力次韻 得余詩,發興成五絕六章。第二章云:「一代王懷祖,千秋段玉裁。 何堪 呼馬爲驢日, 四海狂瀾已沸騰。」〇顏生熙志之弟育安書告:熙志 辨字如懸暗室燈。王葉故人知不 談話彙說字,拼作 五章。

服 Щ 衣,使人 十八日。 二十日。 、超俗。 劉天隱來書稱余壽渠詩之美云:「不落應酬窠臼,寓跌宕於流利之中, 商務寄春秋大義述來。 客壽余詩領聯云:「學津遠湖周秦上,風度平居魏晉閒。」過獎不能當 字體旣小,紙墨尤劣,又多 談字。 惟余此書本所以稱不能執戈 如寫生家 也 描畫

野

君皆希望余往任 # 二月。 彭甥慧桂林來書,云:聞湖大有梭潮, 教 云。 是否願 游桂林。 師範學院院長曾作忠及林礪 殺賊之恨,且鼙鼓聲中有著述問世,已是幸事,不能以平時論矣。

樂事 俱。 廿三日。 一席名山勤著述,廿年人海共馳騙。 馬叔平寄見壽詩云『正憶瀟湘 一老儒,枉投佳句到巴渝。欣看周甲華筵啓,又報添 索居企 待中興日,愧我書田日就蕪。 」叔平書言西安出

T

土呂季姜壺爲二圓 壺。 銘文云:「呂季姜作醴壺,子子 孫孫 永寶用。」凡十三字云。

廿七日。 陳寅恪成都來書,告去秋由桂發,沿途病困。 十二月末始抵成都。 生活之昂, 與记 明

等。 寄壽余詩云:「魯經漢史費研尋,聖域神州夜夜心。一代儒宗宜上壽,八年家國付長吟。

日兵廛滿,寂寞玄文酒盞深。 休道先生貧勝昔,五詩還抵萬黃金。」 寅恪學人,而詩極富風 趣。 惟語

重,余不克當耳。 十九日。 **黄伯軒告余,日來授諸生以漢書,多用余著窺管之說,亟稱** 其美。

举準傳。 予,杜鵑橋上早迴車。 五.日。 五月。 三十日。 新館一時俱却墨,故鄉雙眼各江天。辰陽欲派知吾嬾,願約歸耕二頃田。」「冠雀堂 徐紹周寄壽余二律云:「不見楊君又六年,論年於我許隨肩。腹書已任便便曬,口義頻聞 成遺與一首,領聯云…「寸簡要張千里勢,平生不作暮年心。」頗復自喜。 夢魂忍熟曾遊地,歲月貪增所著書。客邸昌昌春自到,膏檠兀兀夜何如?東

一前或

起

還

一好待修桑果,要引諸孫戲繞裾。

識小亦當行,此事高郵最擅名。于以終風同一妙,淘金嘔血渡諸生。」「先生老弟舊稱呼,試問兒曹解 舊夢如煙去去來。」「春秋大義攘夷學,論語新疏翼聖功。 「于以」說與高郵之「終風」並論,爲余抬高身分不少矣。 得無?學必讓君年讓我,老夫下筆不糢糊。」風趣之美,曾星笠、黃伯軒見之,皆爲之絕倒。以余之 十八日。曹孟其寄壽詩四絕句來,云:「四十年前兩秀才,聰明都被死書茲。 寫到精微無一字,鎔經鑄史一鑪中。」「大儒 霜勻毛髮參差出

二十日。文字學校訖。 姑爲此言,以待知者。 此書經營前後十餘年,煞費心思。 自信中國文字學科學基礎,或當由此

廿三日。 撰文字學敍例。

六月。

植鄉 也。 中湘士居其二。余昔在北京,曾與屋笠談及此;余謂此時吾二人皆游於外,他日仍當歸里 無暫輟躬耕意,他日長沮謝問津。」按太炎先生嘗云:「三王不通小學。」謂介甫、船山、湘綺也。三人 堅持歸隱之意,是可喜也 百年人。 里後進,雪太炎所言之恥。 星暑假返里,行前和余韻云:「船山湘綺各孤軍,異世荆舒風議新。 折角要張三戶楚, 屋今思歸隱,余非校中當局,本無留屋之貴;特爲湖湘文化久遠計,故據往事言之。 H 篇惠我墨痕新。 吾慙蹇吃如楊子,公自紛綸軼大春。 曾星笠近感學校事,有歸隱意。 孟軻未忍違齊邑,廉頗終思用趙人。 星亦謂然。 故余廿六年到湖大,即邀星歸里。 余昨夜成詩一首示之云:「拔幟要張三戶楚(君 但得孫卿三祭酒,不辭重派武陵津。」見允來辰, 息壤廿年猶自在,桃江一室豈能春? 時星任中山大學教授 近見投 敬鄉合樹 息壤句是 敎 **好**,培 不復 可

十一日。 報載英美軍六日在法國北岸登陸後頗有進展。又已克復羅馬,殊可喜。

日,經術迂疏之書,得此銷數,頗爲意外。 十二日。 商務館書告一「春秋大義述一月出版。 蓋以復仇攘夷之說頗合國人心理故耳。 至四月底止, 售去七百九十八部。」戎馬倉黃之

改入曲狀中。 十六日。 以薦爲廌之所食草,爲爲狀名,草爲本名。若以爲爲能名,草爲所名,則失字意也。 校文字學會意名詞章。 狀名與本名節,分直狀與曲狀二目。 薦字初入能名與所名,今

氽

分類隸字必取足以助明其字義,大都類此。

十八日。美機炸倭門司、八幡、小倉諸地,可喜。

十九日。 前黃河水 利會懸獎金徵求大馬紀念歌。 詩歌本非余所長,以貧困故,聊應其徵耳。

日得會書,以第二名得入選,亦意外事也。

廿二日。廣播言長沙十八日淪陷。余親族皆陷賊矣。 廿三日。 報載美倭海戰於菲律濱東,倭主力擊潰,宵遁。 嗚呼! 此大可喜。

七月。

窗風。」此用詩「如彼遡風」,而胡引漢書注「遡江謂逆流」,則語不可解。 中石,記得南山隱去時。」此用漢書李廣傳「夜行見石以爲虎」事,而胡不及。卷三十四軒云:「遡此西 十六日。 限胡竹坡簡齋詩箋乾。書大致尚佳,亦間有不到處。卷廿八王孫嶺云:「斜陽照見林

廿四日。 習杜詩。 奉先詠懷云:「豈知秋禾登,貧寠有倉卒。」倉卒本漢書平帝紀, 仇注不及。

軍人內訌。 下。李監定云,「雜花分戶映」,意本陰鏗「花月分窗近」。 **漆先山水障歌云:「聞君掃却赤縣圖,乘興遣盡滄洲趣。」上句謂除去地圖耳。** 美軍已登陸關島,次當及小笠原島而入東京矣,爲之大快。 仇亦不及。○報載希特勒被炸不中, 仇注誤解掃為揮灑筆 德國

八月。

十一日。 衡陽守四十七日,竟陷敵手,可爲嗚咽一十一日。

二二六

長。

十九 H_o 侯芸圻(堮)來書,轉達顧韻剛意,欲請余任齊魯大 學國學研 究所

廿二日。 閱劉逢祿論語述何。 支離繳繞,漢學家之流弊,至此

極

矣!

九月。

九日。 報載永豐失守,邵陽危急。 他

聞零陵、東安相繼失陷,湘事之壞,已達極點。

同

人中多西行者,令人焦急萬分。

以留

恐

聞在辰谿諸軍人家屬皆準備: 往。

有不測,行又無資用 也。

十日。

十月。

五日。 孔學雜誌第二期寄到,載余積微居詩說。

九架,運輸船及小舢板四十六艘。美艦無損失,飛機略有損傷。 十二日。 昨晚廣播:美艦隊及飛機四百架圍攻倭沖繩島(即琉球),毀倭兵艦十二艘, 又轟炸小笠原島帛琉島, 共四島,佔 倭機八十

馬克思島。 十八日。

發後機八百四十三架,從中國起飛之空中堡壘第三次炸台灣之岡山。 之上,故知其阿好也。 前事急,余有入蜀意,故有末句。 話,傷離念亂 百憂醒。 曾星笠從益陽返校,余喜賦云:「故人如約翩 ○美艦在台灣附近活動,倭艦見其勢盛,遁去。 更殘欲旦寒逾急, 髮好無端白自生。 星極賞髮好句。 謂杜工部不曾道得。 然至, 海上腥風向天拂,慙予几欲 兩脚烽煙兩 岡 尼米茲報告:自 又謂此詩勁健, 山 有防禦堡三十四座,已段 足驚。 一十月十二 樹 出品 潰前 影 燈 盟。」 -日起撃 黃芥滄 光 日 筲

洋之供應綫全被截斷云。 其三十三座,美損一機而已。 又美機在南海炸沉倭巡洋艦、騙逐艦各一艘, 又毀小船五艘。 倭在南

二十日。 廣播言美潛水艇在太平洋擊沉日船三十二艘。 舊金山廣播言: 四個月來損日艦千

百艘,飛機三千架云。

所著書有會稽郡故書雜集、古小說鉤沈、漢畫像考;輯佚有謝承後漢書、嵇康集。 會稽郡故書雜集刊本,題周作人輯。 廿七日。廣播言:美倭艦隊大戰於菲律濱東海面,倭艦大敗。閱短書題曰魯迅的書者,記周豫才 觀此知實豫才所爲也。 余在北京時,曾購

十一月。

即蜃也,从寸謂手持之。 Ŧi. 日。 日撰釋辱篇。 美國舊金山廣播攻擊中國政治腐敗,各部長無一正人,而何應飲尤劣。 許說辱字最無理。 余定為耨之初文。據淮南子謂「古人磨蜃而耨」,辱字从辰, 美助軍 火

不用以抗倭, 反準備內戰。 廣播於中國國民及軍人參政員皆有譽餅。 知是非之公固在也 中國

聲字,有獸無狩,是也。 从缶作寶,是也。 七日。閱甲骨文編,甲文時代早,無後起之字。一,會意字尚未加聲旁,如旣不从爿聲作減,寫不 。二,無加形旁字,或不从口作國,反不从水作派,是也。 編者不知此,犬部記狩字,以獸字當之。不知甲文本無狩字也。 形、事、意三書,無後起之形 獸字仍當入

公元一九四四年

粤部獸字下,使其形一致,說明獸字作後世狩字用可矣。

積

八日。 閱甲文,知同字从凡口,與合从人口,咸从戌口,愈从心吅組成同。 許云从口,非也。

九日。 甲文門疑是奉字。

十三日。甲文物乃雜帛爲物之本字。 爲政府沒收。 國事至此,

當局尚以

十七日。莫若榮來言,西南聯大發表宣言責政府用人不當,

蒙蔽壓抑爲事,不亡何待!思之令人憤悒。

十八日。撰釋凡篇。據甲文之形知凡爲後世船帆之帆象形初文。〇撰釋瓦篇。 按字中從古文

旋 回, 上下二費象兩岸,與別字同,乃淀字之初文。既文:「回泉也。」 **亘爲象形字**, 孳乳為形聲之

十二月。

廿四日。

近習甲文,時有新得。

今日始寫甲文蠡測

說文箋訓收絲者,乃互之形聲字。

許爲至碻。

九日。 撰釋穌篇。 「酥」「軍門日和」和之本字。 从自,與師爲師次之次本字从自同。 舉告星笠,

十月。 何麗生(竹淇)來,告昨晚廣播,國民政府與共產黨合作組成政府, 如此可発內訌, 聞之

大快。 廿二日。 甲文有遵字,余疑爲淇,字从溲聲;又因疑雄水本字。 ○左傳:「名,終將諱之。」向來

五字連讀,文不可通。 今悟名當爲一讀,與「百畝之田、匹夫耕之」句例略同。 鹽鐵論「老親之腹非唐

園」「唐」假爲場。<u>詩云:「食我場蓉」,知場爲種菜之地。</u>說文唐或作陽,故唐、場可通。

廿四日。劉茂華來書言:昔年訪黃季剛於南京雞鳴寺宅。黃告渠云:「長沙楊君於形聲字有獨

叉

見,越段王藩籬,補許君之不足,自爲一家之言。」時有山東李光家、丹徒姚希曾同 言:「丹徒柳先生不治文學之業,顧論述文化史,曾以段、王、黄、楊爲一宗,記述其源流 廿九日。 雪字从彗聲,以雪可掃也。 帛从白聲,絲色白也。 坐, 聞其語云。

九四五(民國三十四年乙酉),年六十一歲。

二月。

閱吳摯甫尺牘。吳崇科學,信西醫,當時士大夫中不易得也。

H. 日。 鏑字甲文作婦,从矢;科作酙,从酉; 胚作雞,从隹;確能以事爲名,較篆書之从金、**从**

木、從肉者剴切多矣。此義今之治甲文者似多不知之。

十六日。近日美機連炸倭奴國各地。小醜施之於人者,今亦食其報矣。

支,乃輟講。 二十日。 連日醫治無效,十八日,子泉世兄始送之至衞生站。 曾星笠病逝於辰谿衞生站。 星數週來時感不適, 然猶授書不輟。 余今日正擬往問疾,遽聞噩 至十五日, 萬不能 耗。

代宗師,逝於荒徼,良可痛悼!湘士在有清一代大抵治宋儒之學,自唐陶山(仲冕)承其家學(父奧, 公元一九四五年

積

曾 有辨偽古文著述);余存吾(廷燦)遊官京師,兩君頗與戴東原之學接觸。 陶山之子鏡海(鑑)仍折

宋學。 乾嘉之際,漢學之盛如日中天;湘士無聞焉。 道光間, 邵陽魏氏治今文學, 承其流者有

湘潭、長沙二王氏,善化皮氏;皮氏尤為卓絕。 然今文學家,不曾由小學入,故湘中學者承東漢語、

鄭之緒以小學音韻訓詁入手進而治經者,數百年來星笠一人而已。其喻母古讀考,當世治音韻者奉 張生清常去歲與余書,謂羅常培近著音韻學,對星爲錢竹汀後一人;非過譽也。 今後繼

無

廣陵散絕,不獨余一人之私痛也。 余輓星笠云:「鍾期一去牙絃絕,惠子云殂郢質亡。」

仍望命駕。 廿七日。 諸君意厚如此,益增愧負。 李培庚來,致陳子展書,謂余渝行中止,殊爲失望。 章友三仍致拳拳, 謂如湘西不安,

然精要之處屢見不一見。 廿八日。 閱甲骨學文字編訖。 十年來余說字之文不少,無形中實得力於此書,近始自覺之也 此書余在 北方曾一再讀之。 华年來又習三通。其中雖尚多 忆說,

五日。 在沅陵,辛樹幟告余:春秋大義述 到編譯館後,鄂人張西堂抑置不理。 事爲顧頡剛所聞, 張

大不謂然,頗以貴張。 因有文史社出版之議。 張昔年曾訪余於清華, 余以其人淺薄, 未與加禮

九 日。 阻 在沅陵購歸之徐彌未灰齋文集,內有補明史列傳一篇。

蓋懷恨

出此耳。

十二日。以古籍彙編所載殷虛文字類編校甲骨文編,知自羅、王後,新識之字殊少;而羅氏殷 所記七人,皆湘 也。

虚書契考釋相傳乃王氏爲之。 王靜安於小學頗有功夫,故能多識字,餘人皆不及 也。

廿三日。 錄殷虛文字類編目錄訖,得七百六十九文。 朱芳圃書後出十年,所增不過百許字耳。

甲文鑫測擷要講義即成,將以求教於諸友。

三月。

廿七日。

二日。師範大學同學丁實存今任職編譯館。來書言:館中整理經籍兩年,成績不舉。館長陳可忠、

主 任鄭鶴聲皆希望余任其事,來徵同意。

謂甲坼。 文中之四方名,至爲審核。 六日。 南方夾,謂草著實,經傳多作莢。西方東,東說交訓「草木垂華實」。 撰甲骨文四方神名與風名。 惟於四方之名含義不可知,則爲誤說。 胡厚宣商史論叢取書堯典、山海經、夏小正、國語諸 今按四方神名皆關草木:東方析, 風名,東方為,即場風 證

方,爲堯典所自本。 此文四神名皆關草木及光、彝二字之讀,皆門下周鐵錚之說。 周請余爲文論之,

分司四季,爲後來月令、句芒等神所自出。

余因推廣其義,成此文云

草木各有神爲職司,其神四,

胡已言之。南方光,胡以爲微,實是豈,謂凱風。西方彝,彝讀爲泰。

北方段,不明。

大抵殷人以爲 時分配

又般人早以四

於四

八日。 十四日。 閱 撰讀胡厚宣 阮璞大禹紀念歌,以第一名得獎者。 一般人疾病考書後 實較余作爲美,宜其冠軍也。

十七日。 撰釋所篇。 胡厚宣釋烏,余釋爲味。 周鐵錚四余此說疑燕典之「星鳥」亦當爲「星味」,

公元一九四五年

如此則與星火、星昴、星虛同指辰次。說可通也。

廿三日。 曹廷藩來,談延安政治組織殊有趣;其朝氣勃勃,恐非腐化者所能敵也。

廿四日。 撰釋多篇。 余釋爲萬。○撰說羔篇● 余讀爲譽。

撰說職篇。讀韻爲太,「囚韻」即亡忒。

〇翻閱新修寧鄉縣志, 載姚大榮說,

謂吳榮光

辛丑銷夏記實黃虎癡代撰,姚說本之鄭珍云。

廿六日。

酒酷云:「惟土物愛。」文例正同。 三十一日。撰釋塵壯邦秘點篇。據爾雅釋塵爲慶,壯爲粉,郑爲靜,死爲恕,恥爲駘;據甲文牡 〇撰甲文中之先置實辭。 此等質詞之前多冠以其、生字。書

四月

之心否。

且已登陸。 二日。 德國希特勒自認戰敗,英美宣言歐戰結束在即。小醜聞之,不知當如何?美軍 海戰毀倭艦四十餘艘,美艦多至千四百余艘,真如泰山壓卵矣。倭奴到此不知亦有悔恨 包圍琉球,

會釋出。め釋以,李旦丘曾言之;並釋星,高田忠周曾言之。 四日。 郭鼎堂(沫若)得命甲文蠡測擷要,覆書云,中多巧思密合之釋。 又告「設、者、硪」三文彼

六日。 五日。 復旦學報寄到,載余造字時有通借證 撰犬方考。謂犬方即犬戎,又即串夷、昆夷、混夷。

七日。 蘇聯通告倭奴,廢除中立協定。 倭四面楚歌,岌岌不可終日矣,令人快絕

瘳、稱、化、儿、允、欠、豕、伏、熯、亢、聖、雌、或、紹、級、鼄、圣、季、漳三十八文已有人釋出。 余說者。 余文付李孝定隳簽注意見。知此、正、是、征、睩、設、誖、籹、鷸、厶、缶、京、亩、圖、嗇、困、朔、香、痡、 意後卽寄旅費云。 十五日。 李,常德人,南京中央大學畢業。〇丁實存書達陳可忠意,謂余所指諸事皆不成問題,余同 前以甲文蠡測攝要寄董彦堂,今日得復,云近年專治天文曆法,甲骨文字未深注意。取 亦有不然

甲文有「艮二豕、艮三豩」之語,余讀艮爲說文之副, 廿五日。覆丁實存,謂編譯館事可以相就, 但只能半年在館中,以湖大不能全離故。 周禮之疈。 山海經云…「一牡羊副。」〇撰 〇撰釋及

釋丹篇。讀「丹」爲敗。○撰釋爲篇。讀「寡人三千」之第爲徵。

毋同字,毋模音同也。又古文母、女不分,甲文云某某晚,猶今言某某女人也 →八日。撰釋應篇。「晚」即說文獎字之所从,或說爲規模字者,在甲文爲母之假字。金文母、

之豕殆謂 河南登封縣。 今日羅軒來言:野豬類豕而長喙,力能搏虎殺人;皮至厚,槍彈不能傷;食樹根云。 廿九日。 野豬矣。 湘生言今已不存云。○日前授文字學,處字,許云「豕虎門不解」,余以豕不敵虎爲疑。 訪劉湘生(永湘),出示舊搨北魏天平二年本務寺造像記。字似張猛龍,文亦甚美。石在 〇報載德國已向英美投降,戈林槍决,意國莫索理尼被捕,歐戰完全結束,所餘只 然則豦字所从

公元一九四五年

蝦夷

小随

三十日。 撰釋憲篇。 謂卽說文献字。 說文訓設飪,與婚、直義同。

五月。

其有五子戰死也。 日。聞莫索理尼被米蘭志士審判槍決,屍陳通衢,行者吐唾投足辱之。 聞希特勒亦已死。 惡魔殺人不知幾千萬,一死不足磁其辜也。 有老婦射以五 槍,以

八日。 德元帥杜尼茲通令全軍投降。英、美、俄定今日爲勝利日。

十日。 九日。 英王電我國,保證以全力擊潰倭奴。美軍决由歐轉亞洲,不返美。二國與吾人合力如此, 胡厚宣來書,讀四方神名篇,表感佩之意;又謂讀彙爲徵,讀晷爲敗,皆確無可易。

十一日。 閱報知湘西倭寇全潰,至以爲喜。 如泰山

壓卵,倭奴無生理矣!

十五日。 撰其牢茲用考,定爲卜牲之辭,以春秋「卜牛」及禮記郊特牲之文爲證

十七日。 成送春詩云:「三茶如故人,暫來復歸去。一事人不如,年年色如故。」

二十日。 李肖聃案上陳列一妄人所著書,余翻閱首卷。自序云:"「問字皮先。」不數葉凡例中即

詆皮不識字; # 四日。 自非狂癇,那能爲此?黃季剛髲其卷牒之多,幾于五體投地,有玷章門矣。 贈趙壽人云:「楊柳烏衣 食宿談(君食于王,宿于柳,來余寓談話),多羽 一日歷 家三。向

田灣)。 人盼睞猶餘白,脫手文章早勝藍。 海隅喜見飛廉戮,剩有蝦夷首待函。」 雲蓋故人泥不滓(天隱陷賊中),田灣猛士戰能酣(君近參戎幕,在

十六日。撰多介父考。 多介父或稱多父,乃盤庚之字。 紀年記盤庚名旬, 而卜辭有「貞于多父

旬」之文,故知之。

稱王說,謂周之追王,乃因殷禮爲之。 廿七日。撰釋於為所篇,余釋歺、从、殉三字。 下蘇有資為,即詩於「釋之賓尸」也。

〇撰般先公

廿九日。 撰舌河說,讀「舌」爲涉。

廣俞氏及余書爲之,頗見用心。 三十一日。撰籍宗考。紀年記祖丁名新, 新宗乃祖丁之廟也。 〇李肖聃來, 以後漢書班彪傳

三十日。今日農曆四月十九日,爲余六十一初度之辰。王生顯以古書疑義廣例一卷爲余壽。推

「殺史見極,春秋教也」一語見問。余疑「史」即「文勝質則史」之史,「殺」謂削減,「極」當訓中。

五.日。 九日。 余前以說甲文字寄董彥堂求教,今日得復書云:「拜讀新著,咸佩無已!公此時手頭無 撰說早篇,用秦公殷升作早證明棄玉森之釋,糾王靜安釋勺之說。 ○始撰文藥。

扼要。 書,而能有如此新見,確屬難得。鳥星之字,釋味猶具卓見;弟亦仍舊說釋鳥也。評隱胡君書均極 獎,不可不努力也。又見告柒著般曆譜裝釘已畢,以序文一份見寄。 昔太炎先生不理卜文,學林以爲憾事。以公之博雅,從事於斯,貢獻自不可量」云云。 友朋認

十一日。撰釋兴篇。字釋貴,去年已明之。九羊與叀羊同(九與白同)。 公元一九四五年 前此亦悟及。昨讀說文

積

二二六

史記魯世家作「保施庶民」重

就林、「其魚唯唯」、韓詩作「遺遺」、甲文佳、東同用、唯、遺通、知貴亦可與東通用也。

卜辭上甲立至文丁,立當讀施及之施。書無逸,「能保惠於庶民」,

聲字與施通,知貴亦可通施也。

二十日。 讀國語了武不可觀了觀當讀爲讀。「紡於廷之槐」,紡當讀縛,縛與紡對轉也。

廿二日。 李慕清自重慶來,贈新出素書一冊,略一翻閱,偽書無疑。

卜辭云:「單邑登今于泉,蜀子登今。」「登今」當讀徵人。「貞曰雀,翌乙酉至于東。」「曰」

廿七日。 撰殷封建考。

當讀

爲謂。 廿四日。

七月。

篇 說商時有星無姓,後始分化。 二日。 撰又宗西宗考。 撰釋事篇。 定爲宣字,義爲藍夷之藍。 雅己名仙,廩辛名先;又宗,蓋雅己廟;西宗,蓋廩辛廟也。

〇撰釋星

撰釋駁篇。疑爲祭之或字。

五日。 四日。 撰說中。 撰說出篇。 卜辭「貞咖弗哉問」,余說為詩之串夷,即犬夷。 此字卜辭用法五,皆與有字相當。

撰冬蜀考。 謂即書牧誓之庸蜀。〇撰知史考。 謂即書之御事。

八日。 撰說易篇。 「易」與齒疾連卜, 易蓋謂換齿。 〇撰釋汙篇。 1 辭云:「貞卿事于尞北宗」,

于當訓往。

之器,但不知其爲互字耳。 又宗,又雨。」 十二日。 即蓋假爲祭。○閱說文詁林續篇。「衡」字从糸非从幺,前人已言之。 撰釋即篇。 卜辭:「貞言方其出王自卽,受△右。」「卽」當讀爲截,阻也。 其他字亦時有與余說關合者。 彼云"日乃收絲 **卜辭:「貞卽于**

十六日。撰釋第篇。字象器形,从洗聲,蓋卽禮經之洗字。○撰釋濃篇。 謂卽淇字, 字从异

聲也。

二十日。 十九日。 撰再說方。 撰再釋消。 卜辭"「△△卜,芳貞。方其大出。」余意方蓋即收誓「微、盧、彭、濮」之彭。 卜辭:「△戌卜,競貞。 戌哉肖方。」當即呂覽本味之「有侁」孟子之「有莘」。

)撰釋或篇。字从戈,余疑是做誓「尙桓桓」之桓本字。

廿四日。倭奴廣播,有考慮和議語。風狂似漸因打擊覺醒矣。

考;四,輯經義新鈔,集錄新說。○撰釋**攸**篇。 廿五日。 爲編譯館草整理經籍計劃書:一,編異文假字考;二,編誤字考;三,編制度名物彙 卜辭攸爲國名, 疑即定公四年左傳般民六族中之

廿七日。優奴廣播希望寬大之和平條件;可憐相盡露矣。條氏。○撰釋曰篇。甲文多用曰字爲謂字義,與金文大殷同。

廿八日。中、美、英三國促倭奴速降,否則將完全毀滅

公元一九四五年

三十日。撰釋渡篇。字从黨省,即說文之汳,今日之汴。

八月。

部分。 五日。 吾兄努力如是,至足敬佩。 董彦堂來書云:「大著得快先讀,感謝無已!各問題有待考訂者極多,弟所能 弟甚願密切合作,以文字訓詁之任借重於兄也。」又告渠所著般曆 盡 力者爲一

八日。|美國以原子彈炸倭奴廣島,損失慘重||諸當自購一部贈余。

九日。 報館號外告蘇聯於昨 日對倭奴宣戰,爲之雀躍。 〇胡厚宜來書云:「得文字學講義,病中

再讀之,勝義如珠,爲之傾服。」

十日。晚十時,聞倭奴投降。

十一日。學校議决卽日遷返長沙。

十四日。

李肖冊處遇馬君,云其尊人與龍君有晉書地理志補,

已印行。

十五日。與同事七人合治肴祝勝利。

殺。 人未能以己力驅走倭奴,第借友邦之威,使倭屈膝;雖云勝利,實足懷慚。 請余作字。 按倭奴以虛偽敬其國人,馴致軍人發狂,致此大禍。 十六日。 余書「恃德者昌,恃力者亡」二語付之。 倭奴昭和天皇下詔告諭國人,其辭頗長, 時至今日,彼輩當知先哲名言之不誣矣。 意猶文過。 種瓜得瓜,非意外也。 內閣鈴木辭職,陸相阿南 此後若不努力自強,能否 記九一八後, 然吾國 惟几自 一倭人

立國,仍未可知耳。報載當局已電延安當局請其來渝,共商大計。

二十日。宋姤逢述昔年任上海兵工廠長事,謂倭奴白川之炸死。 如能團結,則國家之福也。 其炸彈設計, 一切皆彼爲之。

尹奉吉亦渠之友某朝鮮人所 鉤 致。

廿一日。 日本投降儀式於芷江舉行。

廿二日。 教育部學術審議會以居延漢簡考釋屬之經籍類,殊為可笑!今日書與朱經農告之。

廿三日。 撰說在篇。 卜辭:「帚井黍在」,讀在爲魏都賦「乘葭聲」之聲。

廿六日。 撰釋變篇。 定爲字从咳省,殸聲,乃醫咳之譬本字。 羅振玉釋效,大誤。

廿九日。 趙壽人言:屬味至美,故字从旨。維見射落地,形如拋物綫,與矢落地同,故字从矢。

九月。

三日。 倭奴投降盟軍儀式於東京灣美國米蘇里軍艦上舉行。 倭奴代表為東文邇宮。 降書簽字

後,美總統杜魯門有演說

始釋林泰輔龜甲獸骨文字。歷十六日,於廿三日釋訖。

七日。

十二日。董彥堂贈所著殷曆譜寄到。

作;並屬實存致謝意。 廿一日。 十七日。魯實先寄到成都志學月刊第二十三期,載余讀胡厚宣殷人疾病考,文乃實先代投去 丁實存書告: 館年內即遷京云。 編譯館得余整理經籍計劃書後, 極爲欽佩, 不日當召集人員照計劃工

廿九日。 卜辭:「貞舌方其亦出?」王襄讀「亦」爲夜,余謂亦當訓又。

般古音同也。〇撰說湯盤。 三十日。撰凡方考。謂「凡方」卽紀年之班方,般庚甲文時作凡庚,凡可通般,知凡可通班,班、 郭鼎堂謂盤銘當爲「父日辛,且日辛,兄日辛」,以保定新出商之銘爲證。

按商戈銘先尊後卑,次序不紊;如郭說,父先於祖,次序不合;其說非也。

二日。成公二年左傳「仲叔於奚請曲縣」。按曲縣卽軒縣,四方缺一,象薄曲之形,篆文作以,正

三日。

四方缺一也。

撰釋送篇。 謂卽過字,釋後、釋武者皆非也。 此去年所得,今始明之。

七日。 梁鑄雄爲余拔去右輔第六牙。

八日。

能 豁然貫通,無往而不逢其源也。 間有可商之處,乃爲材料所限,他日當再細讀簽出」云

胡厚宣來書云:「拿著反覆拜誦,美不勝收。 蓋於說文,訓詁之學研之旣精,

故於古文字

十一日。 報載范旭東病逝重慶,年六十三。旭東沈毅有爲,工業有成就,非偶然也。 喪此良人,

爲之悽惻

十二日。 偶成云:"俘寄人間六十年,晚來胸次轉陶然。 乾坤浩蕩能容我,庭宇淒淸自有天。

頃澄潭明月在,千重危嶺碧雲懸。 十三日。撰說高篇。謂卽紀年之小甲高。○撰釋奚補。 容當抱膝終吾老,不效秦皇苦覓仙。」

卜辭有於此字加戌字者,正是加聲旁,

當釋作戲。

十五 日。 撰說征篇。 卜辭有「征雨」、「征雪」,征當讀爲止。

廿三日。 率家人登汽車去辰谿,晚抵沅陵宿。

廿四 日。 午,車抵官莊;四時抵麥家河,登小筏;

晚九時

到桃源。

廿七日。 發常德。

廿五

日。

登汽輪拖船,午後抵常德。

三十日。 抵長沙,登岸直赴嶽麓山本校。

十一月。

日。 報載法國伯希和逝去,年六十七。此君頗通中國學問。

訪葉定侯,觀所藏書。 有宋本說文,爲湘潭劉氏蘭竹山房舊藏,宋本韻補及宜

四日。

元本佛經三種,爲六舟舊職;汲古閣精鈔重續千字文及文則;朱竹垞舊職石門集; 何子貞手評隸釋;翁覃谿、

石記

稿

本,

記高麗碑版者;桂未谷、

種

何子貞手評殿本寶眞齋法書贊各

多厚 彩 海東金

和書譜;

九日。 六日。 跋澂秋館吉金圖 孫海波古文聲系。 著者於字形義多不瞭然,爲評騰十餘事。

閱

十日。 公元一九四五 劉天隱告命:某僧將卒前,豫言民國三十六年後日入太平,湘士當局者至多云。

十三日。日前李肖冊來,徇余之請,以廿六年寄渠之讀左傳小箋見付。今日閱之,頗多精湛處。

余於訓詁校勘之學,受<mark></mark>高郵王氏之影響頗深,故所著書,頗有相類似處。此八年前所著,腦中無復印 展卷讀之,勝處亦時自驚喜也

十六日。 歸來咸賦云:"「華表歸來事事新,人民城郭兩愴神。巖牆處處難知命, 蔓草家家欲隱

作見降幡出東海,**又聞戰鼓動西秦。此身已是**焦頭額,直突何容更積薪。」

撰考證,字多古文,而亦時有近隸之字。 十九日。 訪蔡季襄,觀所藏繒書。 書盛於竹篋,似今藤籃。 詞句有似鎮邪之爲者,謂爲晚周,恐未必然。 書厚數十層, 黏結不可理。 又出示黑地朱 讀蔡所

文漆盤二,完好無缺。

八年,相與商權文藝者止一會星笠,星笠逝後,葛懷而已。 廿一日。彭葛懷讀余近作文字,謂詩「古帝命武湯」讀古爲故,金文「肇」爲語首詞, 皆佳。 南歸

廿七日。 昨日,政府下令褒揚曾星笠。 此事余發義爲之,今見諮事實也。

委之。星考之一宿,遂得之。 三日。訪劉天隱。 告余: 昔年因孔廟丁祭,欲製深衣;同人考之,皆不能得。 今長沙瀏陽兩學宮深衣,皆依其說所製也。 上海廣倉學籍會以經學 適星笠 到省, 逐以

小學、史學命題試士,星託名投卷二,及揭曉,則二卷一首選,一第二也。余告天隱, 主持校閱者乃

王靜安也。 天隱又言:瀏陽黎心矩通經學、小學,著書甚富;近日逝去,年六十六云。

廿二日。 閱郭沫若青銅時代。 謂老子爲關尹寫定,環淵即關尹,言之成理。

廿五日。撰奏凱亭記。

三十日。訪察季襄,觀所藏七國泉幣及周權、漢銅尺。

於晚清。 三十一日。始釋書製前編。 不知國將何以爲國也!歲末太息書此。 〇日記云:因人之助,幸致勝利,而政治之腐敗,官吏之營私,

一九四六(民國三十五年丙戌),年六十二歲。

F

被,柱杖兒不怕溜滑。 叔重以來幾萬家,都喫這杖兒一頓打煞。」用小曲作學問事,新穎可喜。

六日。|譚生|佛雛補送壽余小曲云:「但憑那數莖白髮,換取了摩天聲價。

一領舊寬袍,兩隻粗布

七日。閱方授楚墨學源流,書平實可喜。

此。 有自來矣。 較深,而才不及許。 九日。 初性鈍,再甦後乃絕異。嘗臨水自照,其影乃一僧也。此君行事學力皆非尋常人可比,宜其生 天隱又言:許季純(崇熙)太不肯讀書, 詩全是才華爲之, 故不能高。 劉天隱言:譚復生(嗣同)十許歲時患病, 天隱頗稱徐紹周,而不推服黃芥滄。 已死;以胸微溫,故未歛。 於楊覲圭, 謂其才學衆美。楊,長沙人,進 吳蔭雲(士萱)功力 旋甦, 其字復生以

公元

士,知縣

廿七日。楊生寧民自石門來,來謁。云教課半年,大得力於詞詮。

生。 阿好過推,令人感愧 七日。 得徐中舒書,謂生平於國學者,清末最佩服孫籀廎;並時人士,於王靜安師外,最佩服先

九日。得余季豫書,告近年艱苦之狀及勝利後北平教育界事,為之絕倒。渠著四庫提要辨證已

增益數卷,世說箋證已成十之八,皆可喜也。

十二日。甲文:「王固曰,喜。」喜疑即周易之亨。 屢釋此文,今日始悟到,可謂鈍矣。

十六日。 十四日。 書契前編釋訖,凡費四十六日。〇始釋後編 撰釋追逐篇。甲文「追」爲追人,「逐」爲逐獸;二字用法劃然不紊;向來治甲諸家未

注意及此。

同,誤。○撰釋臥篇。字从目,非从臣。古文臣、目二字形同致誤。人臥與覺之分在乎目,覺時目 十九日。 撰釋興篇。 據甲文定爲四手舉帆之形。 金文加从口,謂口發令,同時舉之也。 許謂从

張, 臥時目合也。 此與見、企、卬、眉、走、吠、臭、臭、狧、唬、鳴、瞿、般諸字構造相同。

廿一日。 郭紹虞來書,索余曾星笠傳稿。 郭爲開明書局編國文月刊,欲登載抗戰中逝世各國學

教授傳記也

廿六日。 撰釋走篇。 疾走者必曲其身,故字从夭;夭从大變,謂曲身之人。此與見、企、吠、鳴

}伯 諸字一例。 觀師之觀 撰說整篇。 1 辭 云:「不遘雚」:「其祉雚」。 遘、仙二字用法多關天象,疑**霍即周**

三月。

日。

謂山海經註

引「和甲」,

和非誤文,

並足證今本紀年

陽甲名和之說。 撰書王靜安古本竹書紀年輯校後。 〇改撰般人尚白說

四日。

書契後編釋訖,凡費十九日。

六日。 五日。 始釋書契續編

兄爲祝。 傷感也。 書數十萬言,稽考詳密。 新奇之說,黃季剛見其文字,召而戒之,逐翻然悔悟,發篋讀書。 史記越世家"「家有長子日家督」。「督」爲祝之訛變。 〇撰釋兄篇。 聞周漢南(蔭棠)因傷重逝世,爲之慘怛不怡。 謂是祝之初字;祝以口,故字从古文人、从口,與見、企、眉、臭一例。 江行船破折臂,遂致不起。國中失一佳士,湖大失一良師,不獨友朋私誼之 漢南天資高邁,力學不倦。 釋名祝訓始,皆祝即兄之證。 近年專攻臺灣史實及文官制度,著 初頗逐 甲文以 一時尚爲

幸已成。 七日。哭周漢南云:「山鬼攫君去,尼行百不聽。 難堪先瞑苦,老淚奪眸傾。」 高堂老母在,一室餒兒鳴。 泉路終須到, 奉書

羊」,皆其證。 八日。 撰釋來篇。 **豕蜀古音近。○董彦堂寄所著殷曆譜後記來。** 字从豕下加點,與馵字同意, 乃指事字,爲斀字之初文。 **壹字條引余釋崇篇文。** 甲文言「豕女」、「豕 稱其精審,

公元一九四六年

補彼說所不及。

1, 是一字也。□象城邑,亦象宗廟,故周語宗廟稱宗祊,祊乃□之後起分化字,專屬宗廟言者。 田、区、医、丘者,謂在廟中之甲、乙、丙、丁也。宗廟謂之□,因而祭於宗廟亦謂之□。 小篆同;或从方作衞,此□、方同一之證。四方備爲□,缺其一爲□。、説文「□」讀如方, 云…「コ于妣乙,酒。」(鐵玫陆之肆)此用口者也。 貞且甲□,其牢茲用。(前壹之廿壹之叁)。此即說次訓門內祭之鬟或祊也。此用□者也。又 一日。撰釋田区陋匠篇。□爲古文城字,亦爲古文四方、方圓之方字。金文衞字或从□,與 **卜辭云:「癸巳** 知口、口仍 甲文作

彭,後漢東夷傳之方夷。前編(伍之叁肆之壹)云:「辛丑卜,亘貞,乎取彭。」則明見彭字。據紀年記 十三日。撰方族考。用前撰再說方一文增補爲之,謂方卽書、傳商伯之大彭。 又即書收誓之

夏少康時方夷來賓,知夏時方已建國也。

IE: 皆用弱或茲字,謂弱即弗字。王靜安謂弱爲松彌之初文,是也。說文「齊」或作費, 此,明是正反兩貞,因據文編檢鐵雲、前後編、戩壽林泰輔書五種,得正反兩貞在同一版者二十餘事 並言思泊前此屢欲寄其近著,苦不能寄云。 合。○胡厚宣來書,告近由津返成都。 四日。撰釋躬篇。 續編(壹之肆肆之式)云:「庚寅卜, 在平時曾見于思泊、趙斐雲諸君,以余著書近狀告知諸君 余居北京將二十年, 視浮屠三宿者何止百倍, 不禁怦怦 貞兄庚歲。 先日, 貞弱光。」今日釋 與甲文用引為弗

心動矣。

十七日。余前書與丁實存,問編譯館於余整理經籍計劃究竟實行與否。 今日得復云:館長不甚

了了,並未實行。以不學之人主學術之事,所可歎也

十九日。撰說歷登篇。他辭恆言「歷酒」(後下拾臺之叁),又云:「癸未,貞歷酒斤歲」(晉肆拾之

廿一日。

祭也。 登謂烝祭,蓬登與蹇酒斤歲句例同。斤假爲耐, 祈歲亦

卜辭屢言「収人」、「収牛」、「収羊」、「収」疑皆登字之省。 登假為徵,収牛即左傳所記吳

徵魯百年也。

藏天壤閣甲骨文存見贈,云已交余讓之寄下。 廿二日。 陳援庵復書告國難中著書四種,三種爲宗教史,一爲通鑑胡注表微,皆有微旨。

以所

廿五日。始撰形事意三書初字考。

貴在精不在多也。○驪兒攜婦及逢建、逢酉二子女由昆明來。留四日,去北京就琉璃河水泥廠職。 惝恍,無必然性也。 廿七日。閱天壤閣甲骨文存。愜心貴當者,「直」字讀惠,作語詞用,一字而已。 記昔年在北方時,著者以彼釋甲文倍於前人相告,頗自負。今讀其書,益信此事 他釋大都依稀

四月。

日。 張舜徽寄所著廣校讎略來。

二日。 康鳳岑(和聲)寄影印船山先生墨寶四種來,字身凝重,賢者氣象固不同也。

公元一九四六年

回 憶 錄

四日。 閱吳芳吉白屋嘉言。 吳有大志,言多可取,不幸早天,未及大成,殊可惜也。

八日。 書契續編釋訖,凡費三十五日。

九日。 閱 天壤閣甲文考釋。 謂卜爲夏楚,故从卜从又之支訓擊。 此說可取。

應張舜徽之約,赴民國大學講演。因風雨在李肖期白箬舖方家巷家再宿。十五 日始達。

十三日。

體例蓋取之陳與詩毛傳義類及朱駿聲說雅也。 十八日。舜徽出示所著三禮鄭注義類及鄭雅初稿。 從人借閱 沈兼士著文字形義學講義,記小爾雅一 取鄭君羣書箋注依爾雅類列之,頗 便學者。 節,

於胡承珙、宋翔鳳、王煦、葛其仁四家疏外,尚有胡世 · 琦一家,爲余所未見者。

二十日。余爲民大講演, 題爲孔子之眞精神。 謂孔子富於平民的社會的文化的精神, 語皆有

據。 廿二日。 舜徽以所著揚州學記阮元篇見示。 舜徽謂蘇州之學專而固,徽州之學精 而狹,揚州 水

與皖之後,獨得其通。 **篇**分訓詁、義理、考證、校讎、金石文辭六項言之。 余謂,義理之說,宋儒所長,阮君強說,要爲無謂。 制點考證,正是阮君擅揚耳。 如高郵之王、儀徽之阮、江都之汪、寶應之劉, 十三經校勘絕美,皆假手他人,非阮君自著;積古齋款識亦然,但書不 皆其選也。 所見至確。 阮君

廿三日。 撰讀方言書後。 謂楊子雲此書乃受爾雅釋爲「伊洛而南素質五彩皆備成章曰肇」一

節

佳耳。

之啓示,擴充成之者

廿五日。 魯實先由重慶歸里,來談,極言重慶政府之腐敗。 實先神彩飛越,談話旁若無人,極為

可喜。相與通書十年,今始相見也。

廿六日。 返綠麓山齋。胡厚宣書告:明、弗之說,張宗騫先言之,見廿九年燕京學報。

本,文字中有批評余季像四庫提要辨證者,服其博洽而頗惜其冗蔓。 廿七日。 勞貞一(幹)寄所著居延漢簡箋補正來。 熟於漢事,可喜。 〇閱志學雜誌一、二卷合訂

五月。魯寶先來書,見假甲骨書籍七種。

三日。余季豫書來,云陳授庵希望余北遊任教。

六日。再跋錄伯茲殷。「自厥祖考有義于周邦」,有下一字,孫仲容釋靜,是也。

余讀爲勳,

督

聲、熏聲古通,以四證明之。 八日。跋叔家父簠。據史配封禪書訓先後爲妯娌,糾孫仲容「酷兄或先生、或後生」之說。

艦之說。○閱誠齋殷虛文字。 九日。跋楚公鐘。謂舊鐘、鐘鐘、驗鐘皆即經傳之林鐘,林、面古同香,故可任作;糾孫仲容釋 **晦字釋姬,說可取。惜他多誤說,未能稱也。**

十二日。 十日。跋鄭井叔鐘。謂「妥賓」即周禮大司樂之安賓客;糾阮元、方濬益律中裴賓之說 張舜徽爲余撰論語疏證序來。

十三日。 **卜辭「占王事」,近人釋「叶王事」。 閱禮春官大史職言「協禮事」,句例同。**

公元一九四六年

三三九

二年宜 即周禮之射性也。 伊。 按周禮夏官射人云:「祭祀則贊射性。」又司弓矢云:「凡祭祀,供射牲之弓矢。」「射二年」 〇于思泊來書云:「尊著釋追逐,辨別明晰, 至佩卓識。 釋興从凡,引葉 說象船帆

因葉氏說契,十九爲臆測,殊不可據。」余按思泊評葉說多臆測,良是。

凡字說以字形

課之,仍可節取也。

之形,須待考。

十四日。 復余季豫,辭不能北行。

十七日。 臥病嬾於讀書,翻閱家譜。 此民國十四年先君子手修,敬先之篤,小子不逮也。

廿九日。 跋齊躍嶄餺。 定學爲靶之或體。 陶从甸聲,甸从勹聲(許說包省聲, 誤), 說文言部

或作 跑、「躍叔」即 鮑叔也。

六月

音不合,余謂是繳之初文。 閱增訂殷虛書契考釋。 謂啓象有自名以評門者,往以手啓;不悟開門字當爲反,啓敎之字則从 考文字有極精到處,然如說爱同瑗, 殊爲臆說。 好爲惟之初文,

口放聲也。 獸从嘼,謂畜生,羅不知此,故誤說。 百六十文,是者居其八、九。 契骨考文之業,實由此書奠其初基,功不可沒也。 **丘應釋回,誤釋目。 属字誤釋魯,此皆當訂正者也。** 此 書題羅 氏 惟所

說。 釋五

王靜安,殆不誣也。 然卷中所釋發、箙、正、系諸字,至羅氏晚年著貞松堂集古遺文, 於此四字皆闕而不釋, 世人謂出

九日。 跋中幾般。「用厥賓作丁寶殷」,賓謂所賓之物,他器賓字皆作動字用,此作名字 用也。

十一日。跋效卣。「公錫毕涉子效王休貝二十朋」,涉與喋古通用,文選與陳伯之書云:「朱鮪

此涉子即集子,亦即世子,謂公於王賞貝五十朋之中取二十朋與其

世

○跋號叔鐘,「鹵天子多錫旅休」,鹵與由同,休謂賞賜,當讀爲左傳昭公七年「好以大屈」之

子效也。

fit

一於友于」,註云:涉與喋同。

十五日。跋潘生殷蓋。「廣啓氒孫子於下」,「廣啓」即左傳襄公十年「光啓寡君」之光啓。 說文薅从好省聲,或作茠。知好、休古通,若如舊說訓休爲美,不得云多錫也

滕文公引書云:「佑啓我後人」; 孔悝鼎銘云:「啓右獻公」; 疑啓義與佑、右義近也 十八日。跋鄭子石鼎。 謂係春秋襄公時鄭卿印段或公孫段之器,二人皆字子石也。

鼎跋。 廿日。跋輔白艦父鼎。據左傳「輔躒」及晉語 九知果別爲輔氏,疑白臘父爲晉人。〇改撰公貿

前跋明貧爲貨布之布本字,今知貧字公貿,名字相關

鳥,右从絲,諸家並釋縣,余謂此乃說文端字。 廿二日。跋井侯彝。「冀井侯服」,藭讀囚, 與也。 謂與井侯以職事。○跋叔鹽父殷。 奇字左从

〇跋鸰季母殷,同即說文監之籀文為。 廿五日。跋保侃母壼蓋。保下一字从人从二,乃侃之壞字。 南宮段有保侃母,乃一人之器。

梁爲古文旅也。此知古人但音同,雖人名亦無定字。○跋晉白大父盨。「其子子孫永甸用」,甸字从 廿七日。跋旅虎館。 別有奢虎簠二器,與此文句同。旅虎、奢虎乃一人,奢从者聲,者从栄聲,

公元一九四六年

勺聲,與寶音同通用,糾羅振玉甸即寶字之說。

廿八日。跋舞盤。 據字形及同人器奪作王母媳氏盃,定般上一字是顧字。○跋滕侯臭戟。

侯吳之舊哉」,舊當讀造,俄乃戟之或體形聲字。

七月。

月 跋叔具鼎。員余定爲具字。跋摩伯馭殷。 羅振玉於殷虛書契考釋引此器寮字,而集古

遼文於此器乃不知釋尞,其他「顧正系」三字亦然。

学。

○閱徐同柏從古堂款識學。立說雖多,殊少精彩。

二日。跋走馬爵。公余釋爲走,金文彳止通作。○跋亞明鼎。 祭字从二号,依王靜安說釋爲秘

五日。閱朱善旂敬吾心室款識。此乃朱氏拓片輯本,並未成書,故他人題記云朱建卿誤入某類

朱爲阿之子,爲阿爲阮伯元著書,己無精詣,善旂更出乃父之下矣。 增益以欺葉志詵。 云云者亦雜廁其中。 此偽片見於此書下冊,略無辨說。當時眞贋雜收,漫無別擇,可以知矣。 印行者於此等亦不知刪劉,甚矣其疏陋也!遂路祺鼎銘文本止二行,賈人妄爲 善旂爲

六日。跋小臣系卣。 孫字,據說文系字籍文作爲,知是系字。「王易小臣系易」,上易,動字;下

易,名字。謂所錫之物。

七日。撰叔叚父殷。「叔叚父作蛮殷」,讀遺爲鐸,餘殷恆見。

九日。和席魯思(啓駉)見懷三首原韻云:「兵鋒一別八更年, **聖筆銅鈴蟻磨旋。** 絕愛天南欲與

向,晚來各抱一經傳(尊公毫而好學,來詩有賣餅公羊語, 賴向人間計有無。 差喜饋貧糧好在,楹間留得五車書。」「冰霜肅殺無春件,人竟遠天可奈何(近日學 故以向、歌父子相擬)。 廣文不足從來事,

校行政有罰無賞)。肉食諸公成算在,不妨老子自婆娑。」

作父丁尊彝」,字或作事,詞。「甲」舊釋田,誤。 十日。跋寧殷。「寧遹作甲姒尊殷」、「遹」爲語辭,與詩「遹求厥寧」同。 〇跋白寰卣。 「白寰乍氒室寶尊彝」,「室」謂妻,當如 甚誤臧鼎 云:「甚誤臧事

鄭業數、劉心源說。釋宗室或廟者非也。 十一日。跋彥鼎。「△卯,尹商彥貝三朋」,「彥」,許瀚釋岌,誤。 〇于思泊來書云:「尊著關

於契

絶。 文者,如釋應赶光秘馳,甲文中之先置賓辭,釋田区國匠,方族考,釋玬諸篇, 餘如釋味、釋治、釋洗、釋牌均有可商。至金文泉伯茲殷以下諸跋,類例咸符。六通四關, 近世考金文者如容、商、郭、吳諸君,均當退避三舍,更無論餘子矣。」思泊稱獎如此, 義證咸備, 碻不可易。 意蓋欲余 尤爲精

十二日。閱余季豫四庫提要辨證數篇,精博之至,前人所未有也。

益勵於學耳。

+ 四日。 閱方濬益綴遺齋彝器考釋。 書不能如孫仲容、 王靜安, 較之襲定菴、 陳碩南則遠過

之矣

十七日。 十八日。 跋王中皇父盉。 報載聞一多見刺死,今日眞亂世也。 謂王爲春秋王人之王,糾方濬為王中爲王弟之說 書生論政,竟不能容,言論自由之謂何哉!

公元一九四六年

二四四

廿日。 徐紹周來書云:「讀大著和席魯思詩,用韻天成, 能事固無所不宜, 良佩良佩! 」良友阿

好,過獎如此。

「韶,導也。」中智即麋生智。〇跋叔多父殷。「師趙父孫孫叔多父」,孫字誤重,與陳伯元匜子字誤重 爲僞器,亦非也。〇跋師害殷。麋生智蓋師害之子,故云「麋生智父師害」;「召」當讀爲詔, 廿一日。 跋史歸彝。「莊」字,孫仲容謂从弓,殊誤。 此象氣之舒於耳。 兩在字用與于同。 釋詁云: 孫疑

淮南子證聞、小學金石論叢續編皆可付印,甚以爲喜。 廿四日。 洪兒婦王舜芝攜孫逢甲自昆明來。 甲孫身堅實可喜。 ○得商務館李伯嘉書,

云余著

因子子孫孫常有重文,致誤耳。

権地理者。 廿八日。 詞句謙虛,老輩流風足爲吾人師法者也。 參與王葵園先生誕辰公祭。 見先生與曹猛庵丈手札, 係編撰五洲地理志略時與丈商

八月。

二日。 何申甫持和余六十書感詩五首來,冰韻用斯冰字,極見匠心。

條,有與余說同者。 以淮南子證聞可付印,近日覆校之。 又頗有糾駁王、俞之說者,視彼初著集解時有進境矣。 因閱劉叔雅(文典)三餘礼記,內有補校淮南子若干

郭沫若兩周金文辭大系攷釋寄到,閱之竟日。 格伯段則析訓析券, 晉公雲引唐蘭說為

晉定公器,曾已先余言之。此本較洋裝本遠爲詳贍,確爲金文佳著。惜不肯闕疑,致多臆說,是其一

短耳。

七日。跋曾子仲宜鼎。「宣喪用雝其諸父諸兄」,讀喪為爾雅「尚,庶幾」之尚及書康誥「爽惟」之

爽,爲表希望之詞。 郭沫若說爲親喪,非也。

十二日。洪兒自重慶歸,體格加大,可喜。

人而已。」友生過譽,令人增愧。 十三日。前以近著金文跋寄趙斐雲(萬里),今日得復云:「大著精湛淵博,段茂堂、吳淸卿以還,

謂余校淮南之業突過曲園。 十四日。閱俞蔭甫淮南子平議一過, 今閱偷書,天隱之言殆非過譽矣。 覺其不逮高郵遠甚。 友人劉天隱(善澤)曾治淮南,

廿日。閱孫仲容名原。意取甲金文說古文字,彼時甲文乍出,字多未定,故所說不能盡善。其

廿八日。覆閱孫氏古籍拾遺。精湛無倫,信可佩也。廿四日。淮南子證聞校訖,恰費時一月。寄與商務館。

後金文立說者,則頗有勝義也。

九月。

三日。洪兒率眷別家往南京。

不通,如云「山東開庚午科」,意謂山東庚午科鄉試也。如云「重慈」,意謂重聞也。 翻閱山東榮成孫葆田文集。 孫反對鐵道,反對開礦,反對西學,全是頑固思想。 文理亦

公元一九四六年

尤爲精確。

六日。撰平江蘇厚庵先生墓誌。

十二日。董彦堂來書云:「六月間承寄金文考釋,讀之深佩卓見。雖叔卽鮑叔一篇,

公在課程忙迫中,猶能作專精研究,貢獻古文字學者極大,敬佩之至! L

卷中記祁舊藥令王軒編一書,取漢儒之言義理者合爲一編以傅合於宋儒義理之學,王辭不爲,所見 十三日。閱張文襄年譜。此公在淸末頑固風氣中,能注意教育實業,識見遠出當時輩流之上。

十四 日。 閱董彥堂寄示論殷氣候文字,駁胡厚宜也,甚有理致,董思考力似過於胡也 高於陳東墊矣。

十九日。閱于思泊吉金文選。取吳闓生吉金文錄合勘之,至十七日。跋,外子麗鼎。糾筠淸館「錫貝爲徼者」之說。

其通,能識其大;文字亦雅潔可誦,不愧爲通人。與友札尤足見其性情之厚,見事之敏。昔在北方 不入試場而中式,有場外舉人之稱。清道光時政治之壞,令人驚詫。 廿二日。 閱于思泊吉金文選。取吳闓生吉金文錄合勘之,所說互有得失。論文義處,吳似較勝。 閱沈垚落驅樓文集。 中記湯金剑告門生語,謂理學可以爲名而不可行,及穆彰阿之子 沈君精於地理之學, 讀史能觀

曾讀此書,今復閱之,猶覺有餘味也。

廿四日。 跋號仲溫。 此銘記制器之數, 因取圅皇父殷、 眉鼎、丕、冱艘、 諸記器數者合記之。

〇跋慶叔匜。 據左傳齊慶氏屢見,當是齊器。郭鼎堂洋裝本大系列於齊是也。後大系致釋改列爲紀

廿五日。 再跋臺白取殷。「隹王伐淶魚、彵伐淖黑」,余讀「彵」爲逐。 〇跋刀琢銘。 「巡則生,逆

則死」,「巡」假爲順,巡、順同从川聲。 糾于思泊讀「巡」爲循之說。

爲簠,匡從生聲,生與瑚、祜爲模、唐對轉也。 三十日。再跋叔家父簠。「叔家父作中姬匡」,器為簠而銘曰匡者,簠經傳作瑚,伯其父簠假酤 廿六日。跋兇策。讀「奠還歡」爲「鄭咸林」。此銘及同般與馮禮相合,可證周禮雖晚出,非偽書。

-

一日。再跋豆閉般。據宋縣初說謂織衣指袞、驚、毳諸衣言。

片;一楹帖,語爲「小學分五百四十(二字合文)目,上壽縣萬八千年」,亦甲文體。 彦堂亦索余書爲 八日。跋曾子邁簠。疑是曾參子輿之器。〇董彦堂來書,寄爲余所書字來。 一立幅,錄甲文一

紀念。

九日。跋頌鼎。明玄衣、玄袞衣、織玄衣三名爲一物。

貝二字當相係,與其作父癸尊、以角之「祉貝」例同。 於鼎云:「天君商氏征人斤貝」,可證征貝之義。 十日。跋小臣懿殷。「白懋父承王令,易自遷征自五齵貝」,「自逵」當讀師衛,謂師旅之將帥。征

而殷、卯殷之「兴白、兴季」 證必爲傳命之人,非受命之人。

「征自五齵貝」,謂由五齵地方征行之貝。〇跋歡毀。「遷」讀爲簋,

內謂內國。〇再跋井侯彝,

十七日。跋毛班殷。 毛班見穆天子傳,知是穆王時人。郭鼎堂列此器於成王時, 誤也。○欧

鄭殷。據紀年之「昭宮」證銘文之「邵宮」。

爲句,「庸有聞」當讀「用以聞」。○三跋叔喪鐘。「女應鬲公家」,「鬲」讀爲歷。 釋詁:「歷, 皆保相也。「唯乃知余非庸有聞」,近人多讀下五字「余非庸又昏」爲一句。今謂當以「唯乃知余非」 相也。」

廿四日。三跋毛公鼎。「先正襄辪厥辟」,「辪」當讀為艾。爾雅釋詁:「艾,相也。」風雲保辪者,

○跋獻舜。「獻白于遵王」,「于遵」謂往觀,觀,見也。

十一月。

八日。撰叔夷鐘、曾侯簠二跋、後配。二跋撰於抗戰中。 復員後見郭沫若、吳闓生二家之說,與

余說不同,因記之也。

「枝五衢」(次七經)、皆其證。源出於即之左右視。陳詩庭釋雜詩「直曰車前、瞿曰芣貰」之瞿爲句曲; 達道爲衢(爾雅),四齒把爲懼(釋名釋道路),爪持爲懼(說文)。山海經中山經之「技四衢」(次十一), 十日。撰說瞿篇。論即、瞿摩字皆表分張之義。兩刃臿爲棄(說文),三鋒矛爲瞿(顧命鄭注),四

沈兼士從之。余著此文,所以糾陳、沈也。

猶 凛凛有生氣也 十八日。柳午亭(大諡)來。長沙陷賊後,倭寇逼午亭出任事,午以死拒之。今日述其事見告,

十九日。始撰說文讀若探源,說明許君之所自出也

廿一日。 南豐張欽坡(爲綱)赴廣州中山大學,道過長沙,來訪。張君,曾星笠弟子也。

昔年余爲作序,曾閱數冊。 研究院有書 廿二日。 致 曹孟其贈所著孟父春秋。 陳媛庵(垣)詢問並世學人有著述見推重者爲何人, 彼書篇幅太大,不易警策;此種似勝之也。○余讓之(遜)來書言:中央 閱之,行文天矯不羣,立言亦眞率可喜。孟其著凌虛 請其列表送院。 援庵擬以余名列 島小說,

態度也。 表中。 援庵 固秉學術之公。 據余經驗言之,以院中主持人處分一切, 尚多客氣用 事,未能盡用科學

來。 觀,彼此傳觀,久而未返。 閱之,頗覺細密。 廿四日。 田个石來, 中 引余釋名新略例語, 又謙言彼於金文用功頗淺,故贊歎之外,不能贊一辭云。 以所著思廬詩稿四冊請序。 來書說遲復之故云:余驟叔文寄到後, 个石, 星六翁猶子。 ○沈彙士寄所著聲訓論 果如其 聞之 者爭 以余 先 快

文曾驚動一般書癡矣。 **央深處却**平夷」,眞有味之言也。 〇 関吳其昌金文 麻朔疏證。 吳君矜燥殊甚,讀之令人不歡。陸放翁云:「工

有所見。寄來讀若訂 二月。 削 以陸志韋有考說交讀若文字,余舉許君讀若皆有所本之說告之。 删。 略一翻閱,用力甚動。 惟謂讀若有作讀爲者,疑段氏爲強生分別。 今日得復 稱余說確 此說

殊 未當耳。

八日。 六 日。 題 訪 輔 潘硌基,見壁間懸魏建功所書甲文楹帖,以與爲與,承羅振玉之誤釋 仁學 一誌中 聯綿字淺說。 沈爺士但裼但馬倭韈說 **希**殺祭同源說,

公元一九四六年

皆甚

佳。

日

前

讀

也

方言「猫,好也」,悟詩窈窕即今語之媌條。 今閱淺說,即已言之。

十二日。 撰詩對揚王休解。以小臣彝、效卣、大保殷、虢叔鐘、追殷、省卣、守宫尊七器文字段五

證明「休」爲賞錫之義。糾鄭君箋詩以來訓休爲美之說。

謂美國大布士翻譯漢書帝紀及王莽傳,曾用余漢書補註補正作參考。 十五日。 周燕孫(祖謨)寄到論文二篇。 四聲別義釋例謂圈發始漢人,證據明確可信。○潘格基 閉實路基與美人合譯之。

記長沙方言六事。〇得朱佩弦書,云,余在湖大所印文字學講義,曾與一多共體之,皆

極費佩云。

十六日。

|剛弟子,所論不能盡確,亦有數事可取。 述季剛論爾雅釋話:「詔相導左右助勮也」,助勮二字誤倒 在讀余書。 十八日。 自配云:「楊先生妙達神恉,贊頌無窮。既錄存其說,妄有續貂」云。 教育部學術審議會寄到徐復著語言文字學論叢睛審查。 卷中有語源學論文一種, 據文中語,知是黃季 意

、說至有理。

其

二十日。 閱上海大公報。 余說瞿篇載入文史周刊第十期(十二月十八日)。

廿三日。 何申甫寄徐紹周爲余題問奇亭篆額來。 **篆法遒勁;依余意題識數語,亦簡當。**

(年表)但云生於明帝初年,並未確指何年。 , 筠如)七八日間逝去。 廿四日。 以教育部之請審查張震澤著許慎年譜。 楊著尚書覈詁,頗爲王靜安所稱賞。 譜云陶主生永平元年, **踏定許君生於永平七年**, 時同學數十人,王以楊爲首選。 亦殊誤解。 〇王疏庵 並 無明 告余 據。 近年 楊德昭 陶 方

放,酷嗜雀牌,學遂不進。 社會無學術環境,誘道之者皆惡事,致令優秀之士不能有大成就而死,個

人與社會當分負其實者也。

息腦疾後,學殖益荒落。 三十日。 沈兼士來書云:「讀文史周刊說撰篇,刊正拙文,獲益匪淺,感刻,感刻!弟自在淪陷區 老友不遺在遠, 惠然賜敎, 何幸如之!」無士虛懷若谷如此,真今世所希

一九四七(民國三十六年丁亥),年六十三歲。

有也。

月。

三日。記長沙方言四事。

四日。遇一友新自蜀來,云吳又陵(虞)尚健在,年七十矣。

十三日。寫長沙方言五事。

十四日。王了一(力)來書,希望余赴廖任敬。

中四日。 廿五日。 說文讀若之源可別爲四宗:一曰經籍異文,二曰本字假字,三曰重文,四曰前人成說。 序田个石思廬詩稿。

二月。

日。上海大公報文史周刊載余數揚王休解,余前寄交毛子水者。

七日。 積 說文讀 若探源撰訖。 自去歲十一月十九日始撰,凡費時八十日也。

九日。 八日。 繙閱近 閱新出鹽鐵論集釋。 出四庫全書學典。 略無精彩,似初學者所爲也。 蕪雜已甚,不明其體例所在。 龐然大冊,略無用處,真浪費也。

二,皆有銘,一云:「容二升」,有蓋;一云:「貞姬銅鍪蓋」,蓋字僅存其牛,據此,知說文鍪訓鍑屬,乃 十五 日。 **訪徐紹周,觀其近得古器。** 一漢鏡,有銘,較他鏡爲小, 云是西漢器也。 銅鍪碎片

據漢器爲說也。一土餅,形方,四分之,每分有「郢稱」二字。 紹周云是金飯之類,蓋楚時明器也。

拓片二紙以

歸

爲特。方言:「物無耦曰特」。下文云:「使厥友妻農」,文正相承貫 十六日。 跋農卣。「帰」字从母西聲,乃古妻字。 西字甲文作由,故知之。 「母俾農弋」,「弋」讀

十七日。檢書籍,得說文讀若探源稿十餘字,爲前遺志未記入者,因補入之。 實得百六十二字

也。 廿日。 ○周燕孫來書告:余曾子澳簠跋已載入經世日報讀書刊。 訪唐俊德,觀所藏宋馬麟畫初日芙蓉圖,筆意生動,真傑作也。

為漢 漢書記元始中復封曾孫伋爲侯, 金城郡浩亹。 廿二日。昨日張舜徽從蘭州寄漢三老掾趙寬碑銘來;三十一年甘肅樂都縣治公路出土者,樂都 字體近 熹平石經。 碑文作「纂」,不作「伋」。 碑云寬爲充國之孫, 以其所敍世系考云, 所用尸、从、 隘、 勤諸字皆與古義相合。 實充國之來 孫

〇跋弭仲簠。「弭仲鼻壽」,讀「卑」爲其,卑、其古音通也。 阮元釋舉壽,文不可通

十四日。 跋免毁。 「含女企周師關歡」,企乃世字。 伯嗣段:「分子孫寶用」。 世字作品, 此爲彼

之反文,釋足者非也。

廿六日。閱劉申叔遺書。太炎云,己卽跽字,先余言之。

廿七日。 閱申叔左盦外集文字學與社會學之關係。說賦、尊、會三字差可取,餘多膚淺不足朵。

說字必形、音、義三事密合,始爲精詣,申叔文未能及此也。

廿八日。羅雨亭書告,京中央日報文史周刊停刊。寄已登二文(王孫遺諸、郑公華鐘二跋)及未

及登一稿(全盂鼎)來。

三月。

日。 閱劉申叔外集。物名溯原一文,王靜安爾雅草木蟲魚釋例所說,申叔多已言之。

二日。 輔仁學誌十四卷一、二合期寄到。載余寶輪鐵跋,頗有誤字,主持者之疏忽如此。

之,則爲見賜於武王作臣也。「兄里女憂土」,「兄里」讀爲貺賚,此當爲武王時器。○閱劉申叔小學 發微,說多牽附,不及其物名溯原也。 四日。 跋記月中쮋「裹人入史」,「史」讀爲事。「易於斌王作臣」,此謂武王許之爲臣。 由愛人言

通道。「釼王居在离隊員山」,「釼」讀爲甓,治也,謂治王之行在。「在」與於同。 五日。 跋不記月中齋。 「王令中先」當斷句,「先」謂先行。 中傳「王日,用先。」可證。 「熱於寶彝」,「熱」當 「貫行」謂

簡爲契,刻也。

公元一九四七年

微弱回

七 日。 跋疐鼎。 「相於毕身」,「相」讀爲傷,以詩采蘋湘、廳異文爲證, 如此乃與上句攻戰無敵

相貫。

日。 訪劉承健,以南豐橘見餉。極小而甘,無核,爲清帝時貢品。 劉方從江西來,故有此。

義皆合。伊彝,「伊△征於辛吏」,征字亦同。○跋伊彝。「伊△資辛吏秦金」,「賈」謂見寶。○跋麥尊。 云:「王格廟,屬王邦賓祉。」三十年二月,余跋呂鼎,讀「呂祉於大寶」之祉爲侍。此三祉字讀爲侍,文 十六日。跋殘远鼎。征字三見,一云:「王格周廟,△△△嵩王邦賓征。」二云:「王格廟,祝祉。」三

日」謂是日。 卜辭云…「之日大采,雨(粹壹肆叁)。」

「王射大襲,禽」。「禽」當一字爲句,謂射而獲之。 甲文云,「逐六馬,禽(後上叁拾之拾)」,可證。 「之

配耳。 十七日。再跋远爵。「王令盂寧登伯」,據書洛酷「寧予以秬鬯二卣」,知「寧」當將物,但銘文不

改爲此文。 廿三日。 改撰元年師免殷跋。 九四二年十一月廿七日,明此器「巾」當讀爲旂。 今增益文證

廿六日。前以農貞、弭仲簠、免殷諸跋寄于思泊求教,今日得復云:「大著例顯證符,精確不磨。」 陶雲孫(元珍)言:「孟心史告彼云,清實錄與王葵園東華錄多有異同, 以實錄多經剛

而東華錄所據爲初修之本故也。」 廿九日。讀逸周書。諡法解云:「勤學好問曰文,潛訴不行曰明。」皆本之論語,謂周公作者,

誣也。

四月

四日。 二日。 跋競卣。 「伯辟父皇競格於官」,讀「皇」爲乎,以詩闕宮「遂荒大東」荒或作幠爲證。

政朋友小子」證明之。〇跋厲鼎。「王乎虢叔名厲」,吳闓生引其父汝綸之說,謂「乎」爲俚言,古書無 有,「乎」當作平。今舉甲文已用乎字,及還子明鬼「王乎禽推哆大戲」,「王乎禽費仲惡來」糾吳誤說。 再跋師望鼎。 前疑小子指官屬,並無明證。今以逸周書內良夫篇屢言「執政小子」、「執

「乎」,經傳作呼。儀禮特食禮「凡祝呼」,禮記檀弓下「平公呼而進之」皆是。

官即稱嫡官。 六日。 再跋師虎毀。「在先王旣令乃祖考事商官」「商」讀嫡,嫡官卽世官,周以嫡子繼世,故世

八日。跋師遽舜。「錫師遽琿圭一,琅章四」。讀「琿圭」爲縵圭,謂無文之圭;讀「琅章」爲璩璋。

十三日。撰孔子之精神,成「反世及」一節。

禁出車篇。允字下从女與从人同,仍允字。孫仲容釋矣,非也。○跋守宮尊。「周師光守宮事」,讀 十七日。再跋不撄殷。「馭方爾允」,讀「馭方」爲朔方,朔从屰聲,與馭爲雙聲。朔方鄰玁狁,見

「光」爲貺。「僊周師不硌」,讀爲贊周師備 鄙

大保殿「余土」、亳鼎「杞土」、「麇土」同 十八日。跋置卣。 文當以「墮啓進」爲句,「事旋走」爲句,「事皇辟君」爲句。 「畢土」當連讀,

公元一九四七年

與

十九日。譚生自西前以某妄人詆余見告,爲之憤憤。今日復書告之,謂人見詆於賢者則足憂,

見詆於不肖,則不足介意。

微

霖 回 憶 錄

六年,伐楚荆,涉漢,遇大兕。」楚辭天問云:「昭后成遊,南土爱底。厥利惟何? 廿一日。跋宗周鐘。據竹書紀年所載,昭王兩次南征,一在十六年,一在十九年。 逢彼白雉。」兕、雉二 紀年云一十

字古通,知楚辭所配爲十六年事也。 紀年云:「十九年,天大曀,雉冕皆震, 喪六師於漢。」左傳云:

君主之通稱。 「良子」即經傳之濮,其說至審。據左傳文公十九年及昭公九年與十九年文,知濮與楚近,「子」則蠻夷 「昭王之不復,君其問諸水濱。」、呂覽晉初言「王征荆蠻,抎於漢中。」知左、呂所記乃十九年事也 昭王十九年坛於漢中,則謂昭王在位五十一年之說不足信明矣。

按書稱「周公若曰」,見於君奭、立政,二篇皆周公攝政時書也。金文恆見「王若曰」,非王而 廿四日。跋師獸殷。「伯龢父若日」,郭沫若謂「伯龢父」即共伯和,其說甚確,惜證據薄弱。余 稱「若曰」

爲女無不有聞。○張舜徽寄所著積石叢稿來。 者,只此伯龢父,自非共伯和莫屬。可以斷定史記周召共和之說誤矣。○跋諫毀。 廿九日。再跋虢仲盨。謂有从又持肉,與导从寸貝、隻从又隹字例同, 糾正王靜安侑食本字 讀「女某否又唇

之脱

通作。 三十日。三跋藩夫克鼎。「衁靜於偢」,「盄」即寧字。 但于在皿上,又省心字,故人不識耳。「肆克鄭保氒辟鄭王諫群王家」,「鄭」訓敬,「保」訓信 據說文:「万古文以爲于」。 然則万、于可以

「醉」讀艾,相也。 文謂師華父有諸美德,故能見敬信於其君恭王,使其諫相王家也。

E.

二日。序朱詠沂一三五九檢字法。

跋圅皇父殷。以春秋之石五、六為比附此器之鼎十、殷八、 兩繼兩鐘。 ○周燕孫寄到

範學院當局之意,望朵往任数,今日作復辭之。

讀書周刊三紙,載余會子遵續、免設二跋及說文讀若探源序。

〇日前郭生晉稀來書,

致南嶽國立

師

「善效乃友

跋墨德。「卽女」,「卽」乃交付之義,與獸攸從鼎「王令皆史南以卽虢旅」之卽字同。

內辟」,「效」當讀爲数,「內辟」謂入事君。 **辭宕」,「迺」,若也,假設之辭;「蘇宕」謂寬縱。 「用辟我一人」,「辟」乃事君或輔弼之義。**

啝;「走」謂善走。○跋杜伯鬲。「嬶」,王靜安釋蠣,郭沫若釋祁。 十日。跋載殷。「易女戩玄衣、赤〇市、縊旂、楚走馬」, 楚謂產地, 余據左氏文公六年傳之「杜祁」申 猶左氏、公羊二傳言屈產之

郭說。

史記「轉之父」爲禽處,銘文作「皮難」者,吳王往往有二名,吳子遏又名諸樊,餘祭又名戴吳, 十一日。 跋者滅鐘。疑「者滅」即史記吳世家之「轉」、「轉」爲者、滅之合音,與吳子乘即壽夢同。 是也。

「帛」假爲白,「羞」訓赤,銀爲白金,銅爲赤金,不白不羞,言非銀非銅。「凋」讀爲凋,說文訓半傷 十二日。跋姑鵬句鑵。姑下一字郭沫若謂左从父,右从鳳之奇文;說甚是。余按,如郭說字,

當釋鵬,則形義尤密合也。

十三日。跋鄉王耀鼎。「用騾庶臘」、「騾」字从鬻省,从羔,从采。余謂即奠字。說文奠字有鬻

屬、屬、羹四形,銘文从騴省从羔,與說文前三文同。 从采者,古劍羹有菜,采謂菜也。

十五日。跋叔夜鼎。「用鹭用玂」,「魙」字蓋쀟之或體,从盟與从霧同;从兄者,祝省聲。 正考

父鼎銘云「館于是,獨于是」,是鼎盛鬻之證。

用弓、彤矢其央」,「彤弓」彤字因下省,與詩天保「禴祠烝嘗,于公先王」,「公」上省去「先」字例同。 十九日。跋楚王鑫志鼎。「侃師」、「侃」疑讀為鍊,鍊从柬聲,侃、柬音近。 〇跋號季子白盤。「錫 廿二日。跋鄦子妝簠。郭沫若謂與許子鹽自爲一人,是也。惟謂鹽自爲一字一名, 說尙可酌。

古人二名往往省稱,如魯隱公息姑止稱息,晉文公重耳止稱重,皆是。腦自省止稱妝耳。〇跋鄭莆 句父鼎。 郭沫若謂斎爲戎之異文,非是。 說文力部勇或作裔。 〇聞李劍農告人云:「楊卓新、鍾伯謙

不去,湖南大學决不能有進步。」

F

四日。臺灣師範學院招往任教,今日作復辭之。

可證。價子禮篇云:「祜,大福也。」○再跋郑公經鐘。「以宴大夫,以喜者士」,「者士」阮元讀諸士; 五. 日。 跋曾子△箫。 「則永祜福」讀「則」爲載,「祜」讀爲胡, 大也。 儀禮 士冠禮 云"「永受胡福」

讀都士,謂猶言都人士。今據本銘乃邾公華鐘,並以士與大夫爲對文,申阮氏說。

八日。中央研究院調查國內學術專家,寄表格來請填寫。

十三日。始草聲訓學。

十六日。里字从田从土,野字从里。周禮, 郊內分比、閻、族、黨、州、鄉;郊外分鄰、里、酇、鄙、

楚辭天問,寄示劉弘度。今日得復云:「每喜讀兄文,輒有新意,如啖哀棃。 縣、遂。里爲郊外地甚明。 俚字从里,當以鄙俚爲初義。 許君訓聊, 失之矣。 白雉即大兕,艮子爲濮, 〇前以宗周鐘跋涉及

皆郅精。」

近狀片問倉石武四郎,今日得復,頗多感慨;見告服部博士已作古人,而狩野先生八旬望九,神明不 廿九日。 撰釋似篇。 字从人,人之相似莫過於子似其父母,初義當如此。 〇前以探問狩野博士

衰。彼兼任東京大學教授云。

七月。

十一日。 日。 周秉鈞見示所著書義新拾,請審閱。 踣訓僵,爲仆地;匐爲伏地,事相類,故音亦相近。 頗有勝義,爲評騭還之。

取,以價太昂,故無士爲余索取 廿五日。 余讓之書告: 沈兼士爲余向輔仁大學索得廣韻聲系一部, 也。

業已付郵。

余本託 讓之購

廿八日。 報載教育部學術審議會議决部聘教授續聘,任期仍爲五年,名錄廿九人與前同。

八月。

公元一九四七年

會商 余益孤特寡儔矣。 切。 討進行調查事。 國 74 人於文字學多逃難, 日。 湖南文獻會擬修省志,欲調查全省方言。 輓之云: ○報載沈兼士中風逝世,爲之驚痛。 偏治音韻, 「治學恥逃難, 而兼士獨治義詁。 獨精義計; 今日偕譚戒甫、羅季光及國文系畢 著書方在道 兼士 治義者海內止余與無士二人。 與余契好至深,勝利后希望余北遊最 遽哭先生」。 廣韻聲系兼士主 十業生數 今兼士 人 到

七日。廣韻聲系寄到。

編

也。

11 ----日。 閱 李旦丘金文研究。 據楷書說字不合,然亦有 一、二佳 處。

廿四日。草聲訓學月部。得介聲字條理。

廿八日。 11 六日。 五日。 文始「閒」得義於月,心不然之,然無以易其說。 入城到老屋,厚之姪婦景燕霓談旅行臺灣時間見,令人喪氣 王了一書邀往中山大學任教,並致王橅五 (星拱)意,謂因病未能親致書。 今日悟爲介之對轉,音義皆密合矣。

九月。

肢爲末,蔑、末古音同 八日。 撰釋稻篇。 ,兩足爲末,故足衣 謂「稻」受義於卤, 公謂之韈。 稻、齿古音同, 以禾穂下來爲證。 〇撰釋韈篇。 古人謂四

九日。 余讓之書告沈兼士身後事頗詳。 兼士遽沒。 又寄季豫撰高閬仙墓碑文來,文甚佳。 著作有段硯齋雜文, **爺出卒前已排好**, 請于思泊作序,

十一日。爲學術審議會審查劉詠溱著說文廢字輯略,擬三等獎。

順。 而交始不立東爲綱者,有意避免義从聲類得也。學問之事不可不正心誠意如此。〇〇擎乳爲〇, 十五日。 草聲訓學。 柬聲及簡聲字皆含去惡存善之義, 如齎、媡、煉、鍊、練、漱、諫, 皆怡然理

知形事意字不必字字可爲綱,文始似未悟及此。

十八日。京華印書局寄到淮南子證開第一卷排樣。

廿五日。始撰文字孳乳之途徑。

-

釋送、釋祉、釋高、釋追逐、釋興五篇。 目。 王橅五、王了一併來書促南行。 ○湖南大學學術叢刊雜誌出版,載余積微居甲文說,

可也。 曾有交誼故也。○從葉子振(德均)借得中法大學出版之漢學雜誌一冊來。 五日。魯實先著殷曆譜糾蹻,糾駁董彥堂,囑余作序。余以不明曆學辭。實先云,任余意言之 余不得已,爲書若干言,不作左右祖。 以余本不解此事,而董、魯二君皆有功力,余與兩 閱之,有批抨同鄉某妄 君又

人著述一文,指摘疵瑕,體無完膚。後聞之人,知係孫子書所撰云。

謂女子,卩謂勑,女子時有仰臥高舉其厀之事,故字从之。 反人, 卩謂足, 與企字从人从止構造同。 卬、企義本同也。 八日。辜字从亯羊訓孰,「亯」即今之烹字。然則「辜」蓋今之燉字也。 或謂仰說文訓舉,卬即仰之初字,卬从匕, 「卬」字从匕,从卩,匕爲

積

微

十七日。 馬宗霍言:皋訓氣之進,字當从山,不从白。其說殊有理。 宗霍在郭晉稀處見余說文

讀若探原,極表傾服,謂余讀書能得間。又見告太炎先生曾向渠推譽余云。

十八日。 報載中央研究院評議會推舉院士候選人百五十人,余及余季豫皆與焉。 湘籍 共十人,

人文組八人,生物數理組各一人。因此次由各方提名者共五百一十人,經評議員討論

百五十人。四個月後再開評議會正式選舉院士八十至百人云。

二十日。 學原第三冊寄到。 載余金文說十二首(第二中鼎、疐鼎、元年師免設、

殘盂鼎、

伊彝

後,

最後决定

麥質、兔白感毁、叔家父簠、楚公鐘、效卣、毛白班毁、井侯彝)。

廿三日。 彭葛懷寄淮南子證聞序來。

短期指導,不能 廿六日。 胡春藻來,見示王撫五與渠書,欲借聘余往中山大學任教一年。 年。 余告春藻, 止能 二往

十一月。

日。 日。省文獻會擬修省志,聘余任藝文志。○今日撰蘇厚庵先生春秋繁露義證提要。 撰鄒叔績紅崖碑釋文提要,謂碑不可信。

三日至十七日。 臥 病

有世誼,畢業湖大後,曾任職學校,爲楊所留用云。 廿日。 閱上海人物雜志,有批評湖大同事楊卓新文字,極言楊之嬾惰與把持。 作者蘇姓,

與楊

廿四日。張舜徽自蘭州歸,來訪。 贈哈密瓜脯一枚,甚甘。 〇徐行可告舜徽, 言黃季剛日記於

抗戰中失去云。

報載沈兼士葬香山。 講習故人,長眠地下,不可得見矣。

二月。 王維商(玉哲)來談,稱余跋中鼎於「先」字斷句之美。

三日。近日閱段茂堂年譜。

上。 想無所束縛,一也;新材料特豐,二也;受科學影響,方法較爲縝密,三也。使茂堂生於今日,吾知 學問之事,不止證明一節可了也。近來學者所爲則以甲、金、經訂許,又以許訂許, 蓋段氏之所爲不過法庭之上證人,而近來學者則法官也。近所以能爲此者,乃受時代之賜"思 段氏謂其注說文爲「以經證許,以許證經,又以許證許」,固矣;然 故所得在段氏之

其成績必不在近人之下矣。

校勘亦必不到家也。

四 月。 陸志韋寄所著古音說略來。 段茂堂云:「不通古韻,其小學必不到家。」余謂不通古韻,其

當讀爲豐,则从二止,謂足也。 公報有中央研究院公告,因假觀之。 七日。撰詩東方之日履我卽兮履我發兮解。 此詩爲男女情詩, 匡、鄭皆未得其解。○聞人言:十一月十五日政府 各院士候選人名下皆舉其所治之學科或事業著述,詳略不等。 「履」當訓踐;「卽」讀爲卩,卩乃厀之初文;「發」

余名下注云;「繼承清代樸學風氣,整理古書,研究古文法與古文字學。」

公元一九四七年

十一日。 撰說文讀若字考提要。 卷中錯誤頗多,不欲盡言之也。

十三日。 石門北嶽書院寄閻鎮珩北嶽文集來。

鮮食」、「暨稷播奏戴食鮮食」二語對勘, 十五日。 関鄒叔績讀書偶識。 書「鮮食戴食」、「戴食」馬融本作「根食」、 知播屬戴食言, 言播則戴食爲百穀明矣。 訓百穀。 以此伸馬,殊爲得 鄒以「暨益

閒。 他說亦多可取者。

十六日。 撰鄒氏讀書偶識提要。

十七日。 撰鄒氏數藝齋文存提 要

廿一日。 田个石來書云"星六翁讀余小學金石論叢,服其精博, 撰王葵園三家詩義疏提要。

告云。 老友之阿好如此。

廿一日。

漫談 也。 又

足爲鄉里生光。

星翁囑个石見

廿三日。 得余季豫書云…明年院士之選兄必入殼,蓋從各方衡量,略得端倪,非無據

當從之。 云:陳援庵比此次名單爲公車徵士錄,雖不中選,亦何幸而得爲閻潛邱、全紹衣邪?此可謂善於解嘲 余前自序淮南子證開,及邵次公事,援庵意不謂然,屬季豫轉致改正。爲亡友隱惡, 聞人述傅孟真批評顧頡剛語云 "「上等天資,中等方法,下等材料。」 頡剛 昔年爲妙峯山孟姜 其意良厚,

廿五日。 撰釋名疏證提要。 此著者少作,不免疵累時見。

|女筆墨不少,孟眞所謂下等材料,蓋指此

也

廿八日。撰王葵園釋名疏證補提要。

視」,用後漢書梁冀傳「洞精矘眄」爲證。此皆畢、王二家所未及。 11 九日。 又釋車「馬鞅下飾曰樊纓」, 連日讀釋名,得證三事:卷七釋兵「刀本曰環」,用漢書李陵傳「任立政數數自循其刀 用左傳成公二年「繁纓」及說文「綵」字爲證。 余昔年撰釋名礼記亦遺漏未舉者。 卷八釋疾病「通

一九四八(民國三十七年戊子),年六十四歲。

也。 著者早年不喜金文,晚年知金文之美,而已不及專治矣。 日。 閱說文籍文考證。取王靜安史籍篇疏證對勘,功力深淺,較然明白。 甚矣學力之不可訴

三日。 前以天作、東方之日二詩解寄于思泊求教,今日得復云:「大著思銳識卓,精確不磨。」

四日。撰說文籍文考證提要。

十四日。撰王船山先生春秋碑疏提要。五日。閱翟瀾爾雅補郭,多強說,無謂。

廿七日。撰郭慶藩說文經字考辨證提要。 十八日。撰李楨說文逸字辨證提要。

三十日。撰孫文昱小學初告提要。

二六大

月

七日。 撰郭慶藩說文經字正誼提要。

王靜安謂牽率書之致誤。余謂秦焚書不及易,則孟氏所習古文,藝文志、詩經、春秋經皆兼舉古今文 九日。 爲馬宗霍序其所著說文引經考。 許君自序稱易孟氏爲古文,學者以爲疑。 段注既強說

`而易則否,知易本止有古文一本也。

十五日。 撰六書古微提要。 著者擅場版本目錄之學,小學非其所長,故此書頗少勝義。

之不答。 口亂道,令人驚駭。余文破二千年來之誤說,證據堅卓難移。 二十日。 劉實君(虛)寄二月十四日上海申報文史副刊來, 唐不能向證據直破,支蔓其詞,故余置 內有唐蘭駁余對揚王休解文字。

廿三日。

廿二日。 撰胡子瑞先生春秋名字解詁駁提要。

廿五日。 廣州中山大學文史集刊第 撰王船山先生春秋左氏傳博議提要。 一冊寄到,載余叔夷鐘、曾侯簠二跋。 此書議論頗失之谿刻。

廿六日。 廿九日。 增補舊撰後漢書集解跋爲提要。 撰王湘綺先生論語訓提要。

日。

得馬宗霍南嶽書,謝余作序。云:「易無今文,可爲定論。 漢書古今人人誦習, 而兄獨多

得閒,得眞未易讀也」。

日。 閱劉申叔校展子。余昔說「艾孔」即裔欵,劉已言之;「章回」即裔欵,劉亦未言也。

六日。 撰蘇厚庵先生晏子春秋校本提要。 先生著此書時年纔十八、九,著書太早,故不能

佳也。

八日。撰船山先生春秋世論提要。

十一日。撰釋衢篇,用前說瞿篇改爲之。

韻。烝,讀爲「蒸棃不熟」之蒸。辜,說文一訓踐,蒸之鬻之,香氣四溢,故曰苾苾芬芬也。鄭箋訓享 高字隸變作享,「辜」字隸變亦作享。 詩信南山六章云:「是烝是享,茲茲芬芬。」 享本是事,與芬字爲 十三日。撰釋摹篇。 字从亯羊,亯今烹字,「專」即今炖燉字。 段以字訓熟, 謂是純熟字, 非也。

爲獻,與說文喜訓獻者同,是鄭己不知其當爲辜字矣。

爲畜,訓好。慉與下句響爲對文,猶呂覽適威篇以畜爲讎爲對文也。 十五日。撰書股塱磯說發行解。「殄」當讀爲修,貪也;訓絕者非。 〇撰詩不我能慉解。

紹」當讀爲轉,說文:「韓,緩也;或作綽。」 十七日。撰詩舒夭紹兮解。王念孫謂「夭紹」爲舒之姿,是也。又云「紹」訓緩,未有確證。 紹、綽古音同,莊子:「綽約若處子」,綽約即夭紹之倒文。 余按

謂一義中本字、假字並列,如嘏、假同訓大、試、式同訓用是;有以本字訓假字,如錫

訓賜,敖訓傲是;有以假字訓本字,于訓於是。

公元一九四八年

○撰爾雅略例。

二六八

廿一日。再跋號季子白盤。「經縷四方」,从隻與隻同。古文字由隻孳乳爲蒦、蒦,再孳乳爲獲。 十九日。跋馭蒙卣。 釋訂字从○爲象玉形,以噩侯馭方鼎「五穀」「穀」字从○作殼爲證。

說文隻訓規蒦,商也。 銘文縷字从隻,蓋在隻、隻孳乳爲隻以前,而其義則當以後起形之蒦字說之。

經機,蓋猶經度矣。〇四跋毛公鼎。「出入吏於外,專命尊政」,「吏」與使同,「專命」,卽詩孫民之「明

廿二日。跋右戲中盟父鬲。 羅釋「右戲中△父乍豐鬲」;豐字誤,當釋豊,讀爲禮。有釋豊而讀

爲假字。○撰釋廝篇。字从从斬聲,乃旂之或體。說文草部蘄从嘶聲,知本有斷字。吳蹇騫、羅叔言 命使賦」,「出納王命,王之喉舌」。「專政」,即詩「賦政於外」。專、賦古音同,專訓布爲本字。詩之賦

脫爲「从單」皆誤。

爲體者,亦誤。鬲爲炊器,不盛酒體。戲,說文訓三軍之偏,用義不見於經傳。金文師虎殷「ナ右戲」

此器之「右戲」乃見之。

復云:「易無今文說至當不易。」 尪」;謂以尪跛之人為巫,駁檀弓巫、尪分為二事之說。○前以說文引經考序寄<u>余季</u>豫求教,今日得 廿四日。撰左傳巫尪解。 用荀子王制之「傴巫跛擊(讀覡)」及正論之「傴巫跛匡」(讀框) 蹬「水

」當釋神,讀爲申。二母謂妣乙、妣癸。 廿六日。跋我作父己方鼎。 「郊貝五朋」,釋「郊」爲朿,讀爲賜。「眾」字象陳血於示前,乃祭字。 ○淮南子證聞末三卷末次校訖。

廿七日。跋師衰殷。「断毕邦畧」,讀習爲首

人,今止選八十一人,蓋採嚴格主義也。 廿八日。報載中央研究院評議會選出院士八十一人, **余及余季豫皆與焉。** 法定可選八十至百

四月。

二日。 撰釋於贅篇。 說这門从未聲,今觀金文从輕之字皆从來,則作未者非初形也。 贅从具,

當爲詩「釐爾主費」釐之本字。

五日。以應中山大學講演之約,別家入城

八日。

實據此書定之。〇曹禺劇本蛻變,描寫大致尙佳,似仍有不甚湊拍處。

日來閱張之洞勸學篇一過,當舉世昏暗之際,自是苦口婆心。

後六張百熙定學堂章程,

九日。抵廣州。寓文明路中山大學。吳辛旨來相見,別幾二十年矣。

視余爲衰。 十一日。 遇朱少濱,思辨社社友也。 問知社友洪澤丞已物故,邵伯絅(章)已衰老。 又言余季豫

十八日。 十五日。 跋麥盉。讀「光」爲貺,「駢」爲過。○朱少濱來,贈所著商君書解詁定本。 閱海外吉金圖錄。○跋饕飻蟬紋俎。俎作口形,知說文以古文且爲几之故。

十九日。 廿日。 開徐中舒屬氏編鐘圖釋。 訪朱謙之,見贈所著論文五冊。 訪詹無盦(安泰),見示近時,宗法江西,多佳 「中雄戲協」謂與詩「終溫且惠」句例同;雄協即禮記樂記之于

揚。 說皆確。 〇出席中山大學同學歡迎會。王了一說話及中央研究所選舉事,以落選爲歉。余未

公元一九四八年

館即席致嗣慰之。 歸後悔之,已無及矣。余性遲鈍,往往如此,殊有恨也。

則不爲人所知,而卒獲附驥,蓋幸也。然全國私立大學與此選者惟弟一人,其難如此(陳援庵亦私立 廿一日。 余季豫來書云:「此次院士選舉,兄以聲譽卓著,爲衆望所歸,故以二十票順利通過。弟

大學,然本是評議員)。」又告院士會議當在八月,季極望余赴會,當與余聯袂返湘云。

廿二日。跋鬣季鼎。「鹭季作嬴氏行鼎」,嬴字从皇,乃聲符,足證會星笠喻母四等讀定母之說。

〇跋嫐殷。釋聲字下从食,上从說文「東楚名缶」之由,爲龍霝德殷「觀」字之省形,觀乃說文觀之

或體。 ○京華印書局書告:淮南子證聞正製紙型,當交上海付印。

廿三日。 報載教育部學術審議會决定余古文字研究得二等獎。

廿四日。 食木瓜,甚甘。北方、長沙所無也。○閱善齊吉金錄,釋文多陋認可笑。

廿七日。 觀中山大學藏古器,有鼎、殷、觚、洗鈁、弩機、戈、瞿諸種。 間有有銘文者。

文字構造之通借。

廿八日。

到嶺南大學。

容希白出示近購晉樂書缶,

以銘文拓片一枚見貽。

○爲國文系諸生講

五月。

三日。 周燕孫來書賀當選院士,並寄示說甲文文字一首。

五日。 閱十二家古金圖錄。○撰三年杖首跋。 撰金文編改訂本讀後記

謂杖首鳥形乃鳩,非孔雀。○跋号韋祖己爵。釋

受爲幸,糾羅叔言釋衞之說。

高 山仰止、景行行止」之止本皆之字也。○閱頌齋吉金圖錄。 跋鄲季子鼎。 原釋孝子,余定爲季子。「庚寅之日」「之」字作止, ○跋舺后父丁爵。 與止字形 據甲文匠爲 近。 因 三三字 悟 詩

無疑,而著者缺釋。

告命,師大畢業後任課附屬中學,仍到師大聽錢玄同文字學, 七日。今日余有古文字課。 吳辛旨缺他校授課來旁聽。 如此者四五年, 下堂後,謂余,願到湖南再從受業。 故於文字學尤處興 趣 並

十一日。 跋美林母般。 讀「鑄毀」爲轉毀,據淮南說林註訓轉爲小鼎,知此文義當爲小段。

○始食鮮荔枝,至美。

十二日。跋請兒輝。謂齊襄公名諸兒,不知即其器否。

十五日。 羅孟韋(倬漢)來。 以所著史記十二諸侯年表考證見贈。 羅云:「今日善說金文者惟先

生與郭沫若耳。」

云 十六日。 繼至光孝寺。 遊六榕寺。 地較六榕爲敞豁,傳虞翻遊學曾植訶子樹於此。 傳東坡謫粤時種榕六株於此, 今已無存, 有方鐵塔二,五代南漢所 後人補種之;故寺後有補榕亭 建, 毎

層各 祖 慧能 鑄佛 極髮處。 像若干。 繼至粤秀山 西塔牛毁,僅餘四級; 東塔尚完; 以地爲人佔用, 隔絕未得見也。 ,在孫中山 紀念塔下望廣州市,全城皆在 目也 別有瓦塔,

十八日。 跋△伯邦父壺。 「萬人」讀爲萬年。○跋東周左師壺。謂東周乃史記周本紀「東周惠公」

穫

之東周。 「廿九年」, 當爲顯王或赧王。 字體與秦隸相近,知程邈承風氣爲之, 非其剏制。 〇跋盩司

徒幽卣。

京都,閉第一高等豫科同學有參加是役殉難者,心竊敬之。 十九日。 遊黃花崗,謁七十二烈士墓。 建築頗壯麗, 有碑記事。 今來參謁,馆感萬端;蓋當今一人秉政, 此辛亥年三月事,余時留學倭

權利惟恐或後,死者有知,能無痛哭!

廿日。京華印書局第一次寄論語疏證校樣來。

廿三日。撰續考古圖跋。 ○跋白旅魚父簠。說「用朋友飤」爲「用飤朋友」之倒文。○跋夆叔匜。

廿四日。 跋陳侯因鑿。謂「因」是「因豫」之省。

出土時匜在盤中,與禮經「旣夕禮」匜實於樂中證合。

廿六日。 在羅元一(香林)家見陳弢庵先生滄趣樓詩集。

詩明白易曉,

而韻味絕高,

詩品蓋出

散原先生之上矣。

廿七日。 容希白贈所著頌齋吉金錄及續錄各一冊。

已先余言之。 三十日。 溫君年已七十餘,會著金文正郭,糾郭沫若也。 別廣州北歸。 車中閱溫廷敬所撰經史金文補證,羅元一所貽也。說毛班見穆天子傳, 元一日前告余,溫不甚推郭而深服余,

性未得相見也。

三十一日。 抵家。

六月。

一日。學原第九期寄到。載余金文說十一首(競卣、師望鼎、癘鼎、 師虎殷、 師遽彝、

守宮尊、置卣、宗周鐘、天尹鐘、楚公獎鐘,外又誤複載三期已載五首)。

以「廳羌乍戎氒辟韓宗融」爲一句,讀「乍」爲佐。

「融」爲說文徹或字緻之省。

七日。跋鷹羌鐘。

「選」爲衛。「先」一字句,謂爲先驅。「武侄寺力」,「寺」假爲之。「靐」爲慴,「敓」爲奪。「楚京」即楚 如此讀之,全銘文從字順矣。

撰王湘綺公羊傳箋提要。

十日。 閱學原第十期載朱東潤公羊說故, 頗好;惟於論語「夷狄之有君」一章, 未明其義, 誤

解耳。

十二日。答吳辛旨見贈云:「廿年一別今相見,養髮如霜日欲曛。

張軍。

十三日。 撰王先愼韓非子集解提要。

傷心舊地驚多壘,幾輩交親臥白雲。

劫後幸餘吾輩在,可無努力爲斯文?」

錦篋有詩堪邁古,吾門得汝足

十四日。 造字時通借證撰訖。

十五日。 撰王葵園荀子集解提要。

十八日。 撰皮鹿門先生經訓書院自課文提要

十九日。 聞丁實存病逝。 實存治學努力,中道殂逝,殊爲可惜。

公元一九四八年

廿八日。 羅 孟. 草來 云:「小學金石,同仰泰斗。得蒙教益,欣幸何似!」新知見厚如此,令人感奮。

三日。 跋大豐般。 據逸周書度邑解及史記周本紀「依天室」,證此器爲武王時器。

四日。跋應公鼎。說「奄」為應公之名。

五日。 撰皮先生師伏堂筆記提要。 ○跋躞尊。「洛於官」,讀「洛」爲格,至也。 本字據甲文字形

八日。 跋淮伯鼎。 「其用股鹽大牢」、「殷」,蓋假爲說文之藝; 殿下一字从羔从盟,與从醫同,中

當爲各。「聽獎貝」,爾字从喪省聲,假爲賞;隱、爨同一人。

不知所从,蓋鬻之或作。 十一日。閱申報文史副刊第八期(一月廿一日),有某君論于以的兩封信一文。兩信爲余與錢玄 「於之匓狀肉」,「匓」、「財」皆訓飽,倒之則爲厭匓,見說文匓字下。

同書及玄同與某君書。 錢書余當時未得見, 極贊余說, 並舉金文姒、始一字爲余作證。 忽忽廿六、

十三日。 撰鄭業學獨笑齋金石文考提要。 湖南前輩罕治金文,鄭君爲特出;其書亦甚佳。

七年,玄同已作古人,令人不勝今昔之感。

十八日。 訪曹猛 庵丈。 出示所撰漢三老掾趙寬碑跋;碑亦張舜徽寄贈者。 〇撰徐叔鴻先生寶

鴨齋題跋提要。

云歸國已年餘, 日。 王有三(重民)來書,見告在歐美及北京大學見善本書共三千種,已作跋三千首。 雖無隻字相侯,未嘗一日忘師門云。○茶陵周生寄所著新定說文古籍考來。

核其内容, 書名殊不妥。 此生雖好學,然性識粗獷,非大變化, 難望有成也。

廿三日。 撰劉金耀尚書大傳禮微提要。

八月。

三日。

印行世;「指押」漢人謂之下手書,唐人謂之畫一指券,見周禮司市注疏

王有三昨寄來所撰巴黎敦煌殘卷敍錄第一、二輯。

閱之,告以二事:馬總通

歷

長沙曾排

四日。 六日。 跋剌鼎。 「王禘,用牡於大室」,禘昭王。「刺卸」,「卸」同御,侍也。 「公束鑄武王成王異(禩)鼎」,釋「東」爲來。

九日。 跋尹光鼎。 跋作冊大鼎。 「王饗酒, 尹光選。 **隹各,商貝」,讀各爲窓。** 〇跋郡彝。

「王七商即貝」,釋

十三日。報載朱佩弦病逝,殊可痛惜。 清華故友,聞 多外,又弱一個矣!

「世」爲光,讀爲貺。

廿日。 政府令廢止法幣,改用金圓 **纷,三百萬** 抵

惡,嶺南又不許兼課,余極處困難,因兩辭之。 三十日。 王了一改任 嶺南大學文學院長, 邀余往任教,而孔肖雲又力邀往中山

大學。

兩君交

九月。

六日。

敎 一年;如事果確,不能不踐約矣。 仍非告王了一。 了一前在中大,知余有此 諾言也。

孔肖雲來書,告中大請敬部令湖大給余休假,交涉已经。

余前本約休假事妥則

可到粤任

公元一九四八年

位 錄

妥,當赴中大,辭之。 鄒曼支(謙)來書, 謂臺灣大學希望余往任教。 可專任師範學院兼任臺大。 **佘以休假事**

九日。 毁去昔年旅居北方時所撰湘人詩集提要稿。 以評詩非余之所長,不必存 也。

京就職,故皆偕行。 晚登達與輪直航京滬

十四日。

以赴中央研究院院士會議別綠麓山。

婦張毅君須赴上海省親,

女婿袁久堅攜嫻女赴

十八日。 抵南京,洪兒登輪相見,知媳舜芝、逢甲孫皆安好。

登岸便訪內弟張覺人, 小憩,

旋赴

洪寓,宿焉。

中山 陵及譚組菴墓;到玄武湖,乘小艇繞湖一周。 十九日。晤沈羨梅(兆奎)。告余傅沅叔近狀, 傅世兄頗私賣其父藏書云。 〇遊靈谷寺、

二十日。 到鷄鳴 寺中央研究院晤傅孟真、勞貞 一、董同龢諸君。 孟真告余:余季豫、 陳媛庵 明日

可 飛抵京。 問李劍農何在。 彼極望其獲選院士而未得,頗以爲恨云。

來,言院中已爲余豫備單人室,開會時可発往來之苦云 廿二日。 廿一日。 余季豫讓之父子來。 李直卿(承幹)、唐漢三(吉傑)來。第一高等同學, 季豫須髮皆白, 精神 如故, 惟語言時有 多年不相見矣。 吐字不清之病耳。 ○勞貞一、董同龢

(樂成人,治保文)、周法高(東臺人,治句韻)諸君。 ○董同龢 以車來迎往院暫寓。 同龢邀往其寓晚饭。同坐勞貞一、夏爾(溫州人,治考古)、馬學良

= 日 李雁 晴 (笠)來。 相 知廿年,今始相 見也。 陳授 庵來,贈所 落書四 種。 出 席 研 究院

+ 周 年 紀 及院士會談。 院士張菊生 (元濟)演說 ,反對內戰。 某君 亦有演 說, 首舉 及 余名字,

謂

攜 **脊千里** 一赴會 爲難得; 次及授庵 季豫 云。 〇晤教育部中人,知余湖大休 假確有 其事

中出 赴 士, 中 11 111 四 門 地 日 中 方人士恐倭奴劫去, 陳援 央博物院, 庵 牽其子樂素 觀 腿 覽品。 來, 出 而復薤藏之;勝利後始再出之云。 以樂素論文見貽, 見安陽出土大鼎、清乾 今任 隆時貢織 教浙江大學。 圖、宋本劉賓客集等。 ○季豫告余沈兼士事 H 席 會議 選 舉 評 鼎 議 抗 員。 戰

孫子書之荒謬情形

11 Ŧi. 日。 夏郎 君 導余及余季豫 遊雞鳴寺; 以季戴於登陟, 未至高 處逐 巡

傅孟真 觀測 六日。 請余及 天諸器及赤道 余季像演講。 丁梧梓 (聲樹)來,極道傾仰之意。 儀 等。 余說詩經齊風東方之日及周頌天作二章義。 ○歷史語言研究所設茶會, 丁與 火峻 姪同 介紹人文組院士與所中 級,新山美洲留學歸 季豫說寒食散 也。 研究諸 〇遊紫金山天 及 妙音尼、 君 相見。

殷仲堪事。

雲仙散錄 址,後堂扁曰「陶 11 齋 七日。 舊 (用宋代公文書 藏,卷中夾有柳如是道裝像一頓; 到漠西門龍蟠里 風 樓 以 反面 此。 印)、韓昌黎集、歐陽文粹、聲隅子瑣微錄、 觀 國學圖書館 館 藏 善 本, 訪柳翼謀 有宋本詩集傳、晉書、 有朱筆校語,爲柳手筆。 (治徴)。 館爲安化陶文毅 唐書、 元 外 壁水羣英、待 刊 又有景印永樂大典第二千 陽春 (澍)創設惜陰書院舊 白雪各種。 問會元 (類 末 書)、 種

二七八

其同異;注中所舉經傳通假及詩經小學所述皆是也。 說義耳。 自待之不薄也。 奪段氏之席。 悦於菉友之濫署已名云。 九百七十八卷(九眞)一冊,大都來自丁內八千卷樓。 種相 示。 段、桂同用經籍證許,然桂爲死證,段則活證,故桂不及段。 前有張石舟序一首,每卷撰人外有張穆訂 由今觀之,桂固不速段,嚴、王之業信能超過段君乎。說文形書,實義書 據石舟序及菜友 眉批,知有 人欲刻桂氏義證,而汪孟 翼謀翁以余治小學,特檢王菉友說文句讀 正一行,後又用紙條將此行 此段把握許書命 段用說文字義勘合經 脈 之所在, 慈 力阻, 貼 故最 去。 傾 之, 聞 勝 也 倒 傳, 也。 係 鐵 謂 因 石 橋 汪 基友 舟不 ifi 形 及 恐 稿 求 其 以 桂

三十日。偕婦攜嫻女遊莫愁湖。 勝棋樓上兵士滿佈,茶飲於樓下。 於說文,毛舉細故而已;自許能奪段席,不免於妄矣!

六人,魯、豫、蜀各三人,直二人,皖、陝各一人,遼、黑、吉、甘、新、桂、黔、浜 月。 閱研究院院士錄,記各院士籍貫"計浙十九人,蘇十五人,廖八人,簽、 缺 鄂各七 人,闖、 湘名

一日。別南京赴<u>上海。</u>外舅張先生康健,全家安吉。

不肯相付,後以鬻諸人。蜀近年治左傳,已成書五、六種,謂杜預春秋序實暗詆 三日。 晤 孫蜀丞,別十二年矣。 蜀告余:吳檢齋臨終前 曾 有 書以遺 稿 相 託 劉歆 蜀 至吳家,檢齋之子 賈逵,渠撰有 疏

四日。至商務館訪李伯嘉,催其速印淮南子證聞。李極言出版之艱難,謂政府不給紙云。 不知

其言果信否也

六日。晤胡厚宜。 通書數年,今始相見也。 〇晤鄭振鐸,距初相見時二十六、七年矣。

十二日。登「大豫」輪,別上海。

十三日。舟中閱佛學導論。內記借屍還魂一事。山東崔某死去五小時,得魂復活,乃朝鮮(或

云安南)劉某也。蔡孑民序某君書,曾及其事。 梅光義特致書狄楚青問之。

十七日。 十五日。 抵長沙。 江輪上閱古史辨第三冊,顧頡剛文字頗有快意處,其他則不盡 明日,返嶽麓山齋。○陳寅恪爲余撰論語疏證序來。

作者,羅說殊謬。今謂是貴之殘字,當讀爲賾, 洗面也,為沬之或字;見禮記玉藻。〇跋蔡子匜。

廿五日。跋吳姬匜。「自作吳姬曷也(匜)」,「也」上壞字耀振玉釋騰;按彝銘騰器無由女子自

春秋經之蔡侯廬,「會」假為說文之法,雞銘之題。

耳。 見此字。○跋殤叔買殷。「其用追孝於肸皇且啻考」,「啻」假爲帝,皇、帝皆美大之稱,與帝 ○跋齊侯殷。「齊侯乍飢草」、「草」當即陳侯因豫鎮、陳侯午鎮之鎮字。三器皆齊器, 廿七日。跋小子相卣。「唐易商君」,「唐」是奉之初字,文當作「奉易君商」,「商」與賞同,文誤倒 他 王之義無 國器罕

積

微

奇字从鄰,从古文矢。甲文矢字與此同。○賀鈞任教扶輪中學,來書言:「讀師詞詮, 以師說文字學舉示諸生,莫不欣然動聽。 乃知師說爲天下之公學,當終身服膺」云。 得益甚大。偶

母」,「籃」即說文之薛字,作動字用;傳注及他器所未見。「夙夜無飼」,「飼」讀爲已。 廿八日。跋隼叔匜。 年是說文雕之或體隼字,釋唯、凭、隹者皆誤。 ○跋白康般。 「用鹽王父王 ○跋縈白殷。

「黉」釋縈,此可證災之釋榮爲近是矣。

從犬字作者, 知今字亦有所本。 ○跋季受尊。「争氒休」,

首乃易字;晉易幣易字作子,與此大同。

處,珍祕不肯示人也。 三十日。方叔章藏善夫吉父鬲,有銘十許字,近年西安出土。 同時出數器皆此人器;今藏程潛

-

四日。 二日。 別嶽麓山齋入市。明日,趁車赴粵,婦張毅君及伯峻姪偕行,姪亦應中大聘也。 抵廣州,寓文明路中山大學北齋。

十日。訪容希白,見贈所印鄭業斅金石文考殘卷一冊。

十一日。 閱鄭著金石文考。 說多精審;此爲吾湘僅有之金石家矣。○閱溫廷敬毛公鼎之年代,

說為穆王時,似太早。

十六日。 閱行政院新聞局出版歷史語言研究小冊,舉及余季豫、曾星笠及余名字。

十七日。 改告撰釋四篇爲釋泗篇。 謂四假爲自。 ○跋嬴德鼎。 「嬴霝德作小鼎」, 鼎制絕小,蓋

詩絲衣所謂亦

九日。 改舊撰釋刑篇。 甲文排字,初誤釋囚,故余謂刑从井, 象木校。 近知是外字,非囚字;

則井表象棺,乃表死刑也。

廿日。

跋即黛鐘。

「器」字,周悅讓、張之洞釋異,

王辭安釋畢。

今據字形及邾輕、邾華二鐘銘,

謙退。

周、張之說。

申

廿三日。 廿二 # 日。 目。 赴廣東省文獻館閱陳白沙誕辰紀念展覽品,有墨蹟、遺像、琴、及茅製筆。 晤嚴雲法師。 訪陳大年。 閱其所藏古玉,多而精;外有石器、琉璃器 年已百二歲,神明不衰,如五六十許人。 口操湘鄉 香, 人極

之本字。 廿五

日。

跋舉鼎。

「譽」,據甲文釋畢。

-11-

几

日

撰釋故篇。

也爲女陰,从支,有所爲,當爲韓詩外傳卷一「男子十六精通而後能施」施

廿八日。 謝剛主昆明書,邀往五華學院任教。

師虎般 ++ 九 日。 以書盤庚、史記周本紀證「居」有都字之義。 战齊侯盤。 「皇人孟姬」,《乃从反人之匕,

爲妣之初文, 訂方濬益釋氏之誤。

○再跋

+ 九日。 公元一九四八年 到廣東文獻館觀廣東名人書畫, 有陳白沙、海忠解、屈翁山、陳元孝、黎二樵、吳荷屋 二八一

宋芷灣、陳觀樓、朱九江、陳蘭甫、康長素作品。 余尤喜吳、康兩家。

陳公子顯「梁」字作糾,知片爲功之或作。「每功」,疑即襄公廿三年春秋之祀伯 匄

四日。跋△子每刅鼎。「书」即說文从刃从一之办字,

糾方濬益誤釋父。

〇跋祀白每け鼎。

〇訪商藻亭

八日。跋医侯旨鼎。以書康誥「見士於周」證銘文之「見事」,糾前人讀見使之誤。

探花(衔鎏),錫水尊人也。年七十五,甚健。 出示所藏明弘治二年登科錄。

九日。 繙閱簠齋吉金錄,考釋甚少。昔年閱簠齋尺牘亦然。 知陳氏以收藏名,於學問之事關涉

較少矣。

裘字甲文作 袋,次前作念,从又乃加罄旁,糾方濬益从又取佐女功之說。 十二日。跋次卣。

| 司前人釋邑、叉、丑,余據師湯父鼎歎字、所魚上欽字、數字偏旁欠字釋爲次。

十三日。校論語疏證十七卷至廿卷及陳、方二序樣張。

十六日。爲人跋元刊本周彌唐賢三體絕句詩法。

字;籍音息利切,與燹爲對轉音。 十七日。跋頊燹盨。「琴」,劉心源釋燹,是也。今據字形字音申證劉說:豕、希一字,豩緣亦一

〇跋子孫祖丁卿。

泉字舊釋

爵形、鼎形; 余據甲文定爲子字。 十八日。 跋子未父乙盉 **州舊釋寧,今以甲文子作用,定爲子字。**

故 中記楊於光緒 一、蓋以 # 日。 潘 書刻於同治十一年,在前故與? 刚 Щi 丙子、丁丑入京會試,與潘祖 西榆次常費春所著作翰吟雁金石談,內記楊秋湄(篤)考舉叔 ○跋孫爵。 **醛熟識**, 而攀古樓款識齊子仲姜鏬跋不記楊 致, 左旁, 方濬益釋子,是也。 即鮑叔,與 說, 余說同。 據甲文黃乃 不知 何

系字,知此爲孫字。

世解。 廿三日。 妣,祖妣之妣,姜氏指穆姜,訂杜注釋爲齊姜之誤。 撰書見士於周解。 謂士當讀事,以屡侯旨鼎、珉鼎「見事」為證。 〇撰左傳姜氏君之妣

倭戰犯東條英機、土肥原賢二、廣田弘毅、松井石根等凡

七人由盟

軍絞死。

此

强

萬 惡,

死固 不足磁其辜。 然倭奴侵略性成,亦可薄示懲戒矣。

#

四日。

活代學 九曜齋筆記,蓋惠士奇任廣東學政時定字隨侍所撰 ++ 使者題名, 九日。以人約茶飲於九曜園。 至光緒廿六年學使張 地為清學使署舊址, 百熈 11: 其先本南唐劉氏故宮園林, 也 壁間有楊鐵崖、 **翁**覃谿題字刻石; 又有 有九曜石 惠定字有

申亦重 11-也。 七日。跋詛楚文。 齋盟 可證齊盟之義;杜訓齊爲一心,非也。 「袗以齋盟」,袗常讀昣。 釋言:「昣,重也。」句與左傳「申之以盟誓」義同, 館即 幹字, 釋轉者非(食爲答對之答本字)。

廿九日。 园 教育部委託 一審查某君著文選註訂補,給二等獎。 ○跋子魁斝。

〇跋

以甲

金文編旁證介為

字。

釋淵爲子甝。

三十一日。 跋王子嬰次盧。 王靜安謂是楚子重之器,是矣。 又以器出於鄭, 疑為鄢陵之役所

積

二八四

遺,則失之膠固。 左傳記齊、魯有郜鼎,齊、晉有紀甗,周用魯壺,古器遷流不定如此,豈可泥耶?

九四九年(民國三十八年己丑),年六十五歲。(十月一日人民政府成立, 稱一九四

月。

九年。)

日。 撰方濟益級遺齋弊器款識考釋提要。

三日。 撰錢站十六長樂堂款識考提要。

九日。 三跋全盂鼎。 「口衣」,「口」當讀日, 即詩之「褧衣」。官,說文从口聲,金文作官,此金文

H、口通作之證。

十日。 夜中夢飛行,至樂,廿余年無此夢矣。

(戌,悉也)組織同;糾許君从日之誤。 十四日。撰釋服篇。 據詩、 書例數事訓爲職。 〇北方有戰事,豫兒久無書問,請王扶生卜易,得觀之剝。 〇撰釋同篇。甲金文皆从凡从口,與咸从戌口 爻

辭云,「君子無咎」,可謂妙矣!

十八日。撰劉心源奇觚室吉金文述提要。

載 北方戰事,傅作義已不抵抗,文化古城得保全,國家幸事也。 廿一日。撰吳榮光筠淸館金文提要。 十九日。 跋喪史鈚。 「喪党貿自作鈚」,「廋」余疑賞之或作,从向不从尙 〇岑仲勉來。 者, |岑精唐史, 思重聽。 尙 从向聲也。

十二日。 蔣介石昨日宣布下野,和平或可凱乎? ○跋彧白鼎。 「葬」,余釋爲戜,「十」爲土字,生

本从土,此省ク,但从土也。

廿三日。 報載南京派代表五人即日飛延安議和。

健旺,殊爲可喜。 廿四日。 陳寅恪新到嶺南大學任教,特往訪之,謝其序余書。 寅恪目已失明,而容貌豐腴,精神

紅,燦爛不絕,他處不能有也。 廿八日。今日農曆大除日, 偕婦到漢民路閱花市; 此廣州特有之習俗。 時已深冬,

而姹紫嫣

四日。 跋邑爵。 **名,釋爲邑。** 吳大澂釋圍形節形,非。〇撰吳大澂恣齋集古錄提要。

六日。 過漢民公園看葯洲石,爲九曜石之一。 有米元章題字, 翁覃谿記文詳其事。 ○撰羅振玉

夢郼草堂吉金圖提要。

匆未復;辜負故人,尤爲恨事。 八日。 聞劉天隱中風逝世。 廿載故人,別才數月,遂爾分岐,痛悼不已。 輓之云:「定慧早雙修,千里驚傷摩詰逝;別離曾幾日, 前月得其見懷詩篇,匆

一書悔答

秣陵遲。」

十日。 始錄彝銘通假字。

十三日。 公元一九四九年 始錄齊銘中之人名見於經籍者,名曰藥銘中之古人。

廿日。 撰容庚寶蘊樓泰器 圖釋提要。 ○跋靡靈。「康大門之」,用左傳之「門焉」爲證。「靈公」

鳔字从示,當爲神靈之靈本字。「公曰,甬甬」,讀「甬」爲勇。

三月。

不節,遂至此,尤可痛也。 四日。 聞李滄萍逝去,爲之太息。 〇吳辛旨介熊潤桐來。 滄萍性肫摯,能詩,最爲老友黃晦聞所賞。 熊龍詩,辛旨及詹祝南(安泰)推服之。 以家事抑鬱、濫飲

九日。撰彝銘中之古人小序。

十日。純女由長沙來學。

十二日。

始錄弊銘中之本字爲說文所未錄者。

〇羅孟韋來,

以所著詩樂論請余校閱。

頗有見

到處。 〇跋臣辰盃。 據通鑑前編引竹書紀年「周文王初輪於畢」證龠字。

二十日。 関孫氏名原。 廿餘年前曾讀此編,頗覺格格不入。今讀之,得失瞭然如見, 以前 此未

治甲金文也。

首,云據余兄弟所撰學行紀爲之。 廿四日。 王季思(起)送吳江金天翮詩文集三冊來,係金君之弟託致者。 此記本師門子弟所撰,已詳見民國十七年三月八日記。 內有葉郎園先生傳 大約金君

所見記文仍署余兄弟之名,故云爾也。

廿九日。 十六日。 羅孟韋來。 蔣復聰來。 告命清全唐詩乃據錢收齋底稿爲之。收齋取唐人詩集加以剪貼後,平治章 以讀詩樂論所見告之。

復據善本校勘。今中央圖書館得其稿本,故知之。

四月。

八日。 至商錫永處,觀渠近從長沙佑人手所得銅戈, 銘五字, 云「艃大二之戈」。 字極 細;「大

大」當是大夫;雖字从邑,必地名,不知何地。

改造成現勢,頑固之徒尙力主戰事。人心已去,庸可爲乎? 九日。 議和使到北平,聞折衝不易。 何應欽告人。 謂和平希望止十分之一。 國民黨腐爛不堪

十一日。 到小北珠海大學爲諸生講文字之構造,應商錫永之請 也。

載),皆表示佩服之意。 十四日。 嚴學着來談,渠聞之在香港友人云,郭沫若讀余叔夷鐘、曾侯策 二跋(中山大學校刊所

十六日。 晤錢賓四(穆)。 余以師默般 「白龢父」 即共伯和之說奉質;賓四極贊之。 贈余近著

中國文化史導論。

十七日。 飲席遇粵陳融鄂、劉成禺。 陳能詩,年七十餘,頗龍鍾。 劉年與陳相若,則甚健。

十八日。 答訪熊潤 桐,出示輓李滄萍詩,至佳。觀其藏書,有宋本小字五經、楊子法言(秦敦復

永樂本羅豫章先生集、孫大雅滄螺集 舊藏)、王荆公集(徐乾學舊藏), 元本列子、明本趙蕃 味經堂王列易注, (汲古閣本)、精鈔本宋蘇洞涂然齋集(放翁弟子,四庫珍本已景 唐僧弘秀集 (海源閣 售藏)、

印)、明唐子西詩文集(海源閣藏)。

橨 微 回 憶 錄

十九日。 彝銘古人錄訖。

廿一日。 聞國 共 和談破裂,爲之痛惜。

廿三日。 聞 解放軍已渡江,南京人員全撤 退

作 小說讀耳。 廿五 廿八日。 日。 閱莊述祖說文古籍疏證,凌雜不足取。 鄭師許來,以莫天一所著羣書跋文一冊見付,云莫曾讀余所著書。

○閱莫氏羣書跋文,文字冗蔓,惟鈔錄頗多,可

五月。

十三日。 七日。 十二日。時局不安,廣州人心皇皇,中大同人紛紛作應變之計,余遂决定北歸。 友人送薪金來。 登車別廣州。 金圓券千餘萬,值香港幣五元。 此國民黨人之賜也。

十五日。 返抵長沙。 返山齋。

十七日。 廿九日。 李肖聃撰先君傳來,以金天翮詩文集贈之。 至劉莊,天隱靈前行禮。 數月之別,遽隔幽冥。 壽彤哀哭,余亦凄然下淚。

六月。 三十一日。 莫天一 撰詩造舟爲梁解。 據易經「大人造也」,「造」或作聚,讀造爲聚。

來書請序其所著羣書跋文,未能應也。

四日。

日。 撰先考府君家傳。

Ł

十一日。 跋中觑父盤。「黍靭築邀麥」,邀蓋糕字之或作,說文:「糕,早取穀也;从米,

强仲黨 近。 此以 挪 用盛秫稻樵粱」,說文造或作結,,那造鼎作灎,「趣」蓋从禾造省聲,造, 與添、粱、麥連言,猶彼以無與秫、稻、粱連言也。楚辟招魂云:「稻粢稱 糕同幽部字,聲亦相 麥,智黃粱些。」看

粱字作砂,不从木。、陳公子甗、史冗簠,粱字作砂,不从米。 此勒字亦省米作,與二器同。

初字,吳榮光釋榮,是矣。 余謂字本當作

動,此省

列从刀。 梁伯戈

亦樵字。

玉篇云,「穱亦作糕」是也。

論語 通源温篇 征, 十六日。 今毋我。」此文爲罰處分衆僕不從征之事,「義我」即宜播, 皇疏引范甯云;「克,責也」。 跋師旅鼎。「伯懋交乃罰得毀古三百令」,此罰師旅,貴其駁下不嚴也。「今弗克氒罰」, 弗責其罰, 所謂緩 刑也。 「懋父令曰: 謂應播遷。 「叡」與嗟同。「氒不 義
我
。 愈、 华不从,

期,錄余撰藝文志稿五十二篇;王疏安撰先兄傅亦載 入焉。 从」,申言宜播之故。「氒右征,今毋敤」,謂此時有征伐,暫弗播遷。

此亦緩刑也。〇閱湖南文獻彙編

十九日。 遇陳友古。 見告有人在香港見章行嚴,行嚴 極道毛澤東之賢云。

廿日。 方叔章見告:明朝来陽 人會金簡通佛學,著書多種,楊仁山曾爲刊行。 |曾進士,

主事,與羅近溪、李卓吾爲友云。 # 日。 撰 劉天隱 家傳

廿三日。 公元一九四九年 因 據彝銘通假字閱嚴鐵橋企上古文第十二十三兩卷。前人名敦者皆題爲殷,

穳

皆題爲盨,可謂先覺;而近人皆未言之。

廿八日。 增補前撰(二月廿日)寶蘊樓彝器圖釋提裝。 善齊(禮器武之伍),小校經閣(武之肆肆),直釋爲齍,銘之非證 ○閲阮氏款職第四卷,「叔慶作宮白陵」,

七月。

字也。

言之。 十日。 再跋姑鵬句鑑。 謂「昏同」即左傳、 國語之舌庸。 前輯舞銘古人即明此義, 今日始撰文

十六日。應諸生之請講演文字之構造。

文知鄭爲賜姓,惟文云公字哈只,姓馬氏,下又云:「父哈只,母溫氏。」據下文,記和爲溫氏之子,似父 十七日。閱陳通夫(達)浪跡十年貳叁叁面,載頻和父馬哈只墓碑,爲禮部侍郎李至剛撰文。據

哈只據和言之,文理殊不明白。不知原文本然,抑通夫誤錄也?

女, 文乃可通。 十九日。 閱鳴沙石室遺書中尚書,知說文所載古文多本壁中尚書。 「乃罪多參在上」,參隸古作

廿一日。鄒曼支來書邀往臺灣任教。

四日。 蔣軍退出平江、 瀏陽後, 長沙在包圍中。 代主席陳明仁宣佈决不在市區作戰,人心

八月。

君入市,先到敎育廳訪李眉壽,由眉壽道余至省府。陳君言頗爽利,謂當忠於民族,不忠於一人。 二日。 教授會推舉伍惹農、潘路基及余三人爲代表謁主席陳明仁,促進和平。今日與伍、潘二

六日。 四日。 在刷把沖避飛機。嫻、純二女來言:文玄兒已隨解放軍入城,現見蕭傑五 連日有飛機來,今日炸省政府湘雅路四、五處。 蔣介石不樂湘人之愛和平也。嗚乎! ,問余健康情形,

並請薦轉告余,謂不日來山云。以兒久無消息,不卜存亡,今得生還,可謂萬幸。 七日。 蔣黙飛機來, 炸南大路, 死傷貧民多人。 國民黨之殘暴如此!

陝西、山西、山東、河南、安徽、江蘇各省,抵抗倭寇,遇險多次。此次由通城入平江來省,職位爲縣四 八日。 文玄兒來山,自兒廿七年離家赴陝,今十二年矣。 面較前瘦削,尚未婚。十二年中,偏遊

九日。跋王婦匜。 謂王婦卽王后,糾方濬益世婦說。金文中無后及王后字。

(縣長、團長)級。 現每日生活為油鹽各三錢,蔬菜一斤云。

十一日。馬宗霍言:太炎先生曾撰金文跋三冊,爲其僕分散賣去,可惜之至!

十四日。跋吳後大師戈。「吳後大師之艁昏戈」,「昏」假爲氒,「之」疑大師之名。

二年左傳楚司馬子庚爲秦嬴寧秦例同。 日。 跋戮卣。「王姜令乍冊景安夷伯」,孫仲容謂「夷伯」爲王姜之母黨,是也。 據王姜之稱,與桓公十六年左傳夷姜之稱姓氏相合。左傳 此 與襄公十

隱公元年:「紀人伐夷。」莊公十六年:「晉武公伐夷。」知夷有二:一妘姓,一姜姓也。守殷有食字,與

植微翁回憶錄

此作己者亦有別。

廿三日。 彝銘通假字初依古韻部錄之,今日復於每部依聲次黏貼之。

閱武漢大學接管公報,知其前此腐壞殊甚。

中國機關大都如此,不僅武大也。

非每處

廿七日。

澈底清理,國 事決無希望。 開參加接管師生工友計六七百人,羣策羣力,向來徒託空言,今則見於實

九月。

尊經書院弟子乎?然亦有數說得之者。康侯豐為康叔,與吳窓齋說同。 爲大白,與孫仲容說同。 日。 題呂調陽商周彝器釋銘六卷。 豈曾見聞其說盜襲之乎?然<u>秦嬴爲</u>孟姜之媵, 其妄相牽附,頗似王湘綺。呂籍成都,清光緒間人,豈王氏 「彭彩」爲彤弓、彤矢,「旌 前人無言之者(盛昱曾及

之),而呂亦言之,則又似彼言之偶中也。

據杜氏世族譜說,友父爲始封小邾之公子友。 爲母作器,稱子仲姜,則父母辭之說不可通。 四日。 跋異公壺。 「異公午爲子叔姜盥壺」,春秋子叔姬,說者謂稱子爲父母辭。 當從公穀文公十二年子爲貴稱之說。○跋邾友父鬲。 然學對鎮乃子

出 此語,亦怪事 七日。 清晨睡眼矇矓中得詩一句云:「霜葉從教耐晚林」, 也 頗有意思。 向來雖偶作詩, 却不能道

十二日。今日人民政府派人來接管湖南大學,主者余志宏,原湖大講師,今任秘書長。

74 月下旬南下, + 四日。 豫兒本學於清華大學,北京解放後,休學從軍,今日得其八月 到今已步行五千華里。 人健無恙,精神愉快,遠過昔時云。 廿四 是可喜也。 日傳輸邊軍

1-六日。 撰古爵名無定稱說。

日。 跋子尊。「乍父乙尧」,末字劉心源釋子,是也。 今據甲文子字作党證

明之。

原等標榜實事求是,故其學派超越漢、唐。 國民望治甚殷,終歸失望。人民軍紀律嚴明,行動穩健切實。衰暮之年,或可及見昇平,是余之幸也。 # 廿三日。 五日。 人民政府協商會議在北京開會,連日報端紀載甚詳。 民主報來書請為文紀念政協,因撰一文,題為實事求是。 今中共治軍行政概以實事求是爲口號, 辛亥以後,國事擾 大致謂清代皖派漢學家戴東 且能實行,建國 攘,將 四十年,

廿六日。 跋令毁。 「乍冊矢令降俎於王姜」,降當讀爲儀禮士冠禮「側尊一無體」之尊, 剛註 云:

酒日尊」。

功,决無可疑

也。

循,乃自作聰明,甚矣人之智力不可強同也 廿九日。 閱胡培鞏儀禮正義。 士昏禮爲楊大堉補撰,條理不明,遠遜胡著。 ○政協議定"以北京爲首都;國旗紅地,角上五星, 法則在 前,不肯遵

九年。

大四小,黄色;用公元紀年,今年爲一九四 十月。

日。

公元一九四九年 協選舉毛澤東爲中華人民共和國主席,朱德、劉少奇、宋慶齡、李濟琛、張瀾、高崗六人

爲副主席,陳毅等五十六人爲人民政府委員;、毛澤東等百八十人爲第一屆政協全國委員會委員。

二九

29

五日。 蘇聯承認中華人民共和國。 曲江解放。

九日。 衡陽、

九日。 晤胡彥瑋(榮琦),知子威先生遺著荀子注、綢髮叢稿皆已毀於劫火;

外陳東塾手札多通

亦付一炬云。

十一月。 十五 日。 廣州解放。

十三日。 撰葬銘通用字敍說訖。

雜誌 所載也。 十九日。 十五日。 校補彝銘中之本字,凡得五十餘字。 王了一代寄美國人哲姆士羅伯特所著韓詩外傳與三 」家詩論文來, 哈佛大學東亞研究

六日。 撰彝銘中之本字敍說。 〇撰釋各篇。 甲文作合, 象足有所至之形,是很、狢訓至者之

本字。

廿九日。 十二月。 日。 閱葉玉森殷虚書契前編集釋。 草釋製篇。 字从咳省,殼聲,說文馨之初字。 臆說太多,少可取者。 羅振玉釋欬, 則字爲从殼,不可通矣。

<u>字</u>林分述,不用許解字之字而用呂忱,殊不可解。 蓋誤會許解字爲解說字義,不屬形言也。不悟獨 體爲文,故許用説字;合體爲字,故用解字;解謂解剖、分解,非解釋字義也。 二日。 閱唐蘭中國文字學。 去義專說形,是爲髑髏作傳記也。 說文、字二字,以許氏說文、呂忱 呂氏字林只有訓詁,

不說形體,是主形說正當用許,不當用呂也。

三日。 再跋尹光鼎。 「尹光選」,讀選爲婐,侍也。

十四日。 始整理舊撰金文跋,時有補訂。 六日。

跋楚王領鐘。

「其事其言」,讀爲「其律其音」。

跋陳昉殷。「陳中廟孫」,「廟」从彦省聲,讀爲完;「完」从元聲,與彦音近。

十九日。

陳書農來,言近釋甲文图爲簟,歸爲譚,甚確。

廿五日。 四跋毛公鼎。

廿九日。

文章風氣不以齊、晉千里遠隔而異也。 三十一日。 五跋叔夷鐘。謂文中多複詞,與左傳呂相絕秦書相似。 ○張舜徽來,以所著壯義軒邊錄三冊見示,皆讀書筆記也。略 二文同在春秋魯成公時,知

九五〇年(農曆庚寅),年六十六歲。

閱之,大體平實。

月。

公元一九五〇年

積

日。

Ŧ. 九卷二期寄到,載余論語四章疏義。

器之重要,及市政府治事之振作認真。 八日。 撰字義同源於構造同續證。 渠向有晚起習慣, ○曾子泉來。 曾今任長沙市建設局管理科長, 今已革除矣。 中共能督人進德, 極言 前 1批評武 途之

十一日。 再跋晉公篡。 用哀公四年左傳證當時楚強晉弱之勢, 爲晉嫁女於楚之原因; 前人皆

未及此。

明無疑義

也。

也。 發新生。 頃翁索逋,賦此。云:「清秋有佳日,伴作李園行。 十八日。 忽有哦詩興,晨雞偶一鳴。」翁復書云:「語甚工妙,惟青山、手饌失對耳。」 成詩一首。 丁亥秋日,偕同人訪肖聃翁於李園,設宴竟日。 門外青山好,廚中手饌精。 主人索詩, 三年逋宿 諾之, 諾,大地 久 未 應

在圖書館見皮應門先生未刊稿易林證文二冊,多用虞翻逸象爲說。

廿五日。

七日。 余讓之書告,季豫前以讀書再病,今日恢復。

說粗訖。 八日。 凡得六卷,器二百四十七,文二百八十七(一器有數跋者)。 去年春初撰稿遺失未見,自四日至今日,補撰得王子晏次盧至康壺凡七篇。 自三十年冬始治金文, 到今整 〇整理金文

1 年,大部時間費於此業。 雖時有新 知可以自喜者,然不解處仍至多也

十四日。 總計金文說成績。全文通讀者十四器,改字讀之者百文,新識之字四、五十文。

十六日。 再跋弭仲策。 據禮士昏禮聘禮證銘文之歆王賓。

十八日。箋楚辭二事:一,招魂「稻粢稱麥」,謂「稱」即弭仲篤「秫稻樵粱」之樵;二,大招「昭質

既設」,讀「昭」爲的,字同呂覽本生別類二篇之招。

爲醜惡」,「訟」讀爲公。

廿三日。 箋楚辭二事:一,天問「逢彼白雉」,卽紀年之遇大兕,兕、雉古通;二,七諫「訟謂閱娵

廿八日。跋遲父鐘。「侯父衆齊」父卽遲父,齊卽齊姜,皆省稱。侯,語首助詞,辨銘僅見。

十日。閱董彦堂般曆譜,服其組織嚴密。

雖係舊訓,揭出甚善。余詞詮未及,應補。 十八日。閱中央研究院集刊。張政愿六書古義謂六書即六甲,無謂。 丁聲樹謂曷有何時一義,

當讀糕。 岁」。「大」爲祖庚、祖甲時貞人,祖庚、祖甲有兄孝已,故卜己亥祭之。○撰館年說。以黍年例之,館 廿一日。以當授甲文,復理卜辭。今日撰釋芳篇。殷絜卜辭卅三片;「卜,大貞。翌己亥出於

廿二日。「貞生疒不隹壹(鼓)」「壹」當讀爲蠱。 ○関孫海波甲骨文錄。 考釋說多不當。

廿三日。 閱董作賓論甲文稱謂,透闢之至!

廿五日。 公元一九五〇年 撰甲介說。 釋「甲」爲大甲,「介」爲多介父,即盤庚。以卜辭有「出于大甲」、「出于多介

積

父」連祭證之。 王靜安以甲介爲一人,非也。 殿虛書契考釋詮說文字,王靜安自負三代以後無此作

(書實王撰)。 余謂精詣固多,疵累亦不少,容當明之。

查甲骨文編,兄字用爲祝字者二條,補入釋兄篇。

四月。

廿九日。

四日。 始記余所通讀甲文之字爲上辭探義。

八日。 撰釋爲篇。謂係金文憂字之省形。南庚名更,此其名。 ○檢般虛文字甲編七七九一片,

配「又雨于鹹與羔」爲余釋羔爲嚳、鹹爲契添一強證,以父子連貞也。

十一日。撰釋愚篇。字从果,與此字所从同,當爲載字,訂从來釋春之誤。

十三日。「绝」,繁文作首,前編有「貞子省不死」一辭,乃武丁時辭。武丁子祖甲名載也。

又得一堅證也。 十六日。 題葉玉森鐵雲藏龜拾遺。 無佳片,考釋亦不精。祭日不與所祭人名同一條,差可取也。

廿二日。 廿日。閱于思泊殷契聯枝。 撰甲文中之帝嚳與製一文。此余舊說,今益證明耳。 「葡」讀副,「嗇」讀色,「晷」讀敗,已先我言之。

廿四日。 改撰釋多介父。

廿七日。

改撰釋鄭列。

廿九日。 撰釋發篇。字从黽,从古文爲,乃黿字,以對轉得聲。此字下爲「示」字,三、四見,乃假

小學金石論叢寄徐懋恂(特立),今日得復,寄示所撰文字二首。 爲元;「元示」甲文常見。 〇前以載、 更二字文字寄郭鼎堂,今日得復云;「二字皆可信。」 曹云「讀周禮媒氏,疑女子稱家。得 前 以余

設大著釋嫁篇,詳證男子稱家,當再加考虛矣。」

三十日。 閱徐懋恂論歷史文字,頗有見地

五月。 日。 撰五四後之長沙,記健學會事,應教授會之請也

律。 三日。 紀年紀旦 撰釋內宗篇。 乙名滕,知舟即滕。 殷虛書契續編(壹卷拾陸之陸)有「且乙召舟宗」之文,與「且丁召新宗」文 鐵雲藏龜(壹柒肆之貳)又作股,余向據紀年考得先王多人,今

四 日。 海南島解放,全國 止剩臺灣、 西藏 兩處待解放 又增一人矣。

鈎沈乙卷。 六日。 撰釋獻方。 葉玉森學無根柢,故無可取。 詩「侵阮徂共」,魯詩 說徂亦國名。 矣。 今謂 觑方即徂,

又疑舌方卽共。

○開般契

八日。 撰釋証篇。 前編(染卷拾染之壹)有「百方証我」之文、與菁華「土方正於我東昌」詞例同、

知「匪」爲征伐之征本字。 十日。 撰釋双篇。 卜辭有上甲夜(貳之廿肆之伍),余疑即國語之上甲微,夜、微音 从自,自即師,與師、酥(軍門曰和之本字)从自同。菁華作正, 近。 用同 音假字。

十一日。 公元一九五〇年 蘇聯青年團代表瑪捨樂夫君、巴卡鐵利亞女士、德柳幸君來校參觀演講。 瑪君說話

兩

長沙 語四章疏義、說文讀若探原、與沈兼士書)贈三君,並別以三份請其帶交阿 小 紀年太甲名至,疑「至」謂大甲。又甲文度爲人名,疑卽太戊;今本紀年記太戊名密 說話甚多, 時,多述 廣播曾及余贈書事云。○撰釋至篇。 德告余:彼國有多人知余,東方大學教授科洛特科夫君尤表佩服。 其國中教育情况。 余不能解。 譯人謂渠希望爲余弟子成功云。 巴女士爲農場勞動英雄。德君東方大學畢業,通中國語言文字, 甲文「册至又雨」,與「磨兄丁」、「磨于娥」文例同。 後慶兒告余, 有友在漢口 力克君。 余因檢單本論文三種(論 司 別時瑪君握余手 廣 播 據今本 謂 是日 知余

十五 日。 閱武漢大學文哲季刊。 吳其昌雜己之釋,確不可易。

十八日。 釋丝氣雨。 謂卽他辭之「丝雲雨」,氣本訓雲氣也

廿六日。 閱王靜安殷禮徵文。 據多臣與自般對貞,謂多臣决兵卒。 雖有勝義,不免罅陋,蓋未定之稿也。

得復云:「炯宗、新宗説甚新穎而有見地; 所見殷先王名疏證,望能早觀厥成」云。 廿七日。 撰釋多臣。 証爲征之本字, 劇方爲詩「侵阮徂共」之徂, 均無 ○前以近 得甲文諮義告郭鼎堂,今日 可易。紀年

祭祀二志之「先蠶、先農」,證「先酒」爲始造酒之人。唐柳子厚詩尚有「舉觴酹先酒」語, 廿九日。 一十日。 撰釋先酒。 撰釋污。 說「污」爲上甲所從假師殺縣臣之河伯之先人。 卜辭「沈先酒」, 以周 禮俊人之「先牧」、禮記禮器注之「先炊」、後漢書 此亦 般之先祖 故 知唐代猶承 稱 高 祖 禮儀 ्राम्

殿俗。

六月。

例, 謂逐犬也。 H 撰釋汉正。 謂「又正」爲又正雨之省文。○撰釋从。辭云「从犬」,與經傳从獸、

三日。 漢釋**川鳳**。 謂皿爲焉之省形,皿鳳即焉風也。

問萬春? 余未能答。後來讀宋人文字,知雷萬春乃南霧雲之誤。又師大一生問太史公六家要指,**旣** 四日。 撰教師節文字,題爲同學們對於我之啓發。 昔年一師大學生問…張中丞傳後序何以不及

推崇道家,何以首述陰陽?余未能答。後悟得太史公掌天宮陰陽,己職所在,故自舉之。文舉此二

事爲例,謂非有問不能得也 撰釋甲文兄字。殷製蒸編臺肆捌片云:「其告水入於上甲兄大乙」。「兄」有茲益義,故引

七日。

中有及、與義。又壹肆陸片「若囧且乙召」,囧與兄音近,亦與、及之義。

所自出, 八日。撰釋代餘。讀「弋」爲小篆之特。甲文之職, 而匕庚列於特祭者,蓋以子南庚爲王故。然則母以子貴之義殷人早行之。 謂牡彘。○撰釋城夾匕庚。 郭鼎堂釋檢為

謂沃甲非後王

沃甲,又得一確證矣。

四啚。」以「四啚」與「吉」爲對文,余讀「四啚」爲否,以周易「否六二」、「遯九四」吉、否對文爲證。撰 前人誤釋雙爲整,而帝甲乃亶甲也。 十六日。 撰釋帝甲雙。 王静安謂是沃甲,余謂河亶甲名整,見紀年及呂覽;而甲文無整字,疑 〇撰釋四啚。 前編(捌卷柒葉叁版)云:「直又隻, 青。」「直又隻,

釋 测 。 前編(四卷四二葉六版)、萃編(一五三九)並有赀字,謂是外王名發之發。

十八日。閱殷契遺珠,考釋太無理致。

廿一日。 閱王襄簠室般契考釋,殊少發揮。 ○撰竹書紀年所見般先王名疏證。

廿六日。始撰文字初義屬後起字考。

七月。

七日。閱郭鼎堂十批判書。孔墨條甚有新義。

十三日。前以始字說示于思泊,今日得復云:「釋載分析至精。」

爲將行留器。「出宿于干」爲假想之辭。似頗得眞義。

十七日。

近習詩經。

今日讀泉水語「出宿于冰」爲追殺去衞時事。

釋「問我諸姑」之「問」爲

遺,

廿日。跋晉大沅磚。 陳經求古精舍金石圖第四冊錄晉大元磚, 有「卜氏墎」三字。 嚴元照釋鄉

爲壙。 余謂此槨之變體。 古用木,故字从木;後世用塼墼,故改从土耳。

釋爲卟,仍讀爲答,答、舅今音同。 廿二日。 連日閱唐蘭天壤閣甲骨文存。 何必爲此 反覆? 陳述夥頤,勝義惟一直字。 单字申孫仲容說釋禽,是矣。 四,篇海音舅,謂不足據信, 又釋罕、 釋干,皆不

免駁雜。

十四日。

閱光明日報學術副刊。

載唐蘭考訂號爭子白盤年代,主宣王時,糾郭沫若夷王說,頗

詳審。 視其甲文說爲勝也。

廿八日。詩唐風葛生「誰與獨處」文不順,疑當作兩讀: 「誰與處乎?獨處耳!」上處字因下省

也。 〇撰釋禦。 甲文御祭往往爲攘災之祭。

三十日。 撰釋相。 甲骨叕存廿七片云:「冔大方,果四邑。」「果」即相,當讀爲傷。

他辭恆云「戈

周秉鈞來,以所著尚書易解見示,請撰序文。

几邑」,戈傷同義也。

三十一日。

八月。

一日。閱甲骨文錄訖。「粉」當釋析,「怒」當釋綠,皆易識之字,而著者遺之。

三日。撰釋析、兵、新、折、斧、斷六文。證出斤字,諸文皆一以貫之矣。往年識得卩字,遂得肥、

印、危、卬諸字,今日似之。

訟,說頗確, 惜未能用聲音證明耳。 純卿有家學, 根柢較深, 故非容庚、商承祚所能及也。 翻閱,余說有與之暗合者。如「大菌鐘」釋大林,糾孫仲容說;「闌闌」釋簡簡, 十一日。 余讓之寄柯純卿(昌濟)金文二種來。 分城編採撥頗廣, 足供參考。 皆是。 **華**華閣跋尾 讀「獄諫」為獄 略

廿一日。 方則之來。 言金文「臣几家」,臣乃農奴,非奴隸;說似較 適。

廿二日。 習尚書。 召誥:「皇天上帝,改厥元子, 茲大國殷之命。」「茲」讀爲在。 釋詁:「在,

下文云,「天旣遐終大邦殷之命」,語意正同。說文鼐或作鐵

公元一九五〇年

積 微 回 憶 錄

廿四日。

始

廿七日。 序周秉鈞 撰尚書札 尚書易解,末記余新知四事。

三十月。

證。 昔年以金文說詩之「對揚王休」,今以甲文說書,說雖新,仍不失審核也 撰書典祀無豐於昵解。 以甲文祭祀特隆直系祖先說之。

「昵」訓近為近親,

舉五

三十一 日。 余昨解「盤庚數於民」三句,今日閱會星笠尚書正讀,已先言之。

九月。

已先言之。 三日。 雖非余新義,亦覺可喜。 讀書大點。 「不少延」, 余疑謂武王早世,故下接「沖人嗣服」云云。 真理發現,不必定出個人也 檢王氏變正, 劉

八日。 讀書酒語。 忽爾通悟全篇脈絡,文多偶儷,尤爲奇特。

九日。 檢閱古史辨說盤庚者, 引孔廣森謂此邑遷來不久故稱新邑之說而不從之, 竹書紀

年所

篇似臣下戒王之詞,舊說全不合。 記,正足證成孔說。 而顧頡剛竟未檢及,與曾星笠同病。 故一 可以解决之問題,竟未及解决也。 梓材

平三年事 十四日。 為 唐 檢唐會要,知阮氏積古齋款識書首說彝器文內所云見會要者殊無其文,而以宋真宗咸 事, 尤為荒謬。不知假手他 人 邪, 抑或老而昏慣也? 〇方叔章告余:曾見六朝人寫本

三國志。 吳志張溫傳:「俟山越都除,當大構於蜀。」「蜀」字寫本作丕。

廿二日。 関王大隆己卯叢編, 內梵麓山房筆記卷五記河南某縣發曹操墓事頗詳, 云見蔡在谷

(家夠)丙餘集發曹操塚紀聞。 ○閱段氏尚書撰異。 銳利鋒發, 令人驚服。 **余謂學人治學**, 能無有

高郵王氏之謹嚴及段氏之犀利,則天下無敵矣。

是內服肄酒也。足補酒誥之缺。「刑窗」與儀刑義同。「刑窗于政王正德」,即詩之「儀刑文王」也 說文:「品,法也。」 叔毛鼎云,「刑备吳配,格於宗室」,即詩之「刑於寡妻,至於兄弟,以御于家邦」也。「盲」,疑假爲品; 羣自酒, 腥聞在上」, 不復分別內外服。銘文「殷邊侯甸肄酒」,是外服湎於酒也。, 又言「殷正百辟」, 王時外服之侯甸男衞邦伯,內服之百僚、庶尹等皆不敢湎于酒。 廿五日。 跋全盂鼎「我聞殷墜命,唯殷邊侯甸零殷正百辟率肄于酒,古喪師」。 及紂時,諸臣則不然。 按書酒語言殷先 惟文第言「庶

讀若暠。」玉篇:「呼交切。」 文恆作此形, 廿六日。跋白残殷。「唬前文人秉德共純」,唬字,前人或以爲从日,或以爲从甘。 如吉字、專字皆是。(見朱芳圖甲骨文字學貳卷肆葉與陸葉)「號」實號字。 此假爲效。 叔毛鼎云:「唯口學前文人乘口(德)。」此銘「學」字亦當讀 余考口字甲 說文一院,

爲效,二文互證,其義甚明。

廿九日。始寫積微翁回憶錄。

三十日。閱清光緒三十三年丁未旅倭日記,據以寫回憶錄也。

十月。

一日。閱旅倭丁未、戊申日記,計尚有六、七冊,今僅存此二冊也。

公元一九五〇年

積

三日。 別民國 九年八月以後日記。 自余遊北京,日有記述,直至於今, 除因疾病偶 斷外, 大抵皆

備也。

四 日。 授諸生金文。 告以釋字有形釋、 意釋二種。 形釋據形爲釋, 確製可 信; 意釋則 形 無 III

說,以意釋之而已。

真空谷足音矣。 七日。 湖大歡迎新教職員,校長李鶴鳴致詞, 有以後當提倡學術研究、出刊物等語。

此在湖大

頗了解舊文學之故也。 日。 遇武漢大學國文系主任程會昌, 即以此事論,武大高於湖大矣。 言武大毛詩、 楚辭各課皆如故, 以接收主任委員徐懋庸

十一日。湖南省政府成立文物會,聘余爲委員。

}皎 臣殷、叔多父盤、陝角、遂啓祺鼎、師望鼎(初、再兩跋)、戈叔朕鼎、大保殷、衞子叔先父寶、 十六日。 (初、再二跋)、僰卣、師燭殷、 嶺南學報 十卷二期 寄 單伯鐘、數狄鐘、眉鼎、臣鄉鼎、聶鼎、小子師鼎、 到。 載余古爵名無定稱說及金文跋秦公殷、叔夷鐘、 師奏父殷、賢殷、小 金 魯伯俞父 跋)、

() 二十四篇。 廿一日。 十八日。 閱嶺南學報陳寅恪說唐詩文字,鞭辟入裏,令人 1 國科學院來書,聘余為語言文字組專門委員,職責為學術 解頤。 顧問。

廿二日。 閱 馬夷初(殺倫)金詞銘釋。 說形有佳處,惟嫌意必之說仍多耳。

廿四日。 廿六日。 閱民國廿一年五月廿六日日記。 孫秉瑩來,言昔年在華盛頓,見東方學院學子習中國文字者皆讀余高等國文法云。 記黃季剛、陳寅恪兩君譽余漢書之業語, 頗覺興奮。

此等話余久已忘之,偶然再接,忽覺興奮者,以其語頗搔著癢處故也。

#

九日。

三十日。 夜中悟秦公殷之「竈囿四方」即詩商頌玄鳥之「肇城彼四海」,囿、城古通。 年前所投稿,决其當不出版,不意其復出也。末葉署「三十九年十月出版」云云,儼然反動派刊物矣;

學原雜誌三卷二期忽從香港寄來,載余金文說若干篇,內有與嶺南學報重複者,

此兩

十一月。

一日。以中蘇友好協會紀念十月革命索稿,撰我與阿理克君之文字因緣一文。

九日閱余季豫釋偷楚,文甚詳核。

十三日。

年前應中央研究院之請寄去者,今以科學院名義出版也。 (名史語所集刊第廿期)

科學院考古所寄積微居字說單印本來,爲釋辱、穌、稻、衢、臺、懶、亘、怒驚八篇。

此兩

十八日。 張竹橋(樹勛)來談,民初渠任省會警察廳長時, 聞陳散原先生貧困。

念右銘公創辦

水口山銻礦,湘人利賴,遺愛在人,特發起請省政府撥款賙濟。 政府因發貳萬元贈先生,先生宿 百負為

清,謂湘 人士爲有良心云。

廿一日。跋趙孟疥壺。 公元一九五〇年 「禹形王於黃池,爲趙孟於,形王之悬金,以爲祠器。」讀禹爲遇,會也。

奥

廿三日。閱倭人中島竦書契淵源。 說眾爲人在木上,糾許从入桀之說, 甚確。 說角象鐘形,

余説同。○詩「挑兮達兮」,挑,三家作叟,滑也。 然則達疑當讀泰,亦滑也。

廿四日。閱書契淵源。文子鼎「贏」字从呈,乃聲類,亦先余言之。其識高於羅振玉、容庚矣。O

科學院編譯局以余之請寄史語集刊廿本下冊及科學通報一、二、三、四、五期來。

廿八日。于思泊寄所著重言例來。於余古疑續補之說,有所商權;容當細論之。

世紀之梅特涅,必失敗無疑 自由、爭獨立之歷史,今侵朝鮮,是自忘其歷史也;二、謂杜魯門欲反抗社會主義之潮流, 三十日。以人民湖大編輯請撰抗美文字,因寫倒行逆施的美國一文。 一,謂美人建國歷史爲爭 是欲爲廿

五日。 訪徐紹周,問拓古器法。

大日。 量體重爲百六十三磅。

七日。

連日我援朝鮮志願軍大捷,美軍潰退,大可喜事。

八日。 李肖聃來談退押事。 見告:京中設文史研究館,鄉人某任館長。 某乃妄人,不識一字。果

有其事,亦足輕朝庭、羞天下之士矣!

十日。 訪陳浴新,見告近往湘鄉曾家封存之物事。 出示所藏書名,精鈔本有明陳霆宜歸備史四

卷(知不足齋 (鈔本), 何義門校、曾宏父石刻鋪發二卷, 項安世平菴悔稿八冊 (大典錄出、 知不足齊

宋陳宓復齋 藏),鄭虎臣 先生龍圖陳公文集三十三卷(密為陳俊卿之子,朱子弟子, 吳都文粹十卷,元孔齊靜齊至正直記四卷,傅山霜紅龜集十二卷,范成大吳郡志五十卷, 附見宋史俊卿傳;此書無 刻

本 手翻閱葵園學案,簡傳後錄寫所著書敍倒,頗失繁冗。蓋徐當時意在救濟諸窮翰林,而諸 沈子培語云:「夏爲北宋一大作手,奏議剴切敷陳,陸宣公以後一人也)。 學,不能據各人學 日本 靜 嘉堂文庫亦有一鈔本),夏竦文莊集三十六卷(漢陽周子幹由淸宮錄出, 術 作案也。 葵園案出王書衡(式通)手, 書衡在編輯諸公中爲最傑出者。 架上有徐世昌清儒學案,隨 卷首 附見蘇厚 有題記 翰林多不

霉衆學習有益 九 H 也 請匠人來修繕牀棚。 匠人呼棚作廳子,命初不解,機思乃說文訓牀前之程字,信哉,向 不曾舉以告書衡也。浴新決舉所藏書數百箱捐贈湖南大學,殊可喜也。

當年書衡曾緘問先生著述情形也。

彼時余尚不知先生有辛亥濺淚集,故

港先生傳記,參用余資料。

廿三日。 廿一日。 書與寅恪,贊其著書之美;幷附告二事求数:一,杜公「匡衡抗疏功名薄, 陳寅恪寄示所著元白詩箋證。連日閱之,既博且精,詩家箋注從來未有 也 劉向

傳經心

以自保,所謂 論古史處,而錢注以下皆以「功名薄、心事違」屬杜自言, 衡在 抗 疏 成帝 功名薄也。 初年上疏慎妃匹,若豫知有趙氏姊妹之禍,何其美也。 向上 封事諫龍王氏,而子歌乃助莽篡漢, 似爲誤解。二,陳後山司馬公挽詞 所謂 傳經心事遠也。 及居相 位 乃 依 二句似 附 宦官

「政方隨日化,身已要人扶。」宋人說部屢言山谷亟稱其美,獎後山才大。 其美何在,却未拈出。宋任

廿八日。

淵注及近人注亦未明言。余疑二語乃惜司馬公見用之晚,不知是否。

俗言「媽湖」,蓋模胡之古晉,模部字古讀如麻部也。「拘」字古屬侯部,今謂亦讀如麻

部,蓋亦古音。 廿九日。方欣安自武漢來,云十月去北京,會見余季豫,季語言尚不清晰,念念不忘著書。

欣安

今任中南區文物處副 處長。

才,亦富於學識。我國古來君師合一之象,今日見之矣。 三十一日。 閱報載毛澤東著認識論, 說詳審緻密。 **众**謂列寧、斯大林、毛澤東三君不惟有政治

九五一年(辛卯),年六十七歲。

府及黨軍八團體之招,飯於玉樓東。八時返山。 **角以後,物價穩定,爲近年所未有;商場日見繁榮,故市民莫不歡欣鼓舞,萬人空巷也。** 一日。入市看慶兒,遇慶祝新年行列。有故事高脚,恍惚幼年時城隍神賽會光景。 蓋自去年五 晚, 應省政

之文證知爲共伯和之說,吳已先余言之,特不逮余說之詳耳。

閱吳東發商周文拾遺。

知余於民國三十六年四月二十四日跋師獸殷,據「白龢父若日」

十七日。美帝侵略,我志願軍援助朝鮮,大捷。 美帝羞憤,力謀制造戰爭。如戰,勝負之數,固

無待著龜。 。然戰事一啓,妨阻建設,故以能緩爲佳。 〇左開泉自漢口歸,今日晤談。 〇汪士楷言:今

年度國家文教預算已由去年之五點餘增爲七點餘。

徐友蘭跋,知陶有商周金文斠一書,惜未見也。

十八日。 閱陶方琦漢孳室文鈔,內有王孫遺諸鐘跋,頗佳。「誨飲」讀謀飲,先郭沫若言之。

說文我字下記「尹」爲古文垂也。此說甚新而確。 十九日。讀陶氏文鈔春秋名字計補誼。謂「東郭牙」或作「東郭垂」者,「牙」當是「手」之形誤。

二十二日。一九五零年止,六十六年回憶錄寫訖。去年十月二十九日始業,凡費八十五、六日。

引樊明徵說已釋奉。 二十三日。散氏盤「最」字爲「馨」(奉)字初文,手旁後加,重複。補入辨銘本字錄。檢金石萃編

二十四日。閱二十日光明日報學術副刊二十六號,載余竹書紀年所見殷王名疏證。 此去年七

月寄與郭鼎堂者,由郭代投也。

人尋。」 二十八日。夜夢與余季豫作別,賦詩送之。醒後記末二句云:「莫向桃花深處去,迷離烟雨苦

當爲「矢王授圖」之倒文。「矢授田與散」,當由矢授圖也。器爲散氏作,糾劉心源題矢人盤之不合。 三十日。跋散氏盤,說「彘」爲「奉」之初文,假爲「封」,糾劉心源「夷」即「封」字說。「授圖大王」

公元一九五一年

有」當讀「撫有」。左傳襄公十三年云:「撫有蠻夷」, 傳、周語韋註,皆以「域」釋「囿」,二字音近古通。 銘校改天爲立。天、立同从大、故誤。立即位字。「黿囿四方」即詩玄爲之「肇域彼四海」。 詩靈台毛 三十一日。改訂前撰秦公殷再跋,以景公制器說趙明誠已斷定也。「耽疐在天」文不可通,據鐘 鼅依箋讀兆。 昭公三年云『撫有晉國』。王静安以書金縢「數 〇五跋全盂鼎。 「匍有四方」,「匍

補彝銘通用字敍說識字與通讀一節。

佑四方」爲證,義仍不明;因「敷佑」讀「撫有」也。

補弱、聯二字於齊銘本字錄,用王靜安說也。

作「剂」,今文用後起字;臣辰盃作「龠」,乃「禴」之省形。彝銘爲古文,故與古文經合。說文錄「剂」 弟入大學者。此條似可謂妙悟。○跋史喜鼎。讀「翟祭」爲「禴祭」,周禮、毛詩作「禴」,爾雅、公羊、韓詩 官即麥尊之「壁鹽」。「吳帝、呂剛」乃毛班殷「吳白」、「呂白」之子弟,此周禮師氏所謂國子及貴游子 三日。寫一月回憶錄訖。○跋靜毀。「王令靜廟射」爲句。「無界」讀「無舜」,猶言「亡尤」。學

四日。依羅振玉說「辟」爲「璧」本字。入弊銘本字錄

無「禴」,乃錄今文、捨古文也。

六日。校金文說第六卷。我鼎「我作禦景」,昔釋「景」爲「祭」,而無類例。今日以史喜鼎「史喜

作翟祭」補之,頗有左右逢源之樂。○今日農曆元旦日,來賀者絡繹。○陳光崇助敎來,告以吳帝吳

剛 說。 陳云此並時人所不能逮也

格主義,故各院准之,皆無冒濫。」工學院有人言:此事止應以湖大範圍爲標準,而社院乃以全國爲 八日。 晤孫乘瑩,述曹廷藩言云:「此次民主評薪,社會學院最先評。三級止楊君一人, 採取嚴 標

九日。清寫尚書典祀無豐於昵甲文證一文,以擬投稿也。〇余讓之來書,告季豫前病失眠, 近

準。

意不滿其太嚴也。

已愈。惟言語尚不清晰,右體木強,步履不便,不能作字,殊可念也。

例略同。 余前讀與尊「攸貝」爲休貝,今日以書義補入尊銘跋 十二日。 書文侯之命,「汝多修扞我於戴」,「修」當讀「休」, 與不變殷「女休勿以我車函於戴」句

也。 ○今日報載蘇聯斯大林對眞理報記者發表談話,討論國際形勢問題。 十八日。鄭小從來,頗留意小學。余以二十八部古韻表示之。〇跋趙孟娇壺,讀「禺」爲遇,會 其言公正,偉大之至。

「鑑」訓煮,「喜」當讀烹。封禪書記「馬鑄九鼎皆嘗亨鵬」。「亨」亦烹字。「廳」與鄰同。「亨鵬」即「鑑 十九日。跋大夫始鼎。謂「疟」爲「始錫友曰疟」之省,「邦」當讀爲豐。○跋應公鼎, 「瀬高」

喜」之倒。○跋夌鼎。「王徙於楚篆」乃定計之辭。盤庚上篇「盤庚遷於殷」亦然。學者不知此,乃多

二十日。

二十六日。再跋徐王耀鼎。 補左傳箋 一事。哀公四年,晉執戎蠻子赤歸楚,以晉公嘉證之。 明「良孀羹雝」句中爲韻。 余前釋「羹鬻」爲羹者, 至此得證明。又

公元一九五一年

前跋王 孫遺諸鐘,謂徐器用韻特精者,今又添一證矣。 〇校舊金跋,發現誤說二事, 加 以 删 改, 此殊

一十七日。 整司徒卣,曩讀「盩」爲周,今日思之,殊不確。 散氏盤有「淮司工」等,知地方無大小

]

於彝銘本身得證明矣。

皆

有司等官,不必皆天子之三公也。

通作。 二月。 此足證宋以來釋「殷」爲敦之謬,以敦字與羔音遠,决無由假羔爲之也。 跋的白殷。 器銘「的白乍寶器」,而陶齋吉金錄載蓋銘「羔」字作般, 錢站、嚴可均之先識, 羔 殿 同聲音近, 故 वि

赤狄路氏, 四日。 晉景公賞林父狄臣千室。 三跋不變殷。 謂「臣五家」當即不變鐭玁狁所得之囚俘。左傳宣公十五年,晉荀林父滅 叔夷鐘記「錫釐僕三百五十家」。 鐘制於春秋襄公六年齊侯滅

萊之後。 酶於戎工」總結前節以起下文,行文整飭不苟如此, 釐、萊字通,以此二事爲證。 銘文兩稱「伯氏曰」,前節數不變之戰績,後節記賞錫,而以「肇

書,謂襄五年穀梁傳「吳謂稻緩」,爱、宣音古通,緩即今 十一卷一期寄到。 五日。 翻閱焦循雕菰樓集、王元啓惺齋雜著。 載余釋出篇及彝銘中所見之古人。 理堂通學,詩篇亦 和 字; 說頗確 頗好。 (和廣韻音同 卷十四與周維周論古音 仙)。 ○嶺南學報

七日。 撰金文與周代社會。 補充方授楚文學也。 戴設記「籍田」,令鼎記「王籍農於祺田」,籍田

農奴也。 之意在勤耕,似非奴隸社會所宜有。克鼎記「易井家類田以厥臣妾」,臣妾隸屬於田, 〇再跋舀鼎。 說「征」字訓改,與說文合。以我鼎「征神(申) 敷二母」為證。 「贄」,疑贖之 似封建社

初文。

咒, 兄, 即此字也。 釋先、釋光、釋族徽者皆非也。 「莊音當與趣同」,則非是。數字同莊,以啟爲聲,字見馭方鼎,字作「渙」;從口與從玉同。 「具」爲「珏」,合勘二事,珏音自當讀古岳切,不能如斑晉;珏瑴義同音異之說非也。因撰補記明之。 釋班朋,謂班、朋字形古同。然則古人容可讀「貝一朋」爲「貝一班」,假貝爲之,大有理由。 九日。 十一日。再跋臣辰盉。謂銘末「光」乃子字。 撰馭八卣跋補記。「貝一具」余讀爲丑,音理雖合,嫌於無證,意擬汰去。 據臣辰他器多作芳,此填實書之耳。甲文子字作 及檢閱 惟靜安謂 此銘 王静

安

十三日。 閱解放社編社會發展簡史,簡明可喜。

十八日。 十六日。 十四日。 跋觑玂。讀「友貝」爲休貝,賜與也。以伯克尊「對揚天右王白友」爲證。 改前撰周代社會文字,易其題爲金文與周代社會,付尹景湖 三跋敔毁。 明「昴」爲「昴」之初字;說文有昴無鼎,爲失其源

二十日。 日。 近日梭理十年來金文說,計新識字五、六十文,今日始歸納爲若干類別。 程碩雲七十生日,黨政要人合宴之。 來簡請陪,趁校車入城晚宴。宿老屋。

二十一日。 公元一九五一年 訪方叔章,出示近購古戈,遍體青綠,光澤可鑑,銘文筆畫細,幾不能辨。 銘爲「九年

岃命後□乍兵」八字。「後」字徐紹周釋後,余謂是達。又示陶文毅、魏默深二十餘人與賀柘農(熙齡) 手札數十通。叔章云:道州何家近出古印數百方,求售。中有漢王根、王尊、王褒印,索價八百萬元。

經音義又載或體作「朐」,思、宰、由、司皆哈部字。疑囟古音如宰,卣銘假爲子也。 二十二日。閱善齋彝器圖錄。跋囟父已卣。「囟」字孳乳爲思。囟或作辟、出,出即由字。

一切

文物會擬購取云。

二十四日。 善齋彝器圖錄載方濬益釋陳侯因齊鐘一條, 據未刊稿本錄入者。 謂田、陳古 音同,

糾應劭食乐之說。謂檀弓晉獻文子爲二字證,糾鄭注訓獻爲賀,其說皆頗好。 爲良,據甲文作中也。 ○跋御正立爵。

較之容庚、商承祚固遠過之矣。○跋冈父辛觶。 二十五日。閱丁思泊雙劍該吉金圖錄。抗戰中會借閱之,今重閱也。考釋未能使人壓心切理,然 冈字于思泊無釋。 余以今甲盤冈昌字偏旁定為

下。挺找(大汪找)「王」字作釜,疑日前方叔章藏戈骋字爲王字。

二十七日。 二十六日。閱十二家吉金圖錄,考釋錯誤,無一語可取,又在容庚下矣! 跋夸爵。 字作大下拜,乃「夸」字,製器者之名也。有戈文同,

也。 見,可證。 〇跋良且乙爵。 ○跋公子蹇赀壺。原釋公孫,謂字省,誤。○閱簠齋吉金錄,無考釋,亦無新器,故一翻即 銘作目,蓋良之古文目。 以銘在鑿內,上畫隱不見也。 銘末彝字下截亦隱 商錫永說爲大零, 而不

乾也。

三十日。 識字說寫訖。 定名爲新識字之由來,凡得條例十四事, 整比分類,亦費經營。 知事之

不易也。 三十一日。再跋孟卣。「鬯米貝」,米吳闓生、于省吾釋束,文義不安,今釋爲龜,以文姬匜「龜貝」

四月。

爲證

鼎一彝,亦褒姒器。 一日。跋保侃母壺蓋。「保」即褒,「王姛」即褒姒。侃母爲褒姒母家之女子。又瓥、飼二器,一 宗周禍水,遺器猶存,殊有趣也。蘇銘中之古人未及此。前得攻吳王光戈,今又

得此,可增補二人矣。 二日。改定前日所撰金文與周代社會一文。余文謂天子親耕爲帶頭作用。 尹景湖告余, 謂此

爲古帝王麻醉作用。余知有階級觀點而不能應用,聞尹說乃恍然。 再跋番生殷。 以書康誥「敷求」證「尊求」。「顧遠能針」,爾字从內以頁,與善夫克鼎廟字

快遂」「遂」之本字。鄭注云:「以朱章爲之。」故字從革。說文失載。余彝銘本字錄漏脫,今補入。 同。「 | 」即說文之「 | 匘」, | 匕乃 | 之形譌, | 从頁乃如旁字 " | 匘、 柔同音,故借爲柔。 | 鞍爲儀禮大射儀「祖 六日。三跋矢令弊。明侯、田、男受名之由。

侯謂善射,田謂善獵,男字从耒从田,謂善耕。以

今語言之,乃戰鬥英雄,狩獵英雄,耕種英雄也。

八日。 李肖冊七十生日,與王延安、柳午亭、方叔章合壽之於方宅。叔章案上有何媛叟題襟日記

積

ニース

冊,乃清同治十一年辛未七月至十月遊揚州所記。一日不過數行,字迹老成,似不經意爲之者。

九日。聞人言,天津學界傳言,斯大林說中國入奴隸社會不久即入封建。此語殊有理

撰金文說自序。此編一再柬汰,得文二百八十二、三首,釋器二百三十八、九。文字訓詁

方面,自謂不減孫仲容,不卜後人當如何論定耳。

十七日。 鐵雲藏龜拾遺染之拾伍一版二辭,一云"「其雨?」一云"「甲□,今日小豕。」 葉謂呀爲

十五日。編甲骨文編索引。周从一下人,乃宂字。孫書入附錄。

「雨」之別構。余按全盂鼎,此是嘆詞「於」字,疑假「於」爲雨也

是詩「美孟庸矣」「庸」之本字。原書釋「娘」,誤也。鑑古書出摹寫,不知究可信否耳。 十八日。閱藥壽鑑古叁卷(拾捌頁)周行尊云:「孟榜乍爲行□,其眉□□無疆,子二永寶。」 炒當

初成王時器,故與殷栔字同也。 父已鬲作「勍」,斤旁亦與甲文作丆者相類,其他則皆異體矣。 十九日。善齋吉金錄載驗士卿尊云:「王在新邑」,「新」字作「勍」,與甲文同。 銘云新邑,知是周

二十日。善齋吉金錄命觚釋足,據甲文是正字。

二十二日。 甲骨文編附錄有內字,从斤,从石省,乃斫字,「祏」作「行」,可證。

二十五日。 人民湖大請為抗美文字紀念五・一節。草時事感言。

从虎从人从爪, 二十七日。 恐誤。 朱芳圃文字編五篇載吟字,朱謂說文無,實虍部虐字。據甲文,字當从虎从爪,許云 ○草釋物篇。謂係「雜帛爲物」「物」之本字。糾王靜安由「物爲雜色牛」引申

謂人類耕種之先,必先伐樹;故字从辰从林,辰卽蜃也。 爲「雜色帛」之說。 實則先有雜色帛之「物」,後乃聲乳爲雜色牛之「物」也。 淮南子氾論篇謂「古人摩蜃而耨」,知古人 〇草釋黛篇。 西方史家

用蜃爲工具。甲文作獨,从又,義尤顯白。

二十八日。嘉兒書告,被評爲零陵縣工作模範;此殊可喜。

二十九日。甲文州當是痡字。

三十日。到一院,署名於和平公約,幷代婦張毅君簽名。〇甲文有林字,即說文婪字也。朱芳闡

云說文無之,觀。

五月。

所著五十年來甲骨文發現的總結小冊來,頗簡要。〇余說景爲死字。 一日。今日國際勞動節日,河西區有抗美示威游行。余本擬參加,以無短裝,不果。○胡厚宣寄 今日閱商錫永殷虛文字類編

已先我言之。

眞不便也。 之。余昔在京,曾購讀唐書,亂後已不見。去年託余讓之購取,未能得;今乃有此事,知寓南方治學 局書言的確是析,打恐是朽,則爲誤認。 劉字从斤,豈可說爲从写耶?郭鼎堂忙於政務,

二日。余前以析、兵、斧、折、嘶、新,斫諸文説寄科學院。今日得復,告唐蘭文字學導論已先言

匆匆不能審思耳。

前致書于思泊, 請其序余金文說。 今日得復云:「讀弊銘中之古人及新識字之由來二

文,精思的解,佩畏之至!囑撰序,自當勉爲之。 但請略假以時日耳。」因檢印本講義及各雜誌單印

本寄之。

日。 且不免,惜靜安不閱此說也。 閱徐炳昶中國古史的傳說時代。針砭疑古及濫用音韻通假,皆有見。 以變爲嚳,王靜安

一冊兩文,所贊各殊。

一治

賢者,

周乘鈞來,極質釋的篇之美。前雷伯涵稱彝銘中古人之佳。

日。

六日。入市參觀湖南土特遙展覽會,出品精而不富。

語文,一治歷史故也。

七日。聞菜販呼 「蠶豆結子」。「結」乃莢之音轉。〇閱考古雜誌第四期高本漢處羌鐘之年代,

駁郭鼎堂安王時代說,甚允。

十一日。 胡厚宣來書云:「筠字說極可通。」並告努力傳播甲骨文字,計已有四、五種,殊可喜也。

十二日。 胡厚宣來書,請簽題所著甲骨十錄。

十三日。 閱容庚寄來唐蘭古文字學導論。不解指事之義, 硬說無此書。 分六書爲象形、象意、

象聲。於象意不能下一簡明之定義,鹵莽可笑!

十六日。「信」古文作「仰」。疑辛、辛古同字同音,辛聲後加,與旣臧、耶聖同。

十八日。改釋於篇爲語體。○梁任公先生國文語源解謂婚以昏,爲掠奪婚姻,必以昏夜。 今日悟媾與購同聲,爲購買婚姻。○報載蘇聯東方學院研究所某發表中國文字美麗條暢,

斯大林毛澤東文字皆含哲理,用之譯著,略無窒礙。歐洲語言學家謂其無定形爲初期文學者,誣也。 該院將以專題討論三日云。按此說乃猛刮黎錦熙之耳光也。又載漢學家阿力克逝世,年七十。此

君曾與余通書者。

十九日。

讀社會通詮,簡明透闢,可證古文字者極多,

殊可喜!夜悟歸字甲文作母,

从自,

ÉP

師;从帚,即婦,仍表掠奪婚姻。

二十日。盤庚說寫訖,甚多新義。

二十一日。甲文「婦羊敏」,敏假爲晚。

二十二日。閱徐中舒嘏詞釋例,頗有新義。

二十四日。酒酷「允惟王政事之臣」,允卽金文之晄,當讀駿,長也。

臆測法也。○人民政府與西藏地方政府代表協議成立,今日報端發佈。百餘年來被外人侵蝕日見 天壤閣甲骨文存核之,覺其行不逮言。因導論極力非機羅振玉臆測識字法,而文存之識字, 二十七日。 唐蘭文字學導論再閱訖。唐意在針砭容庚、吳其昌, 所言非無是處。 但以其所著 却全用

雌畔之邊疆,因主張正大,藏民心服,遂成團結,眞可喜也

是也。 王念孫亦爲其所欺,皆緣不知傳字兩漢用法不同耳。附明二事:一,僞書孔傳,體爲訓詁而名曰傳, 三十一日。草雕騷傳與離騷賦。 荀悅東漢人,疑離騷傳是說訓詁,非半日可成,故改漢書淮南王安傳之離騷傳爲離騷賦。 西漢時傳與故對,傳非訓詁;東漢則傳即是訓詁,馬融 諸經傳

傳。 即此一端, 班固引安傳「國風好色而不経」九句,史公亦載之,其明證也。(荀悅未見安傳,妄號安改。若見 已可知其爲僞;果係安國著,必名書故,不稱傳也;二,史公屈原傳多用淮南王安離騷

安傳,必不改矣,以安之非賦體也。)「王之不明,豈足福哉」一段,亦安借題發揮文字。

淮南厲王長

流竄而死;安爲其子,對於漢廷必不滿也。

六月

無槽,有木匣;價三萬元,至廉也。 **訪陳書農,觀渠近日所得端溪石硯。 众喜其硯,書農遂讓與余。** 砚長六寸,寬四寸,平面

八日。 六日。 **阴婦人與社會主義。** 謂神話反映歷史,余因悟西王母蓋代表女權時代之女王也。 始據上辭通纂錄上辭 疏義。

五日。

草婚媾歸三字解成。

九日。 今日端午節。晚,湖大腰鼓隊來賀軍人家族節。 豫兒服務軍中也。

十日。 胡厚宣書告:余金文說由李亞農審查。李告胡,於佘書表示佩服,出版可望,

至以爲喜

胡纂甲骨十錄,已汰去二家,改名八家所藏甲骨文字,請改題署。 十一月。 图李旦丘殷契摭佚。「弘亡畎」蓋與「自不歷」同意,「・・」 蓋假爲「師」。 (旦丘即亞農)。

〇陳夢家在于思治處見余古文字學講義,來書見索,有「未得識荆,爲平生恨事」之語。 十二日。九日光明日報來,學術欄已登余離騷傳與離騷賦。〇增補舊撰方族考。

否,覺其不可解。今乃知其由於勞動與否,故致分歧。 十三日。參觀湖大展覽會。 董爽秋說從猿到人經過頗詳。

余初疑同是猿猴,何以或變人,或 宿疑頓解。○草甲文釋觀篇。謂即說文之麗

以「現、奸同字,硯、研同源」爲證。○又草釋舊篇。以字形从米,舊年與黍年對貞,疑卽說文之樵,以 金文弭仲質之樵、仲叡父盤之逝、楚辭招魂之稱爲證。

十九日。 十四日。閱書契考釋,搜卜辭疏義材料。 閱證壽堂考釋,取實卜辭疏義。

能無所改易,前日書與寅恪商之。今日得復,允將文中書名更改。並云:「杜詩說極精;漢聖之名, 序小學金石論叢續稿,頗贊余金文說之美。余今取金文說別行,擬仍取其序冠卷首。 二十日。 陳則光廣州來售告:曾安泰讀余離騷傳與離騷賦,謂郭沫若不及也。 ○陳寅恪前爲余 如此, 文字不

真不虛也。」此答復余去年十二月二十三日書者。過譽,令人愧煞! 二十一日。草釋母森篇。謂即製母簡狄。狄, 說文从亦省聲。我作父已甗森當爲束字。

或作速,知亦、宋古通。故甲文作束,經傳作狄也。 又草釋於篇。謂字从水从眉,上甲湄即上甲微。

迹字

二十四日。 二十二日。 胡厚宣寄所著戰後寧滬所得甲骨集來。閱製文舉例,取實卜辭疏義。 閱般契鈎沈 實疏義。

一十五日。 取去年兩年甲文講義按撰述先後編次之,擬送往科學院審查也。

二十六日。 草釋形日篇。 謂古訓肜爲祭之明日復祭者。乃據肜夕祭言之。肜夕祭必在王名之

先夕也。

二十七日。 寫甲文說目錄。 汰去釋夢、釋醫兩篇,以于思泊已及也**。**

二十八日。始校甲文說。引卜辭處皆一一檢校之。

三十日。 閱于思泊殷契駢枝。餐、敬及釋三爲迄最確,屯字次之。

j

持耒,渠說爲兩脚蹈来。又引左傳班固注,不知此注從何而來,因草一文質問之。 日。 本校文學院長楊榮國發佈文字於新建設雜誌,引金文、甲文錯誤百出。 甲文精字像兩手

美帝侵朝司令李奇微向中朝軍提議停戰,此殊可喜。 但望美帝有誠意耳。

校甲文說訖,取釋权併入釋湄篇。

五日。

七日。 六日。 草釋為篇。 始寫卜辭瑣記。 謂是彌字。辭爲殘文「卯、稱、勿」三字(前編陸卷伍肆之肆)。

殷人疾病多行

月,由家入肺癆病院治療。 **辭云:「貞隹龜令。」作邑令龜同版。即詩鄘風定之方中毛傳之「建邦命龜」。** 御祭,辭有御字,亦可爲證。○又草釋乍邑令鑑篇。殷絜卜辭一九二片甲云:「其乍茲邑?四月。」乙 到一年餘,近已大愈。醫生許其外出,今日返家,日夕始去。 〇慶兒病 醫云:「三四 肺, 去年五

八日。 于思泊寄積微居金文說序來,文字甚好,舉勝義數事爲余自序所未及者,謂皆昔人所不 月後可出院任輕工作。」

是可喜也

解,時賢未易幾及者。 〇辛生仲勤來,出示顧頡剛與樹幟書, 稱楊先生爲今世希有之學者。 用甲金

文說尚書,必多新得。 乞代道地求講義云云。當令仲勤錄稿付之。

聞道,夕死可矣。』余雖未能聞道,然衰年及見國家社會有此景象,雖死無恨云。」〇光明日報學術欄 賭博絕跡;流氓地痞,予以清除;遊手無業,施以改造。古稱堯天舜日,恐亦不過如此。 以後,五十年來,日望國家進步,終不可得。 轍 陝西新出馬鼎,與薛欵識所載穆公鼎文同。 日。晚,到忠孝堂聽程星齡鎮壓反革命報告。尹景湖見告,同人希望余說話。余因 今解放不及兩年,國力日強,社會有正義,有是非; 古人稱:『朝 言「自留學 鄉村

實;三曰明經義。考文字細分三目:首識字,次說形,末明義。 **风**,以**豕爲**逐,學者最宜注意。 十一日。草積微居甲文說自序。凡文字九十篇。大別之,可分三類: 一日考文字;二日明史 此關不破,甲文不易通解也。 謂甲文多省形,如以収爲登,以戶爲

李亞農於余金文說審查已訖。 十四日。胡厚宣來書,告收到余寄甲文講義。謂勝義如珠,美不勝舉。佩服之忱,匪言可喻。 列舉四優點,寄還編譯局推薦出版,是可喜也。 ○周壻鐵錚隨中央少 叉告

數民族考查團到零陵,得見嘉兒,云體已加肥。爲之喜慰。

之以佈於世,即蔡元培六十五歲紀念論文集所載是也。 四日。 出席小組 會。 姚薇元宣讀自傳,言在南京大學時,以文字送朱希祖審閱, 朱遂勦襲

二十六日。報載美機八架侵我東北,我空軍出禦,擊落七架,是可喜也

三十一日。 二十八日。 閱于思泊殷契駢枝三集及古文雜釋。 洪兒在美國留學, 余前力促其速歸。 今日得來書, 勝義極多。余前此竟未及覺,殊可異也 云明年三月以前必歸 眞可

八月。

喜也。

戊子之卜不吉,後改卜庚寅,吉而用以祭也。「庚寅用」乃事後補記,與他辟「允而、允不而」同。 四日。記卜辭瑣記二則。簠室徵文六十之二云:「丁亥卜,于翊戊子酒三豕且乙,庚寅用。」此蓋 叉人

究會來書,寄理事、候補理事選舉票來。推薦應選五十二人名單,余名與焉。

名五十九云:「辛卯卜,四貞,乎多羗逐麛,隹。」隹是隻字,字下截失去,王遂釋佳,非也。

○新史學研

義不明。○于思泊來書云:「尊釋絜文蒸爲束,極有見也。」 六日。 檢甲文編从字例, 得用法五:一爲我从人;二爲使人从我;三訓逐;四訓自;五从

許多過去未能讀通的銘文,因而闡明了不少湮沒了很多年代的歷史事實。 缺點一:有一兩處微露對 鮑叔;三,根據銘文記事,證明周禮中許多制度都有根據,並非全出漢人偽造;四,由文字考釋讀 如釋姿爲光;二,根據字的聲符的同異考釋金文,雖不能盡信, 查人李亞農審查意見。爲優點四項:一,根據字的構成要素的變化來考釋甲金文字,大概都 八日。 科學院考古研究所來書, 告余金文說已由所議決作爲考古學專刊第一種出版。 但大部分是正 確的, 例 如 釋單叔 可靠,例 附寄審 通

建觀點。 審查人認爲這是關於中國古代文字最好的研究之一種云。 三龠祭皆以

王名之次日,余前此謂據形夕言之者,當增一義矣。

十七日。

粹編四○四片「多公」,

郭釋「多台」。余據金文乙公鼎釋「多公」。

四二五片乎字在句

末,郭謂是疑問詞。 余謂金文無此用法,甲文决不當有。〇血壓百五十度。

十九日。 十八日。釋「其取羔?雨」。讀「取」爲奏,以「奏丁示」爲證。入疏義。 李鶴鳴來,言已將余糾楊榮國之文字示榮國,並令其自行檢舉向讀者道歉, 並致謝

號召爲此言,齊不能用,則余之責任已盡矣。○粹編柒玖捌云「大今二月不其雨」?讀大爲逮。 總務長任之,現其貽誤後一代青年。」余又問其有困難何在。摩不言。余本「知無不言、言無不盡」之 之糾正。余言:「楊學力不任敎授,未知君意如何?」李答云:「是不妥當。」余言:「似可以圖書館長或

二十日。粹編「東土南土」即「東方南方」,糾郭讀土爲祉作動詞用之說。

陸片「幺雨」爲「丝雨」之省作,糾郭「糸雨」之說

二十一日。經編玖叁伍云:「犬中告麋。」郭說犬爲周禮犬人。按犬人掌牲犬,不關 狩獵。

犬蓋是迹人。迹人司田政,一也。迹人以知獸跡得名,犬知獸跡,故司犬之人得知獸跡,二也。 省。」郭讀省爲彌,是矣。 哀公十四年記「迹人來告逢澤有介麇」,與此辭「犬中告麋」事例相同, 而不言其義。余謂獮訓殺,與他辭「重某田射」文例一律。「果陮」,陮讀自。 三也。 玖陸陸片云:「東盂田 左傳

「洹弘弗辜邑」,辜讀敦,訓迫。並入疏義。

鹿窟」之窟。堅訓致力於地,當爲掘之初文。 知「蛏(堅)囲」即掘礦也,入疏義。 是也。囲爲田之繁文,亦田字也。囧讀若獷,囲當讀若磺(今作礦)。「怪」即說文堅字;堅,讀若「兔 二十三日。粹編壹貳貳壹片「怪田」,郭釋築場。余謂朙从月从囧,卜辭或作冊,郭謂田象方窗,

夕于父丁。」夕,王靜安釋月,祭名。 余謂當釋夕, 肜夕之省,以祀丁用丙日卜知之。○陳夢家寄來 二十五日。| 戩壽六十一云::「丙子,卜貞,其夕于父丁。」前編一卷二十六之三云::「丙寅,卜貞,其

甲骨斷代學論文來,頗有新意。

二十七日。 記疏義二事:淮乃雠省,奚乃雞省,皆地名,以他辭證之。

二十八日。⑤,羅釋畫,葉釋暈;葉釋是。前編肆卷捌葉伍版以「暈凡」連文;凡爲風字,此月

量知風之說,愈足證字之當釋量,不當釋畫也。

二十九日。記瑣記三則"一,前肆之拾伍之肆云"「我家舊臣亡吃。」以大誥「我家」及微子「吾家」

爲證,並糾爲傳「在家」及馬融注「大夫稱家」之說。二,「夢」釋澗,山夾水也。三,景疑是王亥,據

學滬集王亥字從此字知之。

豕帝。」帝字謂上帝,釋者讀爲禘,非也。皆入疏義。 三十日。「羔了虫从雨」,讀了爲剂,以剂南庚」爲證。 **剂即**而字。 前編七卷壹之貳云三重犬出

九月

日。寫瑣記一則"東母,西母何以稱母?四方皆主土地言之;土,吐生萬物,有母道焉。

「乾爲天,坤爲地;乾道成男,坤道成女。」義蓋本於殷人也

二日。記疏義一則"卯爲殷先人之名。又瑣記三則"「南宜」疑即南室。 南室,寧滬集壹捌伍片

云:"「乙丑,卜來乙亥又祖乙。」此與周禮天官大宰「前期十日卜日」之說合。又叁玖肆片云:"□酉卜,

三日。寧滬集伍壹捌云:「習二卜,習三卜,習四卜。」按習當訓重。疑他辭於辭外往往記一、二、

三等數字者,皆習幾卜之省略也。入瑣記。 五日。 考古所書告,金文說當鉛印橫行, ○董爽秋來,談文字學,頗有通解。 編譯局不允酬金,所中當設法。 且問是否須酬金解决

後始付印。 余復書謂酬金難辦,不必勉強。書可速印,請用直行。 編譯局不允酬金,疑重理輕文之

結果也。

十二日。 十六日。 草甲骨文中採礦的記載 訪雷伯涵,見告兄弟民族之苦狀,令人酸鼻。 〇始重訂補文字形義學講義。

十七日。 史學會來書,告余當選爲理事。

十八日。 編譯局· 來書,謂淮南子證聞今年款絀,不能相助。 明年當與商務館商辦。 此余 四月間

與局書所言也。 隨緘告商務館。

二十一日。書與馬夷初, 公元一九五一年 以文字學詳目示之。說文佳處在於善分析。余講義分類,全以分析爲

主。 亦治文字學者,不知能識余佳處否也。 文爲一類。他皆類此。 例如翟字从隹从羽,是隹之以羽爲特徵者。列入集名會意,總名與特名一類中,與犬、邑、 余向有將文字學編爲整嚴科學之志,此講義改定多次,似已十得七八。 夷初 品餚

相同。浅江有設色無草,仲容謂草可染皂,卽設色之工。此說甚精當,而諧言「儻可備一義歟」,大師 二十二日。閱孫仲容考工記正義。禮配曲禮「六工」爲土、金、石、獸、木、草,與考工 一相校, Ŧi.

事

謙虛之度,令人拜服!○十九日。及今日。讀孫氏周禮正義,皆有新知,深以爲樂。 兩夜寐皆甚酣

他日則不爾,吾血液中需要新成份之切如此,眞不可不讀書也

今語言媽,知母字真古音當在模部,不在咍部。甲文假舌爲涉,从舌之字多讀入添,爲帖之對 二十三日。 王顯前來書問古音,今日復書言:「甲文母、爽同用、詩蝃煉母與雨叶, 金文母、女通

轉,知舌字真古音當在帖部,不在月部。」

二十四日。

皮名舉考察老解放區歸,云瀏水水清見底。

余謂詩產消言「瀏其淸矣」,說文瀏訓流

清,今長沙語言瀏清,瀏讀去聲;

瀏陽人自名其縣亦讀去聲;知古人命名爲有據,非苟然也。

二十五日。讀六書正譌,改聰爲聰,與余言聰受義於囪相合。然明其源則可,徑改其字, 殊嫌

二十六日。 **产**爲危之初字,周伯琦先余言之。

太勇。

二十八日。 一客來,言單正光了解黨義,勝余志宏。 湖大從廣西大學聘一人,西大不肯放。余

令主者爭取。 覃則謂西大較後於湖大,應相助,不必爭。 此黨義所謂「看全面」,古人所謂「識大體」

也。 〇晶爲星初字,周伯琦先孫仲容言之。

酸茶會於見宿舍, 晚又設宴。 三十日。 文玄兒與張福女士結婚,入市購布為贊。 余皆參與。 夜宿老屋。 到老屋行禮,親眷集者凡三席。 兒民廳同僚

十月。

日。 蔡鍔路友人宅觀國慶游行隊。 賦詩云:「熱淚縱橫不自休, 暮年喜見此年頭。 夜門兀自

丘。」詩不必工,但足記余對國事之欣忭。 故錄之耳。 無人閉, 穀粒都歸種者收。 淮水安瀾歌大德, 夷人授首洗前羞。 平生夢想今都現, 笑口 頻開待首

閱六書正識。午爲杵,晚爲瞽,皆先言之。據參字下注,知晶爲星文說周本自戴侗也。

五日。 慶兒書告"即日出病院,仍回靑委會工作。

三日。

目,今加形旁通借一目。〇陳朗秋書言,杜國庠在中山大學演講,赞美陳寅恪、容庚。 七日。 整理文字學,加入會意、形聲偏旁通借各例。 因此於會意特增一節, 形聲原有聲旁通借 官吏尊重學

人,固大佳事。然以容配陳,有辱寅恪矣!

精。 殷先王名等篇似待商榷。 八日。 顧頡剛寄所著浪口村隨筆來。 |李意擇精者出版,他人則不謂然。 〇胡厚宣來書言,李亞農審查余所著甲文說,謂有 按如科宗、新宗等皆精鑿不磨,乃 幾篇極

公元一九五一年

以爲待商,何也?

復書「同意」。 余意以書出版爲主,金錢事不深計較也。草號季子白盤三跋一首。說盤銘之「是以先 考古研究所來書言,擬向編譯局交涉,印余金文說五百部,贈余五十部。 問能否同意。

行」即不變殷之「余來歸獻禽」,與盤銘上下文皆合也。 附書寄所。

日本人之東方圖書館。又言馬學良出版一兄弟民族語著作,序文錄一歌頌法國教士碑文。書出後 陸定一發現不合,郭沫若、羅常培皆自行檢討,收回贈本。 頗支吾。 十四日。 蓋重理輕文,渠亦不便出諸口也。言科學院經費今年九百億,明年千三百億,院圖書館即 晚,夏作銘(鼐)來,來長沙發掘也。 距南京相見時恰三年矣。 以此近日出版事愈慎重云。 余問金文說酬 金事,語

十五日。 王齊陶言,湘綺湘潭縣志山水篇首韶山,偶合邪,先知邪?亦趣聞也。

書提議此種,余告以必全部有紙版始好交涉。 十六日。商務館寄來論語疏證十六卷以下凡五卷來,梭之。商務因淮南子證聞有出版之望,來 九日。 改洹子孟姜壺跋說禮制處。午後,偕汪詒蓀、姚薇元答訪夏作銘。 故館寄此五卷來,其前十五卷已有紙版 夏導余等 也 到小吳門

于思泊)。 外蔡家坡發掘處參觀,遇陳公柔(卽爲余校金文說者,東北人,燕大史學系畢業, 到文物會參觀古物;有長沙王建德后墓所出鏡奩及銅器等,時間迫促,未能細觀也 曾受金文學於

鳳祥光天外集,乾坤美景眼前收。 紀元非復三王舊,病國今湔九世羞。 二十一日。 曹猛庵丈寄和余國慶日感賦原韻詩來云:「春秋述義勝何休, 儘許經生勤考古, 莫愁斜日 喜見新周正 白 頭。

到林丘。」步韻天成,眞佳章也,但經生之目愧不克當耳。

成定說。今得尊著以金文校之,知猷實獎詞,僞孔說不誤,爲之快絕。。高宗形日諸篇,他日譯寫,悉 二十二日。顧韻剛得余尚書礼記,來書云:「大誥『猷大誥爾多邦』, 自王伯申以來飲 在誥下,已

以先生之說爲主梟也。」又云:「已譯山周誥八篇,印後當奉寄。」詳告渠書凡例,託余覓曾星笠正讀

二十五日。 晚,出席座談會,余被推發言。余言:「中國人民已能自立,並在朝鮮擊敗美帝。近日

二十六日。 釀兒書告:婦吳漣於十三日舉一子。 兒前得四女,今初得子也。 於余爲第二孫。

大同,在坐諸君多能見到,余年已老,恐不及見耳。」後數日,歷史系小組會上,皮名舉言,渠聞余此

埃及、伊朗皆奮起反英,皆受吾國影響。如此下去,十年、二十年後,帝國主義必完全崩潰。

全世界

說,頗受啓發云。

二十八日。夏作銘來湖大爲諸生講考古學大要,余列席旁聽。午後,余陪諸君遊山,至雲麓宮。

晚,邀請夏及陳公柔、安志敏飯於合作社食堂。 三十日。

易,而語之不可能也。 若於古之女宗微有閒。女而可宗,將必於言行之庸者。庸,常也。常則無所異;無所異,斯俗之所 所率華無腴門,號爲明詩習禮,廣座獻酬,儀止翔諦可觀者爾;而於庸言庸行屛弗道。 馬宗霍送先母孔太夫人傳來。文辭甚美, 以余所聞,楊母孔太夫人蓋有契於是。 敬錄於此:「異時湘綺王氏為湘中賢母傳, 太夫人,長沙人。 父日曉巖, 以是爲賢,疑 隱而

楊君翰仙。 文,多能藝事。 楊氏 母 世儒 曰陳,內行端肅。 而貧。 **舅與繼姑均在堂。舅性孔嚴,繼姑頗急數。太夫人逆以善心,** 太夫人載其淑質,摩以庭訓, 幼則令聞章矣。 年十八, 歸同 委蛇觀

公元一九五一年

垂老矣。 樹穀 是乃知遇夫之治學 遇夫又語余:太夫人識遠而心綦細。 傳之所次,蓋本之遇夫所爲狀,初無 十有八。卒之日,三子者侍,樹穀、樹達,其季則樹績也。 醫攝生,所以自致康弫者,固別有在。晚嬰微疾,爱盡形壽。 則躬操刀尺,料量截補,適具無餘。工驚以神,謂儕偶中非精於此者不辨,太夫人何自得之也?余於 而當舅卒時,家適罄如,喪祀綢繆,或嗟莫舉。乃附身附棺,未嘗儉殺。 字,長而婚嫁,殫精竭慮,曾不言勞;如是者三十餘年。 翰仙君文高數奇,不利場屋。 志,寅恭將順,如恐失之。屏營當室,不懈益虔。由是一門之內。 充鄉舉副貢,樹達籍學官,留學東瀛,並績學發聞,馳聲鄉國。羔雁充廷,甘旨承養; 米鹽陵環,秩其有條。 老斯可佚,而太夫人猶樂從形役,不改其素;神明轉王,檢柙如初。 · 密栗碻固,蓋亦受自其母性然已。」〇考古研究所寄還積微居金文說稿,囑書甲金 凡饋饎汙澣煩辱之事,一以身任, 注籍學官,年已逾壯。 溢詞。 一技之末,亦究其徼。嘗召工制衣,衣材劣給,工隘之。太夫人 視若 庸德,唯太夫人能履之, 終歲假館,弗遑問家。 中又迭遘舅姑暨長仲二婦之喪,亦既哀瘁。 馬宗霍曰:余交遇夫;遇夫者,樹達字也。 以民國二十四年乙亥春正日卒,春秋七 意綽如也。 噓爲祥龢。 觀禮者尤以是爲難焉。 而賢莫尙焉, 先後舉子女十人, 太夫人黽勉有亡,不大聲 蓋其平居誦 中表歸譽,负曰誠孝。 是其可宗也 而太夫人垂 佛習定,諳 幼而乳

文奇字以便刊刻。余因再校一通,略有增益。

十一月。

日。 續校金文說。 凡難字大書於書眉,以此頗費日。 本月時間,除授課外,幾乎耗於此事矣。

再讀斯大林辯證唯物論與歷史唯物論,簡明扼要,讀之有如石投水之樂。

八日。校毛班段,有增益。

九日。嶺南學報十一卷二期寄到,載余蘇銘字之本字及新識字之來由二文。別寄單印本六十冊

十二日。 再跋數般。 謂恩爲爲父辛孟覺字省形,亦子字,知數即好 字。

十七日。 跋叔向父殷。此銘及成鼎皆有「幽大叔」。召伯虎殷有「幽伯、幽姜」。 伯響殷有「幽仲」

據此,周書證法解謂幽爲惡證,孟子「名之曰幽厲、百世不能改」之說,疑非事實也。 一十日。 改撰魯伯俞交篤、叔噩交殷二跋。以原稿太簡,未記前人誤說,故補益之。

二十一日。改撰新識字之來由。

二十三日。閱淸儀閣古器物文。雖問有說字,殊少可取處。

二十六日。 一十四日。 于思泊來書言:「承寄雞銘本字、識字由來二文,已詳讀 聽李達校長報告入京聞見,云我國空軍已強大,北朝鮮制空權已歸掌握,令人欣喜 一過。 條分件繫,大含細入,

邁越時賢,至爲欣佩!」惟於余言殷虛書契考釋非羅自著事,爲羅辨護甚力。

爲父著書,而於父說乃不能述說,抑又何也?

二十七日。

陳夢家來書亦爲羅振玉

一力辨。

謂貞松堂集古遺文爲羅第五子代撰。

余謂其子旣能

二十九日。 改撰免毁跋。 以釋心爲世,與劉心源證據全同,初撰時失未檢校也。〇六跋叔夷鐘

『抵涶」、「涶」字從中,此卽土字。以杜伯殷杜字從土作◆證之。此近日敦此文時所得也。

公元一九五一年

(說) 〇金文說校訖, 寄還考古所。

者觀;封字古文不從重土也。 三十日。小臣單觶,「王後恆克商」,與字乃聲白販毀販字省形。 販字从又从厓, 于思治釋為廚

惜字仍不可說耳。

立志校完始已。 一日。劉體智小校經閣金文爲近日金文拓片最後之集册。前此屢校,皆未訖業。今日始重校, 別爲一小冊,記其要義。○跋驁父辛盃。謂常及父癸罍書字,宗周鐘齒字、父乙觚

预字,父癸卣《称字,皆子字加聲等88。因此知說文孳字亦本是子加聲旁茲。許分子、孳爲二字者非 銘文皆以子與父爲對文,如依許說,則銘文似皆假孳爲子,不當五器彼此一律如此也

國, 不詳者四。 皆在山東省境者也。 三日。跋夷子鐘。掌黃爲孝。偏查从老之字如孝、壽、考等字,其作考形者爲齊、魯、鑄、薛諸 由此可以推見。 大約齊器六,魯器三,鑄、薛各一。惟杞器一,在今河南, 亦近山東。 國名

似頗懇誠。今日局面,對於古文字殊不重視。夷初或有難言之隱,未可知也。 長約七尺,寬尺許。 續寄。」又言:「於文字攻鑽卅年,未能自信。 稿無副本,不能奉敎。 前以文字學要目示馬夷初。 五日。 渡湘訪夏作銘,觀所新得地下古物。有木車一,輪轅軛皆具;加黑漆,尚有光。有舟一, 有馬蹄金,係溜金。外有瑪瑙、石、銅鏡、錢範等。作銘云是西漢初年墓葬物。○ 今日得覆云:「公冗遲答,至爲惶恐。 大著未能細讀,無 遙企丹黃,引爲心恨」云云。 可貢納。 但仍望 語意

「異自他邦」正指從武王伐紂之事言也。裘字作袤,从衣又聲。合觀甲文之發、金文參及此袤字, 六日。跋派伯殷。謂所伯、眉敖、 歸奉三名爲一人。眉敖即微君,爲牧誓「徼、廬、彭、濮」之微。

九日。跋子雨己鼎。 讀雨爲父,以雨爲喻母三等字,古讀入匣母。簠、匿一字, 知雨父可通

由純象形而加聲旁,而形聲,與鬲、甌、冕三字之發展相類。但加旁,一爲形,一爲聲耳。

此字之發展。

○跋吳買鼎。讀「難鼎」之難爲辜,謂孰物之鼎。○跋取他人鼎,讀「善鼎」之善爲膳。

十二日。跋郑旅士鐘,訂劉體智釋旂之誤。○跋甲九鎮于,訂劉釋甲己之誤。○跋□亥鼎,訂

劉釋章万之誤。○跋中義父鼎,釋「新答」爲新宮。從宮字發展規律爲宮、寬、宮、寫、答、答說之,九、万、

答音近也。此種識字法,雖孫仲容,王靜安亦未到也。

十五日。 跋白麋父鼎,讀「羊鼎」之羊爲叢,醬、蒿同字,即他器之類鼎也。

十六日。再跋淮伯鼎, 讀「寶算異」之異爲釋器「鼎, 附耳外謂之此」之武。 楚世家作翼,

耕柱作異,與鼎銘同。

十七日。 跋史獸鼎。 釋륳爲昏,讀爲勳,糾釋勞之誤。

「滋齊」者之誤。 十八日。跋騰大史申鼎。謂「用延以迮」卽他器之「用征用行」;此以叶韻作迮耳;糾讀圖羌鐘

來,來訪,問知季豫病狀,爲患失眠,已不能著書,終日讀小說自遺。 十九日。跋陳公子甗。 謂臟字卽旅字,从從猶从从,非旅字加孟旁。 〇周燕孫(祖謨)從北京

積

二十日。跋己侯貉子殷。 據古經傳之文證明「分」字訓詁。

從事改釋」之語,知羅原有效釋也。 三十一日。復陳夢家書。 二十二日。跋善鼎。 明「百姓」與今語不同,有人似誤會也。 疑書契考釋一書原爲羅稿,而增訂則出自王靜安。 ○書與釀兒,名次孫爲逢武。 援朝志願軍已使美帝懾服,合於止 羅與王書有「昔年

九五二年(壬辰),年六十八歲

戈之義也。

今文經,今又得一證矣。 日。跋庚嬴卣。嬴字與熊形近,知春秋經宣公八年「嬴」、「熊」異文之故。 余前屢言古文經勝

三日。跋欽疊,讀欽爲飲。

天幹。〇跋父舟尊,謂各乃缶字,訂舊釋寶之誤。〇王生顯來書言,希望返湘從余治甲金文,可謂有 五日。跋曾姬無鄭壺,謂「漾陲」為漾水之濱,與叔夷鐘「泜陲」句例同;「蒿間」疑稾榦之假,謂

志之士矣。

之誤。〇跋伯多父篤,讀蜜爲鑄;謂「多女」爲伯多父之妻,以夫之字爲字,與妻從失諡者同 九日。 跋魯司徒伯吳設。釋驗爲敢,「敢發作」與滕虎設句例同,糾劉、羅以字屬上語,認爲

趙叔吉父盨趙字走旁作岑,釋7爲止;「永用7」即「永用之」,古止、之二字不分也。 十日。 跋保子達殷,殷銘「永用了」,叔侯父,叔角父二段并云「永宝用了」,了字舊皆無釋, ○陳夢家寄所 余據

著世本攷證來。

計 也。 ○跋趲尊。 日。 始重習王氏讀書雜志,通讀及訓詁記於一冊,以便尋檢。 訓「對王休」之對爲答,申江漢鄭箋義;以陳灰因豫鑷「合揚厥德」爲證 以金文多不能通, 故後理訓

十二日。 豫兒書告:已由曲江移廣州,前爲見習編輯,今已升爲輔助 編 輯

召虎般銘文與刺鼎次序同,詩文本之而與鼎文相合也。 詩文有「天子萬年」一語,而刺鼎亦有此語。 誥 以今存世之六年召伯虎殷當之,則非是。 而終之以賞錫。 敕之依樣畫葫蘆。 十三日。 四跋不變殷,以殷銘與叔夷鐘詩江漢篇合看。 由此推知召虎必曾鑄器泐銘。 觀此可以證王之說妙矣。 王靜安跋毛公鼎,謂周世 兩相勘校,此語皆在錫物之次,對揚側器之前,此亦必因 文次序與殷鐘同,而詩文本之,故彼此契合如此。 又據爾雅釋言「肇, 郭沫若讀作召公考之考爲殷,誠爲妙語。 三文皆先敍戰功,繼以「肇敏戎功」一語 命臣工之詞語多沿 敏也」; 知肇、 敏 襲,亦 同 錢。 如唐、宋 糾毛、 然 叉

韓「謀長」之訓。

十六日。再跋記月中蠶,糾陳夢家訓茲爲者之說。

十七日。 公元一九五二年 始整理二十五年以後古文字說,定名爲積微居小學述林。

二十一日。讀王氏漢書雜志,亦有誤說者。 如霜露、私謝、摧呂祿諸條皆是。班意圖寄並 非賣

友,故云「摧呂祿」。漢紀改爲「權賣」,大失班指,豈可從也?

二十七日。今日農曆元旦,湖大工會開聯歡會。余夫婦以豫兒從軍坐特席,見贈毛朱二公像各

紙、日記冊一。幹事指名發言。余表示感謝之意,且言如此盛會爲平生第一次云。 二十八日。跋靜殷。殷云「文母」,並及他器之文父、文姑,申證王氏經義述聞「亦右文母」之說。

〇再跋絡伯殷,訓「涉東門」之涉爲入。

三十日。 跋楚王禽章鐘,釋穆爲變徵,用王氏釋淮南天文篇之說也。

甚堅,殘骸歷歷可見。木俑十許枚,高二尺許。有三枚智前各有字二,墨色如新,字體似壽縣 「平生私級高郵王氏,治學方法相同,故人言云爾。 槨四重,構造精而堅,最外一層深僅及牛。 每重閒時有距離置殉品。 槨上有竹篋,亦置殉品。 木筏上遇一中學教師曹君,不相識也。問余云:「人言先生繼承清代樸學,於先生意何如?」余答言: 一似爲某女,而某人却有鬚。竹簡甚小,字不能辨。 三日。偕解毓才及諸生入市到留芳嶺博物館看古物,考古所發掘團新發現戰國墓也。櫬木質 **遂驅車到小吳門外五里牌墓所,晤陳公柔。** 論學歷,有愧清代諸大師, 但小學亦頗有突過前 返山, 楚器。

七日。 箋左傳二條: 一用管子帶玉監證莊公二十一年之聲鑑; 一用管子五編爲签證昭公三年 人處耳。」

陳氏三量登一。〇方叔章寄示周墓竹簡摹文:有「戈八、鼎八、也(匜)一、幾(弩機)一」等字, 知是殉

品目錄。鼎字與壽縣楚器同。

九日。草釋梓篇,用陸璣詩疏生子之說,明梓之語源爲子。 又草釋察篇,據門人襲曼甫言「櫻桃

樹幹多疣贅」爲說。

大樂。 十八日。 一日。再跋師衰毀,據墨子節葬、國策秦策五、荀子正論之「後子」說「後男」,積疑頓釋,以爲 續寫初義不屬初形、屬後起字考,一九五零年寫此,中輟未乾也。 越六日,寫成, 凡得

五十字。 二十五日。跋取盧子商盤,以史記貨殖傳、陳涉世家「取慮」為證。

二十六日。草陳遊簠跋。「季姜祥器」,讀祥爲書,據易「主中饋」、詩斯干「議酒食」、公羊傳「常

之母有魚蔽之祭」說之。附說詩采蘩「有齊季女」爲齊國之女子。

二十九日。再跋蹇鼎。「捷東反夷」,讀捷爲截擊之截。○跋呂行壺,訓捷爲勝。

日。

赴程頌雲主席晚飯之約,見其所藏漢碑數種。

華山碑墨色最舊。

又有一西漢碑,其人名

建,不知其姓,齊國利縣人。 文有「元始五鳳」字及「句町王」云云。 程 云海內孤本,不知信否。

三日。跋鄉離尹鉦。用荀子賦篇「儆革戒兵」證「儆至劍兵」。 公元一九五二年

三四四

六日。 再跋競卣。 謂「卽東命」當連讀,卽命謂受命,以書金縢、定公四年左傳、毛公鼎爲證 刹

臭閩生、郭沫若「命伐」連讀之誤

七日。 跋同般,「毕逆至于玄水」,讀遊爲濟。

九日。 梭甲文說,太去二十三首。

十日。草釋怪囲,讀爲掘礦。〇寄甲文說於科學院,請再審。 十二日。改撰雕騷傳與雕騷賦

十三日。 閱劉詩孫所寄音韻學講疏,讀若依遠錢、殷之間。 因以讀若探原、造字通借、弊銘本字

三本寄之。

爲證。 十五日。據一辭疏義錄釋犬、釋省二篇。「犬中告麋」,犬與周禮迹人相當,以左傳「迹人告介麋」 **恵盂「田省」,郭沫若讀省爲獺,良是;而訓爲秋田,則與字義複。** 余訓獺爲殺,與恵盂「田射」

文義 反開始。 余貽書質問是否官僚主義。 今日得覆,不肯直承前錯,但云「今年刊稿一律致酬,尊稿不成 一律。 十五日。 去歲科學院允爲余出版金文說而不肯致酬,與其所布圖書刊行辦法矛盾。二月間,三

問題」云云。 此事金錢事小,而保持院信事大也。

十六日。 草釋大篇。「大今三月不雨」,讀大爲逮,糾郭讀達之誤。

十七日。增補前撰詛楚文跋。讀「康」爲荒,「宜」爲査,「制」爲誓,「飾」爲飭,「底」爲砥。 此事在

今日余有一日之長,然非世人所重也。

二十日。 增補訊楚文跋,訓「輸」爲墮。

三十日。 草書酒誥茲乃允惟王正事之臣解。 謂「允」與金文之毗同,當讀爲駿,長也。

語與金文

「晄臣天子」意無異。

四月。

日。 閱光明日報載陳援庵自我檢討,頗深 刻。

九字, 日。 紹周作篆。 徐紹周 書致楊得雲爲余所刻石章來, 余前入城時所託也。 章爲「與漢子雲宋南仲 家

八 日。

十一日。 記聲訓,悟大學之懷、說文之聲、廣雅之怪,當爲一字,淮南又作駤。 徐森玉寄陳簠齋舊藏膠西三量器拓片來,並告其容量。 余前跋子禾子釜軒當作料之

說得證實。○湖大三反運動 開 始。

十八日。 草陳猷釜跋。 據孟子「塗有餓莩而不知發」,

廩; 糾郭沫若「丕發」爲人名之說 趙註釋發爲發倉廩, 謂「丕發」爲大發倉

知齊量升 量亦同。 二十日。 余謂二斗零八合乃齊公家法定之量, 豆區皆以四進, 草子禾子釜再跋。 而與釜鐘皆以十進。 此签容量爲上海量二斗零八合,與頸平,恰合左關與十與之數。 而五合六撮乃陳氏加惠齊民之數, 其由頸至口之容量爲五合六撮。 陳猷釜由 故 兩 釜 頸至 相 同 口之 也 乃

積

之厚也。 言爲陳乞時事,子禾子爲田和,和爲乞之玄孫,此時篡齊之勢已成,故其市惠於民之事亦不如陳乞時 一大飲釜至頭之量爲二斗零三合六撮,疑因所節之敷釜不同之故。)此與左傳登一之數不合者, 左傳所

吝嗇財難出手謂之記,皆由乙孳乳。 二十六日。草釋乙篇。 乙有難山之義,故魚骨鯁人不可出者亦謂之乙, 口吃言難出口謂之軋,

再釋介。 介爲介畫,閉、竹、界、鼢、扴、疥、 蚧皆聲中有義。 二十七日。 草釋律篇。 律爲律管, 以竹爲之; 从聿者, **聿古筆字**, 以竹管束毫之物也。

凡百日也。 二十八日。 小學述林早編訖,留存副本一份亦已具,寄科學院請審查。 距一月十七日始整理

五月。

.

如此。 告命:吳檢齋後來之左傾,乃由於錢玄同奪其師大國文系主任所激成。 意謂錢以五四運動之新 長司法部時,檢齊會請太炎緘行嚴謀升司 位如此,視程瑤田 榜,我當以左傾之新勝錢也。 日。 今日勞動節,八點牛到球場。 輩有愧色矣。 **丕模為檢濟辦文史雜誌時同志,故知其用** 倭寇難作,檢齋自以傾左,惟怯不安, 長。」檢齋治學篤實,不愧其鄉先輩,而熱中仕 幹事宣告年老及有病者不必遊行,余遂退出。 發病而死。 心如此。 駱紹賓 名位之害人其甚 宦, 言:「章行 譚丕模今日 汲 以汲於名 爲標 嚴

編譯局來書言:積微居金文說序文經研究後,陳寅恪序立場觀點有問題, 于思泊序無刊

登之必要,自序可保留云。

四日。 近日閱聯共黨史,時有開悟,心情爲之小變,或者是進步處邪?

八日。 編譯局來書言"「大衆科學社轉到甲骨文中開礦的記載一文, 可刊登考古學報。」 並云

「希望多寫這一類的文字。」

十五日。

十一日。 考古研究所來書言:編輯部改組,學報今年不出版,恐余須急發表,故將稿件退還。

觀湖大浪費展覽會,材料之多之怪,令人驚詫。○報載宋慶齡、郭沫若等發起亞洲及

太平洋沿岸諸國和平會,亞、澳、美三洲和平人士應之。此舉極有意義,良爲可喜。 二十二日。前因楊榮國事上書毛主席,後因唐麟告余,今日教授當以思想爲主。自悔孟浪,遂

再奉書。今日得覆書云:「違敎多年,最近兩接惠書,甚爲感謝。 解决。我以爲取這種態度是較好的。 此覆,順致敬意。毛澤東。」一九二〇年驅張之役,余與毛公同 所論問題,先生在第二封信裏已作

事,故有違数一語也。

類,故以爲連文。錄伯茲殷云「金甬」,卽金鐘,亦謂鈴也。「處大正」「處」蓋假爲虞,與娛同。 二十六日。跋釐君編鐘。銘云「龢鐘鈴」,楚王編鐘云「自作鈴鐘」,廣韻云:「鈴似鐘而小。」鈴、

鑪

二十七日。跋查白鼎。釋「查」爲模字,尽爲古文夷字也 二十八日。跋寍□子鼎。「杵眾食」,「皯」字羅振玉無釋,余釋爲胾,讀爲載;眾余釋四分,此記

公元一九五二年

三四五

三四

猛字作公旁, 與玟、 珷加

王旁

容量也。○跋上樂鼎,然釋叁分;多與樂鼎之學皆是智字,當讀容,容叄分與盜□子鼎載四分義同。

二十九日。 跋□子鼎,念是哀字,从○與从口同。

三十日。跋都公平侯鼎。「辟燼公」足證余變歸傳「辟鑒叔」之說。

同例

旁子父乙鼎肖是子字,各於皆民字。〇跋女射鼎,李羅釋每,以矢令葬「女二人」女字作李證之,知是 三十一日。跋子父乙彝。考,據甲文釋子,兄父辛甗,「多父辛」,多亦子字。耀釋兄,非也。 〇跋

女字,非每也。

三日。跋冀子父乙殷。疑奏爲子字。○跋白歎殷。 謂够卽廢字,假爲殷。

白家父殷,讀部爲造。○方叔章來,言政府出互款脩繕古跡,嶽麓萬壽寺亦其一處。又言龍伯堅聞 人言:蘇聯東方學院院長某君於余備極傾倒,每余一文出,必取而研究。 龍、方意慫恿余往遊,必受 四日。 跋口霝德殷,釋數即執字。 ○跋白食父殷, 釋食爲喜。○跋戈盾殷。 釋眉爲厚。

歓迎。 余殊無此壯志也。

七日。 李亞農來書告,甲文說渠仍主擇優 出版。 隨致緘編譯局,贊同李議。

八日。 編譯局寄到小學述林審查意見書,主大删改後出版。 於余書佳處未能了解也。

十三日。跋毛舜殷。釋與爲關之繁文,以與或作壞爲證。○跋叔皮父殷,釋弟爲我,據晉姜鼎

爲證。

1. 九日。中國文字改革委員會及科學院語言研究所合出中國語文雜誌,來書請爲特約撰稿人,

請投稿。○周一良寄周叔弢六十生日紀念論文集來。

生日論文集有俞平伯釋此句文字,以法言之「久幽」釋「久要」,余讀其文,觸而爲此說也。 二十三日。 草論語人要不忘平生之言解,謂要當讀爲約,「人要」即里仁篇之「人處約」。

周叔弢

二十四日。小學述林說字之文凡百餘篇,內容繁富,讀者不易得其條理。今日依其性質分類編

訓詁之人,乍讀余書,必感眩惑;得此,庶易鰓理耳。 次之,並爲提要,讀者較便矣。 前此以撰稿時日爲次,太過於機械。 又自沈兼士死後,國內已無專治

二十八日。報載成渝鐵路七月一日通車,荆江分洪工程提早完工。人民政府力量之偉大如此。

胡厚宣寄所輯戰後南北甲骨錄來。

七月。

五日。 偶思論語「不思寡而患不均,不患貧而患不安」二語,以下文「均無貧」一語校之,寡、貧二

字當是互誤。

十三日。草文字中的加旁字。

高自大,輕視他人,專家學者思想包袱極重,強調業務學習,喜愛奉承。皆切中余病。 十九日。 湖大 思想改造運動,力行批評與自我批評。 今日, 羣衆意見書來, 凡六條, 又謂余敎課負 內容爲自

公元一九五二年

積

賣,性格爽直,爲同學所歡迎云。

二十二日。

始草自我檢討書。

二十四日。 連日閥李秀成供詞箋證。 秀成讀書不變,而知兵善戰,行動多合理;

八月。

二十八日。

尊主名與官名的會意字,用口語體改寫之,擬投中國語文也

自我檢討書十日來屢次修改,今日始定稿

之故,喪失民族立場,最可痛恨。次之則反對學生運動(抗日運動除外)。李毓堯長湖大,學生反對 四日。 余向歷史系師生檢討。 生平最大之錯誤,爲應日本人之請續修四庫提要一事。 因好利

余竟為李緩頰。及軍人入校干涉,余始力助學生,則事已無及矣。 他如強調業務,自高自大,自私自

利,皆極端錯誤,急需改正者。檢討畢,同事同學多人與余握手道賀,幸獲通過。

八日。 積微居金文說五校訖,寄去。 此在余爲第三校也。

分之十加到百分之三十, 殊可喜也。 十日。 文玄兒來山辭往武漢, 以兒自請調任工廠工作也。 報載國家財政收支平衡,根本好轉,視毛主席所豫計者提早完 兒言解放後到今, 工業比重已由百

成。 此皆可喜之事也。

力不足,故矢口亂道,將有作無。 十五日。 再寄積微居小學述林於科學院,請再審查。 謂余所用皆淸乾嘉以來常用之方法,其實不然。 原審查人於訓詁及語源之學並無研究,學 一,余嘗習外國文

倉酒 壻相謂曰 證 按午乃杵之初文,余據禮記「春者不相杵」及淮南子「舉大木者前 豚 也 字,於歐 靈 囱(古窗字)。 渚之言着,謂水之所附 杵聲;而午字 JE 文大山,盡量 學本身着力,如王、朱是,余則取古書傳注、現代語言及其他一切作材料。 亦一貫。 言底,底,止也。 合語 作魔。 篇正 裕字 但 源 就 見本字 洲 丽, 從知 者也。 此用 从谷 訓 求 語 語 断爲齒根。 擷 35 源之學有所 朙得 抽 即其語源。 說文重文爲線索追求語源也。 ,訓衣物饒;余據史記貨殖傳「畜至用 源之方法言之, ,當得義於窗櫺之櫺。 取利用。 亦訓次也。 象的意義往往從具體的事物來。此系統研究,亦新理論也。他如文字藥乳之一班、 姊訓女兄,娣訓女弟。 坻、沚皆謂水之所止。 義於「窗牖麗廛闓朙」之囧。 著。 歷字 从弭,訓鹿子。 吸取。 五,繼承倉頡篇、說文形義密合的精神,緊握不放。 此皆用古書所載古代社會事物之狀况追求語源也。坻沚皆訓 坻、渚同義,猶國語言「底着, 此以連交爲語源者也。又如情、醑皆訓知,得義於配銜之配,聰得義於 斷訓 二,前人只證明許訓,如段、桂是,余則批判接受。 齒本肉, 諝、惰、聰、*聞、*僚、靈意義一貫,其 姊、次古音近,姊、娣之語源即次弟;此猶妯 坻、沚同義、猶詩言「靡所底止」,以底、止連文也。 余因 頭字或从兒作現,知廣之从明猶之从兒;而論語 因說文垠或作圻。 遯訓逃,字从豚;余據孟子「如追放豚」,謂遯 僚訓 慧, 谷量 滯徑」, 馬牛」, 得義於訓小孔之寮。 余謂断从斤猶之从艮,實得 以底着連文也。 呼邪許」, 謂裕受義於谷。 語源之解、囱、圈、寮、櫺意義 謂許字 四,古韻部分大 此余治文字學全部方法 莊子 此用古 从午从言,當訓 許字 三,前人只 說大愚者 娌 或稱 从午, 小渚。 書 渚訓 先後。 同義 義 卽 明 終身不 受義於 於根 訓 在文字 小洲 建文 聽 麻 相

余據上: 詁之疏也。又余著對揚王休解,義證詳博。 字爲合體,「解字」說解剖字形。唐書主形,正宜用此。 科學院負責同 之一,唐著文字學,「文」字舉說文之文,「字」字不舉許解字之字,反舉呂忧字林之字。 又造字與用字之系統研究也。原審查人所說全非事實。 源於語源同續證,此語源之系統研究也。又如造字時有通借證、文字初義不屬初形屬後起字考, 述理由 志嚴切注意云。 向院申辯。 末復以專門委員之資格, 唐妄施駁詰,是其不認識訓詁功深之文字,又喜妄駁也。 謂科學院審查書稿, 乃因誤認解字爲解釋字義,故出此。 據傳聞, 審查人一爲唐蘭。 影響全國學術至大, 余又舉二事言 許在呂前,且 是其訓

十六日。 閱國外遊記彙刊中臺灣遊記,謂蕃族尚以結繩法記數。 裴治地質學,以其所學與辯證法結合,此殊可取。

二十四日。

閱裴文中自我檢討文字。

二十九日。 m 壓百七十四度,此向來所未有 也

解釋甲金文,勝義紛披,多士折服云云。蓋指甲文釋大、釋犬、釋省三篇。前此編譯局誤編入金文說, 三十日。 余讓之書告,季豫眠食俱佳,惟不良於行耳。 又告,聞科學院友人言, 余有新著寄京,

余八日寄還編譯局者,故見者以爲寄京新著也

九月。

之從,乃狩獵時攜帶何犬之貞也。 四日。 草釋从犬篇。甲文常見「从犬」之文,余去歲撰釋从編訓从爲逐,近日悟从當訓取以自隨

十一日。閱新建設,內有翻譯蘇聯人穆德洛夫論中國語言學文字一首,謂中國語言學者向來多

依據資本主義國家學者之說,舉及余名字,以高等國文法曾稱引葉斯迫孫也。

草釋投舟篇。甲文屢見「投舟」之文,余以說文般字下說「殳,所以旋舟」解之;投从殳

得聲也

十三日。

十四日。閱般契卜辭,搜材料,得坚礦記載一條,以爲喜。草釋考風篇,明後世殺狗止風始於殷

人,附記皿風爲号風之省文。

日以王名之日卜,肜龠以王名之次日卜。肜古訓肜肜不絕,信乎其爲肜肜不見絕也。 二十一日。草釋形龠篇,形龠必以王名之次日卜,前人皆未及也。形夕以王名之先一日卜,形 〇嫻女攜外孫

女自強赴大連,送之至牌樓口;新孫留此不行。 二十二日。前於十七日到陸軍醫院用儀器驗心臟,今日得醫師報告,謂余爲血管硬化心臟症。

二十六日。 二十三日。 連日以會議餘暇校商務印成本淮南子證聞,今日訖,寄科學院請審查出版。 湖大代表會議,規劃此後建設。 余被特邀列席。

此書雖

已排竣,迄未印行也。

二十八日。 始整理漢書窺管。 此書雖已成十分之八九,仍有數卷未寫成,年事已老,近復多病,

亟思料理清楚,作一結束也。

三十日。文玄兒婦張福於昨日上午得一子。玄兒名爲逢年。兒於去年今日結婚,恰爲一年也。

公元一九五二年

於余爲第三孫矣。

日。 國慶祝賀大遊行,到操坪,以年老不參加遊行。

四日。 袁勛安醫師爲余定碘化鉀劑,飲之極感舒適。 余前此用墨魚爲肉羹,食之將兩月。

多含石灰質,碘化鉀可克服之也。 五日。 連日習漢書,覺補註所採周壽昌說謬誤頗多,此昔年所不曾覺也。 憶四十餘年前旅居倭

京時,與平江蘇先生談及漢書,先生於周極不謂然,余治此書數十年,今日始知先生說之可信。

甚矣

墨魚

六日。 到湘雅醫院治病,內科惲醫生云無病,血壓只百五十度,蓋已降低矣。 學問之事必隨年而進也。

於極淺之文字看不通,亦評第六級。余提議應減,無人見信也。平心論之,余評最高級,决不爲少; 公佈後,羣衆對九發授皆有微辭,而於余獨謂應再加一級。此羣衆對余之阿好也。 九日。 學校評薪,最高者爲第六級(七百六十分)。 除五院長外,教授評此級者 譚丕模並中蘇條 十人,余居其一。

而與楊榮國、譚丕模同級,則認爲一種侮辱也。

十三日。 慶兒歸家言,嘉兒調任零陵團委副書記,評爲甲級 工作模範。 此殊 可喜。

絕無其事,而杜欽傳却有之。又谷永傳及五行志下之下皆以杜欽與永並言也 十四日。 漢書外戚成帝許后傳云「劉向、谷永皆陳其咎在於後宮。」劉向乃杜欽之誤。以劉向傳

據古韻部廷在青部,延在寒部,文與燕、見爲韻,應作诞也。不知青部古多讀入寒部,如倩讀倉見切, 十六日。漢書外戚傳超飛燕傳云:「燕燕,尾挺挺;張公子,時相見。」沈欽韓謂「挺」當爲涎。

此

瞑讀武延切,是也。 沈說未觀其通,失之。

十八日。讀報載蘇聯共產黨十九次代表會議斯大林演說,精彩有力,真大文也。

文。 今日悟「者」乃諸字之誤脫其半者,於是文句順通矣。 十九日。漢書元后傳云:「先是者太子後宮娣妾以十數。」文字不順, 撰補註補正時,疑者字行

二十一日。元后傳,「當爲歷代爲母」,下「爲」字衍文。

者數起焉」,句不可通。今校正爲「比客罷,起者數焉」。 二十二日。閱吳寶煒明公彝、南公鼎(卽全盂鼎)兩考釋, 認妄無可取。 ○漢書王莽傳「比客罷

二十五日。王莽傅云「殷爵三等」,余以侯、田、男說之。

改易其說矣。 二十九日。 閱郭沫若奴隸制時代,討論雕騷傳文字,謂淮南王傳或是賦體之說爲余糾正者,

已

十一月。

孟堅用字真切如此。 四日。 漢書敍傳說田橫事云:「旅人慕殉。」按橫客自殺者五百人, 說文記「軍之五百人爲旅」,

五日。敍傳云:「子政博學,三世成名。」顏說爲劉德、劉向、劉歆,余說爲歌、伯玉、孟公三人。

公元一九五二年

後書蘇竟傳稱襲善議論,馬援、班彪並器重之,是其證也。○陳夢家調科學院工作, 意林引桓譚新論云「劉子政、子子駿、兄子伯玉俱是通人。」孟公名襲,董仲舒傳贊稱爲篤論君子, 總結甲文研究。

來書索取講

七日。 九日。 科學院寄到金文說十本。去年十一月底交稿,費時間將整一年也 檢查金文說,與郭沫若書器同者凡百九事,中有與郭意見不同者甚多也。

陳侯因裔鐸,余金文說誤題爲殷,以窓齋題敦,余凡敦皆改殷,致誤也。

十三日。

之「三面皆暢」;「焯爍」證以玓瓅;似皆適合。 十四日。楊雄傳,「徽車輕武」,訓武爲士;「皇車幽鞨」讀輵爲轄;「西暢亡厓」, 證以韓非說林

二十一日。呂氏春秋精識篇,「隱志相及」,隱當讀意。春秋「季孫意如」或作隱如也。

也。廖爲魯實先之友,魯遁入異邦,廖可彌此缺矣。來書求致,愧無以益之。 各依當時曆法推算,群具朔閏節氣。意不以錢竹汀、陳援庵之書爲然,思改進之。 二十二日。寧鄉廖海廷來書,告擬著六曆譜,別撰長曆,自漢武帝太初元年至明武宗 如成書,亦一偉業 IE 德七

二十五日。 于思泊得余所寄金文說,來書云:「新識創解,勝義繽紛,自孫籀廎、王觀堂以後,一

人而已。 二十六日。 其他皆自鄶以下,何足數也。」故 余前說甲文有販字,後變爲鍰,从金,其義爲泛。王顯來書,謂此乃社會經濟發展所 人阿好過譽,非余所得當。 姑記之,懸以爲努力之標的耳。

致,不惟不泛,且至切也。 其言深中肯綮,余文當改正矣。

牛。」註云:「吾子,謂小男、小女也。」吾古音與牙(兀丫)同,今長沙呼小男、小女爲牙子。「徐吾、李吾」 二十九日。例女辨通傳:「齊女徐吾與李吾之屬會績。」余按管子海汪篇云:「吾子食鹽二升少

即「徐牙子、李牙子」也。 漢書衛館傳「不孰何館」,孰當讀爲敦,何讀訶。說文"「敦,恕也,詆也。」孰

敦皆从享聲,故可通作。 敦有對音,故孰何或作誰何,誰與對古相近也。

三十一日。與王原一、馬宗霍同遊開福寺,觀三殿佛及羅漢像。寺爲最近繕修,丹漆煥然一新,

費錢二億餘云。

十二月。

出版,極以爲喜。 二日。四跋號季子白盤,說「王各周廟宣廚爱鄉」爲飮至之禮。 ○編譯局書告,淮南子證問

可以

五日。 寫食貨志窺管。 「定開田官斥塞」、「官斥塞」三字爲一句,「官斥塞」謂公家斥塞也。 舊以

「開田官」連讀者誤也。

股親郊,而后上無祀,則禮不答也」,謂答假爲合,以左傳宣公三年「旣合而來奔」假合爲答,合、答相 寫郊祀志窺管。「少君資好方」,余以陳平傳「大王資侮人」說之,釋資爲天性。「今上帝,

通爲證。

十日。寫天文志窺管。「塡星緩則不建,急則過舍」,「建」當爲速形近之誤。 晉、 隋志作還」

「還」乃選字之誤,逮,選皆及也

十二日。跋濟司土殷。謂是周公誅武庚時器。「王來伐商邑」,乃周公攝政稱王,以康誥之「王 十一日。寫五行志窺管。「嚮用五福,畏用六極」,讀「嚮」爲賞,「畏」爲威。

若日」及禮記明堂位、書嘉禾篇佚文爲證。銘文來字與楷書東字同,可證余前跋大鼎之說。

十三日。讀五行志。此志太無意義,令人不耐,而冗長已甚,苦不能終卷也。

十五日。出席湖南省人民代表會議第二屆第一次會議。

逝世。 二十一日。 二十日。選舉省政府主席程潛以下五十人,省協商委員會委員八十人。 徐一代清才,詩詞皆美,多識古物。 | 願兒由京來湘,不見七年,體已加重。山中一宿,明日別去。兒此行隨蘇聯水泥專 惜哉! ○徐紹周(植立)昨夜

家某君來漢口。人問某君:「何謂專家?」某君云:「能發現問題、解决問題者爲專家。」

二十六日。 取向日說尚書、左傳、莊子、呂覽、鹽鉄論、釋名、後漢書各種合併爲積微居讀書記。

寫藝文志窺管,此卷心得頗多。

三十一日。授金文父白殷。襲傑問: 「王若曰爲代言,此代言者是否卽歸 裘之 仲虱?」余曰: 此事甚易曉,而前人皆未言之;余亦忽未察也。」○今日歲終,檢點一年中事:金文說已出版,

淮南子證聞有出版决定,漢書窺管應補撰諸卷補訖;此著作可喜事也。添孫逢年一人; 廳兒南歸,

聚處一日;此家庭可喜事也。

是。

九五三年(癸巳),年六十九歲。

四日。 漢書窺管增補材料已訖,今日開始加標點。

五日。 陳寅恪書告:「科學院寄積微居金文說已到, 當請人代讀。 然此書爲近來出版第一部佳

作,雖不讀亦可斷言也。」寅恪於余阿好如此,可愧也。

王姒聖孫」謂文王王姒聖孫所生。然則皇公為毛叔鄭之孫,班則其曾孫也。器乃毛班爲其父作,

細讀毛班段,悟「不杯刊皇公」即下文之昭考,「文王王姒聖孫」謂毛叔鄭之子,「毓文王

特詳說其父事也

石,大者容十二石。」所謂大者,指殘盂鼎言之。如此,近人題大、小盂鼎者適得其反。 毛班爲文王之玄孫,與穆王爲文王玄孫之子時代恰相接矣。○篤齋金石文考釋云:「盂鼎容八

云:「東西南比舊△,北比樊漢昌。」朱書買地鉛券表面第二行有「步南比」三字,南比,謂南接某處也 陌之北,古是、氏通用」。余謂「桓千東比是陌北田五畝」當連讀,比謂地界相接。知者,房桃枝買地祭 十日。閱羅振玉丙寅稿,樊利家買地券云:「桓千東比是陌北田五畝」,羅釋爲「桓阡之東,

比是

漢書諸侯王表云:「諸侯比境,周币三垂。」顏註云:「比謂相接次也。」 十四日。省政府送湖南文史研究館館長聘書來。當事以余從事學業,故有此舉。以此意甚善,

公元一九五三年

不能負之。 設館旨在養老,無研究之實。事務均由副館長方叔章負責,故勉任之也。

爲之大驚。 二十一日。 以毛之周到不遺小物也。 李鶴鳴即日赴武大就職,往與爲別。 蓋毛意在了解楊榮國及余。 李告:余致毛主席兩書,主席會以示渠。 余問: 毛對余無誤會否? 李言曾 余聞,

將此事始末告毛,决無誤會。 二十五日。作書與馬夷初部長,言湖大文學院院長楊榮國學識低劣,萬不可任之爲師範學院院

「大黃」,註謂即黃閒,沈欽韓引阮元書「赤黑閒」爲證;今更以後漢「晉等紫

閒」證之。

長。

○寫李廣傳窺管。

是矣。 二十八日。寫陳遵傳窺管,「事在元平元年赦令前」, 而以此句為陳遂 語,則仍非也。蓋宣帝言此赦免遂不必償,可也,遂引此以拒償,則非事體也。 此宣帝詔書語。 俞樾訂顧亭林此傳誤說,

三十日。今晨月食。 六時起床觀之,乃昨夜忽雨,竟不得見。

三十一日。 跋陳侯因戈。 戈見凝盦藏金圖六十。 「因」字作風,蓋字作花紋;「因」即因脔

四日。 跋史懋壺。 以漢書張馬傳之「露著」 說「路筮」, 筮有蓍義, 見周禮春官築人及儀禮士

冠禮 註。

今日得陶覆書,云「審查人迄未交還,院方亦未催問,尤爲奇怪。 十日。 **積微居甲文說**,去年三月寄科學院請再審查。 事將 一年,杳無消息;因緘陶孟 官僚作風,值得深切檢討」云。 和問之。

十三日。 編譯局寄到重審小學述林意見書,於余書已有部分了解,立詞尤為謙遜,蓋有鑒於余

前 此嚴詞斥責 四日。 今日爲農曆元旦,本有日食, 也 以天陰不見。○聞方叔章昨日逝世,爲之驚惻。

叔章通

達事理,待友懇誠,朋輩中罕見。文史館事方資倚助,失渠尤覺茫然無措。

被今年預算報告。國家蒸蒸日上,可於此覘之。國防費不過十分之二,以注重建設故也。 十八日。跋興父辛虧。舊釋拱井父辛,誤也。 又跋皿辛父爵。舊釋器形辛父爵,亦誤。 〇讀薄

-1-

九日。

删去小學述林說春秋義者三篇,寄科學院出版。

審查意見謂今日討論春秋書法爲無

此說甚是,故從之也。

意義。 ♡字余據甲文釋爲盥也。○跋止且癸爵。當釋足跡形者余釋爲止也。

二十七日。 二十六日。跋盥爵、盥鼎。 跋舟亥父丁卣。釋万爲亥也。○跋子木壬父癸爵,謂木爲子壬之正名, 木壬連稱,

猶河亶甲名整,呂氏春秋稱為整甲;陽甲名和,竹書紀年稱為和甲也。 二十八日。 跋孫刀丁且己殷。 謂刀爲孫丁之正名,刀丁猶之木壬。 此解似頗妙。 ○跋矱姬彝。 釋8爲般之

省。 ○跋△左父辛彝。釋生爲左,以說文差或作差爲證。

三月

三日。 四日。 跋白火父壶蓋。山,前人皆誤釋山,今正爲火字。 中南發掘 員劉啓益來,云二里半發掘漢、六朝墓各一,得古物十餘擔。 ○再跋父癸彝,仓釋爲耳。

公元一九五三年

三五九

六日。 日來報載蘇聯斯大林患腦充血,病狀嚴重。 今日廣播竟於昨日逝世。 世界導師,遷終天

禄,良堪痛悼

爲銅虎符」,漢書删去「國相」二字。 九日。 跋分府量器。 「多二益」讀別為容,據梁鼎署字以凶為證。 今郡守符屢見,國相不一見,知班氏筆削之精也 ○史記文帝紀「初與郡國 守

柏

十一日。近日復校漢書窺管,郊祀志「臣望東北汾陰直有金寶氣」, 顏訓直爲當, 謂正當汾陰。

王念孫以直字屬下讀,訓直爲特。 **佘謂氣在天空,不能確指,故云當汾陰處,立辭較活** 脱。 如王說,

竟似汾陰地 面 出氣,死板不活矣。 王氏校書太失之機械,不能心知其意,往往如

此。

器 可證也。 十二日。 跋漢南郡太守銅虎符、謂虎符不惟郡守有之,諸侯王侯國縣令長及屬國皆有之,今存

有百餘年,思想及學術皆大進,故王說多須修正。 本書謂原道述老,假真述莊;又發現地形篇有鄒衍大九州; 受時代影響之束縛。 十四日。 科學院囑撰淮南子證聞提要,今日爲之。 今日文法學大明,王氏只有文法觀念, 如「人主者以天下之力爭」,王校改「爭」為動 言校淮南者莫精於高郵王氏,然王氏 此類皆學術史上大事,非尋常校勘家所 已不足用。 從來校勘家識小而不識大, 到今已 ,此明

十六日。 草毛伯班殷再跋「毓文王 王姒望孫」, 訓「毓」爲生, 謂見生於文王王如 聖孫。 皇公謂

毛班之父。 如此則毛班爲文王玄孫,與穆王爲文王來孫(玄孫之子)者時代正相接也。

十九日。以漢書窺管寄編譯局,請審查出版。

二十一日。 劉啓益來問古韻,以說文聲母表贈之。 王平默來言,余下年度調往武大。

言昔年在民國大學聽余授文字學,

印象至今猶在。

後在民大任文字學

課,遵用余法,解决許多問題云

二十二日。

王石波來,

一十四日。 訪杜星五,問養生法。

二十九日。

區政府送光榮軍屬牌來,豫兒在軍中服務也。

四月。

日。 再閱六書正譌,謂厃字从人在厂上,乃危險之危初字。 改聰爲聃, 亦覺直捷了當, 皆可

取。 余前言不當改,過於保守矣。

字而聲類不同,囂从米,與酋水半見出於上義不合也。此猶麐狼甲文作麐犷;字非酋而音與酋近, 改爲「權賣呂職」,王念孫意依衛改漢書,補註依違兩可,皆失之矣。 補漢書樊酈傳窺管一條。 班云「腳寄摧呂祿」,此爲寄辨賣友之誣也。 〇改前撰釋當篇。 荀悦不知班意,妄 謂協、猷雖

五日。 改甲文釋登篇。 謂義舜一字,羅振玉別釋長爲鼻者非也。 形从米而音近酋,知必爲許訓「早取穀之樵」矣。此說煞費苦心,後有智者,當能辨之。

六日。 改甲文釋羔篇。 去罗爲离之說。

七日。 改甲文釋製風。 謂是西風,以山海經「來風日韋」爲證;襲本从韋得聲也。

公元一九五三年

八日。 上卷說字,下卷考史,共文七十篇

定分甲文說爲二卷。

九日。 十一日。 漢書董仲舒傳言「公孫弘希世用事」,顏訓希爲觀,讀爲睎 廖海廷書告:用曆法推算,属王元年正月無丁亥,共和元年有之,丁亥爲初八日。 也

此足

證明余師默殷跋之說爲是。

字而羅不知也。延雨無義,又說爲延雨。古人云淫雨、久雨,不云延雨也。若延雪,延啓、延風更不 可通矣。 十二日。草甲文釋祉篇後記。 甲文之誤釋,未有甚於此字者;乃一唱百和,竟無矯正之者。 明羅振玉釋「征」爲延爲根本錯誤。 吁,可怪也! 說文:「徙,或作祉。」本有其

漁字尹註釋盤正之。○草釋旨方。謂旨方「西伯戡黎」之黎,以黎字尚書大傳、史記幷作者,說文書从 十三日。草釋外篇。 郭沫若讀爲般,是也。 而認从水之~爲殳,則大誤矣。今據管子小問篇之

旨聲也。 〇編譯局書告小學述林付排。

十五

日。

所長,故其釋淮南精於許慎之閒計。 草淮南子證聞後序。 謂漢儒精訓詁、宋儒審詞氣;高郵王氏生漢、宋之後、兼漢、宋之 今去王氏又歷百年,文法脩辭之學大明,學者宜更進於王氏,不

十七日。 讀說壽堂殷虛文字考釋。 平心靜氣,使人之意也消,他人無此也。 當以王氏自固矣。

十九日。 二十日。校甲文說。 讀郭沫若新改删本甲骨文研究釋精篇,確鑿可信。 删釋及篇。

子為王,而其妣見祀者皆有二人,是也。沃甲以後,非有子為王則不得見祀,如祖丁配四人見祀, 二十三日。草再說沃甲夾匕庚之見祀。說沃甲以前雖無子爲王,妣亦被特祭,如中丁,祖辛皆

妣辛,武乙之母也。 孝已,殷人以王祖之,故稱小王也。 武乙之配有妣戊,文丁之母也。此皆子爲王者若干人,即有妣若干人見祀也。 祖甲之配見祀者妣戊外有母己,虞辛、康丁之母也。 康丁之配有

以有四子爲王也。

小乙配見祀者此庚一人,武丁之母也。

武丁之配三人見祀,

以祖

庚、

祖甲

·有兄

此種改變,實導源於沃甲夾妣庚之見配,其關係不僅本身一人之問題,而實爲殷代妣祭制度改革之

關

鍵

也

交換病傷戰俘,聯合國會議通過緬甸申訴蔣匪侵略案,皆可喜之事也。 二十五日。 到湘雅醫院驗病。 王肇勛醫師謂余血管硬化,此老態,非病態。 〇近日中朝與美帝

事。 能此 二十七日。 出者惟王 草甲文說自序, 静安、郭沫若。 余雖所得無多,而治此學之途徑不誤。 謂治甲文必通文字、音韻學以識字、通文義, 此因近日中國考古學報第五 以古書爲基礎 證 合史

III

載

李亞農文字,感而爲此言也

五月。 二十八日。 馬宗霍來,極道余金文說之美。在湘人士中能知此者蓋亦鮮矣。

其妣日名不同說。 二日。 檢董作賓殷曆譜。 按妣名見於甲骨之先公、先王凡十六人,一王或不止一妣,故妣名見於甲文者凡 形龠下以王名之次日,董已先言之,因汰去釋形 龠篇。 草般先公王與

積

姓不婚相似也。 二十四人。此十六人與二十四人之間,無一夫婦日名相同者。 疑殷人有同日名不婚之俗,與周人同

三日。 閱王念孫爾雅郝註刊襲,糾擿郝氏深中肯綮。郝自名其書爲義疏,而題爲「注」,此羅振

之疏失也。 四 日。

日。 閱王文簡公行狀,記春秋名字解詁成書時年只二十五,可謂早成矣。

蓋其類也。 飾,則非是。 Ŧi. 讀 余謂壁當作璧,璧飾蓋謂用璧爲飾,或飾作璧形。 王紹蘭讀書雜記。 鹽鐵論散不足篇「聖憂壁飾」,王梭「憂」當爲幔,是也。 漢書外戚傳云:壁帶往往為黃金缸, 而 云塗壁作

及之。 讀鈕匪石文鈔。 卷內有定晉盤爲僞器文字, 徐樹鈞所不知也。 余撰寶鴨齋題跋提要曾

十二日。 馬宗霍告余,蘇州人倪某請宗霍同宗馬化山代撰詩集,真聞所未聞也 ,材料有增益

也。

十七日。廖海廷來,見示所著手著述漢太初以來氣朔考稿本。 十六日。撰南郡守虎符跋補配,以昨讀翁大年兵符考略及羅振玉符牌前後二錄 廖言寧鄉人呼「老兄」爲老鄉,聲

與古異,韻則 古韻也。

法、釋旨方、 十九日。 沃甲喚妣庚之見祀釋作邑命龜說殷先公先王與其妣日名不同甲文說十七篇示丁思泊, 前以採礦、釋常、釋審、釋夾、釋征、釋錬風、釋犬、釋从犬、釋登、釋大、釋校舟、 、释义、釋

今日得覆書云:「尊著拜讀一通,高識勝義,流露行間。 海內治契專家無此精詣也。」友生過獎,令人

跋元年屬共和之說也。 二十日。 草師獸殷再跋。據廖海廷推算,共和元年正月有丁亥,厲王元年則無之。 〇又草臨袁侯虎符跋。 臨袁,史記、漢書高祖功臣表皆作「臨轅」, 此足證余前 今以 羅振

玉魯封泥有「臨袁邑丞封泥」核之,知袁字是;史、漢表字作轅者,誤字也 二十二日。翻閱羅振玉漢晉石刻墨影,孟琏字孝琚,蓋取義於詩之「佩玉瓊琚」,說文「瓊,或作

琁」也。

老人手扎一通及沈翰(詠孫)山水畫扇面一枚。王札文字並美, 老殘遊記,小傳不之及。蓋羅爲舊人,輕視小說也。〇廖海廷來問古音疑義,贈余王湘綺致廖蓀 二十四日。閱羅振玉五十日夢痕錄, 內有藏甲家劉鐵雲小傅一篇(二十三葉下)。劉著有小說 湘綺樓箋啓卷四(十九葉下)載致廖 畯

二十六日。閱王靜安明堂廟寢通考,頗有理致。

札多通,此札居其一。

沈山水畫清末民初有盛名。

舅、大嫂亦由城來。 昨晚下車歸祝。 三十一日。今日爲夏曆四月十九日,余六十九歲初度。 上午攝影於愛晚亭。余夫婦,三男(廳、玄、慶),一女(純),二兒婦,一子壻(鐵), 又今日恰值日曜日,文玄兒夫婦昨日由 株州來省, 驟兒月初赴廣州公幹, 特提前結束北 同舜芝媳母子皆來山 孔母

内外孫女五,凡十四人。 余男女八人,今只得其半;然已不易得矣。

公元一九五三年

三大五

六月。

間,徐尚未來湘也。 爲學堂監學,語皆不實。一樣以陳右銘中丞實箴之考試,與余兄弟同入堂,時在光緒二十三年丁酉冬 三日。閱石醉六自述六十年的我。卷中配湖南提學使徐仁鑄(介石)及蔡鍔入時務學堂,譚嗣 譚君爲時務創辦人之一,何乃爲學監耶?石君少年頗有文名,今觀其書,文固不

工,識解亦頗陋,殊不稱其名也。

昔年居京時,瞿宣穎曾告余,乃翁有漢書礼記。今不刊彼書而印行此種但記行程之日記,何耶? 四日。閱瞿氏叢刊各種,瞿元霖蘇常日記頗留心地理,可取。瞿鴻機使豫使閩日記,無味之至!

六日。 閱陳渠珍艽野廛夢,關係清末西藏史實,內容新穎可喜,文亦清爽。 王原一言:此書曾經

田星六、瞿崇文為陳潤色云。

九日。報載朝鮮遺返戰俘協議簽字,和平有望,殊可喜也。

十二日。得郭沫若覆書,告已讀余甲文說,囑余汰去若干首再寄去,當囑編譯局出版云。

三等,顧以爲侯之附庸,非也。左傳王姚之稱,王者周也;此猶春秋不稱周人而稱王人。詩有周姜 十七日。閱顧頡剛沒口村隨筆訖。卷中明快之論甚多,亦時有小誤。侯甸男爲王莽傳之殷爵

金文函皇父殷有周娟,而金文亦有王姜。 顧以王字爲舉夫之地位,亦非也。

山云。(十三日來山,以是日余入城,未相見。) 十九日。晤王疏安,云昨日見徐茂恂(特立),亟稱余著中國修辭學之美,獨欲相見,日內必再來

在 綠,則爲文學的句子矣。」語頗有見。○午後入市,赴程、唐二主席招宴,陪徐公也。 西安所得古彝器四事:一大師虛殷,蓋有銘,凡百餘字; 一罍二器, 二十日。 徐茂恂來 山,邀余往談。徐云二「王介甫詩,『春風又到江南岸』,此文法句子; 口有「善夫吉父」字;一 程頌公出示昔年 改到為

諸銘皆無拓片,不能細讀

,殊可惜也。

售著錄有大師虛豆,或與殷銘所記爲一人歟?

明。 中仍存五篇。採礦及先公先王與其妣日名不同說、 自信 二十三日。 余文皆有根據,特既請渠審定, 以甲文說再寄與郭沫若。 不能不從 郭來書見商十六篇,余汰去十一篇,又自汰一篇,十六篇 其意有所删薙。 說沃甲夾妣庚之見祀諸篇, 卷中識字之文, 郭採取不少。文 郭有誤解, 爲之說

字學之知識,固非一般淺學後生所能及也

武王爲姬昌、姬發,於是文、武與幽、厲無別。 大家研究,推翻呂書。 二十七日。入市赴徐特老座談語言問題之約。徐君力詆近日呂叔湘之語法,故約人座談,意欲 余於語法向來不感興趣,無以副其望也。坐中徐言:范文瀾編 又言近時議論捧太平天国過高 歷史,稱周文王

接。 買地券云:「錢卽畢。」幷足爲證。 也。 盡大道,北比鄭江生。」皆其證也。 下文「東自比鬥子,西比羽林益□」,吳黃龍元年諸葛敬買地券云:「田東比賀方,南比沈太養,西 而以 三十日。草漢樊利家買地券跋。 錢字屬上句讀,殊誤。 王未卿諸葛敬二買地券、鍾仲游妻鎮墓券、弁云「錢卽日畢。」房姚枝 「錢卽日畢」,謂地價付淸。 「畝二千, 羅振玉讀「比是陌」爲「比氏陌」,今謂「是陌」乃陌名, 幷 直萬五千, 之錢即日異。」羅謂「異」是畢之譌字;是 羅因誤讀,遂謂畢爲畢買田之事,非也 比謂連

橨 翁 P 憶

錄

三六八

一妣也。殷人祀事用心不苟,於此文可見一班矣。

○甲文云:「業生於妣庚、妣丙。」按妣庚爲示壬之配,先公中第一妣也。妣丙爲大乙之配,先王中第

積微翁回憶錄補編

一九五三年(癸巳),年六十九歲。

七月*

譯名有出於吾書者,長沙楊某考之最詳。 浙居民避難擾攘聲,張爲之泣下,贈以詩。 書;又三十二葉載明季琴師湖南人閻文寇善鼓琴,能為種種聲音,無不切肖。 八日。閱梵天錄竟日,二十八卷二十七葉下載湖南黃熙於雞卵壳上刻唐太宗小山賦一篇,八分 余渾不記爲何時有此事也。 此鄉里藝術天才,固記之。二十七卷末新名詞條云,日本 聞杜星五逝去,殊可惜。 晚遇張蒼水,爲鼓 此君 兩

武術甲天下,而人極儒雅,東京帝大習農科,亦留學生中之傑出也。

十八日。郭書仍不以釋送、采礦、生日名、沃甲配妣庚諸文爲是,成見太深也。

高級干部作報告,稱余箸修辭學有合於辯證法,又謂回湘目的在訪書訪友。 去;又渠有祖丁五配之說,與殷契粹編之說相反,問其有無新材料爲證。 二十日。 甲文說法去五篇,寄科學院並告郭沫若 ; 謂往復討論,徒稽延出版時日, 〇日前, **峻姪言徐特老向** 故依其說汰

自此年以下,爲孫秉偉同志據遇夫先生日記(原稿現藏中國社會科學院圖書館)稱編

公元一九五三年

積

二十二日。閱池北偶談、吉謝列夫講演集。

召,可謂不知時務;惟民衆不動以禍福,則不之信,蓋亦不得已耳。 天主、義和團皆是也。 一十五日。 我國歷史凡革命帶宗教色彩者, 清道光年當鴉片及英法聯軍之後,國 無不失敗。張角之五斗米、林清之白蓮、洪秀全之 人讎洋之念正深, 而秀全尚以 天主為號

按今糕餅業作餅處曰「鏊坊」,向不知當作何字,今乃知之。「鏊」訓「餅鏊」。見廣韻去聲三十七 丁衆,參知政事趙昌言對曰:"自此取幽州如熱鍪翻餅耳。」殿前都指揮使呼延贊曰:"此鏊難翻。」」達 間屋,因號趙大餅。』『擀』字亦俚語。」達按今語云:擀麵,干上聲。 以質稱,亦奇。」○「擀」字下云:北夢瑣言:「『王蜀時,有趙雄武能造大餅,每三斗麵,擀一枚,大如 天文旗中四星爲天市,其中星多則實,虛則耗。 又虛實條(七下)云:「今墟市之稱,義取朝實暮虛也。 魚到切(兀幺),字書曰「餅鍪」。 心,有無變化,尚不可知耳。 二十八日。 報載朝鮮停戰協定昨日簽字,此大可喜事。惟美帝一部分人及走狗李承晚仍不甘 ○閱提要辨證。閱池北偶談訖,廿三卷六上,「鏊」字、「擀」字條 今山東俚語尚然。 神農 富鄭公言:「太宗既下幷州,欲乘勝收復劇門, 所在,人民常實, 宛丘 有羲神。 實,羅苹路史注實者,對虛之名。 非若 虚岩, 朝實而暮虚也。 云「鍪」 地

一十九日。 閱提要辨證,云古人書非手著,糾定劉向習魯或韓詩之非,說皆 美。

朝 勝而美帝敗。 三十日。 晨閱 然我雖居勝勢,以始終求和平故,逐美到三八線以北,决不前進。 小學蒐佚,盡二冊半。 〇人民湖大編輯來,問朝鮮停戰感 想。 余謂:以戰 近來戰事彼來我

旨、國際主義精神之表現也。 禦而已。 可斷言也。 雖我勝彼敗,協定與向來戰後和約不同,彼勝者對敗者有條件, 資本主義與社會主義相形優劣顯然可見,數十年後世界全變社會主義 而今則不然, 此皆 和 平 主

月

校淮南證聞,得五十紙。

三日。 校雅南、盡日得六十紙、寄編譯局。

六日。 取王靜安齊魯封泥集存序。 補漢書 窺管, 得四紙。

十一日。 據封泥材料,校漢書功臣 表,得五事。 閱無邪答問。 暑中 精神散 漫,只閱 雜 書,立秋

後工作始漸上軌道。

十三日。

閱朱氏答問訖。

此書余二十歲前即喜讀之,

論學問平正通達,

其力糾公羊家改制之

脱,為康有為而發也;惟認日食為天變,左祖偽古文尚書, 是其失也

可證,不引原文,頗以爲疑。及檢文選注,則云:「嚴道出橋,有橋官。」蓋王疑「出橋」二字不類志文, 十四日。據封泥補地理志窺管遂竟日,得四紙。 〇嚴道有木官,王氏校木當爲橘, 云蜀都賦注

故避 而不出。 王氏一字不苟 如 此

十五 日。 編 譯局書告淮南九月下旬 可出版,小學述林督令藝文於第四季出版,漢書窺管呈陶孟

公元一九五三年

和校閱中。

e 憶 錄

三七二

二十三日。 編局書請譯淮南及小學述林英俄名。訪彭沛民、曾紀綬,請其譯書名。

二十九日。晨趁車入市,看肖聃,已神志不清,時作呻吟之聲,爲之慘沮。

爲一冊姓所有,得之瀋陽;此次乃土改時得之鄉間,僅存四冊,外有宋刻王臨川集一部,已不可蹤 五 印及「乾隆御覽之寶」朱文橢圓印。外有「衆異臧書」朱文方印,知曾爲漢奸梁鴻志所有。 福五代堂古稀王子寶」「八徵耄念之寶」「太上皇帝之寶」朱文三大方印。首葉有「天祿繼鑑」小方 三十日。劉實君來,見示宋刻王與之周禮訂義一冊(七十九、八十卷),乃天祿琳瑯舊藏,冊首 實君云:本

九月

跡矣。

可勝浩歎!

二日。楊蘊三來,知肖聯於三十日逝世。年來徐紹周、方叔章徂謝,今又繼以肖聃,同輩知友盡

三日。 到圖書館鈔書一段,藝志用王國維史籍說也。閱藝志條理,補窺管。

甲文說云交編譯局處理,於是余書出版者有四種矣。 四日。 郭沫若寄郭若愚殷契拾掇二編來,卷中有「且丁配妣戊,祖乙配妣庚」, 郭意在訂正余說

九日。 草復郭沫若書,以郭若愚書所謂且丁乃武 丁,非 且丁 也。

也。

十八日。 校金文餘說竟日,遂訖業,删汰合併得七十

二十日。 草餘說自序,連合「鬲顧歷」、「匕此妣」、「各各役」、「宮筅容」、「愈察袤(令)」、「甬鋪鳢」

六例,說文字之發展及形聲字之起源,頗爲精湛。

二十三日。 郭沫若來書示「兴共」用于一版之例,「匕戊匕庚」堅持郭若愚之說,云董某妄人,

說未可盡信。記上辭通纂會言讀董斷代研究例,拍案叫絕,今乃斥爲妄人,鼎堂真妙人哉!

十六日。檢說文,除「扇膩魇」外,得「兒貌額」、「互笠籆」、「舀搯抗耽昳」三例,

合前例,

得九

其

例矣。

二十七日。廖海廷書,極贊金文說之美,而不以盤庚說爲然。

二十九日。于思泊書言:「淮南證聞旁徵博引, 辨證精覈,兄與王、俞鼎足而三,當在王之次,俞

之上。海內知己非省吾莫屬」云。

閨中節表、文選卮言三種而已。 二日。 孫蜀丞書言箸書稿多被人竊去,波及陶鴻慶之諸子札記,今可有成者,左氏義例、春秋朔 今方讀通鑑補證、困學紀聞以遺日。又言淮南證聞精絕處,雖 石

不能過。此過譽也。

四日。校下辭瑣記。王疏安以所撰李肖聃墓誌見商。

七日。 校小學述林,補加旁字材料。 加形旁犯重複,可析爲三類:一 同字,二同義,三義類

刊課、漢婚喪考、句讀釋例五種,寄科學院請審查。 覆閱卜辭瑣記投考古學報。 在商務出版各書,商務已不再印行,因取國文法、詞詮、文通

公元一九五三年

積

微

旦

憶

三七四

熊雨生由南昌來,來訪,別七年矣。

十三日。 說文「慉」訓「起」,與从心不合,疑當訓「好」,孟子「畜君」 叚爲慉。

十六日。 程(潛)金(明)同意余建議聘曹耔老文史副館長,此事可喜。

昔年讀左傳疏有涉修辭者,曾記於眉端。

今日檢出,錄入修辭學,多

妙義

刻,院

十九日。 閱黃生義府,頗有勝義。

十八日。

二十八日。 偕魏猛克、劉綬松到一院,今日師範學院成立,程頌公、蕭敏頌來院,余陪談

招待午飯

惜不知其詳也。

二十九日。 六兒書告:在原見峻姪,姪云原中人决定邀余入原工作,任研究指導培養新進云云,

三十一日。 孫秉瑩來,對余助教師研究甲文事表示感謝, 並言先生不必以不授課而支薪

後容可派一 積學者貢獻研究同 助教相助云云。余云甚感學校此種厚意,以後當努力從事研究,答此盛意。 有裨於文化,不應與尋常人一例。 如研究上有何需要,學校當盡力支援。 助教 如 介意。 有困 寒假

難,甚望派一寫手,買書事亦望校方相助云。○閱管變初甲骨語法研究。

士楷模,其作用不必在上課。」其言甚大,余不能當也。 日。 史系助教田博文來,涂西疇來,言「蘇聯教授不一 定上課,請勿介意。 遇老在此,

足爲多

純女歸,問清香老屋已有人承受,價三千六百萬元云,余家保守此屋四十年也。

日。 文玄復書云一歷史研究事由毛主席發起, 郭沫若提名,余名已被提出, 峻姪聞之張勃

川京。

「慉」,許訓「慉」爲起,與从心義無涉。 四 日。 晨散策,補不我能慉解,謂「慉」从心,當訓好, 並前補造舟爲梁解,寄藏文,黏補說入窺管。 與「惡」字同。 孟子、呂覽之「畜」, 乃假爲

習左氏疏,晏子謂「屢賤踊貴」,又云「山木如市,不加于山;魚鹽蜃蛤不加于海」,知其居必近市

者,爲知物價也。 齊有魚臘之富,故其政治家如管、如晏,皆注意經濟如此。 而「山木如市」四 叉

可知陳氏治齊,對於物資流通政策之實施有效矣。

持。 據峻所知,見邀者除余外,尚有陳寅恪、顧頡剛云。 六日。峻姪書言:中央恐學術傳統中斷,故邀請歷史語言學者入京,從事研究,事由郭沫若主 爲學術計,此事至可喜,不關個人也

七日。閱漢書辨疑所校毛本漢書誤字,據此以校景酤本也。

寄之,並告以公伐徐鐘爲僞器。 九日。 光明日報散陸詠沂長沙出土楚鏡研究,謂「工」字爲古「矩」字,與余説同,因取「釋工篇」

並 希望余與曹說話。 十四日。 趁車入市,偕曹耔翁步至交際處, 余不得已舉金政委爭文史館名額事,致佩仰之意。 應程、唐二公餞別金明、袁任遠之宴。 遇新政委周小舟,乃師大同 席間 程 致辭,

學云,曾聽余修辭學。

公元一九五三年

積

三七六

十五日。 廖海廷來,見示讀余金文說意見三條,其一謂「杞白每办」爲「杞伯匃」, 可商。 此文余

本擬削去,竟未及削,宜海廷之致疑也。 海廷謂餘說尤精於前說,頗中肯。

二十四日。 十六日。 偕柳午亭、黄新彦、方恪齋遊愛晚亭。 近日胃漸不如前。飯後蕭禮衡、劉通叔、陳介石、

柳敏泉、狄昂人、襲彬甫、楊韞三來,

潁川下車。

首日富之,民足

迎

同 到愛晚亭少坐。 到屈洞講金文茶白設訖。

二十六日。 題今桐鄉遺愛圖云:「沒有循史, 經生起家。 薇坑 展翼,

桑麻 喪負土,民盡侯芭。 ;既富乃教,庠序無譁。 昔在扶桑,曾接光華;白頭誦德,我詞無誇。」 父老歸誠,多士咨嗟。 惟此賢牧,悃愊無 華。 天不愁造,甘棠失施。

景印景庙本有「荆」字,且上下字較小,明出 二十七日。梭景麻溪書鄒陽傳,「然則軻湛七族」,顏注本無「荆」字。 於剜補,然則今本不可盡信也 宋祁説景祐本亦無, 內則說世子之事云「作而 然今

問之」,鄭注,「作,有感動」,按長沙今言「發作」。

六日。 擬致編局書,申述審查漢窺意見書之意見,擬二次尚須增 改。

兵,故只五十人。 左傳云,「歸而飲至,以數軍實。」

號盤:「折首五百。」二句正所謂數軍 · 實也。 「執訊五十」,蓋 謂探

十二日。得躬老書,囑入城商館員年終救濟費事,遂入市訪曹, 吳立卿亦來。 飯後借到省府訪

張孟旭,請定辦法。 開會研究决定。 脹主先定救濟人數(三十到五十),發表問家庭情况, 及所知最困者, 俟表 到齊,

十三日。 廖海廷來,見付小學述林序稿,並以孫仲容手札一通見贈(與董劭甫者)。

午後,王原一、危克安、唐寅陔、邱有吾來。 邱言蘇聯化學書引及抱朴子、參同契及馬和 平龍

馬,明朝人,不知爲何如人;、平龍認亦不知爲何書。

疑 所從事研究,不日卽成事實云。自十月末有此說後,消息杳然, 十七日。彭慧問郭沫若余入京事,郭復書言:科學院成立上古史研究所,郭白瑜所長,當請余入 心疑其容有變化, 得此事乃確定

十九日。 陸詠沂書言,日本人考中國古史有佳著,望余留意及之。此意極好。

常洗澡。」甚妙! 二十日。 覺人書述謝覺哉養生訣云:「走路莫跑,吃飯莫飽,遇事莫惱,說話要少,睡覺要早, 余當力行之。

二十五日。今日毅君六十初度。

三十日。梭補小學論叢, 取積微文錄擇要併入之, 遂竟日。古文「子」多从絲, 去絲之半則爲

「孫」,此與「飛」字省作非凡二字例同

三十一日。今年出版淮南子證開,小學述林三校已訖,一月內外卽可出版,此個人可喜之事也。

朝鮮停戰,此世界及國家可喜之事也。

九五四年(甲午),年七十歲

日。草漢書窺管補五條:白帝子、家人、公勝、子遂、陳欽。危克安、孫乘瑩、李俊、向玉階、

李繁、涂西疇來賀。午,文玄夫婦來山,慶兒亦來。文玄已升三三一工廠副廠長。

民刑「苗民弗用靈」、「靈」假爲「令」,故緇衣作「弗用命」,詩「令終」金文多作「霝冬」。

五日。

七日。 習左傳疏,得小箋五條,以「踰年即位」之「踰年」證孔疏「踰月與三月同」之誤。

八日。 閱仰天湖墓所出竹簡。閱兩周大系<u>政釋序,頗能見其大。檢大豐</u>殷諸家<u>政釋,悟「王凡</u>

三方」爲封邶鄘衞。「天亡」疑是大願,似新而碻。○陳毖濤來,力主余入京,謂係報國之事,所見甚

大。○編局寄小學述林、甲文說合同兩份來,隨簽字寄還。

記郭沫若已閱過,同意附在甲文說後。 九日。草大豐殷再跋,悟「不克三殷王祀」爲祝周家長久之辭,極以爲喜。○科學院書告上辭瑣

叚爲「般」,謂遊般也。「三方」,地名。○草窒叔殷跋,定「良」爲「殷」字,叚爲「匓」,猒宜連文,以說文 十一日。改大豐殷跋,據淡鎮「王乘于舟,爲大豐」,定大豐爲遊娛之事。此云「王凡三方」,「凡」

雅白鼎爲證。久不作金跋,連日遂得兩篇,皆審核,殊可喜

十二日。習擴古金文第七冊,除院少子設讀「盭」爲「合」,「妳」爲「乃」。

十三日。改選叔跋,草簫侯少子殷跋。

十五日。 草弭中簠三跋,明「即」爲「即」字,「颳」兩耳字,亦有二耳。

十七日。 草庚贏卣再跋,說明「宮」字溱漢以前貴賤無別;及解「蔑曆」爲「解甲」之不確。

叉草

十八日。連日爲江師傍瞻「四秉」二字,思索不能决。今日借出寶蘊樓圖釋讀之, 器圖有四耳,

康季鼎跋疑白俗父與**康季爲父子或長屬**。

乃始恍然,因草其跋。

(酸「虎臣」上一字,是「卿」字,此易从「母」,爲从「鼎」也 二十日。改工師跋主「甔」無定量,糾王念孫說。於「四秉」特詳言之。 〇習捃古金文,識出無惠

二十二日。草散季殷跋,合諸器觀之,知椒爲姬姓國,疑散宜生爲散國始封之君,似頗審確。 叉

草無惠鼎跋,定「溆」疑「卿」字,讀「遉」爲正。

阻礙。 十三日。草六年鴉生殷跋,讀「典」爲田,「名典」謂名田, 即定田主之名, 於是全銘通順毫 無

如夢囈矣。 亦不奇,科學方法而已。 二十五日。增補獨生殷跋,說明據「邑」、「封」二字定讀「典」爲田之經過,可謂度盡金針矣。 因涉及融从盨,一見通辭,遂爲其跋。 原文平易近人,郭沫若鑿深爲高,恍 此

二十九日。趁車渡湘入市,訪科老司馬里新居,作賀。

公元一九五四年

稏

虢 , 妃之稱 調紙 日。 爲 草周代姬姓封國 妃姓,不知號妃乃號 [考, 虢仲虢叔, 文王之弟, 妨 非號女也。 吳之鹵莽如此 姬姓 無疑。 吳其 ○編 昌金文世 局書告淮 族 南證 聞 以 金文有 印 八 白

几 一十九部。 此 背太專門,宜其少售矣。 部,現只存

二十二部。

售

出

之多如

外此,

非

所

料

也

士喜讀書,殊可喜也

!

金文說不知印若

Ŧ,

現存

二日。 統戰 部 送 年 敬 百萬 元

來

秋大事表不記 六 日。 看 樊國 胡 厚 姓 宣 , 楚 莊 王 有 樊 姬 甲 骨集 死 例, 查 則姬 妙 姓 封 姓 國 也 得 + 七 國。 部為 姬 姓 由 一時造 鼎

友當是一人。 目。 草邾友父鬲再跋,莊六年左傳疏引世本,邾顏之子肥別封 觀鄉 鈋 ,友字是 肥字 非也 0 又草 · 旅白 刻 改三跋,釋「己」 別, 爲「轅」字 杜 語云 是友封; 形藏 弓也 疏云

九 H 日本立 命館大學白川 静容所著殷周史論文來,久疏日文,閱之吃力。

則當讀爲「當」(去聲),「惟當天命」與然白般「有俗大命」字異而義同

る天命」,

擬 十日。 市 也 訪 陳書 震 小 坐。 到 文史館晤耔老,楊蘊三適在, 因以論語疏證後 十卷請其 一標點, 余

IE.

訪

疝

相

TE

+ 日。 草劉 **建** 珊 育考行卷題詞, 引吳南屏 以 落 **您**獲鄉 舉爲說。 鄧恰 是吳鄉 里後進

胡 厚宣京津甲骨集跋。 〇峻姓告驟云: 科院兒屋不易,余或當以科院名義留湘工作 如此亦佳 心

十四日。 今日爲先君子見背之日,不開靡欬倏忽十六整年矣,思之惨沮。

十五日。 閱排古金文,京羡隔云:"「京姜庚女乍降鬲」,庚女亦女字,知王靜安以母爲字, 爲有母

道之說,確爲附會也

有处女帛女緣女之女例同。 以「鼓鑄旅盨」四字當連讀 十六日。 草京姜鬲跋,京姜庚女是古女子字,稱女之例,王靜安女字說引此例,作庚母,誤也。外 ○草黃尊跋,「肇」字不从聿,而从又,足證聿借爲又之說。 又跋白孝盨,

「侍」,疑「仙貝」爲賞侍臣之貝。 〇枚理關涉周史錄銘五篇:梁白、大豐、散季、濟司士、六年鴉生, 十八日。 閱捃古金文。 跋城角,以角銘及癸未尊蓋、勘彝三器均有「祉貝」之文。 余往釋「祉」爲

投歷史研究。

召開中、蘇、英、法、美五國外長會議,討論朝鮮與越南問題,此事甚可喜。世界和平浉露曙光矣。 字,即國字者,叚爲書乃是國書也。 二十一日。草國書鼎跋舊釋戎都,余前釋「戰」爲「戜」。今日覺「戜」非國族之名,細思乃是「域」 〇柏林蘇、英、法、美四國外長會議决議:四月二十六日在日內瓦

二十三日。 偕毅攜外孫周碩朋趁車入市,訪馬宗霍、陳右鈞、柳敏泉,遇聽三,與楊岳雲久談

也。 余云年老不能多受拘束,書籍頗多,房須能容納家口六人,以預備令嫻女來京也。 二十六日。 涂西疇來,言京中有電來,邀余到科學院,詢余意見。午王平默來,見示公文,非電

三月

公元一九五

四年

積

三八二

代寫。

四

日。

以病靜臥北屋數日。

袁醫來,

量血壓176 / 134,晚服安眠藥,睡安。○近日日記家成

教、龍文尉、周鉄錚、王原一夫婦、郭胡、吳文楊、蕭禮衡、鄧瑾珊夫婦、彭祖智夫婦、楊開勁、 五日。移居至善村。 〇近日看望者絡釋, 王嘯蘇、蔡伏三、劉虛、唐寅陔、陳書農、田、彭兩助 陳歩濤

陳佑鈞、危克安、向玉階、李蕃皆來。

二十日。夜得七絕三首,答蕭鄧二老也。

二十一日。四助教來淸書,分類列之,遂竟日。

二十三日。閱經員樓食司,建二二二十三日。閱段氏年譜,遂竟日。

二十五日。閱經韻樓集竟日,盡二冊。

放數年,絕不重視史學,至此老成彫謝之際,乃臨時抱佛脚,已有接氣不上之象云云。 二十八日。 姚薇元書來,云寅恪以多病辭不北行,舉陳垣自代。 且謂寅老不滿意於科院,

三十一日。王平默來,見示教部公文,余請其覆緘,以病暫不能去北京。

四月

一日。王疏安來,見示壽余七十五律四章,工整之至。

出文字學許多定律,都是確鑿不移的。 八日。 借新華書店新書內容介紹閱之。 於小學述林揭出「囪聰飯情證壻寮憭」反四事, 並謂定

記四寸學方言諸條於手册。閱松崖筆記竟日,三卷訖

十二日。 十一日。 以述林贈師院、曹耔翁、廖海廷、范炳星,又與鉄經及豫兒,凡六冊;京送于思泊、孫蜀

丞與伯峻,凡三冊。

十五日。閱交翠軒筆記訖,說宋人綏來之綏爲左傳之私,甚碻。 ○籽翁得余贈書, 云余近十餘

年治學之勇,非俞、章晚年所可及,聞之增愧。

十六日。記惠沈筆記涉語言者於手冊,始記語言雜錄,寫面般賠備二條。

二十日。閱扎樸,錄筆記語言六條。

二十一日。 関浦江清推屈原生平文字,似於曆法頗了解也,較前時有進矣。

二十三日。近日失眠,不事事。 陳蘭陔醫師來,謂余肝腎兩家虧損。

五月

二日。 閱讀書叢錄不能快人意。

與純女八談,同遊晚亭,兩月餘不到矣。○檢金文講義,擬再投稿也。

七日。 錄廣雅疏證所記今語,知今語之「罩」即「燾」字。○應疏安、原一、 宗霍三君壽余七十

之宴。

十日。 悟飯局乃秦字,經傳作具。

十一日。 閱龍輯蒼頡篇及通俗編。

公元一九五四年

穳

三八四

桂馥單祭宗,單主儺祭之說。此昨日所記二則,今補記之。「婁」角弓箋訓斂。 十三日。 閱通俗編,「青天白日」見障文,而翟引朱子, **俩失之。蒼頡篇,** 「捜」爲曳聚(說文); 單土除疫人也,

「軁」爲貪貌(廣韻);「簍」爲竹籠,「萋」爲笱(皆說文);「樓篼」爲囊(廣雅),皆所以斂 也

戚。 从假音字求本字之義,誤也。漢人多假「切」爲「榍」,知「榍」音當與「切」同,今音先結切,非也。 十四日。閱儀禮漢讀考,「閾」爲「戚」,此以戚與切音近,假「戚」爲「榍」。 段云「言其迫近,謂之

「屑」訓動作切切,「觸」讀者切,皆可證。 十五日。 胡書告卜辭水義羣聯社 可出

版,亦可喜也

冠禮閱或作成,秩郭(璞)千結反,匡認正俗門蒨。 十八日。以六證說「榍」當讀切,入今藩源。「脣」訓動作切切,「觸」讀如切,漢人以切爲「榍」。士 先結反乃隋唐音。

講究。 九日。 羣聯出版社寄戰後京津新獲甲骨集來, 余序文 幸無誤字, 惟標點有置行首者,

二十一日。今日余七十初度,親友欲來者皆懇辭之。王原一夫婦、馬宗霍來祝, 原一致曹翁

步

余六十自壽韻五章,此公精力彌滿,令人愧汗。

一十三日。 記古書句讀釋例各例番號, 以便檢查, 依從審查意見,分為"類型、胎病、原因、特例

四類。

二十四日。 到醫室就診,因左肋近日有異威故,吳醫云:此由神經,心肺二部皆頗好。 **佘問須照**

愛格司光否,大小便須檢查否。 吳云皆可不必,血壓百至百六十度。

二十五日。 閱新方言,信多勝義。星聯書告上辭求義可予由版,因以文字六首付之,屬其 、附入。

多介父、沃甲奭匕庚一再,妣日名與夫不同、釋載、開即,此郭沫若所強刪也

三十日。得陶孟和復書云: 金文餘說、 漢書窺管已催審, 希望月內審畢;高等國文法、詞詮

印 中國修辭學(增訂本)、小學金石論叢業已審畢,可以再印。 佳書,故此時未便與之商洽云云。以修辭學亦屬商務,殊覺糊塗,隨作書與編局告之,以書屬世界 惟出版總署對商務、中華有指示,令其重

又作與商務書,問其詳情。

粵語云「何」爲「呦嘢」。 三十一日。 檢書籍錄修辭學補充材料。 彭耀文來,余問"以太炎說,粵語謂「何」爲「蓋」,彭云

無

小校一次也 二日。收到歷史研究第二期矣,余文佔五六葉之多。 日。 閱把一切獻給黨訖,此書令人興奮,令人慚愧。 得編局寄款,並云:已寄甲文說八冊來,並 ○積微居甲文說寄 到,錯誤甚多,深 悔未

已發行,與昨待余復再發行之說矛盾矣。

四日。 錄甲文說勘誤表,以甲文說寄還編局。

B

元一九五四年

七日。 羣聯社書告"同意將耐林願甲文說與上辭求義一併出書,此時正在用石印寫求義, 約八

月內可出書。

財政 經 八日。王了一書告:乍從京歸, 濟出 版社, 但不屬於高敎及財經之書,仍由 知商務、中華均改公私合營, 商務、中華名義出版,稿費辦法與科學院 商務改高等教育出 版社, 略同,但 中華為

定額非三千冊,而爲二萬冊耳。

過,今有此,大放心矣。(三月三十一日寄去,經七十日卽復,可謂迅速。) 十日。編局書告:論語疏證審查意見極端贊譽,殊以爲慰,余亦極喜,此種猶恐時代關係難於通

十二日。 昨悟「渠」之詞源爲「其」字,因寫其文。 「渠」指他者,「其」之轉音, 詩何其, 禮記何

居

可證。

至。

然周恩來到最後一刻,猶努力爭取和平,固足多也。

一四日。寫甲文開礦文字後記,所以解郭沫若之惑也。

十八日。 報載 日內瓦五大會議,因美帝力謀破壞,朝鮮問題竟毫無結果,結束討論,令人憤恨之

所承。 主義。 十九日。 孟子「聞誅一夫粉」之說,思想已與孔子不同,以此知易革卦湯武革命, ○孔子謂韶盡美,武未盡美,此主禪讓反對武力也。 峻寄湘江評論毛公記健學會文字。來文已注意湖南人之思想性, 季札謂湯獲有 慙德, 順天應人之說, 惟似尚不接受馬列 則孔子此義仍 當是 前

二十日。憲法草案公布,今日報載廢六區憲法,中無大區也。

戰國時人說話,易傳晚出之說大可信矣。

甚好,但略生耳。 二十三日。 王疏 安來,見告入市後所聞各事,曾見劉通叔,告劉以余佩服其詩篇,劉云近 蓋見余答蕭鄧三絕句也。 疏安言通叔於唯識研究頗深,亦能古文,爲今日不 見過翁

可多得之士。 其書翰之美,則余所見所 知 也

絕

何

爲武丁之配,我完全同意尊說。由拓片觀之,蓋極清楚,爲晚期之卜辭也。 明最多,其貢獻之大蓋突破以往所有之學者,傾仰至極」云。良友阿好如此,令我愧汗。 二十六日。 胡厚宣來書謝贈述林及甲文說,云:「拜誦之下,深覺解放以來,惟先生著作最富,發 所云郭某乃上海文化局 又云「七戊

之助者,乃急不暇擇也。 職 員,其人勤於拓墨而已。」此又可證郭沫若之粗 二十七日。今日思以所錄今語及向來長沙方言考, 余往言:做學問必須誠意正心,信也。 心輕信也,蓋心有成見,必欲推翻余說,遇有可爲 歸納爲若干通則,作中國語言學試探工作,

覺極 有意義,當即著手爲之。○草耐林廎甲文說自序。

七月

चि 小喻。 三日。 四 日 前開病,故未奉書,希善自攝養,少用腦力爲望」云云。 編錄分語,加標題,如切轉爲蒨(眞曆),偉轉爲懣爲們(徵痕)之類。 思泊書言:「讀到甲文說,義證精塙,發揮透闢,並世研契諸公無與抗衡,於佩之情, 他 日郎 可按 此 匪言 分類

也(枚謎之同音)。 錄分二冊:一古義,二古音(父變爸,無變嗎,存古音)。 擬書名爲古今通 語

五日。 公元一九五四年 編局書告,國文法、詞詮,高敎社出版;論疏、金石論叢,科學院出版; 修辭學由

科學院

積

ニハハ

新設之科學出 版社 出 版。 小 學述林已贈蘇聯。

八日。 始草我所認識之孔子,訖一章。

九日。 續寫孔子文字社會個人說訖。

十三日。 前書與陳寅恪,請其標點論語

謝北客七絕一首。又云:「屢承寄示大作,今日有此等純學術性箸述之刊行, 疏證序文,今日寄還,幷見告,以段人畏寒,故不北行,有 實爲不可多得之事。

科學院若能悉數刊布,誠爲國家一盛事,不識當局有此意否。」老友阿好如此,

令

感愧

先生平生著述,

十五 目。 補孔子文字材料,以子叔姬與哀姜同是犯淫,然子叔姬禍不及國, 則閔之; 哀姜禍 及

皆合拍。 魯國,則主殺之,證孔子確是重社會而輕個人。 十九日。 改句讀釋例二條"一,詩天作當以「彼徂矣岐」連讀;二,禮記「寡人固不固」, 又謂儒家最高之學說爲權,似今日之辯證法,此等似

當於「寡

固」該斷。 一入當屬上而誤屬下,一入當讀而失讀也。

八月

音爲補買反,與今字掰音正合故也,因記之。 十二日。 悟々

万開之字當作副,因

西禮 , 翻辜或作罷, 西京賦作權, 鬼谷子作捭, 及廣雅掉訓開

孫作雲來,語多憤慨,年四十二矣。據云曾請求學校許其來湘從余,學校不允,現任上

古史課,欲治甲金也。作雲向從一多學,今渠言一多先生於詩經、楚辭貢獻皆不多, 蓋皆初入門,而

遂遭難,其言可謂不阿所好矣。

新方言,加題目(卽說文)與標點 二十九日。 作信與科學社, 說小學論叢沈序應存之, 理由疑過段圧之說不實者,

非也。

○貼

九月

進士,官知縣,著有周易二問記,李越縵日記曾記之,茹,會稽人也。 三字。「薅」新方言已及,「棄」字則新穎已極。〇修文堂寄來原刻本越言釋二卷,著者茹敦和,乾隆 反清之 役, 二日。 十日。 南京圖書館寄到操風瑣錄,讀之,首二卷皆說字音,第三卷始記方言,得「薅」、「黃」、「枝 民四倒袁之役,皆時務師生合心爲之,以一短命之學堂而能有如此事業者,古今罕見也。 科學社來書,欲去祭梁先生文,余主不去。以時務對中國有歷史關係也,一千九百年庚子

一十七日。校高等國文法,删去與時代不合處,作記,告科學出版社,並及修辭 補料事。

舉毛公主席,朱德副之(只一副),劉少奇任人會常委長,董必武最高法院長,張鼎丞檢察長;毛公提 二十八日。杭治平來,以古代之文法學一文変其抄寫,擬加入國文法也。 〇人民代表會昨日選

周恩來總理通過,前副主席宋、張、李,皆任人會常委副委長,此正式國家領導干部也。

TE

七日。錄直語補證訖,凡得六字。

公元一九五四年

積

第四卷,太炎擇錄未盡也。 八日。 錄越諺,修綆堂寄木犀叢書、雙硯齋筆記及徐行可見贈燕說來。 錄其六字未訖。) 鄧記精刻, 說方言者在

九日。 錄鄧廷楨書今語訖,得二十三字,鄧書甚精,所言皆可信也。

十日。翻閱燕說一遍,「库牙」不合,乃「齟齬」也,餘可取者頗多。

錄柱馥札樸鄉言十餘字。出門注射組織液,已用二月餘,昨往取藥未發,周女士言須

閒歇也。

十一日。

十二日。 錄吳下方言字,此書頗劣,愼取之。

十八日。 到人民醫院就診。鄭云:初診眼光爲百分之四二,次爲百分之六,今爲百分之七、八,

已有進也,仍發組織液。

二十日。吳下方言考十二卷,自十二日始錄,凡費時九日,除十七、十八日未錄,實費七日。 一十一日。擬耐林甲說、上辭求義兩書提要,寄羣聯社,作信與中科社

二十五日。「掣」字爲今「扯」之初字,說文無之,當訓牽引。 鹽鉄論「掣頓」,說苑記「掣肘」,漢時

確有此字,而許慎失之。

二十九日。錄涇縣方言,前錄止於國學叢編二集,今則三集也。○閱汪容父舊學蓄疑訖,汪容父 二十六日。閱圖書集成第六百五十四冊(中華書局景印)方言部,錄山西臨晉語三字"鼾、 饋、鑄。

云:與人稱瞿爲捧,是瓿字也;泰州與化人呼我代你、代是等字也。得今語新字八。

十一月

又於會意,別立會意兼聲一條,不知區別何在。 日。 翻閱王倫文字學,轉注用太炎說,與余同。以聲中有義者爲「形聲」變體,如「薪」、「嫁」。 復書告之,且謝因衰病不能作序。 ○閱體陵縣志序

襲曼甫爲余檢閱圖書館中縣志,今日了河北一省,嘉慶東鹿

道光鹽山、同治內邱(三志)有方言,但不多耳,此殊可喜。

知方言卷乃朱芳圃所爲,宜其尚可矣。

三日。 閱順天志首冊,知方言爲德淸傅雲龍撰,亦間以今語證之。

來,意欲了解各處研究情况,以馬例、歷史、語文爲主, 四日。 京人民出版社陳原(副總編輯)、 湖南人民出版社黄華(副社長)及一舒君、 並詢及文史館情况。 余以王啓湘有著述, 張若南女士

房」爲不相合,即說文之「髓歸」,皆有意思。 周四維君長于明史告之。○錄史夢蘭燕語,「哃塘」訓大言,卽說文訓文「嗣」,訓大言之「唐」,「序

八日。 翻閱閩方言二種,錄閩語。

為舊一師同學(民國五年余任一師課),在印度尼西亞辦教育三十五年,年六十二矣,此次因被選爲 十四日。葉俊生閩方言錄訖,續錄謝章蜓書。李思安、張國基、周敦祥及華僑青年數人來。

臨別主客全體拍照。 人民代表,歸國返鄉,不日仍返印尼。 在印尼受其教育之青年達千人以上,各大都市無不有其弟子。

十五日。 公元一九五四年 杭君送抄件來,閱之,寄余明象,補材料四條入修辭學校樣(改竄一分承三)。

積

底

十八日。學校送滬科學社電來,速修辭校樣,擬復電送院代發, 並作一信告知, 又赐寄論疏

稿,以便校改。 〇釀自廣州來山,與談竟日。 驟奔走各處,皆解决各廠技術 問題,殊可 喜 也

二十二日。 檢 四 正確提要漏錄古今圖書集成,亦可怪也。 此書經始於康熙,至雍正 业始告成· 書

首

有雍正帝四年序。

勵館員們 二十三日。 研究。 午二時同鍾佩藏步到松桂園市協商委員會,出席座談會。 余亦說 話, 希望政府速建圖書館。 五時散會, 劉告余:政府已定於明年或後年建 劉樂揚說話頗長,意在鼓 圖

書館,當費數十億元云。

人 尙 次三公由粤來,蓋佈 麵包二片,魚肉各數片。 **剑先生在久侯,無耗,旋附唐** 際處朱文典科長來,云:周小舟政委有事相商,特派車來迎,因同入市。 相 高聲言毛主席請吃飯,請赴車站,遂相偕至東站登車, 識 二十五日。 否, 又云:「得君二信,曾作一 晨校論疏。 車七時開, 車至容園程頌公官即, 到李俊寓談電燈事。 復。」余告以後信,文改會已復。 余等下車, 劉公立車門周旋。 錄謝章鋌書附卷所錄黃宗彝閩語。 少坐, 客室少坐, 旋入餐室。 忽執事人入報毛主席 余回交際處與熊子烈處長談。 旋劉少奇、 到處,唐副主席(生智),周士 周 來 飲食中西合璧,余進 恩 來 隨同 亦來 飯後小寢, 出 迎 少 頃 毛 問 此

十分,本七百五十分,今爲八百三十分,超過百分之十,此同人之鼓勵,殊可感也。 二十七日。 論疏 萷 十卷校訖,寄還 科 此 到校 顶 加 新, 此次加 游以 百分之五 爲准, 而余竟加八

置

海

防

也

十二月

三日。近補古書疑義一則(大夫稱人例),分寄財經社及余明象。

舜芝月入九十餘萬,無一子够用也。 分兩期付"十一月底,五月底,共千零三十六萬六千元,甲孫歸舜芝養, 四日。草疏安自傳跋。〇法院送洪婚判决書來,爲之不怡,此或舊習太深,不慣于新事物乎。款 此事可告一段落,雖不幸,亦無可如何,蓋久延,於洪兒身體有 洪不供給費用。 書中明

五日。 校漢書窺管,此書確有功力,頗自喜,惟新史家或看不起耳。 妨,于工作亦有害也

七日。晨忽覺胸中作逆,嘔血數升。 袁勛安來,扶臥床上,並打針。 幸血爲淤血,非鮮血;後斷

知爲胃出血云。多人皆來候疾病,多驚動也。

二十一日。學校新購得甲骨一片,凡十許字,余不能別其眞僞也。

三十一日。一九五四年余出版新著四種:一、小學述林;二、積微居甲文說;三、耐林廢甲文 二十二日。看春在堂隨筆。 閱黃肇平關於方言點林文字中記方言書多種,皆余所不曾知者也。

說;四、上辭求義。外重印舊著一種,爲詞詮。 治,所以有此者,國家認众爲學人耳。 此皆可喜之事也。 年末國家任余爲政治協商會議委員。余向不明政 惟身體日衰,三月因觸火盆而失眠,十二月

又患嘔血。 今雖好轉,精神尚未復元,此爲可數耳。

一九五五年(乙未),年七十一歲。

一月

五 日。 口授函件,由毅代寫與編局,擬論語疏證自序。 鉄錚代作一書與郭沫若, 請其審查金文

餘說。

尙 計出書剛一月耳(十二月八、九病臥 如此,其他當更如何乎! 八日。 七日。 作信與羣聯,說耐林甲說可續印。 閱新兒女英雄傳遣日。 日收到寄書)。 **羣聯寄耐林甲說余款捌拾陸萬來,云四百七十餘冊已所存無幾,** 中華書局寄古書句讀釋例十五冊來,贈鉄錚、秉鈞。 社會需要文化之急切如此,大可驚也。 甲文冷書

九日。 閱太陽照在桑乾河上,文字勝於新兒女英雄傳 ○関周揚 演講,甚佳。

十一日。 作信上毛主席。 ○今日入醫學院醫院檢查,住東一樓一一二號病床,與省政府秘 書長

劉君實同室。

十二日。 王啓湘、楊蘊三、徐成舟來,以漢書窺管三至七卷校樣交啓湘,請其代校。

十八日。 **晨絕食理髮,十時臥擔架到放射室,照愛克司光。午二時再到放射室照腸部,** 復至心

動電描室臥驗心臟。

二十日。 閱暴風驟雨,此書用東北語言,云漫牆者,邊牆也;「薅」字亦用於樹木,不僅拔草也;

小馬云駒,此皆南方少用者。 ○孫守正來,云照片已查,非癌非潰瘍,惟有 _ 處未明,須明日重照。 叉

云

口約禮

拜六可出院。

二十三日。 二十一日。 補背入院後日記(十一至十九日),得九日。 王振華醫師來,云出血恐係食道管,日內可 出院。 師院送水果十七斤來, 表示慰問,

同

人

來賀者絡繹不絕

釋例一種(中華書局)、及中國修辭學一種(科學出版社),以舊曆計之,甲午年凡出書七種 二十四日。今乙未年正月初一日,一九五四年除日計算出版書五種,但一月內又出版古書句讀 也

劉赜簡園日記鈔存一冊見假。申甫言,劉自命小學過於章、黃,此冊卽其小學要義。 說尾巴之前,早呼「爸媽」矣,何邪?中有師門憶語二葉,記黃季剛不詆甲骨等事,可存掌故耳。 以相反爲失耕時邪?「爸媽」謂源出蛇之尾巴,尾巴去尾存巴爲爸,去巴留尾轉爲媽,小兒能見蛇,能 君誤說必一一強為疏通,可謂液長忠僕矣。「晨」從臼辰,謂即今語之把握時間,然則「辱」从寸辰,何 二十七日。 王疏安、何申甫來,各贈以句讀釋例一冊,又送徐行可一冊, 請申甫轉致。 余略閱之,於許 申甫 以

檢出舞銘古人、本字、假字三文,合爲彝銘三錄,於古人增潘生,依郭說,即「番維司徒」、褒姒、

國書三人。

之便,登校車入城赴人民醫院診眼,以近日久未用戴孟羣之藥,昏花日甚也。 一十八日。 陳書農來,力勸余休養,謂係爭取生命,其意甚厚。 ○飯後攜何月英趁林兆倧入城

公元一九五五年

橨

與諸君談打碎左傳、國語、公瀔諸子編

二十九日。 閱彭俊文聲韻合謹凡例,頗見用心,遂草一短序付之。

三十日。 楊柏榮來,請作書介紹文館員,謝之。

三十一日。 王啓湘、王喬安來,留午飯。 約疏安來同飯。

春秋社會史料事,三君分任左傳各書。

工作最多之日也 三日。 日。 作信與財經社,告以長沙新華書店詞詮銷售之速, 周谷城來,被邀列席省代表會議者也。 四十餘冊二日卽空, 促其速印。

近日

退還,云事忙未能全讀,乞諒云云。旣不延請學較裕之人置院中審查稿件,己又藉口事忙不審, 〇前以金文餘說寄請郭沫若審定, 渠只讀書序,

羣聯寄 耐甲重 印本樣書二冊來,十五日來書云擬重印,便已出書,可謂迅速矣。 〇作信與洪兒及

虛負院長之名矣。

史金妹夫婦,勉其互相勉勵,進德保身。 四日。 今日爲先君逝世之日,不見音容忽忽十七年矣。 〇関北江詩話訖。 追念遺徽,曷勝愴世。

 $\pm i$ 日。 閱 甌北 詩話 李、杜、韓三卷。

戰服務圖書館,及倭寇接收,則退出,赋閑半年。 七日。 孫楷弟十餘年不通書問,忽來書訴受人排斥之苦,長十五紙。 此種節概殊未易也。○峻姪寄所著文言語法來。○ 此人類 福,當有以慰之。抗

高晉生寄所著墨子論文來。

蓝爽秋 助 渠整 八 理 日。 來,各以 詩經 閱 云。 報,知省人民代表大會舉余爲省人民委員會委員,余不解政治,令人惭愧。 修辭 一冊贈之。 財 經社寄句讀釋例 樹幟 力勸入京,並言顧頡 餘款叁 一百肆拾壹 萬 剛 圓 讀余 以調詮、知讀二書稿費百分之一,二 小學箸述,極 表佩 服,希 望余他日能 辛 樹 幟

十二萬圓交工會。

符 號 九 日。 文史館送到王啓湘代校漢窺三 至七 一卷,增訂小學論叢一 至三卷, 略翻閱, 交鉄錚校標點

生 來 北 + 京 点。 遊。 毛公復書云:「惠書及大著數 順致敬 意。 毛澤東 種收 到,甚謝。 尊恙向? 愈, 極慰。 待完 全康 復之後, 歡迎 先

十八 日。 晨 渡 湘 列 席省 協商 會議。 招待員引余坐特設沙發席(設在 主席 台下, 代表席 之前

+

应

日。

呈毛公談

科學院以審

查書

稿事,委之淺學少年

爲不

當,

應與

天下學人共爲之。

特設 作 本 毛主席, 政治 會工 席 報 作 几 主席 告,劉 座, 報 告。 亦望余春閒北行一 程潛省長及 遜夫 + 報告。 時半暫休, 余, 上午 及別一老者三人, 到樓上 兩報告皆有 遊云。上午會議日程爲選舉主席團, 一別室休 印 本 息,與曹耔老、 對 蓋敬老也。 聽, 而 下午無之,故余毫無所聞 唐法塵、 程省長告余赴京, 陳書農雜談。二時復會,周 唐生智傳達京會報告,謝晉 前余致渠札曾呈示 只 聽 見 此 一名詞 小舟 做

而

休息

時

間

周

小舟

問余呂叔湘書及文字改革意見。

周似主拼音,余則力言其不可。

〇週曹伯

穳

聞,請其診脈,云余脈極好,殊出意外。遇唐麟,余告渠春閒擬入原,唐云當派一干部相送。

二十日。草答郭沫若書,糾駁渠來書所言「皃」、「七」、「互」三字義。 徐中舒書謝余贈著作,有云治甲金許於一鑪,精思卓識,雖石臞父子復生,亦不是過

甲金之作猶時有異同,至小學述林五六兩卷則惟有頂禮贊拜,嘆爲今日絕業矣。 二十六日。

也。

二十五日。

競卣「成自」疑即錄感卣之「成周師民」。

二十七日。 余以啓湘所校漢窺九卷尚有誤字告,啓湘乃來書大滋不悦。 余以眞學人待之,彼乃

以俗人自待,奈之何哉! 二十八日。晨同林兆倧渡湘,出席省人民委員會會議,討論兵役法草案,及推銷建設公債問題。

〇楊得雲來,爲余刻青田石印一方:「楊樹達著述印」,意欲求介紹工作。

日。寫鄰銘叢話二則,一字金字戈孚貝孚,二饆字古音。 前數日曾寫二則,一 **雚讀觀**,二東宮

西宮。○今日始,國家發行新幣,舊萬圓今爲壹圓,幣紙較堅硬,似可耐久也

痛悼。 次當入原,皆以病不果,今則雖竟入原,亦不得見此良友矣,痛哉! 日。 記一九四八年南京相別時,季涕下如雨,云恐不得再見,余急以余當來京相見慰之。 作信科學院,問以編局不審查文字學是否合法。 〇峻書告余季豫於甲午除日逝 ○峻書又言,孫子書得余復書,深 世,至爲 去年兩

以爲喜,以病不能作書,囑峻致歉仄之意。

四日。 翻閱洪北江卷施閣集上成親王書,洪得罪者爲補遺, 語皆平常,幾致大辟。 君主專制時

代,不可以爲人,可謂甚矣。

處閱。 八日。 易抱圭以所著漢字檢字書相示,凡十餘冊。 易費用功二十年,頗見苦心。遵其囑、送疏安

十一日。入市買助聽筒,試之無大別,故舍之也。訪幾家,均未遇。

十二日。 記舞銘通假字索引,取餘說中通讀之字加入冊中。

十四日。 檢孟子,易國文法例句一條,原引「勞心者治人」一條與時代精神不合也,以「齊宣王問

湯伐傑」一章代之。

說文「跖」訓「足下」,著者以爲書緘稱人之「足下」也。外國人著中國書不足怪異。 十九日。易幹球告余,俄國人中國字典訓「跖」爲愛友,以爲大怪,細尋其源,則本自說文, 他日拼音文字大

行,此等事在本國亦當數見不鮮矣。

如何釋之。 二十一日。閱長安新出土長田盃銘五十六字,不能全解,「即」字似作「付」字義用,不知郭沫若

二十二日。 查積微金說中通假字,到圖書館借文物參攷資料二期,長田盃郭沫若僅有釋文,

無

二十三日。草長田蟊跋,讀「逃」爲敦弓之「敦」,敦音爲彫,遼彫音近也。 ○閱碑傳集補

補通假字。

跋文,郭謂「述」从木,細看實从米。

公元一九五五年

時, 云,已將余緘交院,請其注意。 曾予以諷戒。 二十四日。 科學院對於審查稿件輕視之, 院中不省。 前處於金文餘說妄評事,憤不能忍,故上書主席言之。 明知此事將開罪於人,然若院人稍有天良, 信任諮少年不學者妄爲評隲, 必當力圖改進, 余於請再審小學述林 今日得毛公復 公審查之

貴於天下人,則余雖爲人疾視,爲學術計,仍所甚顧 也

史的 基本書籍 二十九日 及其讀法論文。 張舜徽來書云 閱之,文亦極好,足爲古代史研究者之南針。 ·讀余金文甲骨之作,可以上比孫吳耀王。 又寄示所著研究中國古代

兀 月

來。 兀 日。 午爲史系諸生講話一小時。 〇科出社書告論語疏證三月底已出版, 不日當由京寄樣書

十一日。 閱觀自得齋叢書,內多瑕。 錄北窗藝語各種。

十二日。 翠聯書, 謂齊銘三考、金文除說可考慮出 版

所爲也。 十四日。 〇左宗棠 亞非會議我國及越南工作人員從香港起飛,途中爆炸, 云:春秋時,晉侯 乘鄭 小騆禦秦,爲秦所敗,是南馬不能當西馬也。 機毀墜海,全部失踪,蓋敵人 漢李陵 提 步卒

Ŧi. 千,爲匈奴所敗,是步隊不能當馬 十八日。 編局 王原一來,以六十壽詩冊請題,夜中得詩 來書,忽云文字學屬科出社儘速考慮出 隊也。 見吳汝綸撰左公神道碑、續碑傳集六之八 版。 態度大變,可喜亦可怪也。

二十日。

壽王原一六十

諸公椽筆儘冰瀉,我愧腸枯欣獻詩。

一卷蒙莊好延壽,况君妙趣契天倪。

上壽百年自君分,一門歡樂夜眠安。無端塵霧積如山,垂老方知去累難。

二十二日。

風,請其英譯。 聞德風言,新華書店論疏已到,因到店買一冊來翻閱之。

科田社書告論語疏證將向國外發行,請譯書名爲俄、英、

德、法四國文字。

出訪謝德

二十五日。 到圖書館託劉克俊、王應渠譯論疏書名。 ○閱薛庸菴文集訖。

二十六日。 閱庸盦文續編及海外文編訖。 ○科學院書告四學部成立大會請出席, 初定五月

五月

十日。

四日。閱顧韻剛秦漢方士與儒生,遂竟日。

六日。 馬宗霍來談:太炎晚年因倭寇侵偪,有祝宗祈死之意,有病不治。 又云:外間人云太炎見

利即受,殊不然。 房辦講習會,津貼會員之貧者云。 齊變元欲來見,則避不見。 贈五萬元,先生拒之,後章夫人恐不宜,勉受之,用之建

八日。作信復峻,告:時習「時」仍當訓時時,不可訓在適當時,惟時然後言,乃可訓適當時耳。 公元一九五五年 四〇一

十日。 閱續碑傳,改漢親自序。

十四日。 十五日。 科出社寄贈殷虚文字綴合。 同王疏安,偕毅到瀠市,雇人力車到唐家冲行政學院,

口相候,導至其家。少坐,繼導觀各處。 至十家冲,余舊居方家大屋雖尚在,然已爲院屋塞其出路,

赴廖海廷午飯之約。

海廷在校

襲家土屋則已失踪跡矣。

儒林、王莽二傳爲證。 十七日。補漢書與管自序一段,因高郵校補金日磾傳「都尉」二字,糾其不諳, 余書 通例也, 以

思補齋筆記,竟日遂訖業。書凡八卷,末卷易名清獻,失記陸隴其,知亦不完備矣。

十九日。閱王之春隨筆,王說西洋幾何學乃春秋時冉求所箸,

可謂荒唐透頂矣。

○閱潘世恩

二十五日。 作信擬復電科學院,表示接受學部委員之聘,致病不能到會之歉忧,以連日睡眠不

安,不欲行也。

撰之部古韻證, 三日。閱在台筆記十二卷,裝葉下記,海市,浙江乍浦俗語謂之海豪。 謂之古讀如臺,今於語言中又得一證矣。 後漢書東夷傳三韓下云「兒生欲令其頭 按說文「市」字从上聲。余

扁,皆押之石。」按「扁」長沙今言与一七上聲,變陽聲爲陰聲。

四日。徐特老來山,即來訪,健談如昔,談語法極稱詞詮之美。

五日。 報載國務院令(六月三日) 經議决之科學院學部委員二百三十三人名單, 社 會科 學部委

員六十一人,如鄭振鐸、黎錦熙、呂叔湘皆與焉,大概取廣泛主義也。

六日。繼寫說文口語疏證。○錄逐澤陶平江方言得二十字。

九日。余七十一初度,好友來賀。

古 跡等,到後當約坐談,幷約馬宗霍、方則之云云 十六日。文化局梁同志來,云東德來比錫東方學院院長艾爾克斯將來湘,考察出土文化及屈原

十七日。 籽老告文史館員何鏞 有 桂陽方言考,余請將函借一 讀。

二十日。 十九日。 朱科長來,云京中有人來, 欲相見, 王平默云艾爾克斯昨日到湘,渠與雷敢會往迎 請到白鶴泉相候。 接,云艾君曾讀余所著書,故欲相見。 即留朱同飲,趁朱車登麓山過

泉市小坐,隨登山 愛晚亭口後, 下 車乘臥輿至白鶴泉藤椅上小寐。 到雲麓宮,余及程乘輿,仍別有一輿似預備主席乘者,主席健步不乘也。 少頃, 程頌公來, 見告毛主席已來。 旋見 程告余今 主席 在

李燭塵 日毛 渡湘是游水而來,其健眞可驚也。 隨 毛公來, 問知范旭東夫人在上海,楊梓南前三年以患瘤死去。 席間毛公雜談,談及在第四師範時,曾一次旁聽余講課云。 李,民元後留學日本,在**湘**則

學部委員聘書來。

公元一九五五年

業西

路

師

範

云。

二十一日。 趁車入城出席省人委會第六次會議,聽劉斐、賀貴嚴、譚惕吾、伍雲甫、帥孟奇、曾三

積

四〇四

六代表視察湖南工作報告。 會訖,本擬往謁毛主席,頌公告昨晚已北行。頌公邀往交際處午飯。

二十二日。王平默、閻魯齋告昨晚得電話,云艾爾克斯今日將來山見訪。午,閻君又來,云艾來

山已返城去,因問余昨日在城開會,恐余人倦,定明日迎余入城。

二十三日。三時車來,渡湘到交際處晤艾吉士君,即艾爾克斯。 談文字學,渠曾讀余文字,

最

勞動人民。 佩服釋放一篇。贈余所著對周幽王歷史新貢獻小冊子,據通譯范君見告云,艾君謂幽王爲人, 請余題字。 六時別艾君返山。 詩經中毀幽王者,皆申后黨所爲也。原文德文寫,余惜不能讀也。其夫人爲余畫小像, 初約今日宿城中,明日去看楚文物,以極熱不欲留,遂歸也 同情

二十四日。 徐行可寄到廣新方言及俗字編繙,閱之。 錄廣新方言,中多蕪湖語, 安徽又多得

處矣。

談,人齊開始。 二十六日。 余說話謂楚國文字構造與 晨出散步,遇交際處派來相迎之汽車,返寓加衣, 中原無異。 因艾吉士君有互異之說也 渡湘 到交際處, 麥 加艾爾克斯坐

以論語疏證贈艾吉士君,君甚喜之。

二十七日。 廣新方言著者喜雙聲,然多不碻也

七月

四日。 廣新方言錄訖,續錄補正俗字編,此書溫州余國光撰(乾隆時人),民國黃紹裘補正,溫州

方言也。

六日。閱科學院文件,說明年實行院士及學位制,此可喜事也。

十四日。 長沙方言錄訖,續錄南通方言。 郭沫若書,言管子書已找出, 託余爲介, 與彭元瑞交

涉,價三百二十元,書爲陳秉常藏之。

版,可喜也。 十九日。 人委會送當選人民代表證書來。 上海寄漢書窺管十冊來, 三十年精力所聚, 幸得出

二十二日。錄南通方言「推推攮攮」,「攮攮」乃讓讓之古音,著者不知,故明之。

與師院商量別派一人代表出席,以湖南只邀余一人也,因與鉄錚談之。 科學院語言所開會討論漢語規範問題,請出席。 余正躊躇,又得羅 書,云萬一天暑不能出席,請

二十四日。南通方言「富賰賰」,卽說文訓富之偆。「黃黈鲢」,「黈」卽說文之「黗」, 圧、殷幷認

「純」「純」爲一字也。

二十五日。 周雲青寄到有方言之方志目,詳極,於余益處甚大,當即請人錄 副。

切情形,陳援安久住醫院,國文系黃藥眠主任,蕭璋副之。方告傅仲嘉亦已來山,因往晤,少談,歸 二十六日。 答訪方叔密,全國師院理數教師在山集會,故方返湘,日前曾來訪也。 問知師大一

八月

日。 科社書言修辭學再版。 郭沫若建議改名爲漢文文言修辭學,征求同意,允之。 以中國包

括各民族,而書限於漢文也。

積

四〇六

十日。 五日。 始錄 王原一已爲余查方志得六十種,可謂幸事。龍谷瑞爲余查得說文斠詮證俗語者,錄之盡 民國體陵志 ·
法言,說喉管爲亢,躺子爲靪,皆不合,知音韻而不知訓詁,終隔 一層也。

+ 四日。 錄永順方言,「足」稱騎,乃騎字;「笑」稱揑,乃聽之轉音;「夫」稱那把, 把爲夫之

古香。

十六日。錄道州方言,黃如穀嘉慶志,許淸源光緒志二志皆錄訖。

科學院來書,囑寄今年及明年研究計劃。

十七日。 董每勘從廣州來談:中山大學去年十月曾舉行科學論文報告會,每年一次,以此推動

科學研究,聞之甚喜。 二十日。湘方志已錄訖,錄客方言。

二十四日。 錄道光學志(阮元修、陳昌齊總纂,江藩、方東樹皆與)、同治番禺志(史澄、何若瑤總

纂,陳澧分纂)二書方言。

二十六日。高教社請任特約編審。

九月

十一日。 王曉湘、熊雨生來。 曉湘已不見數年, 曾入京兩次。 曉湘見示胡步曾(先購)與渠書,

有云"楊君精於金石文字,不愧爲當代名儒。 又一文章知己矣。

十七日。 决定二十日北行。 寄書四種與社會學部,請推 荐請獎:"述、漢、高、修。

漢市, 交際處 一十日。 派 晨六時校車來, 龍谷瑞、萬旭初送車湘岸待渡。 車來 迎,因長沙交際處已有通 知來 也。 臥席本是上鋪, 車站稍候, 經交際處人說服川 九時車行。 晚九 人 部班武昌 、吳牟光

及別一人,以余夫婦年老,皆以下銷相讓,此新 社會之賜也

頭髮胡同,訪王季范所居,即余舊居,加修飾矣。 二十二日。晨六時半到北京, 有車來迎, 漢口已有連絡也。 驤兒夫婦來迎 到寓中,

早點後步

至

二十三日。 訪郭鼎堂,出管子集校校樣,談經過,贈石鼓文研究 季范、尹達(豫籍)、陶孟和、馬黎元來 III; 郭生於光緒 十八年壬

今年六十四, 頗有老態。 考古所晤陳夢家、公柔,知于思泊已赴長春。 以梭樣見付,囑提意見。 到語言所見鄭奠、 丁聲樹、陸 志韋、王顯夫婦。 到

以 渠血壓高,止之,不可。 二十四日。 答訪陶孟和,聞 心田 隨車同回余處, 陶言羅心田寓語言所, 少坐。 而昨日未謁,急往訪之。 見則云正

擬訪余,余

二十五 日 與峻同訪黎助西於成方街,即余舊寓城隍廟也。 今日多客來,以俗。

所 以方志目錄交之,請其檢 中各研 二十七日。 究員各 有窺管 考古所 陳 查。 册 公柔,王苾來迎,到所講話,謂讀書須文理、事理氣通,舉漢書數條爲例,以 也 夢家出示犬龜甲二枚,菁華所載也, (此考古所 請求得之者)。 〇晤呂叔湘、黄中良、 脆極 不可觸。 賀昌羣。 諸親 友皆勸余留 賀 舊 識 也,

京, 余亦謂然。 公元一九

fi.

Hi

積

二十九日。 偕譚戒甫 訪仇亦山、稍談。 訪章行嚴,久談,二十餘年不見,消瘦多矣,而 神尚旺耳,

七十六矣,作字無老態

席邀午飯,章行嚴、譚戒甫已到,待余至入席。 後談到文字改革,余與章、譚皆各獻疑。 三十日。 到海甸尋峻 姪, 久問始得 其處, 少談。 隨季車入南海見主席,謝來遲之咎,主席云不 赴王敬之之約,坐不一刻,季花 追踪 而 遲也。飯 來,云主

則知觀 可有成。 下午到科學院出席意大利訪華代表團接待會。 禮 政協 券已送至職寓矣(此科學院份)。 又送券來,初不得一,既得則二,亦趣事也。 晚草、武 二孫由 遇吳正之(有訓),久坐。 託兒所歸家,始得見之,武孫氣象英偉,似 院派 車送余至 報子街,

十月

由彭德懷報告,部隊、市民、工人、學生參加者五十萬人。 王了一、馮芝生、金 日。 晨院車接到天安門文化宮,余到東三台休息室久坐,九時三刻登東三台。台上遇顧 岳霖、陳總、潘光旦、吳景超、蔡方蔭、胡春藻、呂叔湘、陳公培。 二時整行列始 畢。 典禮 + 時開始,首 颉 刚

日。 顧頡剛、潘梓年、尹達、田个石、張孝存、孝明、孝湘、方女士、峻姪來。與潘君談余留京

致 潘云房屋當設法解决。 詞,知此宴為歡迎英美法蘇歸國學生(四十餘人),及積極分子(十一人),並及余。各學生代表皆 六時院車來,偕吳學用、劉恢先同 載 到文化俱樂部, 應郭鼎堂 晚飯之約。

設

話,鼎堂囑余說話,余亦略說數語。

席終已八時半,倘有印度電影,余欲早睡,遂歸。

席間尹達以

鼎

佘留京之事告郭, 佘云房屋恐有困難, 郭云當設法。

Hi. 日。 孫蜀丞見告,齊燕銘偏搜吳檢薦遺稿,爲之付印。 此事眞可喜也。 又言燕銘於百忙中尚

讀書,亦可喜。 七日。 胡春藻來,偕胡到政協出席歡迎意大利社會黨總書記南尼先生大會。 ○省母夢,言余所

九日。七八兩日連服安眠藥,故睡眠慾增大也。偕釀、吳漣及建丙兩孫遊北海公園

著書:小學第一,金石夾之,甲骨又夾之,以用功時間之久暫言之,確是如此。美成在久,良不誣也。

十日。校管子集校箋記,遂竟日。

十二日。 到北大峻姪寓,與姪婦徐提相見。 翻閱姪所譯論語,爲指誤一處。

十三日。 歷訪諸友,得見者:余冠英、黄子通、余讓之、周燕孫, 餘如向達、陳總、 浦江淸等,

來 語。

十六日。 4. 四日。 馬芝生來,未晤,留札言希望余留京整理古籍。

皆館當事)、邢贊廷(北京市文史館長)、張唯一、范仲澐,范前曾見於郭宴。唯一不見三十年,貌較前 豐腴,而耳重聽,足亦有病, 到北海靜心齋文史研究館,赴齊燕銘之約。同坐葉譽虎(恭綽)、章行嚴、劉道衡(三人 近住醫院, 數日前始出院。 此驅張時患難同志, 意頗勤懇。 當時同

志

陳夙荒、朱劒帆、羅湘遒皆已逝去。

十九日。至馬凱飯館赴吳(子昂)、陳(杏聰)、羅(介丘)、田(个石)、楚(中元)、鄭(舜徽)六君之

罷 回 憶 錄 豧 編

約,子昂不見二十餘年,羅則初見也

二十一日。 金岳霖來,邀余到哲學研究所工作。

一十四日。 到二里溝出席漢語規範預備會議。

一十五日。 到西苑大旅社晤馬宗霍、曠壁成,以貼花臥單及黃俊六託件交曠帶湘。

試之云。 又有郭陸特教授亦相見面談,兩君亦道及峻姪之文法書,峻亦來與相見云。

鄂前爲俄使館職員,乃阿力克教授之弟子。告余云:俄大學漢文系學生畢業,

陳毅有長報告。休息時有蘇聯鄂山蔭君欲見余。

一見即操華語云:「我是你的學生。」余謝不

九時出席開

必以余文法考

敢當。 幕禮,

一十六日。 裴學海來,極意推仰,年亦五十六矣,灤縣人。

余因與談文通刊誤、文字形義學及金文餘說事。 二十九日。 科出社辛田來談淮南重印事,辛擬改淮南本文爲大字,余亦贊同。 辛之兄爲劉麟生(有詞學著述), 辛田其革命化名, 辛對余頗懇切,

能舉論語之文,頗有根柢,告余麟生佩服余云。

礼詩,語意肫懇,所改極佳。 三十一日。郭鼎堂得余管子集校校語,復書云,當盡量采納余所說。 〇吳辛旨爲余改定題陳手

日。 閱初中教本文學,陸定一記大山界。

二日。 訪同居陳望道, 小談。 答訪辛田, 云今日已發一緘, 說奕人傳事, 文通刊課因審查人

0

李笠由天津大學離職,不知去向,故久不作復,今擬將評論寄來,俟改訂後寄去出版。 金文餘說 亦 可

寄至姚薇元,曹大致可接受,遲再相告云

Ŧi. 日。 考古所派車來,出訪李燭塵,少坐。 到考古所討論金文編體例,出席者:容希白、 陳

張政 說文是形書,今編制依說文,當以形爲標准,是余說。 坂、 唐蘭及余,凡五人。 余謂「瑾」下不當列「蓮」爲正文, 只可附見, 重文當改瓦見。 張 政限調 夢 家、

六日。 田漢來尋,邀到其家晚飯,攜廳同行。 同坐施今墨,老友也,爲余診脈,云平和並不太旺。

容希白不解,夢家亦和之。真所謂曲

高

和寡矣。

八日。 同夏光韋 副 所長、張大煜所長同車到北京飯店、赴郭沫若慶祝十月革命宴會。

九 日。 **職**兒來交八十元爲買用物。 院既無適當之房見給,看幾處房屋,買屋亦難成 就, 决作歸

計也。

Ė. 日。 閱許駿齋韓詩外傳校釋, 以少敵衆, 許云當爲獵獲衆, 豈可通也? 其不明訓詁之學

如 此

六 日。 閱陳夢家見贈之羅福頤長沙竹簡摹本。

十七日。 到中國書店看書,購呂覽彙校一冊。 到隆福寺各書店看書, 得說文通檢、愼宜

一軒文雕

右方言各一冊

爆來,意阻余行,余出車票示之,並述不欲留之故,渠亦不強。 蓋渠等邀余整理古籍,此工作在 二十一日。 徐提 來示峻姪書,勸不南行。 徐又出示引得書目,余標出定買者,屬徐提代購。 一南在 金岳

公元一九五五年

北皆可作也。

二十四日。午一時半車行,返湘。

二十七日。 九時半抵長沙,交際處迎車來,遂渡湘返山。

識則散入卷中,檢各書錄之,爲要釋。

二十九日。

到一院檢書,出鹽鉄集釋觀之,較葵園加洪頤煊、俞樾、孫詒讓三家,

而葵園校勘小

語言所書告明年辦刊語言研究,屬選編輯人,並提名請獎著作。

十日。閱于思泊管子新證,讀「義」爲「儀」,幾未讀說文矣。

子雖有罪,猶欲匿之,校删聞字,則未讀公羊傳(文十五年子叔姬事);校「子高」當作「高子」是矣: 云沈諸梁何足望,則所忘左傳。要之,猶高於于思泊。 閱陳季阜鹽鉄論校錄,頗有是處。然說「姐」爲「縣」,不知有說文「嫂」字訓「縣」說;聞父母之於

十二日。閱朱謙之老子校釋本文訖。

二十日。校「晏子踐有齊國者」,讀「踐」爲「續」,不从王念孫訓居之說。

十一日。閱讀書雜志、淮南要略、漢隸拾遺訖

二十三日。 趁院車入市到省府出席人民代表會。

二十七日。清理積微居讀書記釋名,有目無書。

若有依依不舍之意,去後卽派屯來送余,幷致一札,以未到車站相送為歉, 孰意剛別一月, 遽分生死 報載張唯一於二十四日病逝,余此次遊京,唯一於余備極勤懇。余離京之日來余寓送別,久坐,

邪,令人悽惻之至(余二十二日寄書未能見矣)。

二十九日。寫呂氏春秋札記,記札迻校語於晏子春秋。閱文通刊誤審查意見。

三十一日。入市到程省長官邸,曹耔老先在。六時入席,凡二席,皆行政界人士。席散來車迎

至交際處,夜宿交際處。

九五六年(丙申),年七十二歲。

日。 陳書告已將書四種:述、漢、高、修,各四冊送語言所,取有收據。

八日。

校呂覽「蟄蟲俯戶」讀「俯」爲「培」。

九日。 校呂氏春秋駁陳陶誤說二事。

十日。箋鹽鉄,讀「馬朘」爲「馬鵬」,及前校「自鮑」爲「臭鮑」,皆可喜。

十九日。呂胥時篇「隱匿分竄」,「分」讀「奔」。 十二日。到一院赴學報編輯會,忽覺不適,遂歸。

二十日。校呂覽孝行覽訖,「不衣芮溫」,讀「芮」爲熱,以「芮」「鏊」同字,「燤费」同字證之,今之 公元一九五六年

校勘家似未能逮此也。

四日。箋鹽鉄初稿訖,凡得校註六百十餘條。自去年十二月十四日開始,費時五十日。 二月

治此書,故較速也,以後須更加工耳。

以前骨

整理後記

讀者。 年六月底歇筆。 (積微翁 **種微翁回憶錄,乃積微翁據其日記所選述,其書始寫于一九五〇年九月二十九日,至一九五** 的孫女婿)所續補。 自一九五三年七月以後直至一九五六年二月四日止的一段回憶, 續補的根據是積微翁自寫日記,體例亦依其自錄。 如此則成全壁,而 則爲孫秉偉同 便 志

這次整理,基本保持原稿面貌,僅極少幾處作了必要的刪節。

其繁,唯印行回憶錄較適當 版。 印分贈, 積微 近年來有學人作關於積微翁的研究,南京師範學院張芷教授並撰著了楊樹達先生年譜,最初油 翁一生勤于學術,著述卓然成家,影響旣廣且遠。 其後刊載于南京師範學院所編的文教資料 九八三年第四期, 讀其書,欲知其人,年譜嫌其簡 且將由湖南教 育出 ", 旧記 版 社 嫌 出

之缺 界是非,自古多有。 其斥爲「妄人」者,則未嘗書其名氏,亦猶李慈銘越縵堂日記之于趙之謙,細心人不難踪跡其人。學 失,記錄無隱。 此回憶錄,不惟知積微翁治學過程與方法, 明朝歸有光與王世貞互相指責,亦是一例。然而歸王、李趙,各有千秋。 對古今人物, 固有景仰,亦有微言。 亦可知其人之爽直。 無論是否完全恰如其分,但皆爲肺腑之言。 如解放後之自我批評,于己

積微翁回憶錄整理

後記

積

翁 回 憶

待後人評定,不必爲賢者諱。 且爲儒林留佳話,亦可以使後學者見各人之長短。

六十年代,北京中華書局擬重印黃暉論衡校釋,而不知黃暉爲何許人,終于未果。

暉爲桐城人,並記其曾訪問積微翁事,是此書可爲考求近人事跡之助。

又回憶錄亦偶載軟事,

從所

回憶錄則

記翁同龢與李鴻章二人構隙事中,

印行,不但爲喜讀積微翁著作者所歡迎,亦可爲治現代學術史、近代史者提供若干資料。 可以窺知太平天国李秀成在蘇州確有善政。 我們認爲回憶錄之

獲微翁回憶錄及日記原稿,現俱藏中國社會科學院圖書館。 全書的整理工作,由楊伯峻先生擔任。

楊樹達文集編輯委員會

九八四年三月

積 微 詩文 纱

積微居詩文鈔編輯說明

詩鈔。

、楊樹達先生所撰詩歌,並無專稿,但記載於日記

中。

是編之詩歌從日記中逐年鈔出,名曰積微居

一、詩鈔按寫作時間順序排列,不依體裁分類。

三、詩題下注明寫

四、詩題大部分係作者自命,少數由編者據日記中語意,代爲擬目。

作年月日,但一日作有兩首以上者,惟在第一

首注 明。

五、日量歌及辰陽雜詠係從一九四〇年油印本五溪詩社稿錄出。原稿未記月日,因緣於是年之後。 六、聯語亦從日記中錄出,附於詩鈔之末。榮慶、哀輓,亦不分別部居。

七、詩聯注文,均係作者自注

入、楊先生原有積微居文錄三卷,商務印書館出版。 收文三十六篇,其中三十篇後來收於積微居小 學金石論叢,又其五篇亦爲討論小學文字,此次已收入積微居小學述林補編。其未收錄者僅祭新 會梁先生文一篇,今將其收入於此。 此外又新收得文章十一篇,總計十二篇,名曰積微居文鈔。

九、文章順序,散文居前,韻文在後,又各以時間次序排列。

讀漢書覺韓信論項羽印刓敏不忍予之 題甯楚禪鉏經 賽師子希五十偕老……………………… 京漢道中車過 公宴日本鹽谷節山溫博士等一行於故 都東興樓博士有詩依韻和之…………… 說非實有作..... 積 說 微居詩鈔 明..... 確 課子 П.... 圖 題王石臞手稿...... 題王嘯蘇寒 紹周屬題湘綺翁手篆圓明園詞卷偶成 一絕..... 母鄭太孺 樹 有 作依 燈 人七十壽 韻 風 樹 圖 詩.....

= =

B

遊嶽麓

與

嘯

作.....

寒宵 題

車

四

皓.....

周

講授麓 絕頂

Ш

本 蘇

繩 同

祖武近威院中桂

王葵園先生

九十生日公祭詩以志感………

Ŧ. £. Ŧi. 24 29 24 29

道沒橋川子郊歸東方時余初米南行二首 《	
述哀	詠鏡10
書吳夢舟(蔭雲)古歡室詩集後兼追懷	蔣君廷黻歐遊歸云俄德漢學家多有詢
郭耘桂先生 六	余所箸書者感而賦此
咸奥 六	書感
詠蠅拍	賀劉子植與錢女士結婚東京10
候車・・・・・・・・・・・・・・・・・・・・・・・・・・・・・・・・・・・・	偶成
事上吟······ +	攜內子遊中山公園
往事	感興
蠅拍	偕內子北海公園小坐
偶成	夾和朱保之見贈
即事	題胡綏中老人雪夜校書圖即送其歸吳中三
讀陳涉世家	贈高田真治教授用倫哲如韻
遊三貝子園····································	題吳子馨所藏金冬心畫梅陳曼生小字
七夕	合裝卷子
漢高祖	為魯思題南雷小象三絕

橙 微 居 詩 文 鈔	ÇTŞ.
和之余亦次韻三	次韻星笠偕嘯蘇威謀睌步沅岸 云
反前詩意自解再用前韻呈曾王二君三	和星笠無題
仍用前韻兩首示二君	送曾威謀返湘鄉····································
贈壽人解職歸	近日畫陰夜輒雨
五用前秋字韻遺懷三	和星笠元夜招威謀紹熙紹賓嘯蘇茗飲
和嘯蘇論黃山谷詩六用秋字韻三	原韻
次星笠謝嘯蘇招飮韻三	感懷四首仍用原韻記
謝嘯蘇以詩見送入城並來星笠七用秋	星笠入夜切齒甚急賦此調之
字韻	余嘲星笠切齒星笠答詩以半聲相說疏
積雨快晴招諸公入城八用秋字韻	庵遂有「休共聲丞話短長」之句佐門
再用端字韻答王曾二君	之意甚顯賦此答星笠兼詰疏庵六
三用端字韻酬曾王二君三三	戲贈星笠歸益陽元
次韻答天隱見懷 三	讀吳清卿中丞字說旣書其後復題一律三元
再寄天隱	星笠建議解互嘲之紛贙而和之元
題李肖聃東遊百詠後	劉弘度在宜山避寇機有詩云平生自許
秩兒來省佘留五日去以詩示之六 	軒昂甚惭愧奔雷破柱時賦此解之三0

頗喜杜氏通典又不類余語或者駿讀書	得陶重華昆明書
理塞三通語在可解不可解之間余平生	喜威謀再來辰谿和同社韻三
夢中成七絕一首覺而配其末句云眼前道	題何特循適園詩集疊開字韻三
漫成	昭繼之疏庵有移居詩次和三
已辦千秋可自娛句詩以答之	氽移 寓馬溪星笠首來結鄰潤生疏庵德
肖聃見余前詩有荷戈之志感賦見慰有	再酬何特循
天隱書來有詩見懷卻寄	喜肖聃星笠來辰次疏安韻三
和嘯蘇謝招飲韻二首	次韻酬肖聃 三
唁之依韻賦此····································	次韻答何特循見贈 三
星笠既喪長子又遭回祿肖聃特循有詩	弘度續得苗君詩二首和之三
星笠賦夜不寐有感詩以解之	和弘度觀演苗君可秀事有感作三
洞有詩次韻	喜弘度來辰次星笠韻三
來馬溪示疏庵及余時疏庵避敵機山	次韻王疏庵答星笠自益陽返校索詩三
劉弘度自樂山賦詞懷辰谿同人二曾將	再贈郭之奇
酒家期來春踐約賦此奉謝四用開字韻]	贈郭之奇
何特曳約遊丹山寺阻雨改攜郎君招飲	來和威謀過長沙感事······□□

胃

戲贈和 余熙農韻20	送何特循遊蜀中四0	特翁招遊丹山寺賦謝・・・・・・・・・・・・・・・・・・・・・・・・・・・・・・・・・・・・	防空洞中作0	聞德國併丹麥挪威書感用紹熙韻	偶成次鶴松韻	和兆疇韻	戲答	兆疇紹熙主五溪詩社第一集有詩索酬	十里外有盜劫逐去馬溪寓周叔廈宅三八	答陳兆疇教授見贈	劉寅先寄示近詩賦答	次韻和陳兆疇譚雲鶴新年·······	先妣五周忌辰紀夢	答陳仲平助教見贈原韻記	不能受用之辭邪枕上易爲第二句成之記
額雨生詩戲贈」	答邱有吾見贈	壽楊華一五十次肖聃韻四	答雨生次韻	贈熊雨生次其重九韻	劉茂華聞人觀傳余不幸死電詢肖聃感賦聖	贈熊嘉麟女士	再答威謀	謝周好古贈方竹杖	次韻戲答威謀	之說賦此嘲三君	後均狼狽至於設督自明乃服余弭兵	雨生威謀鬥韻不止星笠復和二首參戰	謀應戰甚雄余賦此解紛仍用雨生韻四	威謀招熊府生入社雨生爲長歌挑戰威	增譚鶴松四

究 有感覺前初度書懷韻	
賀季明于歸用乃翁肖聃韻	喜季雲來辰賦贈····································
	送星笠歸里夾邱有吾韻····································
四八 唇赭公賜和拙作述懷詩賦謝三	哀向毓麟女士····································
四八	賽何特循七十····································
四 同學諸君約宴力辭繼聞酒食已具賦謝	辰陽雜詠············
四 初夏即事	日暈歌
四、 五十七初度霄懷	黄新彥緘示新詩卻寄
哭 送吳紹熙游坪石····································	詩社雅集以月夜索題有作······
g	丁生有詩紀痛賦此慰之
詩賦寄·····	天隱避地雲蓋寺一夕被盜劫戕其外孫
吳辛旨何爵三先後從連縣來書並示近	賀疏庵得孫
翌 橘花	和方叔章五十九自壽韻兼懷章秋桐翁四
四五 送春···································	詩 次韻·································
隴頭春望	十月望夜偕豢龍星笠威謀步月威謀有
空 壽詩見示請和賦此····································	辰陽秋晚············
翌 │ 顏生熙志以其父寄庵(名嘉惠)五十自	白菊花・・・・・・・・・・・・・・・・・・・・・・・・・・・・・・・・・・・・

葉	和星笠	疏庵饋生魚 ~	星笠同肖聃威謀有吾步月	\$寒・・・・・・・・・・・・・・・・・・・・・・・・・・・・・・・・・・・・	菊	伍鷘農至	子若入川	李麋壽五四	九	九	贈傳遜庵月川	送鍾若溪長南嶽工業專門學校	林赴昆明肖聃有詩壯行次和 三	李伍劉三君招與餞席送若溪赴衡山和	次行嚴韻答謝 1
贈別郭生晉稀	贈別陳生有覲	和顧一樵次長耒陽拜杜工部衣冠墓	及賞花之恨云爾	而花邃謝戲賦詩投明奇索餅以補未	輒餉以餅索詩爲酬余以病未及往觀	崔明奇家小園牡丹花開賞者雲集明奇	仍效作告存詩也	袁子才預作自輓詩二首如獲倖存當	相士言余五十八九有大厄近又多病效	贈宗子威五八	和熊雨生威事韻	籌互贈余備一筆媵之以詩至	諸生約壬午元旦會合各具禮品一事探	有觸	送陳穗庭入蜀·•·····

玉佛招飲山居 贈

日本史正名篇序	積微居金文說弁言	周邦式澶洄集序	平江蘇厚菴先生墓誌銘	麥園先生著作述所聞	卵 園全書序	積微居文鈔
---------	----------	---------	------------	-----------	---------------	-------

鄶園全書序⋯⋯⋯⋯⋯⋯⋯⋯⋯⋯⋯	劉天隱先生傳·······
葵園先生著作述所聞	時務學堂弟子公祭新會梁先生文四
平江蘇厚菴先生墓誌銘	自為像贊
周邦式澶洄集序心	題桐鄉遺愛圖
積微居金文說弁言	
日本史正名篇序0	整理後記
頃齋文稿序0	

積微居詩鈔

京漢道中車過確山 一九二三年

媚似鄉關。

遺書已自成瓊寶,記否劉家有二難?

秋午晴陰過確山,峯巒

壽師子希五十偕老 一九二七年十一月五日

知非蘧伯玉,偕老譜新詩。此樂真堪妬,承家況有兒。敦龐型薄俗,風雅是吾師。 敬祝期頤壽,

歡然進一卮。

公宴日本鹽谷節山温博士等一行於故都東興樓博士有詩 依韻和之一九二八年三月十日

十七年前幾見君,故園別後感離羣。今日相逢同一哭,玄亭無處問奇文。

传 微 居 詩 纱

題審楚禪銀經課子圖 一九三〇年十月二十六日

我今當復著何語?無量題詩在上頭。但顧君家尊祖語,一經傳業到千秋。蕭頭中有離無量二絕,

云: 「平生不喜言憂國,時論如今薄有家。 有本始能成大木,無枝何處著鹽花?」最為絕唱

讀漢書覺韓信論項羽印刓敝不忍予之說非實有作一九三〇年

十一月二十九日

寶盡劉王嬰作相,不堪辱詈喪成皋。

紙封書徧天下, 刓印猶傳不予名。 卻笑漢王稱大度,固陵不會許韓彭。

陳豨已死當入賀,一誑竟成鐘室誅。 南鄭追亡真好事,淮陰終老幸何如?後二首本舊作,合之為漢事

分明楚漢皆英主,各有庸

臣總姓曹。

概猷三首。

王葵園先生九十生日公祭詩以志感 一九三二年十一月二十七日

不廢江河吸萬流,一燈孤照費冥搜。凉塘謁後成千古,我亦星星白上頭。

遊嶽麓絕頂與嘯蘇同作 一九三二年十二月二十七日

別二十年,山色依然好。惟有看山人,少壯欲爲老。老去安足悲,所傷未聞道。平生千載志,

常恐遂潦倒。高山立我前,不進那能到?詩書有至味,相期各 鲍。

徐紹周講授麓山本繩祖武芸渠先生昔掌教嶽麓近感院中桂樹

有作依韻和之一九三三年一月二十二日

入翰林繩祖武,少時湘綺翁稱之爲仙童。 篇,今多亡失。文章三世承中壘,名德如今見小同。鄭康成之孫。料得淸門遺澤遠,克家代代有仙童。曾重伯以 祖庭玉樹早成叢,又茁孫枝繼乃翁。喜有緇衣傳大業,不須一作「何妨」酒語戒俄空。養交遊氏憑二十三

附錄紹周原作

御書樓下兩珠叢,曾對當年八十翁。文獻已隨人代改,根柯不爲雲霜空。 孤尋氣味知無隱, 便理蓬蒿事

豈同。慚愧留人又今日,不成聰聽已頭童。

□母鄭太孺人七十壽詩 一九三三年二月二十二日

類贏,漫空魚鳥獨獨龍。 太任憑天降女宗,茹茶嘗蘗遘奇窮。 已看玉樹亭亭立,貞挺相期雪後松。 九京未遂隨夫願,三徙翻成教子功。 善化螟蛉真 作 原息

精 微 居 詩 妙

積 微 居 詩 文 鈔

紹周屬題湘綺翁手篆圓明園詞卷偶成二絕 一九三三年五月十 日

亂後園池遍棘荆,當年興感幾書生! 那 知五季紛紛日,卻憶開天是太平。

會見宮門與苑艦,七年一瞬又滄桑。余初到清華時,尚見園門與照牆,今皆毀矣。詞人莫更懷憑眺,裸國時

一作朝朝,迫馬皇。

時

題王嘯蘇寒燈風樹圖 一九三三年八月十八日

平生寸草春暉意,寫入淒涼風樹圖。 述作千秋自有真,科名弩末肯馆神。 狀頭往日知多少,姓字流傳騰幾人? 記事一篇詩幾首,行行珠淚認模糊。

校說文 一九三四年七月十四日

晚涼天氣雨如絲,把卷沈吟有所思。 十五篇書在天壤,幾人讀破有眞知?

題王石臞手稿 一九三四年十二月八日

王段風流感逝波,後生追步費編摩。 字詁一作一學安徵位育,平生俊語服東原。 偷夫也解珍遺墨, 檀在珠還可奈一作「奈若」何! 王家高弟心知意,此外何人受火傳?

29

四皓 一九三五年一月七日

令雉翼張,**隨**戚耽王趙。 一說一作「聞」漢室初,商山隱「四 孱帝復何益,醇酒徒自天。 皓。 辭榮逃嫚駡, 采芝可終老。 嚮微平與物,劉器幾喪寶。 忽與人家國, 餌幣來遠道

4

寒宵車渡黄河 一九三五年一月十五日

此者無不慄慄危懼 長橋百孔城洪波,工竣於今卅載過。 正是淵深冰薄地,寒宵戰慄渡黃河。 黄河鐵橋保險期久過,乘車

題劉寅先所撰木屏記 一九三五年一月二十四日

有命姑忍恥。于歸不幸所天圮,欲殉不得有孤子。 今壯業鴻泥指,文章賸有洛陽紙,志乘模糊迷尺咫,辛勤寫出分明是。 師起,驚去金釵酬壯士。袍澤男兒意何鄙,拔刀拒請嚮天矢,晚來將母奉甘旨,英雄心事付流水。 節義耳!多少鬚眉愧對此,我今濡毫額有此。 木屏奇人造奇史,劉生作傳繼中壘,讀之對數不能止,我雖不文焉能已。 家難方終國難始, 闖賊屠京七廟毁,劍及屨及義 人稱奇女何奇爾? 七齡 父難拚 無非忠孝 死,嚴君

追送橋川子雍歸東京時余亦將南行二首 一九三五年四月二十四日

我們南飛君嚮東,百年行役本忽忽。 濁醪幾斗書千卷,收拾平生作老翁。

廿四流光石火驚,顚毛化盡百無成。 送君歸去淒涼甚,難忘當年渡海情。余民國前一年由日返國。

述哀 一九三五年

仁,乃知老聃哲。 兒祝母永存, 母亦自欲活。 天公胡爲乎!強從兒手奪。 人事酷如此, 真宰當有說。 天地本不

書吳夢舟(蔭雲)古歡室詩集後兼追懷郭耘桂先生 一九三五年七

月十五日

戌歲曾偕學院場,冊年白日去堂堂。 新詩幾卷天孫錦,省識孤吟費七襄。

魔螺納涼郭園,曾呈所撰漢書札記於先生,有青出於藍之目。 尤為作序,又承批識多條,此本今尚存篋中。 余北來後,先生亦旋逝 郭園雅集幾經時,座上林宗是我師。 一別無端成永訣,天涯何處覓鍾期?十七年南歸, 與私桂先生及

感興 一九三五年七月十六日

詠蠅拍 一九三五年七月十七日

少有匡時志,無端老我儒。平生疾惡意,賴汝一爲舒。

候車 一九三五年八月四日

急足前攀躋。 **趁輪限時發,安敢誤程期。** 形役何時休,吾生良有涯。 遲遲後分秒,一 去不可追。 嚴冬噓寒颼,長夏暴炎曦。 候久車在目,

車上吟 一九三五年八月五日

四輪駛如電,詩思與之深。昔人道三上,我於車上吟。

往事 - 九三五年八月

自從學校開,男女競登塾。

日飛書來,道我顏如玉。

繼

機

頗

再

三

,

胡

爲

言

不

屬

?

豈懷柳下貞,

差類一作「比解侯木。 紅顏遽黃土,負負不可一作「嗟難」贖!

微

居

詩

0

七

蠅拍 一九三五年八月十七日

蠅拍本拍蠅,蠅顧嬉其上。拍無奈蠅何,默默看其殿。

偶成

聊

以悅情性。 唐有高達夫,五 十事吟詠。 我今過五十,敢與昔賢並。 觸物心有會,時時發狂興。豈爲浮名驅?

即事

欲運苦無力。 吾兒嗜啖梨,啖畢棄其核。 四出呼徒侶,一作「葦葦」衆舉遷其穴。 羣蟻聞梨香,奔走喘不息。 吾兒旁立笑,蟻輩何太拙。一作「意」語兒汝毋然,此 左行旋折右,南往復趨北。 身微食已巨,

事足解惑。人去蟻幾何,紛紛失與得。

讀陳涉世家 一九三五年八月三十一日

魚腹丹文篝火呼,陳王張楚一一作衙一何思!隴頭鴻鵠真成帝,冰合蛇分一例書。

遊三貝子園 一九三五年九月一日

遊難續用形單。十五年僧先兄來遊,今十年重至,而兄逝矣。傷心家國無窮事,欲逐孤雲共往還。 擾擾塵緣興已闌,名園小憩暫開顏。 **芙蕖十頃無心碧,楊柳千條自在閒。** 脚力易勞驚我老,

七夕 一九三五年九月五日

兩地相望暮復朝,佳期七夕太迢迢。 寧知上界雙丸疾,一歲光陰一日消。

漢高祖 一九三五年九月六日

豐沛歸來日,居然畫錦行。 高歌思猛士,應悔殺韓彭。

逸興 一九三五年九月八日

歌時復想山陰。 逸與飛來思不禁,放懷天地一長吟。 覆氊草檄慚無分,莫怨人間白眼侵。 幸無歎老嗟卑句,猶有提戈躍馬心。 清夢幾曾忘遼海,高

積微居時公

微 居 詩 文 鈔

詠鏡 一九三五年九月九日

來有分伴佳娥。 浮世紛紛織 裏梭,獨持朗照 閱 風波。 青山掠過依然好, 白髮相望奈若何!看罷無心留倩影,生

紅綃作縵休輕揭,爲恐人間寢貌多。

蔣君廷黻歐遊歸云俄德漢學家多有詢余所箸書者感而賦此

九三五年九月十一日

周公意,霸業如師句踐圖。 居然天下同文軌, 萬里遐荒共一 滿地風霾一作「狂」欲來雨,諸君感喟意何如? 慮。 愧我疏才小家數, 未窺先聖一作「禮運」大同書。 井田寧識

書感

千里,萬事無如書兩船。 雙 丸走阪誰 能禦? 曾幾何時半百年。 何日一作「安得」閉門湘水上,漁簑隨分釣晴煙 醉後乍驚今我是, 吟成時一作[恆]忧古人先。 飢騙 却身

賀劉子植與錢女士結婚東京

劉郎無意到天臺,卻嚮扶桑島嶼來。 豔福幾人能不妬,雙雙攜手蹋蓬萊。

自從採藥神山去,徐福千年渺不回。 今日萬人翹首看, 童男童女一雙歸。

偶成 一九三五年九月十二日

昔憂一作「虔」主角非完器,今悟疏狂近道心。 避得 鄉稱愿士,不辭人世小相侵。

攜內子遊中山公園 一九三五年九月十七日

羨羊求欲不波。 身閒 老子且婆娑,喜對園林古柏多。 德耀於君信無愧,歸來偕學一作唱,五噫歌。 萬里歸 情隨去雁, 腔秋思落殘荷。 絡窺頡誦差堪慰,心

感興 一九三五年九月二十一日

竟日勞塵块,何時襟抱 開。 到家如得赦,小坐契高懷。 得喪紛何極,悲歡祇自摧。 君看天上月,

圓缺一回回。

偕內子北海公園小坐 一九三五年九月二十八日

被池 頭誦放翁。 興來閣筆且攜 行樂乘一作「證」時吾顧足,不勞名字啓山公。一作「不須名字達三公 筑,喜有**萊妻好與同**。 白塔孤擎斜照裏,碧荷微舞淺漪中。 分涼閣上看瓊島,太

積

微居

詩

魦

-

次和朱保之見贈 一九三六年二月一日

卅年驚一夢,喜與故人逢。 恨望嗟何極,雲山隔幾重!文章餘舊業,東北各遊蹤。 君久客申江。 且

莫論前事,相攜盡酒鍾。

附錄保之原作

昔我同門友,今從故里逢。 別離三十載,桑海萬千重。無限勞人感,難尋過客蹤。 平頭相對白,慚愧袖龍鍾

題胡綏中老人雪夜校書圖即送其歸吳中 一九三六年九月十二日

辨章學術劉中壘,思索誤書邢子才。 吳中子弟真多幸,蓟漢初亡安定來。

瑶華照耀虛生白,老眼無花一樣明。

萬卷琳瑯插架盈,袁安庭院冷無聲。

多士江南挺巨儒,績溪胡後更三吳。 鱖生頗一作「喬」·有窮經志,立雪龜山恨未如。

贈高田眞治教授用倫哲如韻 一九三七年四月十一日

筵。 **羣經本自尊喬嶽,大海從來納百川。且共泛舟拚一醉,招飲北海留別,故云。清風明月不須錢。** 便便君是漢家邊,觀國西來一作「延、領衆賢。 嘉惠已承分典冊,蒙以所等孔子學說見贈。高談況喜接華

題吳子馨所藏金冬心畫梅陳曼生小字合裝卷子 一九三七年五月九日

金冬心畫曼生書,雙美連枝共一株。老輩瑰奇今已矣,流風猶見海寧吳。

一九三七年九月五日

爲魯思題南雷小象三絕

魯思與黃同以八月八日生。

象,紹周所繪也。

史學開山黃太沖,宋明兩案萬流崇。 那知二百餘年外,湘上幽人意默通。

九十長年越顧王,浙東學術衍諸黃。魚謂先生弟晦木及子生一。祝君難老追先輩,收拾遺聞耀此鄉。 餘習先生才絕人,丹青餘事亦通神。百年定有千金價,勿作倭奴席上珍。孫季畬丈言滿綸先生為張海

陶作字,自記云:五百年後,此紙當值千金,幸勿爲日本人攫去耳!

次和劉腴深詩二首 一九三八年四月二十五日

寧有空虛徑一作「信」可逃,眼看金雀舞湘皋。焚書那復來寮李,殺士居然效一作「用」晏桃。 數仞宮

牆危自揻,十方遊展命同遭。 微君道力降龍虎,大地真成一狴牢。

浮生掠過一炊煙,上智端能性自全。 菩薩本來忘有我, 將軍任汝下從天。 心存魏闕身江海,目

送飛鴻手管弦。 戳 居 誓欲隨君習禪定,不辭彫鬢與華顚。 詩

居 詩 文 1

答黄山翁贈詩用原韻 一九三八年六月十九日

欲 同陶飯破,交情證共酒杯深。多君宏獎慚逾分,章句區區道豈任?

##

載

鴻泥那可尋?滄桑劇變到而今。

高談每憶劉寬節,快事從知鬷蔑心。

君曾買田財劉笏老。

世局

來伴名山作講筵,嗟予薄植愧前賢。域中破碎憑誰補?湖外文章賴子延。故舊幾人多入地,亂

離如此欲呼天。銜杯且共開顏飲,坐對歸雲意悄然。

依韻答肖聃兄見贈 一九三八年八月十日

詩千首定風行。 君是安州宋子京,文章富麗若天成。相期直上青雲路,不道徒聞豎子名。 獨當與子追前輩,那惜華與種 種 生。 舊事卅年如夢過,

新

再依韻示肖聃兄 一九三八年八月十二日

西南北任天行。 意氣如雲客島京,那知垂老百無成。 少顏能駐吾思學,覓取當年兩後生。 莫將茲茲杯中物,去換悠悠身後名。 春夏秋冬寧我有?東

夜夢內兄張迪人明旦得其書 一九三八年八月二十一日

昨宵驚見子,今日手書來。 上有平安字,愁顏爲一開。 燕郊烽火急,熊邑鼓鼙催。 兩地看明月,

何年共酒杯?

訪肖聃答箸鋪貨聃有詩次和 一九三八年八月二十二日

懷抱何曾一日開,一作「邑邑何曾寸抱開」。腥風吹海薄人來。騙車白鶴山頭路,痛與靈嚴醉一

回。肖聃

號重嚴居士。

五畝築龍華。余先世居龍華嶺 相攜洞口訪桃花,桃花,山名。雨後峯腰一 虹廣韻虹一讀古巷切,長沙方音如此。斜。 羡汝林居風味好,歸當

偶成 一九三八年八月二十四日

老我寧增益,天教閱亂離。 月圓 虧後影,虹豔雨餘姿。 客至頻添酒,愁來且賦詩。 階前春草滿,

應是露華滋。

贈天隱翁

四海多奇士,而君誼獨真。 論文深入骨,學道妙通神。 慧業生前具, 夜情別後親。 齊年吾自幸,

居 詩 2

何日結芳鄰?余與君同歲生。

Ł

*

再贈天隱 一九三八年八月二十六日

湖外詩人第一劉,及身親見喜吾猶。 紛紛餘子知何事,鸞鳳聲中衆鳥啾。

諸友招遊昆明不果赴賦寄 一九三八年九月十四日

歌響旗池道,行祠金馬神。 迢迢路萬里,冉冉日彙旬。 世亂無安土,情深有故人。 愁予脂轄晚,

何處覓關津?

懷季豫北平

我思何所屬?樸學武陵余。 讀破連楹簡, 鎔成幾卷書。 生還應有幸, 老瘦近何如?日飲成良

計,袁絲小住吳。

盅園避亂來鄉過訪其寓 一九三八年九月十六日

會變海、老鼠忽爲幾」。 偶 訪故人舍, 朱芾登金陛,青衣作酒奴。 舊來優孟居。 笙歌朝霧散,寓宅故伶人黃某所建,營於樓上演劇。樓閣夕陽餘。此聯一作「桑田 人生了如戲,何用獨長吁。

讀史及曹魏事感賦 一九三八年九月二十日

機揮淚卻誠心。 絕憐少女懷先識,恍見當年漆室吟。 坐對跨花閱古今,秋來寒雨氣蕭森。壽張敢死悲劉曄,揖讓辭官笑華歆。 著代無憂還抱頸,

應

得季豫北平書喜賦 一九三八年九月二十七日

事,開尊傍社壇。

思君不可見,

一札亦開顏。況是烽煙急,

幽居獨閉關。

新篇何日達?故友幾人殘?忽忽年餘

秋晨田間散策 一九三八年九月三十日

霞深淺總成輝。 畔畷攜筇看翠微,秋高爽氣襲人衣。三間老屋雙梧立, 誰能會得閒中趣,未入風塵早息機。 萬頃平疇一鷺飛。 遠岫參差如有意,朝

偶成 一九三八年十月十日

來者自熙熙,往者復攘攘。何如相代謀,幽居少來往?

居

詩

9

倦客 一九三八年十月十七日

倦客風塵外,荒村夕照中。 鳥投林樹晚,霞影水田紅。 古木千家社,清泉一澗通。 從來耽野趣,

老欲伴漁翁。

別家赴辰溪 一九三八年十月十九日

飢騙那可已,惘惘出門行。 遠別憐兒女,孤征仗友生。 時艱催髮白,路險覺身輕。 客裏還爲客,

蒼茫望太清。

避地辰谿路過桃源賦示昔年同學諸君 一九三八年十一月五日

堂曾幾日,忽忽歲年過。 坐看山河碎,空餘涕淚多。昊天寧樂禍,狂寇未投戈。 好樹百年計,

終期覆醜倭。

為陳倚石題畫二首 一九三八年十一月六日

九州十萬里,無處著身安。獨有杯中物,能敎天地寬。年衰萬慮灰,世亂百憂積。安得住壺中,十年如一日。

幽 人陳倚石,一見訂新知。 陳倚石工繪畫彫刻索詩賦贈 富貴非吾願,文章與俗遠。

刻辭秦相美,寫物輔川奇。

二酉

山頭近,

僧君結賞期。

為王孟希題吳學培畫山水 一九三八年十一月七日

古樹十餘畝,茅齋三兩間。 誰能外榮利,領略靜中閒。

間關來辰谿疏盦賦詩見慰依韻和之 一九三八年十一月二十五日

異地相逢意更長,共傷離亂蹙淸揚。寇深何處尋三戶,垣厚誰人見一方?阮水浪翻應有恨,桃源

人在竟相忘。六州鑄錯眞兒戲,灰燼湘城淚眼望。

家步艱難失藁碪,口銜茶蘗幾沈吟。 沈君逸之母六十九壽詩 祗今玉樹庭前立,聊慰當年畫荻 一九三八年十二月

心

雙清設教女師尊,撫字諸兒抵幼孫。 一自大家經幔雾,香山滿院失春溫。

燕臺十載接慈顏,忽訝烽煙到故關。 難得倉皇違難日,桃花源口飽郁餐。

居 詩

古稀稱慶盛筵開,愧我姍姍後舉杯。 莫問年來家國事,且將俚頌祝臺萊。

喜會駱兩君暫返復來辰谿次嘯蘇韻 一九三九年一月七日

國步艱難日,辰陽策馬來。 忽報朋遊至,真教意氣恢。 何須問鄉井,

倒瓮酌冰梅。

吟龍獨長獻。 技巧驚天出,當關失一夫。 謀邦誠拙計,把酒是良圖。 倦眼看沅水,驚魂繞薊都。 金湯何日復,

贈伍薏農教授 九三九年一月九日

復興冉冉至,知是子胥來。 頰滿時堆笑, 詞深每帶一作「問一該。 世情千變熟, 心境 泓開。 欲待

泥塗日,從君借馬回。君乘竹興,俗呼馬轎。

叠前韻贈嘯蘇星笠 一九三九年一月十二日

兩君有佳句,下筆若神來。 愧我詩腸儉,難供笑口開。 長宵眞漫漫,天網詎恢恢。 且共盟寒友,

青松竹與梅。

憂國眞多事,江湖一 一褐夫。 刀頭空有夢,匕首已窮圖。 鞏石來江右,機雲燦洛都。 文章聲價在,

再叠前韻 一九三九年一月

雞嚮雲中叫,詩從枕上來。 南冥遲鳥化,北海待尊開。 幾輩磨刀霍,何時遊刃恢? 吾徒多健者,

儲用一作器作鹽梅。

雲氣待龍歐。 此身不七尺,此心雄萬夫。 車書同大地,疆界泯輿圖。 瑞士爲公囿,巴黎作輔都。 吾言豈河漢,

寄天隱和星笠韻 一九三九年一月十八日

層蓋辰陽我立水之涯。 悲憤書傳雁影斜,六州聚鐵鑄成差。 何時得踐誅茅約、楊柳分青蔭兩家。 貽謀幾代隨流水,飲泣千人對落花。 雲蓋君遊方以外,君居

沐猴一炬咸陽燼,隔岸天留天隱樓。 文字定知賢婦寶,溺飢更切至人愁。 三千世界微塵影,五

十年華急水流。差幸心頭機事少,猶堪海上

曾王二君來談去後賦此 一九三九年一月二十三日

如 、船小屋伴青燈,倦對遺編暫曲肱。 篇什往還輸長友,文章點綴欠高僧。 交親渐喜忘形迹, 國

__

破何心惜嶒嶝。不有嘉朋慰岑寂,荒江偷活幾曾能。

憶昔燕臺 廿載過,陳編發篋幾磋磨。興亡人事遽如此,流落天涯可奈何! 別後親朋稀問訊,一作

「醉後文章多慷慨」亂來日月易蹉跎。 盈懷悲憤憑誰 訴,夜雨空山一 浩歌。

疏盦入新舍詩有紙窗燈火微如豆板屋規模小似舟之句刻畫

維妙維肖星笠和之余亦次韻 一九三九年一月二十四日

雖 好不消憂。 滿目干戈天地秋,知非吾土卻淹留。 伏波曾此傾尊酒,款段鄉居憶少游。 迷離心似 孤 飛 雁, 飄泊 身同不繫舟。湘水有情應念我,杜康

反前詩意自解再用前韻呈曾王二君

從來佳士喜悲秋,幸有靈均 此 共留。 人事偶然 然飄屋瓦, 我心無競學虛舟。 鐵椎救趙梁無忌,玉佩

歸胡漢解憂。禍福經徽原至理,春深攜手橋洲遊。

仍用前韻兩首示二君 一九三九年一月二十五日

有文心寫百憂。 候 蟲唧唧苦鳴秋,客子沈吟逝復留。 莫響沅湘千里去,還從內外與方遊 幾見鶯花曾墮溷, 可憐風雨竟同舟。 恨無劍力除三害,

看

先識曾驚一葉秋,欲歸未得且遲留。可堪大浸稽天日, 試泛長風破浪舟。 貧士略無終歲計,

生常抱百年憂。何時築室鄰農圃,無事長偕鹿豕遊。

贈壽人解職歸 一九三九年一月二十八日

世 聞君歸去意凄然,千里荒江欲雪天。 局殘棋不忍論,尚餘肝膽自輸困。 尊重平生經術意,何時攜手到幽燕? 錦囊若有淸新句,遞與寒江寂寞人。

五用前秋字韻遣懷 一九三九年一月二十九日

加 非舊鬼含憂。 天地無私春更秋,百花如錦幾曾留。人生往復牛推磨, 何當辟穀求仙去,日與王 喬 赤誦 遊。 世事凄清雨打舟。 水土忽新人臥病,江

和 : 嘯蘇論黄山谷詩六用秋字韻 九三九年一月三十 日

人身世足煩憂。 鷹隼盤空萬九秋,公詩天地已長留。 心香一瓣吾低首,敢效前賢述作遊。 詞工幾閱爐中火, 句險如行湍上舟。 少日聲華驚宙合,吟

積微居時的

次星笠謝嘯蘇招飲韻 一九三九年二月一日

同 飽值時難。 **覓食荒村非易事**,主人惠我幸加餐。 卻愁風雨無休息,平旦何時永夜漫。 新醅 馥馥 添 顏 喜, 古柏青青敵歲寒。 幾得諸賢成 面 對,

況

荒城寂寂度春秋,偶蹋郊原作小留。 謝嘯蘇以詩見送入城並柬星笠七用秋字韻 頭腦峯前横筆架, 湖大校舍在龍頭腦,對面有筆架山,形如筆架。元辰 一九三九年二月二日

由城赴校,必渡沅辰二水。体催巧思添歡笑,爐雜清談散鬱憂。

君輩如今陶謝手,此生何幸

與

同遊。

水上渡輕舟。

積雨快晴招諸公入城八用秋字龍

士恆懷 猴 飢溺憂。 啼春日鶴飛秋,萬物無心自去留。 積雨乍晴真快意,定知把臂肯來遊。一作可能乘興 暫跚青雲風送翼, 未居華屋壑藏舟。 偕遊」 細民祗問耕耘事, 志

再用端字韻答王曾二君 一九三九年二月四日

老不中書此筆端,坐慚飯顆日一作「也三一餐。 欲從 赤 面 王 喬 去 , 卻 恐 瓊 樓 玉 宇 寒 。 楚國 使來挑戰

急,催家句法吐醉一作「著吟」難。 早知斗酒酬篇百,一作一飲煩詩報」悔不乘槎作汗沒。

三用端字韻酬曾王二君 一九三九年二月六日

澗千牛怯,燈伴微吟一字難。 諸君高唱入雲端,發憤會聞欲忘餐。 我索枯腸酬大雅,眼看前路歎漫漫。 妙得朱多復汪好,一作「庾清策鮑逸」肯隨島瘦與郊寒。

松懸絕

次韻答天隱見懷 一九三九年二月十一日

自與故人別,天涯涕淚多。 無緣共尊酒、浪說見煙蘿。 斑鬢欣猶健,新詩定不磨。 昨宵圓好夢,

湘上著漁養。

附錄天隱原唱

自與盈川別,新詩料更多。 逸情懷簡札,幽夢結藤蘿。 白社循堪入,蒼巖尙可濟。幾時鄰並接,人外理

再寄天隱

並衡雲失徑攀。 我來千里幾間關, 事輸君須記取,高樓吟處是名山。 **無**沅辰二水間。 苜蓿生涯餘落寞, 轆轤心絡愧安閒。 人如秋鶴沖霄去,

積

微

居

詩鈔

五

詩

題李肖聃東遊百詠後 一九三九年二月十二日

書不報經三月,百首傳來敵萬夫。我亦當年蓬島客,朱顏人已白生鬚。

雲開秀句驚江海,悄聯留學時,有「海中得句萬雲開」之句。鶴上青霄戢鷄回。 官祿自貧文自富,

天公終

究是一作「怎道不」憐才。

洪兒來省余留五日去以詩示之 一九三九年二月二十七日

兒年將及壯,端不用丁寧。 昨送阿嫻去,嫻女前日赴沅陵入學今朝汝復行。老懷禁幾別,新歲此荒城。 結友求三益,持身在

次韻星笠偕嘯蘇威謀晚步沅岸 一九三九年二月二十八日

在肯翻衆醒醒。 年來天上多機事,料得鴻飛未易一作[法] 冥。 沅水浮將大酉青, 滔滔東去未甘停。 幽人感逝興微歎, 落日凝眸立晚汀。 脏蓬偶因魚樂笑, 箕

和星笠無題 一九三九年三月一日

日千回著眼青,幾生修到與居停。豐神朗玉迎初日,顏色明霞映遠汀。曾假新詩勤叩戶,若

成好夢祝無醒。閉門謝客吾方事,莫更一作、倍要抽思入杳冥。

送曾威謀返湘鄉 一九三九年三月三日

泉夜夜夢於菇。校中阁軒至危,無飲水。君家舊有蔬魚教,種釣開來好著書。 因臥荒城猶見子,未驚勝母忽回車。 誠知別去增懷想,欲辦留行奈囁嚅。

隨個人人愁范縝,

涌

近日晝陰夜輒雨 一九三九年三月四日

白日沈沈陰,入夜浪浪雨。 世變何太奇,天公放鼷鼠。

泥深石板滑,行道苦如何! 莫怪連旬雨,人間淚眼多。

和星笠元夜招威謀紹熙紹賓嘯蘇茗飲原韻 一九三九年三月六日

触花奏樂,繞城步步燃燈十二里。顧我銜杯偕婦子,多君擘果餉賓朋。 傳柑何幸沾餘瀝,勝似山中後竹僧。

春茗甘同夏飲一作「日」冰,萬錢安用效何會。今宵一室融融語,往歲千街步步燈。涅槃經載元夜天人

感懷四首仍用原韻 一九三九年三月十日

年來萬事冷如冰,惟有燕臺忘未曾。 走馬西山雲擁轡,泛舟北海月爲燈。 尊前頗話藏山事, 門

居

外時迎麗澤朋。今日蠻荒形對影,黯然蕭寺一枯僧。

捷足推牀走積冰,瀛臺瓊島幾回曾。驀來煙微聽山雨,愁或霜毛對黯燈。 但祝寧馨兒不類,一作

「有感」孰敎彼其子無朋。年時閱盡人間險,羨殺雲遊到處僧。

年駒過隙,久令遐想鹿爲朋。 垂暮何心計伐冰,但愁鳶鵲逝難曾。 何當襆被山中去,問法常從白足僧。 早驚鏡裏欺人髮,余年二十有白髮。 老件兒時有味燈。

不分華

青

牛欲候遠方朋。校招天隱來。故人猿鶴勞相憶,已辦雲庵退院僧。 世事 誰如北極冰,幾人投老見玄曾。 愧無室裏兼金帚, 最羨龜前伴佛燈。 白酒善忘明日事,

星笠入夜切齒甚急賦此調之 一九三九年三月十一日

時:「鼻息雷鳴撼四鄰。」守夜霜更不獨長。 房比屋似連牀, 熟睡 詩人切齒忙。 料得小蠻假白傅,難禁聒耳起旁皇。 乍覺庭柯棲啄木, 卻疑衙鼓報升堂。 隔窗雷息遙相和,蘇

余嘲星笠切齒星笠答詩以半聲相誚疏庵遂有「休共聾丞話短長」

之句佐門之意甚顯賦此答星笠兼詰疏 庵 九三九年三月十三日

豊辦,不聞理郞計差長。 兩耳含精臥大牀,磨牙故解情公忙。 一池春水風吹皺,案更何勞佐玉皇 縱教折齒同 張相, 未許一作「柱夢」蒸豚饋孔堂。 便黜聰明吾

戲贈星笠歸益陽 一九三九年三月十四日

來絮一作「彭語枕邊長。 忽覺裁詩牀上牀,詩人端爲俶裝忙。 半僧合有枯禪意,誰道風流似漢皇。 嬌姬量頰羞窺戶, 稚子牽衣笑上堂。 別後歡顏杯裏覓,

歸

讀吳清卿中丞字說旣書其後復題一律 一九三九年三月十四日

於所,余會見之。狂寇又深吾欲老,短文裁罷淚如絲。 「女王」,正鄭往未受命稱王之說。晴雲披霧見倉斯。 新書一卷不盈握, 勝義紛呈一作「捜」足解頤。 請纓未繫胡兒頸,求雨曾窺董相姿。 朝旭催霜嗟許鄭,有爲盛矢器,正說文。 甲午長沙大旱,中丞步行 書大器「寧王」當為

星笠建議解互嘲之粉贊而和之 一九三九年三月十七日

好,半聲祗合枕流長。吾家翁偉真堪效,一作「學」笑聽嘲嘶跨駁皇。楊翁偉聞二馬以箋眇相謂,見論衡 乘與高歌一作「吟」倦倒牀,未須苦爲六廛忙。 前旒應識古人意,師冕曾登聖者堂。 自勵無如漱石

劉弘度在宜山避寇機有詩云平生自許軒昂甚慚愧奔雷破

柱時賦此解之 一九三九年三月三十日

大難 李廣無侯數未奇,窮鄉送老困何疑。 開天未有 奇,吾曹行素復奚疑。 宜陽自古留詞客,終勝涪翁謫戍時。 君家玄德懷王略,曾有聞雷失箸時。

次和威謀過長沙感事 一九三九年四月二日

豪安在舞聞雞。幽人搔首樓頭望,煙柳斜陽正挂西。

威

破城春草木萋,燹餘廛土沒歸蹄。

新丘曾見連華屋, 敗瓦無緣認雪泥。

城郭又非悲化鶴,

貿

贈郭之奇 一九三九年四月十六日

讀書觀意陶元亮;痛哭傷今賈洛陽。 之奇奇氣吞江海,舉世從非一伯夷。 卻恨中原無淨土,采薇何處首陽西。 送酒白衣人渺矣;更無前 席漢文皇。

再贈郭之奇 一九三九年四月二十六日

省滔此天下, 賸汝接輿狂。 獨見良堪喜,牢愁亦可傷。 能文權仲孺,欲死漢東方。 好在侏儒輩,

次韻王疏庵答星笠自益陽返校索詩 一九三九年五月二十一日

►易得履六三「履虎尾」云云,旣而辰谿被炸。 佳人去後倦成詩,寂寞辰陽歷 一時。 難遺龍頭矮屋悲。近校舍思熱。白社風流定堪羨,吟壇況有遠公持。 月到上弦初弄影,蠶經三臥復抽絲。 差欣虎尾餘生在,硫魔

星笠有僧號,自號半僧。

喜弘度來辰次星笠韻 一九三九年六月六日

水新詞鏤化工。弘度夢中作詞,有「層波萬月」之句。江海狂瀾殊未已,憑君手障百川東。 **壺頭僻處嗟孤陋,楚國人人望葉公。幾度回車驚墨翟,諸生含笑接文翁。** 月波淸夢知胸次,雲

和弘度觀演苗君可秀事有感作 苗君,東北大學生,弘度弟子,以抗日殉國。

一九三九年六月十九日

猶有門人作鬼雄,幼安無負客遼東。 無端在寇掠三邊,殺賊 終軍 IF. 少年。 浮雲磁日須臾事,夕照從來分外紅。 縱有貔貅師 百萬,漢家終見服柔然。

積 微 居 詩 鈔

弘度續得苗君詩二首和之 一九三九年六月三十日

柔情壯志儘分歧,萬感淒涼別婦時。 易水歌聲催上馬,只餘殘月照耀幃。

介書生延國命,八千子弟喪胡塵。 不須讀史嗟文謝,淨掃神州看後人。一作「出烈還看並世人」

次韻答何特循見贈 一九三九年十月二十七日

叟,庭前早見不羈材。 月何曾笑口開,瓊瑤忽自一作一魯故人來。壯心已爲烽煙盡,短鬢寧禁日馭催。 漢家舊是神明胄,未信昆池變劫灰。一作「甘泉烈火君休訝,幕北王庭漸死灰」 世上難迎古稀

次韻酬肖聃 一九三九年十二月二十九日

聲至竟來多口,早退何勞待急流。未辦新知一作「溫故未成」慚素食,歸與炳燭趁高秋 去年白鶴山頭路, 躡展從君寫百憂。今日共看淝水戰,一作「且喜近聞淝水捷」此身如稅楚冠囚。

虚

喜省聃星笠來辰次疏安韻 一九三九年十月三十日

业,賀客寧知吊在門。 故人命一作「戏」駕見源源,劫後相看喜並存。 未信蝦夷能制夏,好將經訓養兒孫。 胡馬已奔湘水静,德星乍聚酉山尊。 匠人不顧樗爲

再酬何特循 一九三九年十一月八日

馬,異代艱難憶楚材。 詞到手笑顏開,深穩端從杜老來。 與子從容看日落,未須惆悵著寒灰。 白髮卻一作自懒詩力淺,枯腸愁聽餘聲催。

中原黯淡窺胡

余移寓馬溪星笠首來結鄰潤生疏庵德昭繼之疏庵有移居詩

次和一九三九年十一月九日

順那知道味真。且共傳詩消塊壘,一作「不分蝦夷圖猾夏」陽和來復待新春。 獨居岑寂寺僧均,幸有佳人願卜鄰。 酉洞豈如衡麓好,友生翻比弟兄親。 時戴愈覺吾民壯,處

題 一何特循適園詩集疊開字韻 一九三九年十一月十七日

外 感無嗣響,兩湖今復見宏材。 平生頗有高吟志,驚此雄文意頓灰。 手把新詩百遍開,逸情奇思涌泉來。 毫端光氣照人遠,一作「簡端精氣饞堪壽」餐上新霜任汝催。楚些

喜 一威謀再來辰谿和同社韻 一九三九年十一月二十一日

飲段鄉居作小留,暫來荒徼濯雙眸。 微 居 詩 0 夢中衡麓青常在,眼底沅江碧自流。 萬類一作四海」無聲哀

鬼劫,幾人散髮任一作「伴」天游。 期居玄圃行吟去,二酉山邊且 訪幽。

得陶重華昆明書 陶君,清華舊門下。 一九三九年十一月二十三日

幾 回 隔 面胡塵起,一紙書來 動遠 思。 **猶**記 名園歌 短曲, 四 年 聚首 欲 離 時。

書辭照眼色斑斕,省識明窗對馬班。 古調獨留同好在,與君千里未容彈。

何特叟約遊丹山寺阻雨改攜郎君招飲酒家期來春踐約賦此

奉謝四用開字韻

詩翁折簡盛筵開,阮士輕舟渡一作「載」我來。 老去銜杯思痛飲,蠻荒話舊謝三催。 丈人見子供雞

一九三九年十一月二十四日

童僕迎賓辨一作感雁材。 莫恨丹山迷霧雨,春深蠟屐待然灰。

膳,

劉弘度自樂山賦詞懷辰谿同人二曾將來馬溪示疏庵及余時

疏庵避敵機山洞有詩次韻 一九三九年十二月四日

客探一作「惡」書洞,鳩首扶人渡石橋。疏安宅前有橋喜見珠璣生咳睡,未須醇酒百憂銷。 朔 風 初緊葉辭條,古榦龍鱗自不凋。 好句傳來如面對,一作「語」故人去後已天遙。 雞聲送一作引

星笠賦夜不寐有感詩以解之 一九三九年十二月八日

大轉,卜者言過此戰局當轉。島夷終見酹長星。 強弱由來少定形,未須遙夜苦惺惺。臣吳句踐尋償恥,破越夫差卻請平。 凱歌欲待一作一件一挑花發,一作「奏」與子丹山拄杖聽。 靈子已聞占大書,今日

星笠既喪長子叉遭回祿貨聃特循有詩唁之依韻賦此

一九三九年十二月二十一日

妻子,且學梁鴻卜賃居。況有佳兒勝將作,樓臺彈指美如初。次君子茶精建築學。 君家文正垂遺教,氣數持權不信書。頗訝兩災何太驟,要知一作「靜觀」萬象本來虛。 不聞梅鶴當

和嘯蘇謝招飲韻二首 一九三九年十二月二十四日

隨處是,微軀牛馬任人呼。 何當被甲持戈去,殺賊歸來一卷娛。 四寨鏖霾慘不舒,小招聊與素心俱。人生幾得田間飲,肉食還教竹畔居。酒店前時修竹,大地大羊

樂,臥聽山鳥自名呼。 世事浮雲任卷舒,猶一作「惟」餘野趣與身俱。 故園景物勞追憶,便此清嘉也足娛。 客中勝事從君飲,夢裏歡悰面嶽居。 坐看淵魚無礙

積

居詩

魦

天隱書來有詩見懷卻寄 一九三九年十二月二十八日

別來盈一載,亂後意何如?句好愁無奈,情親喜有餘。煩憂緣酒長,塵俗得書除。 爲拜彌陀問,

兵艱幾日舒?

貨聃見余前詩有荷戈之志感賦見慰有已辦千秋可自娛句

詩以答之

舟飄泊任三呼。異人遇合知何日,一卷南華且自娛。 千載聲名徒幻爾,百年憂患與生俱。袖椎未辦秦皇擊,辟穀思從赤誦居。 吹劍殷勤聞一映,

虚

漫成 一九四〇年一月十九日

爲避横空陣,移家翠嶂中。 臥牀聞好鳥, 啓戶見青松。 地僻幾一作[無人到, 山深百慮空。 幽居

得佳興,世網任重重。

夢中成七絕一首覺而記其末句云眼前道理塞三通語在可解不 可解之間余平生頗喜杜氏通典义不類余語或者譏讀書不能

世功名生半部,眼前道理塞三通。百金買技從絣群,不戰歸來五等封。 受用之辭邪枕上易爲第二句成之 一九四〇年二月三日

答陳仲平助教見贈原韻

化學助教

一九四〇年二月四日

物價奇勝,皆苦不給。奇字能言愧子雲。手把瓊瑤還一笑,著書辛苦待奏焚。 禮蘭沅芷信芳芬,歸後心空冀北羣。 客此蠻荒猶見汝,幾人明理更能文。 飢腸無米愁方朔,近日

先妣五周忌辰紀夢 一九四〇年二月九日

遊子逃生日,慈親棄養時。 遠來投舊宅,歸去雨中馳。 喜見情無限,那知夢裏癡。 覺來惟哽咽,

枕上淚成絲。

山深處度新年,暴樂猶聞爆竹燃。愧殺蘇秦金欲盡,椒盤擎出未烹鮮。 次韻和陳兆疇譚雲鶴新年 一九四〇年二月十四日

居

浪 跡蠻荒兩度年,寒灰那復計重然。 邕南且喜聞佳報,待看桃花發早鮮。豫言家云:桃花開,戰事可了。

劉寅先寄示近詩賦答 一九四〇年三月十五日

落拓難忘憫世情,荒 山忍餓 寫圖經。 還餘 韻事添 詩料,閒伴 閨 人步月明。 桑田。

溪濱小別便三年,烽火驚心到眼前。 安得晴窗風日麗,一尊相 對話

答陳兆疇教授見贈 一九四〇年三月二十七日

先馬愧清塵。 咸子殷勤意,佳篇細枚頻。 況餘憂世淚,同是喪家人。道爲傷心長,詩從破卷新。 君才盈八斗,

荒村聞 劫質,去去不移時。 十里外有盜劫遂去馬溪寓周叔廈宅 我愧橋公祖、懲姦肯棄兒。 一九四〇年三月二十八日

誰 云四海廣,八口悵何之。賴有周公瑾,巢林假一枝。

兆 一疇紹熙主五溪詩社第一集有詩索酬戲答 九四〇年四月六日

迦陵詞伯天下賢,梅村攜手開瓊筵。 顏酡腹飽狂爛漫, 叩門尋我索詩篇。 我生樸拙不能詩, 愁

不然定戀毛錐子,要作詩壇中興事,拔幟開壘迎君來,老夫投筆從此始。吳君戲詠有「詩壇莫讓楊曾 正紛紛,長吟短詠胡爲者?君家勝廣人中龍,大澤一呼咸陽空。 來開卷偶吟之。 追逋火急無地避,欲從王赧築臺彰。 笑謂兩君何太暇,曷不持戈跨鞍馬? 期君繩武舉義旆,驅逐蝦夷還海東。 中原胡騎 爾,後起陳

和兆疇韻 一九四〇年四月九日

與是正宗」之句。

靈均 草,洪上循聞王 萬 方兵氣 一登樓, 豹謳。 欲 問 莫漫 鄒生 牛山空涕淚,與 大九州。 數載 君 艠 開口盡金甌。 方成 獨 往,一作「憐獨國」一江春水漲新愁。 沅濱又擷

偶成次鶴松韻

萬 事 浮雲過,惟 餘大患身。 不須論黑白, 寧復計冤親。 廿載燕山外,三年沅水濱。 滿頭 成白

且自樂陽春。

聞德國併丹麥挪威書感用紹熙韻 一九四〇年四月十二日

西地 角動哀聲。 見說非攻昔締 盟,如何師 家天下嗟何日,熱淚涔涔嚮海傾! 出每 無名。 寧聞天意甘殘殺, 是處江濤怨不平。 黄白人謀推

徼

居

詩

魦

三九

劫運,

東

防空洞中作

奔走不遑駐。 半年寓馬溪,未識穴居苦。 君無恨宵人,亦勿怨強鄰,人生有大患,七尺區區身。 一朝聞盜劫,襆被倉皇去。附郭移龍頭,犬吠夜無怖。 晴空嘯警笛

特翁招遊丹山寺賦謝 一九四〇年四月十四日

疑入白雲中。 故人敦宿約,佳日復相招。 撫事心多慨,登山興轉豪。 獨立千巖上,神偕宰昊通。 衆山成拱抱,一水效朝宗。 **搘危憑越石,折銳看倭刀。太息臟歌近,** 巨穴傳丹竈,危樓倚翠松。 我來憑眺久,

還期醉濁醪。特翁不日入蜀,同人約為餞局。

送何特循遊蜀中 一九四〇年四月二十日

「日月」五溪鴻爪有文章。歸舟好句無新釀,愛晚亭邊醉夕陽。 壯歲論交今皓首,故園無分共蠻方。乍揩夢裏憂時淚,又斷尊前惜別腸。 三峽猿聲催早暮。一作

戲贈和余熙農韻

鵝

鰈,雙雙到處隨。

贈譚鶴松 衡山人

何

須更飲冰。 衡山凝淑氣, 沅水會良朋。 句好高秋月,神清古寺僧。 時危同一慨,腰健小千層。 內熱鄰 下家事,

威謀招熊雨生入社雨生為長歌挑戰威謀應戰甚雄余賦此解紛

仍用雨生韻 一九四〇年 四月二十三日

胡騎

紛紛逼九有,忽驚遲暮遘陽九。

塡 胸

塊壘無計澆,

日喚詩人謀聚首。

月中

·兩度盛

筵開,

佳

無勝 曾君壁壘何森森, 公輸善攻墨善守。 文章餘事猶爾雄, 從知君子堪大受。我今弄丸告兩家, 秦晉令狐 望縣駬,後車人人嗤趙叟。 篇 在 手杯在口。 鑱肝鉥腎鬥好巧,羣雄德齊地 江西詩律天下聞,一 復醜。 祖三宗今有後。 **惭余駑劣**玷社 甲兵十萬動地來,軍容欲比廬山 籍,小卒馬前 喘 汗走。 追 嬔 日日 厚。

負。 願持杯酒解紛爭,兩賢不厄君知否?

癥 居

詩

0

雨生威謀鬥韻不止星笠復和二首參戰後均狼狽至於設誓自明

乃服余弭兵之說賦此嘲三君 一九四〇年四月

曾君激戰坐壁上,頗似量生幸居守。 老成人,何意凑違黃髮叟。於今頭焦額復爛,寧有良策善其後?吾謀不用豈足傷,第訝相 有良藥不苦口。 言呼負負! 闛 鄉 寂寂百無有,忽看龍戰構六九。 前車已覆後車來,從今倘忽吾言否? 古訓煌煌戒不爭,何況諸君皆在醜。 未及佐門先得傷,可憐此各竟身受。 救死扶傷各不遑, 只今空復咎戎首。 在昔晉楚爭中原,弭兵向戌空奔走。 丹心不白指天日, 從來逆耳利人行,寧 知何不厚。 詩云無侮 無復可

次韻戲答威謀 一九四〇年四月二十九日

贊我翻疑半是嘲,庖丁君擅騞然刀。 調人最解逃難術,不 辦皋陶聽 兩曹。

謝周好古贈方竹杖 一九四〇年四月三十日

肥體 悅主婦,夏蔭千畝生涼風。 忽然離羣伴衰朽,興感今昔將毋同。 天生直節世所忌,雜以圓相差彌縫。 碩行龍鍾。 好古貽我方竹杖,天產異質來桂東。 賴此助我腰腳健,差死年少嗤衰翁。 白 金飾 首易角鱎, 卻憶叢篁萬莖立,年年雨露霑濡濃,春茁新雛 雕鐫名字殊 玲瓏。 五十六年老 非 篤,

此計寧工。 易圓爲方挺圭角,世習媕婀誰肯容。 去,不然泛海逃人叢。 嗟余少懷用世志,坐不軟曲老彌窮。 與君共保歲寒節,相親相倚經千冬。 況復孤標與峻潔,素心獨契梅與松。 端居念此已三數,今忽觀汝心憧憧。 破觚爲圓比比是, 頗思披髮入山 汝獨 反

再答威謀 一九四〇年五月九日

不須妙解子雲嘲,屠坦何曾有頓刀。 學射未停弦上箭, 孔璋無分敵雄曹。

贈熊嘉麟女士 一九四〇年五月十五日

信馬遷有前事。 熊君 求進殊未已,學文乍畢復攻史。負書今嚮蜀江行,欲看巴渝好山水。 歸程一作「裝」何物壓輕舟?百數十篇新史記。 從來山水助文字,不

劉茂華聞人誤傳余不幸死電詢肖聃感賦 九四〇年十月六日

迁生此世真何補,但索長安米粒多。 不道故人勞遠念,一書千里訊東坡。

贈熊雨生次其重九韻 九四〇年十月十 四日

詩律今看繼硬黃, 積 微 居 名篇嚼後頓淸涼。 **全** 避君欲學無言聖, 涉世難期不酒狂。 詞客幾曾歌舜日, 騷

四四四

人從古落蠻方。秋風莫動蓴鱸興,物我能忘是故鄉。

答雨生次韻 一九四〇年十月十七日

愧,肝膽論炎喜子同。欲待時平廬阜去,相攜凝睇大江東。 散原逝後詩歌歌,今日荒陬著一作「見」此翁。幾首新詞賡白雪,千年雙井騰清風。 鄉邦述舊滋余

壽楊華一五十次肖聃韻 一九四〇年十月二十日

雨難忘愛晚亭。 吾家博士人中傑,年到知非手一經。鬢上未侵霜蕊白,眼中常泛嶽痕青。 世亂漸平歸去得,南天長爛此明星。 干戈暫阻行吟澤,風

答邱有吾見贈 一九四〇年十月二十一日

君近皆被人誤傳死訊。難禁霜雪嚮人侵。千秋名業吾曹事,留與鍾期作賞音。 三載相看如舊識,一篇見貺抵南金。喜無駟馬驕人物,猶有空山問道心。 頗怪風霾迎面起,余興

讀兩生詩戲贈 一九四〇年十月二十三日

爲傍詩人住隴頭,每吟佳什想冥搜。江山同此君偏秀, 風雨連朝我更愁。 縣解夢迴塵外城,狼

煙吹入海西州。 細推物理知何用,贏得蒼生哭未休。君專治物理學。

白菊花 一九四〇年十月二十六日

数 入世染塵埃。 姑射 仙人此脫 冰心玉骨誰爲耦,指日寒梅冒 胎,肌膚如汝信奇哉! 戴 將頭 雪開。 上驚年老, 插滿胸前喜酒來。 但顧傍籬供采擷,

莫

辰陽秋晚 一九四〇年十月二十七日

▲兒流雕河北,一年無音問。西風添百處,況此別離情。 兩度逢秋晚,辰陽客思驚。 黃花搖瘦影,孤 雁 咽商聲。 諸子成分散,他鄉卜死生。洪靈兩見在重慶,

十月望夜偕豢龍星笠威謀步月威謀有詩次韻 一九四〇年十一月十五日

人 離與定驚魂?報傳克服欽縣。 鎮日茅齋不出門,偶然隨伴蹋荒村。 叉天隱書來,告被盜劫,殺其外孫。亂來朋舊凋零盡,寂寞空山悵獨存。 芊芊野草燒餘碧,活活溪流靜裏喧。 南服已聞 追佚 寇,

故

和 方叔章五十九自壽韻兼懷章秋桐翁 一九四〇年十一月二十日

胸 有當年景略才,樞垣送老亦窮哉!江南舊業三秋夢,劍外新篇一雁來。 微 居 詩 0 清與不緣塵劫減,壯

懷肯爲鬢霜摧。吟邊見說佳人共,好句思深費細猜。

賀疏庵得孫 一九四〇年十二月二日

参天松幹茁孫枝,老友拈鬚喜可知。 三十年來無此樂,牀頭今日聽兒號。

君家有子不羈才,捐卻毛錐志壯哉!娶得塗山乘橇去,呱呱兒泣望歸一作「爺」來。

天隱避地雲蓋寺一夕被盜劫戕其外孫丁生有詩紀痛賦此慰之

九四〇年十二月六日

海寇腥氛欲障天,不關俎豆已三遷。山深劍祇驕羣盜,世亂生寧直一錢!班惠恩情餘淚在;

子長篇簡付誰傳?衰年故友情何限,東望湘濱爲泫然!

一九四〇年十二月十三日

月挂中天夜色寒,五溪高處獨憑欄。 思蟠胸臆微吟遣;愁徹肝脾朗照難。 不信一生終獲落,喜

從萬死得平安。得六兒書華顚何礙吾身手,躍馬橫戈意未闌。

黄新彦縅示新詩卻寄 一九四〇年十二月十九日

辰長伴簿書過。 叔度汪汪千頃波,別來三載意如何?萬山雲樹遮言笑,滿眼酸辛付詠歌。 遊蹤幾日義眉去,合有琳瑯百斛多。一作「合有新嗣百首多」 逸志早隨鴻鵠遠,良

口暈歌 二十韻 一九四〇年

書歷歷傳前聞。 人事分明已如彼,天象顯赫增歡欣。 象戒覆垂般般。 白水眞人剔羣盜,炎精再起收中原。 八荒吞。 決於日旁。 有異象懸天文。兒童變色走相告,老儒危坐稽三墳。 雲爛,彼圍繞者徒紛紛。 盲左,周圍靜謐無非雲。 東海西海彌兵氛,上咸真宰天爲昏。日旁縈繞赤黑氣, 占驗欲叩滑堪門。漢成帝時,光蘇大夫滑堪有日旁占驗,見漢書功臣表。我聞七國祖龍恣威暴,眈眈欲幷 咸陽宮中動匕首, 近三十日遠六十,沃汶远云:「日暈制勝,近三十日,遠六十日。」妖氛掃盡無遺痕。 吁嗟乎!玄黃血戰今四載,八州原野號英魂。 聯珠昔聞五星耀,仰視杲杲非星辰。 白虹射彩穿朝暾。 「抱且戴」者國有喜,漢書天文志云:「抱且戴,有喜。」賢書天文志亦略同。故 西州丸泥塞函谷,赤烏四匝環濃雾。 比鄰有國如狼虎, 得毋壯 十煇古掌眂祲職,背穴抱珥何紛紜。 四環分布如車輪。 抗兵相加哀者勝, 望氣徒聞 王翔術,漢書天文志:王翔所候 士持兵環柱逐其君。 石頭今傳反側子, 萬方久驚烽火急, 苦縣聖人夙有云。 白日重光慶 衆鳥夾日 得毋天 叉聞 況

辰陽雜詠 以辰溪龍頭四字為韻 一九四〇年

不用鑽龜問宿因,我生端的不逢辰。 燕臺廿 載渾如夢,今作沅濱攬芷人。

雲中日日聽鳴雞,來去忽忽是馬溪。 **猶憶前山松萬棵,石橋人立夕陽西。**

千金何補學屠龍,老去情懷百慮空。 結習未能忘一事,眼收萬象作吟蟲。

● · 音不能寫出

幾片晚霞紅

似錦,

兩番魚艇小如鷗。

眼前佳景無由說,

豈有崔詩在上頭。前日與同人臥院獲,見景至

壽何特循七十 一九四一年一月五日

辰陽幾度接溫溫,劍外飛來自紀文。

人怪高年貧蜀秀,天教一老看倭焚。

奚囊滿貯鎪心句,子

會頻添上壽尊。江畔微吟當一笑,祇今門下見門孫。

哀向毓麟女士 一九四一年二月十八日

曾嚮瀉沱暫結鄰,論文話舊意相親。 命嗇才豐事可嗟,深閨今見賈長沙。 征帆莫指巴東道,從此猿聲倍惱人。年三十死於重慶。 篋中幾卷殘存草,一作「稿」留與人間說謝家。

送星笠歸里次邱有吾韻 一九四一年二月二十三日

會妙解爽惟辭。君治倘書,新義至夥,讀爽爲尚,其一事也。 固哉文苑偏分傳, 卓爾先生自有一作「聖」詩。 皮師伐孫艪順不作流風杳,樸學中與見此時。 考古洞明于喻讀;君治古聲,發明喻母三四等分數匣定。說 垂老吾

頤匡鼎說齊詩。 吳下亭林繫夢思,晉塵得接喜同時。 桃花江畔留桃葉,一舸迎將好自隨。 胸蟠漆令濠梁意,筆吐中郎幼婦餅。 低首叔孫條漢禮,

解

生獨何幸,三年沅水日肩隨。

喜季雲來辰賦贈 一九四一年三月十日

籬間遞酒杯。 相逢離亂日,一別五年來。 幸減三秋恨,容搜九地才。 素琴傳妙響,朗玉謝纖埃。 幾得偕歸去,

顏生熙志以其父寄庵名嘉惠五十自壽詩見示請和賦此 一九四一年三月二十四日

伯玉知非日,宣尼學易年。 寶書森萬卷,佳句累千篇。 **無下妻擎案**,庭前子象賢。 何當一 尊酒,

穫 微 居

詩妙

清話得新緣。

四丸

隴頭春望 社集題 一九四一年四月十四日

教明日事,血腥難浣百年醬。 萬點 雲衣 赤曜浮,倚天長望有深憂。 平生自勵忘哀樂,誰料哀吟值白頭。 細看花草春依舊,驀缺東南帝醒不?一 作「乾坤地未收」寇退縱

送春 社集題,分得君字韻。 一九四一年四月二十四日

吾生五十七,一歲一迎君。 舊德相從久,清光忍便分。 **尚留枝上綠,應帶別餘溫。** 高閣忽忽去,

明年共小醺。

橘花 社集題 一九四一年四月二十五日

到江南處處家。 不同桃李門紛華,開向三春日已賒。 卻恐詩人忙聽取,誤將素蕊作黃花。橘、菊俗音同。 芳氣撩人魂欲醉,落英鋪地玉無瑕。 羞從准北年年變,行

吳辛旨何虧三先後從連縣來書並示近詩賦寄 一九四一年四月二十九日

故人十年別,一紙素書來。 說盡三遷苦,吟成萬語哀。旻天樂獨狗,大地塞人骸。共保寒松節,

陽和漸欲回。

偶成 一九四一年五月六日

畔重尋屈子芳。老我此邦良不惡,丹山高聳碧流長。 行歌安用接興狂,新綠迎人似故鄉。儘有愁生紛野馬,

四無人處立科陽。

尊前肯放新亭淚,澤

送吳紹熙游坪石 一九四一年五月九日

把金盤啖荔支。 兵氛匝地欲何之?況復天南萬里馳。 **濁酒一杯君去後,五溪煙雨足迷離。** 桑下寧無三宿戀,篋中新有 百篇詩。 口吟玉局怡甘蔗,手

五十七初度書懷 一九四一年五月十二日

行兒女仰衰翁。年年家國無窮事,賸倚危樓看碧松。 天上雙丸西復東,我生五七只忽忽。 鬢邊早作 秋霜白, 鏡裏難回笑靨紅。 問世文章空好語,成

初夏即事 社集得千字 一九四一年五月十五日

作「未識花何似」凄凉憶故燕。北平花事正盛 荒陬歷日千,夏景又成妍。 積雨寒猶峭,新晴倦欲眠。 風輕情柳絮,米貴羨荷錢。 花事應如舊,

積微居詩妙

五二

同 學諸君約宴力辭繼聞酒食已具賦謝且申歉懷 一九四一年五 月十六日

斐然吾黨士,酒食召先生。 仲孺靈前約,徽之駐去程。 多一作「亨」儀寧及物, 負誼不勝情。 報此

拳拳意,相期赴令名。

辱諸公賜和拙作述懷詩賦謝 一九四一年五月十八日

日猶聞正始音。 西陬歲月坐侵琴,誰識憂天此意深。 貯向錦蠹勤護惜,年時看取故人心。 偶假微吟紆 結婚, 卻添 高詠滿 山林。 諸公各有文通筆,今

賀季明于歸用乃翁肖聃韻 一九四一年五月二十一日

方在篋喜緹縈。 李氏明珠字季明,壁經傳罷又醫經。 懸知三日調羹後,對案添香譯左行。 五年隔面驚狼燧, 一士梁舟傍雀屏。 詩句可人憐道韞,禁

有感疊前初度書懷韻 一九四一年五月二十二日

廿年飄泊任西東, 棘地渾忘日月忽。 赤縣未回春野綠,素心猶照夜燈紅。 不知易世消何語, 孤

負人間著此翁。 回首郊原多壘在,後凋長憶歲寒松。

次行嚴韻答謝 一九四一年五月二十五日

身似微蟬老件書,記蒙靑眼廿年初。通經敢望追前

雅,

活國何勞用腐儒。

秦筆攘夷原可笑,

求

魚緣木定成虛。 榮名杯酒都無分,愧負殷殷大匠譽。

李伍劉三君招與餞席送若溪赴衡山和林赴昆明肖聃有詩壯行 次和一九四一年六月六日

主人動祖道,嘉客賦驪歌。 放眼青山好,浮杯綠酒多。 衡巔觀赤日, 旗沼泛金波。 歸思怦怦動,

干戈奈汝何!

送鍾若溪長南嶽工業專門學校 一九四一年六月八日

衡嶽添槐市,寂寂丹丘枕碧流。 三年駭浪恰同舟,短髮高顴笑影浮。 欲待時平雲麓住,兩賽相對瞰湘州。 此去名山憑管領,最難髦士與彫鎪。君於國文系諸生多所識拔森

贈傳遜庵月川 一九四一年九月四日

臨湘北嶽鄉先正,門下於今見典型。 君師吳鳳蓀、閻北嶽兩先生。 理惑有時窺法臟,離憂還欲續騷經。

徼

居

詩妙

少來蓮幕情難忘,老去狼煙事可驚。 騰卻靈臺眞覺在,千牛猶是發新硎。

重九 社集題 一九四一年十月二十一日

無勞上遠山。 辰陽又重九,劫後念鄉關。 菊色經霜淡,蟲聲帶露寒。 風高吹帽易,愁重舉杯難。 且喜峯巓住,

重九 一九四一年十月二十五日

首殘年海息波。莫道隴頭纔培塿、當將太華意云何? 沅濱九日已三過,如此江山且浩歌。 酒爲黃花斟盞滿,人如紅葉放顏酡。 傷心故國塵汙血,

翹

贈李麋壽 一九四一年十一月三日

繼於長谿,恨相見之晚·著書已讓千毫禿,攬鏡曾無一髮斑。別有孤懷誰與共,翛然老闹意俱閒。年年海**定** 11 載京華未識顏,喜聞清論此荒山。余往任教清華,以嫩不好交遊。時覺壽任教藏京,相距咫尺,未嘗相見。去秋始

西頭路,夢裏重經淚眼灣。

贈子若入川 一九四一年十一月六日

廿 淟涊作癡聲。 五十年來見此公,渾身豪氣吐長虹。 迢迢燭道三千里,祝汝鴻毛趁順風。 海波萬頃添神智, 食貨新書振警宗。 欲爲槁黃謀肉骨,未

贈伍薏農

衣 無斧柯難爲功。 食豐,夢魂不見山頭烽。 瀏陽男子伍跛公,笑玩一世如兒童。 安得此子乘天風,制馭薄海無西東。 人道跛公意氣雄,功成歸去伴漁翁。 口誦佉盧左行字;心契周孔追黃農。 播我大道淸塵蒙,遂令六合登大同,十五億人 甲兵十萬羅心胸,手

野菊 社集題 一九四一年十一月二十二日

路秋蟲得汝親。 羞從 庭院供歡笑, 九日名花家釀好,僻居差喜不關身。 偶發幽香到澗濱。 竹葉平生本無 分, 巖泉相望自爲春。 黃冠野服看人慣,白

初寒 祉集題 一九四一年十一月二十八日

灣,陽和猶憶日遲遲。 冷暖寧容不自知,陽消陰長此當時。 號寒嗁餓今眞見,愧我難爲俯畜資。 **衾單叵耐閨中婦,甲一** 作「玄」敵初驚塞上見。 木葉已殘 山雅

短景陰陽漸欲催,悲風瑟瑟動高臺。大庾嶺上梅初綻,黃鶴樓頭句費裁。 微 居 詩 絕塞已看飛雪早,

图

冰當念履霜纔。從今檢點嚴冬具,淑氣迎人待歲開。

和星笠同貨聃威謀有吾步月 一九四一年十二月三日

應微度急流聲。 肝膽交親照眼明,好懷聯袂下山行。 小遊坐失迎嘉客,未貢新橙佐薄酲。 侵風面似春冰薄, 步月心隨夜氣淸。 黯淡難回斜日影,喧

謝疏庵饋生魚 一九四一年十二月十二日

熊掌吾無嗜,天寒廢釣絲。 深情憐子產,一作「到馮煜」峻節愧公儀。 有菽堪營祭,無瑤且賦詩。 餘

芬猶在口,莫訝校人欺。

霰和星笠 一九四一年十二月十三日

練穿將似貫珠。 忽看六出遣先驅,玉屑紛紛散九衢。人世避丸成苦惱,天公作戲只須臾。 卻喜平生清冷慣,不從熱處著微軀。 **瑶**階偶隨如投果,金

落葉 一九四一年十二月二十日

荒林無徑少人經,片片辭條寂可聽。 運去難回春影綠,身枯猶戀故山靑。

未妨贴地行雙展,猶

憶因風送遠馨。 三載有人成一葉,只驚玄昊太通靈。

送陳穗庭入蜀 一九四二年一月十七日

鳥逢人別有情。 兩 年 詩境馳千里,萬種牢愁勝此行。 分手去來休作惡,吟人長愛蜀江青。 好為後生作元氣,

憑君吾道有干城。

文章寫我他

無事,

花

有觸 一九四二年二月八日

已死終當懸佩劍,此生何意伍屠刀。

張弓手欲彈烏鵲,愛惜金丸未忍拋。

諸生約壬午元旦會合各具禮品一 事探籌互贈余備一筆媵之

以詩 一九四二年二月十二日

遨遊二十載,憑此作三軍。 未是生花種、探懷付與君。

偉矣達人齊物論,鴻毛未比泰山輕。 和熊雨生感事韻 一九四二年三月十一日 好從丘壑娛眞我,

莫向文章乞久生。

月有盈

虧天好事,

世

皆飢渴帝忘情。 何須 便問停驗處,暫駐溪頭聽水聲。

穳

居

詩

2

五七

贈宗子威 一九四二年三月

是翁眞矍鑠,應叩大鐘鳴。 詩與人同健,心偕水共清。 廿年曾幾日,四海盡哀聲。 安得中原復,

相隨詣舊京。

相士言余五十八九有大厄近又多病效袁子才預作自輓詩二首 如獲倖存當仍效作告存詩也 一九四二年三月二十八日

扁鵲嗟何益,誠知命在天。但傷狂寇熾,不見中興年。

陳君寅恪胡君適之郭君州堂於余所著書,皆有過獎之詞。雖泰西治漢學者,如瑞典之高本漢君、蘇俄之阿利克君亦然。至好如余季錄 生平耽述作,幸不謬通人。今日蠶絲盡,悠然返我真。先輩如潔在公、章太炎二先生,並世間人如張君孟動,

曾星笠二君,又阿好不待論矣。

崔明奇家小園牡丹花開賞者雲集明奇輒餉以餅索詩爲酬余以 病未及往觀而花遽謝戲賦詩投明奇索餅以補未及賞花之

恨云爾一九四二年五月三日

春明三四月,奇葩吐稷園,傾城士與女,遊賞盛衣冠。 高畦百十區,佳麗不可殫,素蕊似粉數,丹

盤。 疇昔,威慨徒辛酸。 花似火然。 嗟余累病臥,欲往終盤桓。 自從避亂來,枯坐對清远,香芷在何許?語欺疑屈原。 忽聞好花開,頓令愁懷寬。 無端風雨來,好花 兩日護花人, 謝奇觀, 咫尺失良賞, 門前 車馬喧, 奇花與異卉,難遇如祥鸞,勝遊憶 負負無可言。 何以餉嘉賓?手製併盆 名花不可追,

和顧一樵次長耒陽拜杜工部衣冠墓

美餅猶

可甘,赋詩投主人,倘許我加餐?

衡雲企望頻。 千秋遺恨在,耒水失詩人。 猶有衣冠塚,長焓過客 神。 故人觀政至,佳什吐辭新。 讀罷怦怦動,

贈別陳生有覲 一九四二年七月一日

恨望三冬一瞬過,臨歧此日意如何? 青燈黃卷多餘味,好向人間自琢磨。

贈別郭生晉稀 一九四二年七月十三日

我愧 一作「未」識奇勞載酒,喜君妙解獨 通 神。 殷勤記取荒山 夜, 風 雨挑燈坐 到晨

椎

徼

報載教育部聘教授名錄余與其列感賦 一九四二年九月六日

兄弟六人,僅餘二女兄弟。放眼河山有淚傾。 平生百事不關情,身似蟬魚老伴經。 喜道孫通逃虎口,亂來玄鬢幾星星? 只有青山來好夢,可憐白髮換浮名。 畏友陳寅恪, 名亦在部聘錄 驚心骨肉無多在,男女

重九步熊兩生見投韻 一九四二年十月十七日

中,近始聞其從香港脫險

雨菊,佳篇吟罷響風松。不須坐歎蠻荒老,便住家園等寄蹤。 藥裹餘生今幸在,五過一作「四年」重九隴頭峯。 山於人面渾相狎,酒入愁腸不易濃。 倦眼醒來尋

偶成 一九四二年十一月二十三日

揭來曾幾日,綠**鬢**忽爲翁。大宙如江水,浮生只斷蓬。紛紜老病死,寥落德言功。 一事猶堪喜,

杯深酒不空。

世丈熊純如監察輓辭 一九四二年十二月二十一日

蓋代師儒開讚學,船山幾道契吾心。 一篇行事佳兒述,留與人間作指鍼。

成己功夫先自食,魯齊遺說萬年新。 布衣粗糲終吾老,愧殺江湖乞食人。

陳寅恪自桂林來書尤爲余序小學金石論叢續稿賦此報謝

九四二年十二月二十二日

堂。 語生,先兄及余皆與其選,而校閱文字者散原公也。 文金 僭欲 追荀美,太炎亡命時,孫仲容貽書,自署商蒙。 聞道蒼梧富山水,未知遊蓋幾回張。 朋交獨畏陳夫子,萬卷羅胸不肯忘。一別五年縈夢寐,辱知三世豈喜常。君先德中丞公甄錄時務學堂 說籍頻思補懋

壽王 嘯蘇六十 一九四二年十二月二十七日

龍標一尉文章伯,出塞行吟動一作「有」壯情。 少年夫婦今偕老,亂世兒孫卻 · 繞前。 福分如公同輩少,登堂我欲舉觴千。 異代詩孫衣缽在,五溪篇什帶笳聲。

疏庵和余詩語及任公師棖觸舊事百感榮懷依韻奉答

一九四三年元月六日

哀音一作「號」賦 干戈遍地此身存,舊事尊前 北門。 梁木泰山同一哭,當年流涕寫招魂。 忍再 論。 病骨未柔人已老, 炊煙欲斷道寧尊。 坐看腥廣汗中土,慣

聽

債

微居

0

六

皆有自嘲之語賦此奉答 一九四三年元月十二日

佳篇先後至, 義重帛書一作「萬緣」輕。

至德寧諧俗、高賢本不名。

飯牛今甯戚,

卻幣古阿衡。

曲

吾何敢,終慚魯兩生。

學

附錄星笠賀詩

雄文驚海內,東帛賣郊園。較伏猶輸老,方韓不逐貧。 名高緣實召,道大豈官尊。朵亦參斯選,廷臣随叔孫。

附錄 雨 生質詩

俗子疑玄白,雲亭獨泊然。帛書來戶外,心事落尊前。 一九四三年三月二十四日 欲卻千金聘,如餘二頃田。我同爭席叟,深愧此公賢。

題鄭遇庵醫士種梅館

生小長干不相識,辰陽同寄五年家。 時危國蹙嗟余病,起死回生喜子能。 時艱休問和羨事,且向人間作扁華。 安得如君千百辈,家家壽城樂同登。

六二

梨花 社集題 一九四三年四月四日

喜花時滿院銀。 無 心著展尋芳訊,陰雨 把酒臨風一長歎,幾人精白得如君。 連朝只閉 門。 半壁未收羈客淚, 株猶見美人魂。 不愁落後盈階雪,

H

1. 2.

和星笠鳳皇閣

一九四三年六月十三日

桐棲竹食生來慣,夢裏曾無燕雀情。 抗衡秦帝爭天下,楚國雄風安在哉? 遙遙華胄五千載,奕葉衣冠直到今。 底事危時尋世繋?由來忠孝一般心。曾氏譜局設在開內 何似靈均千載後,巍然資水一 世上椒蘭隨處有,衆酲寧許一人一作「獨留」醒? 高臺。閣祀屈子。

送陳弼猷逵赴桂林 一九四三年八月六日

送子飄然去,心驚吾道孤。 長征寧不計,近事奈愁余! 安得卿雲爛,終看宿霧除。 湘濱懸楊待,

珍重數胎書。

答天隱見懷 一九四三年九月二十八日

微居

幽人在何許? 嶽麓講堂頭。 小屋依山結, 危樓瞰水流。 襟懷秋後月, 詩境海中鷗。 傍築從來

顧,何年辦一丘?一作「年年只自休」

附錄天隱見懷

思舊眞無籍,頻過嶽麓西。 柳陰交午道,蘭契隔辰谿。 走幣吾嘗卻,歸裝子復稽。林闆秋已近,獨聽晚驚號。

贈覃理鳴 一九四三年九月二十一日

四十年前集錦町,已驚才氣絕縱橫。 天涯 皓首重相見,熟聽金戈鐵馬聲。

與君生世同年歲,髮黑於余齒卻疏。 莫憶前遊問張竦,傷心頭白一封書。外身限先生與君爲老友,近來

ì

書告內兄之喪。

自題春秋大義述 一九四三年九月二十八日

德日挫敗不已。 生兩見倭侵國,頭白傷心寫此書。且一作「命」喜人間公理在,漸看斜日落西隅。 軸心三國意已投降,

題春秋韻語 一九四三年十一月十七日

宣尼筆削具「麟經」,萬代人倫此典型。 誰使詩歌明大義?望雲山下老經一作「書」生

行嚴和特循詩於湖南文獻事有所感喟賦此以答 一九四三年十二月十九日

洞庭一勺障山青,衣錦人偏喜夜行。 但願諸公振風雅,湘流今作大江聲。

贈陳介石專員 一九四三年十二月二十五日

治他年接一作一平生服口召韓。 十年別後今相見,喜子依然舊日顏。篋裹新詩騰寶劍,夢中結念在名山。 粗糲儒餐曾未備,愧勞車馬駐江干。 官書餘暇尋班馬,吏

送黄伯軒歸里 一九四三年

聘凄涼百感入詩腸。 熟知前路郊生馬,難忘高堂髮染霜。 萬里寧親賢者事,豈宜懷寶計深藏。 牢落十年餘士節,君費拒偽校之

送星笠歸里用雨生韻 一九四四年一月十二日

途多慨若爲情。 歲 晚倚閭慈母意,年年此日送君行。 春來早泛桃花水,莫忘諸生仰教程。 湖天照徹哀鴻影,雪地嘶餘戰馬聲。 輕貨難權今愈急,長

積微居詩動

讀韓信傳 一九四四年一月二十日

鴻門謂羽辭何厲,排闥非君事亦一作足豪。 漢室幾人能有此,淮陰底事恥

同朝?

黄伯軒告余韓樹園師近狀賦寄一首兼追念任公師

一九四四年一月二十三日

門際松坡命世無文到白頭。 故都侍坐幾經年,忽道黃巾拜鄭玄。 凄絕牙琴絃八斷,一篇待就愧空前。在師見介鹽鐵論校注敘例,許為空前之作。 炊甑生塵明德在,賃無作計好歌傳。 少年不賤餘青簡,謂同

答雨生見贈步原韻一九四四年二月一日

堂堂住百年。 閒居至無俚,匝月罷 經筵。 天外來高韻 111 中 喜妙緣。 古文雖篤好,絕學奈無傳。 安得繩牽日,

偶成示伯軒 一九四四年二月三日

滔皆是轉無驚。 已分寒酸了此生, 飢來猶可事躬耕。 蒼茫此意憑誰說?且共佳人子細評。 青燈未減兒時味, 濁酒終賢身後名。 鼎鼎百年寧可再,

夜雪朝霽喜賦 一九四四年二月四日

積雨連旬慘不開,一宵深雪快晴來。 天心昭示人間事,傳語諸君莫浪猜。

寄徐紹周寧遠 一九四四年二月十六日

湘南多美石,羈旅著人豪。 世亂添詩料,一作「思」文成有鬼號。 晴雲閒出岫, 林鳥倦歸巢。嶽色

勞瞻望,何時共夕朝?

壽宗子威七十生日 一九四四年二月二十四日

老婦,四方經國有佳兒。 閱 盡興亡到古稀,好懷未減少年時。 庭前桃李濃陰在,笑口應須爾百卮。 春明文酒十年事,遼海歸來千首詩。君有渡遼岭草 室佐春娛

楊玉佛招飲山居 一九四四年二月二十六日

眼,當門流水任觀魚。 積雨枯藏鬱不舒,乍晴喜得 君恆投轄吾驚坐,賸欲時時走謁車。君字與余字音近 一作「見」簡書呼。 曾無俗客來珠履,卻有 高樓護橘奴。 插架故書供障

積 居 詩 鈔

大人

贈馬公武兼柬田星六 一九四四年二月二十八日

新如錦,對客臨池妙換鵝。聞道春來下陳楊,寄聲詩伯近如何? 將軍好武平生事,解甲歸來樂一窩。 世外儘教烽火急, 門前自覺白雲多。君居號白雲山莊看花得句

贈林秉周司令 一九四四年三月二日

坐,佳篇早自受先疇。君受詩法於石遺老人。 避地西征幾閱秋,荒山坐對不勝愁。 樓船萬里原君事,誓欲相從歷九州。 寧知海嶠來奇士,一作「仙客」忽遣寒生豁病眸。 劇飲每看傾

六十自述 一九四四年三月十七日

寢方知勝啜飴。 浮生六十逮今茲,往日眞如電火馳。 文史三冬初鼓篋,海波萬頃遠居夷。 一事報君差足喜,正逢周甲茁孫枝。 故書 到老還成癖, #

外時過問字朋。 投荒寂處冷如冰,夢裏春明忘未曾。走馬西山雲撲面,泛舟北海月爲燈。 何意國門來越寇,參天兵氣九州 騰。 洒邊慣聽催詩鼓, 戶

封字,晚歲河山淚溼衣。辛苦營巢嗟一炬,欲謀歸去問何歸? 恩勤教誨記庭 一作「重」闡,投老獨傷未報暉。 差幸壯男能自食, 卻愁乳燕不成飛。平生述作專

西 征避地隴頭峯,剝啄聲稀便養慵。 日對山光看飛鳥, 偶隨天籟響秋蟲。 老來骨肉歧生死,

後妻孥視雇傭。攬鏡沈吟還自詫,壯心渾不稱龍鍾。

將衡心策反攻。 平 生貪誦劍南稿,不道衰遲境與同。 身及弧張看日落,未須家祭告阿翁。 卻喜 健兒能 殺賊, 故探聖典記攘戎。 百年積辱隳前約,

Ŀ

亂

壽天隱翁六十生日 一九四四年三月二十日

禮元方與季方。 不逢盛世作侯王,天遣斯人化 便欲躋堂隔煙水,清秋靈麓舉追 鄉。 亂後 詩篇同谷叟, 觴。 Щ 中禪味賴川莊。 到門羊仲偕求仲,

學

近事 一九四四年三月二十四日

有聞人寂孔帷? 縱敎溫故有新知,所患從來好任師。 見說倉皇戎馬日,太倉猶爲泮宮際。 王式 遠心身貼地,孫弘著被絮侵 飢。 是何典記嘲邊腹,

田星六自乾城貽詩奉答 一九四四年四月十四日

山已缺忍登臺。 **外念蒹葭要溯洄,春尊相守笑顏開。壯無暖席憂家國,老賸風詩吐霸才。** 撫溪西望情何極,冠蓋當年一 叟來。先君子曾館乾城令署,故云。 文字有靈偏蘗禍,河

積 微 居 詩 鈔

星笠近感校事有歸隱意詩以廣之

猶自在,桃江一室豈能春。 可無暫輟歸耕意,他日長沮謝 拔職要張三戶楚,君近見投之句。一篇示我墨痕新。孟軻未忍違齊邑,

問津。

廉頗終思用趙人。

息壤廿年

喜星笠返校 一九四四年十月十八日

好無端白自生。海上腥風向天拂,慚予幾欲潰前盟。日前事急,余有入川意 故 人如約翩然至,雨脚烽煙兩足驚。 樹影燈光一宵話, 傷離念亂百憂幷。 更殘欲旦寒逾急,髮

猛庵翁辭聘不至有詩見投次韻奉答 一九四四年十一月十八日

魚幕燕此時心。爲探息耗中宵坐,長歎歸來恨谷音。 七載荒山深復深,離羣獨學陋難任。 切思時雨蘇枯木,不道鸞皇戀舊林。 霸上棘門今日事,釜

送春 一九四五年五月十七日

三春如故人,暫來忽復去。 事人不如,年年色如故。

聞捷

蝦夷扇凶燄,禹域彌羶腥。 **沅資縱天討,狂寇死縱橫。** 願言理歸裝,九垓從此清。

贈壽人 一九四五年五月二十三日

藍。 雲蓋故交泥不滓,天隱陷賊中田灣上將戰能酣。君近作客於王佐民總戎幕中海阴喜見飛廉戮, 楊柳烏衣念宿談,多君一日歷家三。君宿於柳宅,食於王家,常就余談。 向人盼睞猶餘白, 脱手文章早勝 只廣蝦夷

首待函。

偶成 一九四五年十月十二日

重危嶺碧雲穿。 閱此人間六十年, 且思抱膝終吾老,不效秦皇苦覓仙 晚來胸次轉陶然。 乾坤浩蕩能容我, 庭宇淒清自有天。 千頃澄潭明月上,萬

歸來 一九四五年十一月十六日

聞戰鼓動西秦。 華表歸來事事新,人民城郭兩馆神。 此身已是焦頭額,直突寧容更積薪。 嚴牆處處難知命, 蔓草家家欲隱人。 乍見降旛出東海,

微居詩鈔

積

叉

呈萸溪老人 一九四五年十一月二十三日

凌霜有勁枝。 卅年成闊別,未改鶴風姿。 萬里逃生日,千篇憫亂詩。 殷憂殊未已,吾道欲何之?卻喜秋來早,

愛差一夢,回首

歸然劫後堂。 向陵嗟一夢,回首幾滄桑。 輕敵原胎禍,窮兵定召亡。 眼中頭尙黑,庭下樹成行。 好事教人妒,

和曹猛庵返嶽麓教讀感賦韻 一九四五年十二月十二日

然灰。嶽麓爲朱子講學之地,朱子則龜山之傳也 山無慈待春回」之句,情韻之美,不減少年。衛公好學吾親見,伏勝傳替火豈摧。 最難風雨故人來, 況是番番一老哉! 楓葉照顏紅似錦,詩篇脫 口美於回。原唱有「紅葉有情憐我老,青 今日武城曾子返, 道南薪火待

再呈一首

英雄天下只曹劉,喜見名山一網收。聞天體已應聘壯志當思風破浪,好懷渾忘雪蒙頭。 **塗**詩點字吾

何幸,近為余詩易二字。煮豆然萁各有憂。覆瓿一編供菲朵,此心如共齊膺舟。公教論器,采擇余疏避為說

哭周蔭棠教授 一九四六年三月七日

老淚奪眶傾。 Щ 鬼攫君去,尼行終不聽。 高堂老母在,一室餒兒鳴。 泉路終須到,羣書幸已成。 難堪先瞑苦,

和答席魯思見懷 一九四六年七月九日

公羊」語,故以向敞父子相擬。 兵烽一別八更年,聖筆銅鈴蟻磨旋。 絕愛南天歐與向, 晚來各抱一經傳。尊公達而好學,來詩有「賣餅

廣文不足從來事,懶向人間計有無。 差喜饋貧糧好在,楹間留得五車書。

冰霜肅殺無春意,人竟違天可奈何! 肉食諸公成算在,不妨老子自婆娑。近日學校有罰無賞。

曹猛翁七十有詩謝客和祝

一九四六年八月二十三日

壽星自古耀長沙,便到期頤未算奢。 老去文章誰抗手, 熟精選理早名家。翁以文選學賦受知於元和江

先生。

芝蘭無數庭生樹,鏈錫今看女采茶。翁壯年督辦實業學堂,莫湘中錄業之基。斯世正須垂釣叓,待公撥亂 微 居 詩 0

見元嘉。

唁陳寅恪失明 一九四七年一月二十四日

天欲減君悲憫意,暫教眸子暗西莊。

懸知海宇清塵日,不刮金雖已有光。涅槃經云:「有盲人詣良醫,即

以金蟾刮其眼膜。」

潘硌基招飲山齋劉實君阻風不至有詩見示賦和 一九四七年二月六日

山中風雪急,進酒客身溫。 卻恨江頭浪,袁安只閉門。

贈蕭禮衡老人 一九四七年二月十五日

扶桑島上三年住,二月櫻花照酒尊。

字高歌遏彩雲。 觀弈爛柯緣底事?鹽梅業早付諸孫。翁孫男女皆習化學製醬油

信手文章忘老至,驚人烽火喜身存。

官遺愛留嘉樹,

七

答吳辛旨 一九四八年六月十二日

年一別今重面,鬢髮如霜日欲曛。 錦篋有詩堪逮古, 吾門得汝足張軍。 傷心舊地驚多壘,幾

輩交親臥白雲。 劫後尚餘吾輩在,可無努力大斯文?

李滄萍招飲嶺南大學是日適余六十進四初度賦謝 一九四八年六月

開翁神交喜得庾元規。 十載聞聲一見遲,勞君置酒慰相思。不期初度逢今日,太息多難尚此時。 茲遊奇絕平生最,卻恨忽忽賦別離。 大雅難尋黃叔度,謂晦

方叔章歸自京師余與熊王李三君爲其洗塵叔章有詩依韻

和之一九四八年十月三十一日

人生信何有?墮地哭聲哀。 老戒損之損,周居才不才。 莫嫌頭上髮,且盡一作「進」掌中杯。 行樂

吾曹事,鵷雛任浪猜。

答黄黼馨兄見贈 一九四九年七月九日

五十年前各少年,君今鬚白我華顚。 頗聞先德雄文藻,繩武如今有肖孫。 愧殺江郎才早盡,但抛瓦礫報瑤琨。 相看合作長沙哭,鐵馬金戈又滿前。

橨

丁亥秋日偕同人訪西堂翁於李園,宴談竟日主人索詩諾之

人未應也頃翁索逋賦此 一九五〇年一月十八日

門外青山好,廚中手饌精。

三年逋宿諾,大地慶新生。

忽有哦詩興,

晨雞偶一鳴。

清

秋有佳日,伴作李園行。

十月一日長沙市觀國慶遊行行列喜賦 一九五一年十月二日

人授首洗前羞。平生夢想今都現,笑口頻開待首丘。 熱淚縱橫不自休,暮年喜見此年頭。 夜門兀自無人閉,穀粒都歸種者收。 淮水安瀾歌馬德,夷

壽王原一六十 一九五五年四月二十日

無端塵務積如山,垂老方知去累難。 諸公椽筆儘淋漓,我愧枯腸敢獻詩。 上壽百年自君分,一門歡樂夜眠安。 一卷蒙莊好延壽,況君妙趣契天倪。

積微居聯鈔

代內子毅君輓張嫂 一九二五年七月十日

八九旬膏肓未起,怕此後月明人靜,因琴悽絕不成聲。十餘載手足相親,隱當年雨晦雞鳴,蛻園情好猶如昨。

輓范士榮 一九二六年三月二十日

楊君死於醫,今君死於盜,吾黨縱多才,何以堪此?楊鄂生去歲死。二君曾國文系生。 異類旣殺之,同氣復殺之,容身無片土,天乎痛哉!

輓王祖繩 字直哉 一九二七年三月十一日

神臻聖通境,威亡今見鄭康成。居近太平橋,載筆恰同胡玉縉。

王有糾正四庫提要箸作,又夢知當死

積微居聯動

賀朱劍農之妹與川人董君新婚 一九二七年十一月二十三日

良農播子,苗茁新田。釐君智農業霜降歸妻,禮符舊典。明日霜降節

輓范君靜生 一九二八年二月十二日

不令子爲漢之孟博,而令子爲宋之希文,造物豈無意,胡爲天不假年? 敗而死有李君撫生,成而死有葵君松坡;吾黨縱多才,非公誰與抗手?

大盜壽終,伯夷餓死。

輓單不庵 一九三〇年三月三十日

舉世皆醉,靈均獨醒。

輓劉半農 一九三四年七月二十一日

論文曾異趣,無心重答秣陵書。 噩耗忽驚傳,何處更尋湖海士?

輓周印髯 一九三四年八月十三日

清節在當年,喜爲兩間留正氣。

垂青承少日,悔遲一謁負深知。

輓顧頡剛之母 一九三四年九月二日

子舍名成景范才。頡剛近治地理 仙蹤歸趁星河會。卒於七夕日。

豭釁未終鴻雁杳。 輓黄季剛 一九三五年十月二十二日

虎鬚可持後犯雄。余近寄文字與季剛,季剛復書云"因病未及讀;俟病愈後,「當三熏三沐,拜復來書」。 一九三五年十一月三日

再輓黄季剛

平上義相違,朝聞夕死君何恨。 艱辛期自得,人亡饗寂世同悲。

微 居 椰 ø

輓姜泳洪 一九三五年十一月十三日

芹采記同舟,晚留佳句盈江國。

哀詞驚隔世,又來奇劫到賓朋。

接輓余伯兄詞有「當時賓簋朋尊都成隔世」之語。

輓章太炎先生 一九三六年六月十四日

精專承認贊,惟餘黽勉答真知。許鄭是經師,恨我因循遲奉手。

二十二年先生答余書,有「於治學可謂精專」語。

輓朱師晦翁 一九三六年七月二十六日

山水眞知哭子期。書詩雙絕追魯直。

輓錢玄同 一九三九年十月十一日

爲人友善柔以招損。

治許舍義訓以逃難。

輓王季果 一九四〇年九月七日

梁園成永訣,賸思風采對賢郎。明德有達人,妙以玄修繼名父。

代內子毅君輓沈象初 一九四三年十二月二十五日

夏哭母兄,冬傷舅氏,衰遲更死別,萬方多難客天涯。上承名父,下有佳兒,解脫定無憂,九州未一餘忠憤。

輓曾星笠 一九四五年一月二十日

惠子云徂斟質亡。鍾期一去牙紋絕。

微居

輓沈兼士 一九四七年八月四日

寄書方在道,遂哭斯人。事學恥逃難,獨精義詁。

兼士爲余索得廣韻聲系,已寄未至。

定慧早雙修,千里驚傷摩詰逝。 輓劉腴深 一九四九年二月八日

別離曾幾日?一書悔答秣陵遙。

湖外幾詩人,天隱云亡公又逝。

輓徐紹周 一九五二年十二月二十日

定慧早雙修,晚來詩境增深穩; - 輓方、叔章 一九五三年二月十四日新邦珍古物,子高一貫目無靈。

晤言才七日,方期臂助痛分歧。

積微居文鈔

邮園全書序

祭酒刊譔世說,緣先生一言指認,索還贈本,隳板重鐫。 江南,續儀徵阮 加,宗風各 玉池先生、湘潭王孝廉湘綺先生、長沙王祭酒葵園先生,皆東南物望,壇站主盟。 吾師 湘潭葉館園先生,早歲登朝,謝榮歸里,數門卻掃,述作自怡。 異。 氏經 就中祭酒谷虛成德,見先生會試闡作,擊節歎賞,忘其年輩, 編。 江院者彦,經術紛綸,湘士卑卑,懷慙抗手,今得吾子,湘學其有 他如理董班史,甄錄精言,舊輯駢詞,多資攻 於時長沙耆宿有湘陰郭侍郎 投謁 先生於諸老傾 先 施。 幸乎 謂 往 者 挹有 頗 視 閉 學

。盡言虛受,學林魚水,識者兩歸美焉。

仰 縷 有 遺文,屬題首簡。 年, 樹達 彌嗟卓爾。 年幾志學,獲侍坐隅,飫習 聊因蠡測,略寫葵傾 **曩**者先生六十攬揆之歲,曾貢蕪詞。 緒論,殆逾 一卅載。 綜覽吾師之盛業,殆於網羅 粗引耑末, 未煩覼縷。 今哲嗣 四部,囊括 尚農世兄都 九流,鑽

考。 列 遠人 在 蓋先生之於經也,推本雅故,馳貫衆家,追跡 問字,稽譔六書,亦其選 指數 如畫。 即今讀書 也。 志,聲重寰中,書林二話,遍流海外,其明徵也。 其於史也,淹通 段王, 目錄,識別 自標獨得。 版 藏。 晚歲篤精小學,史籀 凡雕 刻源 流,傳本眞贋,莫不 其於子也,述作餘 有 疏,讀若有

居

文

0

積

其博洽,淵如西莊,遜其專詣。 體 而不 游心藝術,跋書畫則上揜翁王,詠古幣則俯視劉鮑。 ,術家所不喻也。 新,有睡皆珠, 靡篇非玉。 其於文也,則早攻儷體,壯業古文,餘事爲詩,亦臻絕響。意罔幽而 信學林之偉業,曠代之鴻儒矣。 嘗謂自來經術, 莫盛有清,先生生丁末季, 殿彼一朝, 至於研深星命,推本漢師,則又自來儒者所 大可 不顯,章無 理初,愧

光,寧止寢門之痛。 軱 思壤益。 樹達忝廁門牆,未窮涯涘,望若止於興歎,傳業邈其難期。近者因緣緒論,研討許書,時有隙窺, 而玄亭人渺,請益末由,循覽遺編,祇增忉怛。 萃茲叢刻,用待方來。 民國二十四年四月二十二日,長沙受業弟子楊樹達敬課。 嗚乎! 梁木云壞,空懸後堂之音,楚寶無

原載《郋園全書》

葵園先生著作述所聞

後漢書者,既未成,又爲集解云。黃先生之言如此,今記之,亦書林之掌故也。 稿 安先生啓原任三國志,尚有分任史記後漢書二人,其人為誰,今忘之矣。後來理安先生三國志,草就 師之著漢書,亦如劉寶楠諸君撰新經疏故事,本與友數人,約定分撰四史補注,師任漢書,湘潭王 見先生時時取所撰各傳補注爲之商權。先輩用功之勤,眞是爲今日後生之模楷也。 本甚多, 十餘年前,余由北平暑期歸省,晤見黃麓森先生山,因叩葵園先生著述事。 未能付刻。 而任史記及後漢書者, 乃未能成書。 獨師任漢書成後付刊。 往年余讀李越縵日記 黄先生見告云:葵園 石菴兄頃囑余 師晚年因任撰 理

原載《湖南文獻匯編》

平江蘇厚菴先生墓誌銘

途年,食稟餼,補湘水校經堂肄業生,巴陵宿儒杜孝廉仲丹時爲主講,以先生高才,介之謁長沙王益 **唐祭酒,祭酒一見,則曰:「此偉器也,吾學有傳人矣。** 試,太守文公矞生拔冠其曹,遂補縣學生。 名一邑。 深且大,祭酒傾服甚至,賜詩有「溫故知新是我師」之贊云。 先生幼穎悟,從封翁受讀,年才十二, 先生諱輿,字嘉瑞,號厚菴,晚號閑齋,湖南平江人,係出眉山蘇氏。先世饒於財,清道咸間以富 封翁淵泉公,性喜布施,斥錢建蘇氏義 畢十三 湖南學使者爲候補官張公亨嘉, 山,助育嬰,修古墓之崩陊者逾千所,於是資產略盡 一經句讀, 。」由是從祭酒受學,學日益進。 大義初舉,一時號爲聖童。 雅負知人鑒,尤重先生。 逮乎晚歲, 所造 年十三,應郡

尚書陳壁開先生之賢於張侍郎亨嘉,奏請內用,遂補郵傳部郎中。 至日本東京,周歷大小學校,諮訪教育行政,留數月而歸。 府廷遣重臣出遊日本歐美,諮考憲法政治,先生志存救世,思欲有所借鏡,以私費請與諸重臣偕。 **自**於余,屬余諮 **歲丁酉,**學使元和江公標選充貢生,旋舉於鄉,甲辰成進士,入翰林。 訪日本郵政電信行政實況,廣購法規,欲有所建白。又嘗奉令考察粤漢鐵路行政利 丙午,入貲爲分省補用道。 初先生遊東京,下楊余齋,至是寓 時值日俄戰後,國事危急, 將出都,郵傳部

益

稽

居

弊,頗

有

也。 娶貴樂黃智舟,故 劇,遂以民國 不顧,竟去。 生子先培, 先是 三年 上海某大學畢業;女蹟文,適徐師舟。 翰 申 先 生病 林編修國瑾女,工書畫,歲乙巳淵泉公壽六十,嘗繪鯉庭獻壽 寅 四 月 肺久,及市朝變易,黨人披猖, 十四 日卒於煙舟故 里,春秋 四十有一。 國政敗 孫幾人。以某年某月某日祔葬於煙九香爐 壞,不可收拾, 初娶同 縣 先生 周氏, 圖 鬱鬱不自得, 生一 題詠 子 先 遍 海内 毅 病 111 者 繼

祖塋之右

取漢儒之說義理者以傅合於宋儒,思以解兩曹之紛,承學者雖許其用心,意不謂是也。 **分張**,互相 是董生說春秋之旨,豁然如在人耳目。 偽,訂其僞說,盡取漢唐宋清諸家之言以及歷朝國 如 途 下,使國人習之。清吏關宂,莫之省也。 政 是也,益 治制度利弊興革大要,羅列於胸,而歸 漢 附政治,為春秋董氏學、孔子改制考諸 學師 先生 承記,益張 孝 抵詰 取 友敦篤,持躬 春秋及董生書潛心玩索,參伍 ,幾若二家之學各爲壁壘,終古不可溝合者。有識者旣 漢學之幟,桐城 廉介,接 人以和,遇有不 方 東 白清 樹 書,横決 極 通羣經, 比類, 於禮。 起 乾隆 而駁難, 武 可, 時 [典刑章,爲之疏通證明,以究其蘊奧,別 以求其實, 官京師 尤精於春秋。 紀昀 斷, 則不 略 iffi 修四 吾鄉孫 時,嘗請立 無友紀,先生見之而大非之, 少 寬假。 庫書目排抵宋儒義理之學, 成春秋繁露義證十七卷。 鼎臣 光緒甲午、 博 禮學館,編 至 病之,番禺陳澧乃著漢儒 聞 謂 強記, 成同 乙未間 於書無 兵事起於 制 禮 南海 義 澗 所不 数 先生之書, 八漢學。 嘉道 旣 春 康 木, 其同異,於 讀。 頗 秋之學不 氏 間 辨其 以經 頒行 迪義 門戶 江 占 瀋 眞. 術 天 4

卷,皆行於世。自怡室文存四卷,稿藏於家。少時嘗爲史記校注。民國後,注顧亭林詩,皆未成云。 以病劇未就,故學者尤痛惜之。 數 漢多用董生學,魏、晉、南北朝多用鄭君學,宋以後多用朱子學。 理、訓詁二宗,則無漢宋門戶可分矣。又嘗言,董生之學在春秋,鄭君之學在禮,朱子之學在四書, 訓詁、義理分漢宋,以訓詁名物盡漢學者,皆非也。漢儒經學,當首舉董生,次及鄭君,知漢儒兼有義 於詩,鄭君之於羣經是也;說經者重大義,董生之於春秋是也, 百年來紛爭之局,自是遂定云。蓋先生平生持論,以謂漢儒治經有二體"注經者重訓詁名物,毛公之 **讃篤實,不作一浮詞之語,令學者知義之所在,漢宋同歸。 其體雖因而義實創,蓋眞能通漢宋之郵,** 語盡之,其深識眇慮,皆此類也。 他所著書,有校定晏子春秋七卷, 初,先生旣精治董生書,深窺其說春秋之旨,欲更爲公羊董義述 二千年來學術政治之流變,先生以 董生之書實爲言義理之宗。 自怡室詩存四卷, 辛亥濺淚集四 世儒

志在春秋,春秋固所以經世也。 了, 豈先生一人之窮, 傷大道之終歲也。 嗚呼!神龍露一鱗於雲端, 人固將測其大也 先生既沒之三十二年,其弟德鄰命余追念先生之墓,因舉先生學行之大者,而系以銘曰:孔子之 親絕學於二千年之後,進欲經世而不得,退欲更著書而天不與以歲

原載《湖南文獻彙編》

周 邦式澶洄集序

余始識邦式於北平。一二面後,君去北而南,遂闊絕十餘年,不相聞知。 倭寇難作,余避地辰縣, 居 文

互道契闊。 君亦寓居沅陵,時 君告余:南行後,授書上库, 時從新聞紙上讀君所爲詩篇,乃知其工詩,寄聲贊之。二十九年夏,君 主文報社。治事之暇、未嘗一日不諷少陵詩。 故其所爲詩, 訪 余於辰谿,

清新婉約,言近而指遠,卓有風人之遺。 倭寇旣敗,重與君覿面於長沙,余固鬚髮皤然,而君 亦首戴二毛,非復當時慘綠少年容態矣。

劫之餘,重覩顏面,且喜且悲。 回憶初見時, 至此忽忽二十六七年,其閒人事遷變之繁之劇,不啻如 浩

隔世。 安化 山中避寇漵浦後所為詩也。 然君雖漸老,而志愈壯,詩亦益工。 傷國家之板蕩,哀民生之多艱,詩以窮愁 一日,訪余嶽麓山居,出其近著澶洄集者示余, 而益工,又於君 一驗之。 則君 由

生於屈子遊居畢命之鄉,生後數十年,國家搶攘,外侮紛至迭乘,無異於屈子時。

比復以外

蓋君

寇遊 雖多抱屈子之性情,近數十年來,殆人人處屈子之境地,而不能盡人爲屈子芬芳繾綣之文章。而邦式 謂 大 湖以南之民忠愛懇摯,得於屈子精神者爲多。是說也,人或不欲置信,而余獨常私念之。顧湘民 屈子昔所澶洄之地, 心境殆不能不與屈子同。宜其文章之愁苦往復亦無由與屈子異也。余居嘗

時時有之,然則雖欲不謂邦武爲豪傑之士,豈可得也!民國三十六年三月二十日長沙樹達書。

錄自《積微居日記》

積微居金文說弁言

乃獨

鐘鼎款識之學,萌芽於趙宋,中與於勝清。 席慶間,錢獻之、阮雲臺以通學先後成書,一略一詳,

後來居上。 破天驚,獨多眇論,以視餘人,夐乎卓矣。 劉心源能辨形體,不瞭聲音。 荷屋繼起,認論特多。 同時與吳劉方駕者,定遠方濬益也。 同光之際,潘(祖蔭)吳(式芬)代興,總合羣言,時窺眞義。吳大澂、 故僚友王君靜安,最精說史,別樹門庭, 孫仲容以治經之暇,理董古文,石 持論謹嚴,一言不

苟,針砭前人,不肯闕疑,尤爲至論。 金文之學,至此如日中天矣。

齊子仲姜鎛,妄謂望叔即鮑叔牙,載北平輔仁大學輔仁雜誌十四卷一二合期,時賢謬贊,許爲定論 余返駕長沙,頗購羣書,恣爲搜討,篤嗜不倦,人事都捐, 避地辰谿,庚辰冬日,端居多暇,始治銘刻,地僻無書,雖時有私說,未欲示人也。乙酉秋,倭夷效順 十六年四月二十六日記於嶽麓山齋 時有獻疑,未甘阿比。 性樂求是,不肯苟從。 銳,創見獨多,顧其善者高出青雲,次者或下淪九地。 極知阿好,豈敢自承?同時碩彥著述夥頤,所居僻遠,未能徧讀。 王氏,頗欲用聲音訓詁之術研討吉金,冀於文字古史之學有所裨補,奇文奧博,萬一未窺。 **余治文字訓詁之學越四十年,二十年前,偶讀孫氏書,驚其奇關,於古文未遑通習也。倭寇難作,** 覆車潰衆,時時不免。 昔校漢書、淮南、於高郵之說、多所糾擿、故於斯學雖私心敬服如孫王二君者、 但切求真之念,略無競美之心,此則區區本懷,宜與當世君子共明之者也。三 蓋建立統系,爲業至艱,而語語求通,不爲丘蓋,瑕瑜雜見,固其所也。余 此如慓悍之將,性喜陷陳,搴旗斬將, 偶窺一隙之明, 姑以得見者而論,郭君鼎堂神識敏 便得終日之樂。 平生私淑 去年秋跋 毎建

奇

原載《學原雜誌》一卷三期

人九

積

居 文

鈔

日本史正名篇序

非一 尤至可喜之事也。 濫及之而已。 頃者以其所著日本史正名篇示余,考證詳密,論斷謹嚴,信傑作也。 **憾事也。** 張 君 秀勤,余少時時務學堂同學友張君葆元之嗣君也。 今得君此編爲之先導, 無所得也。抑國人學於倭者, 君請以一言書其首,於是乎書。 吾知此後必有聞風興起者。 前後無慮數十萬人;而專治日本史者無聞焉。不可謂 爲人敦篤而好學。學於日本,攻日本史。 而君黽勉不懈, 余昔學於倭京,嘗讀日本史,泛 方將繼此而有作,

民國三十七年八月三十日,長沙楊樹達。

原載《日本正史名篇》

頌齋文稿序

文藝。 既已承命, 髮皤然, 佘與東莞容君希白,以文字論交二十餘年矣。 始余與君同族食北平, 數數相見, 時時相與商榷 蓋君少問學於舅氏,繼而北遊。 抗戰八年,在寇敗卿,君返鄉里任教。 而君亦年踰五十矣。 抒其一得,獻疑於君以求教矣。 君以余十年來頗留意彝器款識之學,命余校正君往者所爲金文編。余 北都爲人文淵藪,君因得奉手於通人王靜安、羅叔言、沈兼士諸 頃者君復取其平生所爲文字示余,囑爲之序。 而余亦以知好之請,暫遊廣州, 因得復與君聚首。 余須

君。 其文,攷釋其義,而參證於經史,乃爲盡之。」其持論之正,見道之篤如此,宜君之成就卓卓,非等輩所 之談,怪奇之說,於君所著書中窮搜力索,決無由得其蹤影。 一一百萬言,流傳遍海內外,海內外學者莫不重之。立言矜愼不苟,於其所未達,丘蓋不言。 由是聞見日擴,學亦益進,博涉書史,於甲骨彝器書畫摹印之業,無所不通。 其示從學者之言曰:「古文字之學,纂錄 著書若干編,累 凡悠

敢望也。

逃空虛聞足音,涉大漠觀綠樹,歡喜蹈躍,不能已已。 輕文學,視吾輩日孳孳於學問者,莫不掩口而笑,訶爲大愚。 余於此避逅昔年講習之友如君者,有如 者聚合之盛,講論之樂,蓋少衰矣。 析疑義以 退讓默不一言也!民國三十八年二月十二日長沙楊樹達書。 民國十餘年後,故都學者雲集,其人大都以學術爲性命,時時爲文酒之會, 輒相與 爲樂。 更倭寇之難,諸君或以老病,或以憂憤捐館舍,其幸存者,又颇 余與君伏處海濱,其地冠蓋交遣,輪蹏輻輳,而其人大抵重貨財, 君而 有命,余雖無似,言不足以重君,又安忍逡 散之四方, 不復如暈 商討文藝, 辨

錄自《積微居日記》

劉天隱先生傳

巡

品 勵學,著有南村素心野人集。 念 先生善澤, 字 腴深, 晚號 天隱。 父煥瓊公, 嘗從道州何紹基學, 著有四書章句補義十九卷。叔子芳公 先世由江西宜豐遷湖南瀏陽,逮先生十有 九世。 祖臺垣公,植

居

文

早世,以先生爲嗣。

登四十,逼覽內藏,凡九部三乘,龍宮之所韜秘, 之。先生飲然若不足,蓋不欲徒以文采自見也。 運湘綺爲祭酒,一時詩流如曾重伯、袁緒欽、杜本崇、程頌萬、趙啓霖、黎承禮等, 子者,恩施樊增祥、萍鄉文廷式、義寧陳三立、嘉應黃遵憲、桐廬袁昶、閩侯鄭孝胥、通州范當世、武陵 纂道咸同光四朝詩史,貽書先生徵詩,謂先生詩「雄横兀傲,不可一世。」復有同光十子詩選之輯。十 「吾自樂此,不爲 陳銳、封丘 **迄唐宋元明淸人所作,手錄口吟,擷其精要,自爲風體。 淸光宣之際,常熟孫昭文師鄭稱** 生性 何家琪暨先生也,惟先生年最少。 穎慧,十歲 疲也。 能文。 」於書無所不觀,自經傳子史,以及稗官小說,博覽多識。 越四 一載, 畢 誦經史要籍。 辛亥鼎革,先生與方外海印續修碧湖詩社,奉湘潭 此土之所宣譯, 既而漫遊四方,廣交海內方聞之士,學日益進。年 祁寒盛暑,讀書不輟。 諷誦受持, 夜分忘寢。 家人或 尤喜 相與往還, 詩 勘 歌,自 少休,則日: 居恆澄心觀 東 南名宿 皆推 漢魏以 E 盟

想,悟入無生,悲憫之心旣切,渡救之願益弘。

何澤蘭、危克安扶持隱匿,始免於厄。光復前夕,先生第七子思濟年方弱冠,憤志國仇,爲寇所執,威 犯,先生避居長沙西鄉之雲蓋寺僧舍中,寇知之,極欲鈎致。 三十年代,先生曾主編湖南公報,嘗任湖南官書局編纂。 年,吳佩子據五省之地,齎書走幣,再三以秘書長相畀,先生卻之,堅不就,世皆服先生之廉 辛亥以後,先生膺選爲湖南省議會議員,旋聞有以賄賂獲選者,立痛斥之,遂不相聞問。 夙外榮利, 先生聞訊,倉黃變服,改易姓名,由門人 淡泊自守。 抗日 軍 興, 狂寇 九二 內

有 利誘,不爲 所 屈,慘遭凌遲,罵不絕 口。 非幼承父訓,而能於生死之際堅 貞若此者乎! 可謂烈 矣

後任中國文學教授於湖南國學館、湖南大學等校,勤勤迪導,肅而能和。 一既精 通內典,復持葷戒,創立湖南佛教居士林,任林長者二十年, 列其門者,歷久益親焉。 宣導所及,達十 餘縣。 先 叉

夫 人李行芳,爲同邑雨亭公之季女,佐先生有賢聲。 雨亭公宦遊廣東,與番禺陳澧蘭甫稱莫逆,

任

湖南文獻委員會委員,主編文物誌。

蘭甫贈詩有「才華湘上無雙士,慷慨天涯更幾人」之句,斯亦可見其爲 人。

Ъ. 如 日也。 焚,夙患高血壓遂至加劇,神志僨興,張脈迸裂,七日無語,竟以不起,時一九四九年農曆己丑正 逮 國 先生以一八八五年農曆乙酉二月二十一日生,春秋六十有四,葬於長沙河西之蓮花山 是日非,苛政暴行,幾無寧字。 先生蒿目時艱,積憤於心,發爲吟咏。 晚年坐閱 途炭, 月 Di

王啸蘇 講義二卷、佛遺敎經講義二卷。未及刊行,於亂離中散失。現存三禮註漢制疏證十六卷、天隱廬詩集 益 二十卷,先生長女壽彤、五子孝聿、少子字永將董理保存。 陽曾 先生精於經傳註疏之學,力除漢宋門戶之見,藏書萬卷,用志旣專,考訂周密。常與上處羅振玉公 等相 運乾 唱 湘鄉 和,篇什日多。 譚 戒甫及余商量舊學,互爲質證。且肆力於詩,與北京溥儒、長沙徐楨立、李肖聃 所著書有毛詩鄭箋釋例十六卷、穀梁碑鈔四卷、論語鄭注疏十卷、心經 余與先生相交二十餘年,及余歸數長沙

劉天隱先生家屬供稿

往還日密,交亦益親,略次先生行事以傳於世,亦以塞余之悲云。

九四

時務學堂弟子公祭新會梁先生文 一九二九年一月十五日

軀雖暫, 敬澤則長。 能忘,蔡范云殂,薄海所傷。如何不弔,復遘茲殃!士失厥宗,邦喪其良。 起,折彼鯨 李田林蔡,先赴後僵。 託足扶桑。 子詔我,攝汝光芒。 粮。 鳴 設館黃浦,發爲文章。議政匡俗,奮厲慨慷。以我悲憫,覺彼聲盲。大地晦冥,萬類悵悵。如聞天鷄, 建草堂。 百里,危哉四疆。普天同憤,摧肝裂腸。 彼 高崗。 其誦維何?孟軻公羊。 於維夫子,萬民之望。 萬木森森,羣彦觥觥。中有夫子,抗首龍驤。 狼。溫溫范君,邦教是倡。 言從我師,先後來航。 惟我楚士,聞風激揚。 救國在學,乃惟康莊。天禍中原,變起帷牆。 矧有遺書,名山是藏。 匹夫任重,爱有國殤。 海嶠毓靈,積厚流光。 其教維何?革政救亡。 拳亂歘興,舉國徬徨。九天將裂,大難孰當?投袂誓師,實惟瀏陽 乃興黌舍,言儲棟梁。 民智之興,厥績煌煌。 爱有大師,南海之康。 感念平生,敬薦酒漿。 辛亥功成, **清季失政,四維不張。** 士聞大義,心痛國創。 如劍得礪,光斂益鋩。 斯是濫觴。 禮延我師, 凡此諸彦,師敎之倡。 慨彼政陵, 靈而 清廷反汗,億兆駭惶。 白滬 爱暨丙辰, 有 國旣自伐,海 知,來格來嘗。 黃金可成,此恨焉償? 而湘。 圖我國強。 拔劍擊柱,踴躍 既冠學成, **巨憝自王**。 濟濟多士, 事在天壤, **房披**猖。 開門授徒,式 尚饗! 倉黃 違難, 馳驅四方。 如 如飢獲 松坡 日蹙 民其 夫 形 崛

原載《積微居文錄》商務版

自爲像贊 一九四一年九月十二日

身居環堵之室,而心會乎先民制作之精;蔬食布衣,而時爲明日之無有兢兢。智乎愚乎!

將以

竢夫天下後世之公評。

題桐鄉遺愛圖 一九五三年十一月二十六日

接光華。白頭頌德,我詞匪誇。 歸誠,多士咨嗟。惟此賢士,悃愊無華。天不愁遺,甘棠失葩。迎喪負土,人盡侯芭。昔在扶桑,曾 爱有循吏,經生起家。曹部展翼,潁川下車。昔曰富之,民足桑麻。即富而教,庠序無譁。父老

錄自《積微居日記》

穳 微 居 文

整理後記

湖南大學播遷辰谿,先生蒿目時 楊遇夫先生畢生致力樸學,

藝文,則不甚措意。 一九三六年以前詩作寥寥。 一九三八年,

諸先生結五溪詩社,以吟咏宣其**夏** 心天下,恆鬱鬱不自聊。乃與曾星笠、曾威謀、王疏庵、熊雨生 此時詩作始多,散見於積微居日記中。先生日記今缺兩冊

文鈔爲新近所收集,僅十一篇,亦當有所遺佚。深望保存

楊先生詩文之同志,繼續獻出本編未及收錄之作品。

詩鈔係從日記中逐錄,散佚者當不了

詩鈔由孫秉偉同志從積微居日記中迻錄成冊,用力甚勤。楊先生之公子德豫同志對詩鈔之編

輯非常關心,提出不少有益意見。在此我們隨致謝意。

此編之編輯與點校工作,由編委易祖洛、廖海廷、何澤翰三先生擔任。 楊樹達文集編委會

一九八四年十月三日

九七

统一书号: 17186·69 定 价: 3.45 元